

**JACOBI
BORDINGI
ANTUUERPIENSI
S. PRIMUM
INCLYT...**

Jacob Bording





11

JACOBI BORDINGI
ANTUVERPIENSIS.

Primum inclyt. Reipubl. pa-
triæ & Hamburgensium Medici, po-
stea Illustrissimorum Ducum Megapoli-
tanorum HENRICI pacifici, IOANNIS
ALBERTI & VDALRICI; tandem
quoq; serenissimorum Daniæ Regum
CHRISTIANI III. ac FRIDE-
RICI II. Archiatri, Acade-
miarumq; Rostochiensis &
Hafniensis professoris
clarissimi.

PHYSIOLOGIA.

*Denuò recognita & in communem
Studioforum utilitatem nunc
seorsim edita.*



ROSTOCHII
Excudebat Stephanus Myliander.

Anno M. DC. XV.

Prodiit antè annos quatuordecim vel
 circiter Lector humanissime, liber cla-
 rissimi quondam ac doctissimi Medici &
 Philosophi Iacobi Bordingi p. m. aui mei
 materni, eleganti ac dilucida methodo tres
 Medicina partes Φυσιολογίαν, ὑγιαίνων καὶ
 παθολογίαν continens, prout eas olim in Ro-
 stochiensis & Hafniensis Academijs publicè
 explicauit; quem Magnificus ac celeberrimus vir,
 authoris filius, patri ὠμόνυμος
 I. V. Doctor, quondam Cancellarius Mega-
 politanus, nunc verò Inclyta Reipub. Lube-
 census Consul, auunculus meus, æternum
 mihi colendus, opera & studio Excellentissi-
 mi viri Leulxi Batti Medicina Doctoris &
 in hac Academia antecessoris mei honoran-
 di edi curavit ut ita parentis sui scripta u-
 tilissima, ab aliorum injurijs ac interitu
 vindicaret, & studiosæ iuventuti quam
 maximè cuperet consultum. Cum autem
 exemplaria tum impressa maxima ex par-
 te jam sint distracta, fuerunt non pauci, qui
 impendiò à me, tanquam authoris nepote,
 flagitarunt, ut novam dicti libri editionem
 adornarem, & si fieri posset Φυσιολογίαν
 seorsim imprimi curarem. Hoc enim exi-


stimularunt omnibus in uniuersum hominibus litteratis semetipsos & corporis sui mirandam conformationem cognoscere cupientibus, futurum esse & gratius & acceptius: Siquidem reliquarum duarum partium cognitio, propriè ad medicina pertineat studiosos. Hac cum perpenderem accuratius, non inficior, quin facillè illorum sim sententiam amplexus, præsertim cum a vunculo meo honorando, id quoque non displicere intelligerem. Quoniam verò hac doctrina Φυσιολογία nihil est pulcrius, nihil iucundius, nihilque utilius, cum præter elementorum & Temperamentorum doctrinam, corporis nostri variam structuram, dissimilimas partes, varijs ac multiplicibus motibus actionibus & facultatibus præditas, arcana nostri pectoris, artes, machinas, automata omnisque generis miracula, exiguo corporis nostri spatiolo inclusa ob oculos nobis ponat; non dubito plurimos qui hoc studiorum genere delectantur, non exiguum ex hac iterata editione, fructum esse percepturos. Tu lector, quisquis es, laboribus hisce nostris faue ijsque fruiere & Vale.

Ioannes Bacmeisterus Med. D. & Professor in Academia Rostochiensis.

Ruc.

Reuerendis , Clarissimis &
Doctissimis viris , Domino
ANDRÆ CHRISTIERNI
Medicinæ Doctori & Rectori Magnifico,
cæterisq; Doctoribus & Professoribus
celeberrimæ Academiæ Hafniensis
in inclyto regno Daniæ , Do-
minis & amicis suis reue-
renter colendis.

S. D.

ihil dubito, Magnifice
domine Rector, Reue-
rendi, clarissimi, doctis-
simiq; viri, domini &
amici colendi, quin cum summa be-
neuolentia memoriam adhuc reti-
neatis, Clarissimi viri, eruditione,
pietate, & artis Medicæ scientiâ
præcellentis, D Iacobi Bordingi, col-
legæ quondam vestri, qui cum An-
no 1556. ex Academiâ Rostochien-
si à laudatissimo Rege felicitis memo-

A3

rtæ

ria Christiano III. evocatus esset,
tūm ad professionem artis Medicae
in Academia vestra, tūm etjam ad
valetudinem Regiae Majestatis suae
curandam & conservandam, ali-
quot annis primum eidem serenissi-
mo Regi Christiano, eoq; in caeleste
regnum evocato, filio & successori
illius Friderico II. Regi laudatissi-
mae memoriae, operam fidelem pra-
stitit, & tandem post multos exant-
latos in Academia vestra docendi
labores, anno 1560. die 5. Septem-
bris Magistratum publicum, quem
Reſtoratum vocamus, gerens, spiri-
tum extremum Deo reddidit. Do-
cuerat is ante, septem annis in hac
Academia summa cum laude, ac
inter alios, me quodq; tum auditorem
ac domesticum habuit, cumq; eru-
ditio-

ditionem praeceptoris singularem admirarer & suspicerem, qua potui diligentia, non tantum quæ Rostochij tradidit collegi, sed per amicos describi & transmitti etiam curavi, quæ in Academia Hafniensi publicè in arte Medica proposuit, eaq; Cymelij loco diligenter inter ea, quæ carissima habui, conservavi. Cum autem indignum judicarem, tanti viri scripta utilissima demum à blattis & tincis absumi, pro mea erga familiam Bondingicam observantia, collocutus sum, cum simul clarissimo J. V. Doctore, Jacobo Bordingo filio, Illustriss. principis nostri Ducis Ulrici Cancellario, de vindicandis his scriptis ab interitu. Quod cum intelligerem ei non displicere, & mihi insuper patris sui

autographum in plurimis tradidisset, recognovi quæ habui, & cum autoris manuscripto contuli, & ad editionem præparavi.

Persæpè quidem non sine summa voluptate collega quondam vestri, præceptoris mei, eximiam eruditionem cum singulari humanitate conjunctam in animum revoco. Verùm cum intueor filium iisdem vestigijs ad virtutum & summae laudis studium enitentem, ac jam eo progressum, ut res maximas in Aula nostra administret & gubernet, tùm demum pleno animi gaudio perfundor. Nam quod apud Plutarchum in vita Arati Sicyonij queritur, an major laus accedat patri ex filiòne generoso an degeneri, per versus contradictorios Philoso-
phi

*phi Chrysippi: τὸς πατέρες αἰνέσθαι ἐ μὴ
 εὐδαίμονες υἱοί, Quis patrem laudet
 benè felices nisi nati? Et Dionysio-
 dori Troezenij: τὸς πατέρες αἰνέσθαι ἐ
 κακῶς εὐδαίμονες υἱοί? Quis patrem lau-
 det malè felices nisi nati? licet cen-
 seam veriore Chrysippi sententi-
 am, quod Nicocli Atheniensi ad
 gloriam obscuriori, magnum decus
 per Themistoclem Græciæ protecto-
 rem accesserit, Et patri Ciceronis
 nullis claro natalibus aut rebus
 gestis, ingens accesserit gloria, per
 Romanæ eloquentiæ lumen, Et
 miraculum omnis virtutis Et do-
 ctrinæ Marcum Tullium Cicero-
 nem: multo tamen magis extol-
 lendos arbitror eos, qui cum præ-
 cellentes viri ipsi fuerint, stirpem
 propagarunt præcellentem. Præ-*

erit, visum est conjunctim cum
ὕμνῳ & παθολογίᾳ etiam φυσιολογίᾳ
emittere, ut Bordingi memoriam
à mortalitate vindicarem, tum ut
studiosa juventuti & Reipublicæ lit-
terariæ hac ratione quam plurimum
prodessem, et uno volumine tres præ-
cipuas Medicinæ partes evulgarem.

Vobis autem Magnifice domi-
ne Rector, Reuerendi clarissimi & do-
ctissimi viri, & professores almae u-
niuersitatis Hafniensis, volui hæc in
arte Medica à D. Jacobo Bordingo
inter alia relicta, & à me studiosè
collecta & in ordinem digesta, inscri-
bere & dedicare, quod ex schola Ro-
stochiensī ad Academiam Hafnien-
sem à laudatissimo Rege felicis me-
morie Christiano III. ante annos 35.
ad Artis Medicæ professionem evo-
catus sit, ac quam Rostochij inchoarat
ar-

artis Medica traditionem, eam in
Hafniensi Academia partim conte-
nuaverit, partim repetiuerit: quodq;
in gubernatione seu Recloratu scholæ
vestrae extremū diem clausurit: atq;
ea ratione si quid Reipublicæ littera-
riæ ex hac editione fructus accesserit,
quod equidem spero fore non exigu-
um, hoc ipsum studiosa iuventus non
minima ex parte, vestra etiam Aca-
demia acceptum debeat. Spero equi-
dem Magnificentiam, Reverentias,
Excellentias & Humanitates ve-
stras, hoc meum qualecunq; studi-
um non aspernaturas. Rostochio,
Kalendis Martij. Anno 1591.

Mag. Reuer. & Excell. VV.

reuerenter colens

LEVINVS BATTVS Artis
Medicæ Doctor & Professor in A-
cademia Rostochiensis.

EIZ

ΕΙΣ ΤΑ ΙΑΚΩΒΟΥ Ἑ ΒΟΡΔΙΓΓΟΥ,
 ἱατρῶ ἐνδοξοτάτῃ, εὐσεβῶς μεταλλάξαντος
 συγγράμματ' αἰνσῶ, ὑπὸ Ἰακώβου τ'
 ηῦ, ἀνδρὸς διηφανεστάτῃ ἐκδο-
 θέντ' αἰ, Εἰς ἡμεῖς

ΙΩΑΝΝΟΥ Ἑ ΠΟΣΣΕΛΙΟΥ.

Εἰς ἱητρὸς ἀνὴρ παλαιῶν ἀντάξιος ἄλλων,
 ὡς ἐπεσμένως δῖος Ὀμηρος ἔφη.
 ἔσκε δὲ τοῦτ' οἷον ἱητρὸς πλῆθ' ἡμῶν
 Βόρδιγγος, Ἰννητοῖς πᾶσι σοφοῖσι φίλος
 ἔτ' ὡς μᾶλλον ἦν πολυτίμων, ἡδὲ δαίμων
 τῆς τέχνης κλητῆς Φαίδιμος ἔπος ἀνὴρ,
 ἡλὼς καὶ ἀγχινοῦ, σεσφισμένος, ἡδὲ δίκαιος,
 ἡμετέροις, ἡμετέροις, κύδιμος ἡδ' ὅσι

καὶ ἡμῶν

καὶ ἀλλοιπερὶ καὶ κείνος συγγραμμάτων ἔξοχ' ἀριστῶν
 ἰητροῖσιν ὅλως χρησίμα πάνσι νέοις,
 οἷς νῦν κρινωνεῖ τῶτων μέγα φέρματος ἄλλων
 ἀνδρῶν, Βορδίνγου ἢ τοῦ αἰοιδότατου.
 Βορδίνγου ἢ τοῦ πεπνυμένης μήδεα εἰδῶς,
 Σύμβουλος χρηστὸς καὶ μέγ' ἀγαθὸς ἀνὴρ.
 ἀρχόντων διωκτὴ καὶ σκηπτεῦχος βασιλέων
 εὐθύνης βουλαὶς αὐτὸς ὀφτισαμένης.
 ἔτατο ἔξ πατρὸς γεραρχὸς θησαυρὸν ὀπαζέει
 ὑμῖν αἰζηοῖς εὐνοϊκῶς θαλεροῖς.
 ἀμφοτέρης χερσὶν κειμήλιον ἀμφαγαπάει
 τέτταρ', ὀπκινοῦντες τὸνδε δοτῆρα φίλον.
 χρηστὸς ἀνὴρ, ἀγαθὸν κρινὸν πέλε' Ἀλαπάν.
 τιμῆς καὶ δοξῆς ἄξιον ἀθανάτου. (πρὸς



LECTOR

LECTORIS.

Thesauri utilitas nulla est, si clausus in antro
Deliteat, nulla est accensi gratia lychni,
Sub scamno aut mensa si conditus occulteretur:
Sic quoq; nulla operis fuit huius gratia, nulla
Utilitas, tenebris & denso pulvere tectum
Dum chartas inter latuit sine honore jacentes.
Gratia Bordingo tanto digno patre nato,
Qui licet Herulea cancellis praesit in aula
(Ut genitor Medicis Danorum regis in arte
Praesuit) ingenti curarum mole laborans;
Non tamen has est passus opes latuisse, sed illas
Protulit in lucem, & vitae communis in usum,
Inprimisq; artis medicae, fundamenta cujus
Hoc ita ponit opus, structura ut cetera curae
Illius his niti, quamvis amplissima, possit.
Ergo Machaoniam solide qui diligis artem
His animo grato frui. At tu posthuma proles
Tam clari patris in Belgis, Gallisq;, Italisq;,
Germanisq; adeo & Cimbris, patris utere fato
Ipse etiam rediuiue liber: gentes & easdem,
Vel plures etiam crescens tua fama peteret,
Cum patre & natum innumeros dilaudet in annos,
Hunc equidem quod vulgari, quod scripserit illum.

Nathan Chytræus.

PRÆ-

PRÆCEPTA,
QUIBUS ARTES EX-
truuntur, vera, utilia &
rectè connexa esse
debent.

CAPVT PRIMVM.



VM corporum nostrorum
natura affectibus innumeris
sit obnoxia, quibus vitari &
corrumpi sanitatem contin-

git: non illud quæritur, an
tuenda sanitas ac morbi profligandi sint (id
enim omnes homines qui mente aliqua
præditi sunt, facile intelligunt) sed illud,
quibus auxilijs, tueri sanitatem ac depellere
morbos conueniat. Id autem cum ingenio-
sis etiam hominibus non statim sit obuium,
impellente necessitate, quæ sita & inuenta à
præstantibus viris ars quædam est, quæ v-
triusq; rei facultatē nobis præstaret. Hanc
artem nos Medicinam, Græci *ιατρικήν* seu
ὕγιαστικήν id est sanitatis effectricem appel-
larunt. Præceptorum enim omnium, quæ
in ea traduntur, is est finis, vt corporis sani-

*Fines artium
noti sunt
per se.*

*Artis Me-
dicæ Finis.*

B

tas sua

*Vera præ-
cepta.*

ras sua cuiq; vel præsens conseruetur, vel amissa recuperareur, vel si id per naturæ imbecillitatem fieri nequit, illud saltem vt sciamus, qui morbi sanabiles, qui insanabiles existant. Oportet autē præcepta non Medicinæ solum sed reliquarum etiam artium omnium primum vera esse, deinde vtilia, postremo etiam ἀκόλυσθα, id est rectè consequentia. Vera quidem præcepta sunt, quæ ex apparentibus vel euidentibus, vel antea demonstratis constituuntur. Cum enim iudicandi duo sint organa, sensus & ratio: quæ sensibus iudicantur, apparentia dicuntur, Græci φαινόμενα appellant. Quæ ratio & communis hominum intelligentia sine sensibus comprobant, ἐναργῆς id est, euidentia dicuntur. Sunt autem apparentium duo genera, vnum eorum quæ statim per se sensibus compræhenduntur vt niuis frigiditas, ignis caliditas, partium corporis magnitudines, figuræ, numerus, situs, calidi frigidiq; pro ætatibus ac temperamentis differentiæ.

*Apparentia
per se.*

Quæ enim præcepta de his rebus in Medicina traduntur, ex sensibus originem duxerunt. Postea formante ea intellectu, facta sunt vniuersalia. Sic hoc præceptum verum est & vniuersale, puerorum & ætate floren-

florentium parem esse caliditatē, sed pue-
 rorum, mitem, blandam & copiosam, ut po-
 tē ex humida substantia prodeuntem, Iuue-
 num verò calorem, quanto minus est copio-
 sus, tanto esse acriorem & mordaciorem. E-
 tenim si quis hoc demonstrari velit, omninò
 sensum consulat, & tactu puerorum ac ju-
 uenum corpora exploret oportet. Stultum
 enim est (inquit Galenus) si quis sensibilibum
 rerum alium iudicem esse existimet, quam
 ipse sit sensus. Alterum genus apparentiū *Apparen-*
 est eorum, quę nec statim, nec per se, sed per *tia per alia*
 alia, nempe signa quædam à posteriori co- *signa.*
 gnoscuntur, ut ignis per fumum, pleuritis,
 quę est interioris thoracis inflammatio, per
 lateris dolorem, difficilem respirationem
 tussim, febrim continuam. Ex hoc gene-
 re ducuntur præcepta illa, quę sunt de in-
 ternarum partium affectibus cognoscendis,
 & illam Medicinæ partem constituunt quę
 συμπεριωλην dicitur, perficiturq; effectuum
 in proprias causas resolutione. Huiusmodi
 certa præcepta à sensibus etiam primū o-
 riuntur, & per crebram obseruationem fi-
 unt vniuersalia & qui infirmare ea volet
 sensuum iudicio conuinci potest. Eui-
 dentia Græcis εὐαγῆν dicuntur. *Euidencia.*
 Sunt autem communes notiones, hoc est, proposi-
 tiones,

tionones, quæ absq; sensuum adminiculo statim per se notæ sunt, neq; egent vlla declaratione, modo voces ex quibus constant intelligantur. Huiusmodi apud Geometras sunt illa : Totum est maius sua parte : Si ab æqualibus auferas æqualia, relinquetur æqualia. Apud Physicos. Natura nihil agit frustra: Apud Medicos. Quod secundum naturam est, illud seruare oportet, quod præter naturam, tollere : Similia similibus conseruantur : Contraria contrarijs tolluntur: Sanum est corpus, quod proprias suas actiones rectè potest obire, Ægrum, quod eas obire non potest: Morbus non curatur, nisi ea quæ præsens causa est tollatur.

Demonstrata.

DEMONSTRATA *ἀποδείκνυμενα* sunt hypotheses, quæ non statim intellectui per se notæ sunt, sed ex alijs notionibus notæ fiunt. Huiusmodi sunt illa: Quatuor esse corporum mixtorum Elementa : Nouem esse temperamenta : Morbum esse affectum præter naturam, qui primo & per se actiones lædit : Concoctionem esse eorum quæ assumpta sunt, per elixationem & liquationem quandam. Hæc enim per se non statim nota sunt, sed partim à Physicis partim à Medicis demonstrantur, & quæ ex ipsis præcepta sequuntur, non minus vera quam

quam ipsa judicantur. Vera igitur præcepta sunt, quæ aut cum apparentibus aut evidenter consensum habere demonstrantur. At non sat est, vera esse, nisi eadem *Utilia præcepta.* utilia quoque fuerint, hoc est, ad eum qui propositus est finem, conducentia, & non Idiotarum omnium communia, sed solorum Artificum propria. Quare quæ de ignotorum medicamentorum natura, de quarundam plantarum historia, de exactissima quarundam partium Anatomia, curiosè nimis traduntur, inutilia censenda sunt, quando ad finem artis consequendum nihil conferunt. Præterea quæ plebeis nota sunt, ut ignem esse calidum, aquam frigidam, omnino nec præcepta nec artis principia dici possunt. Artis enim partem nullam constituunt, quamquam præcepta quæ artis principia dicuntur, ab ijs initium habent.

Ακόλῃθ᾽ a ritè inter se connexa & colligata præcepta quoque esse oportet, ut non solum cum principiis ex quibus nascuntur, *Consequenter præcepta.* verum etiam cum sequentibus præceptis rectè cohæreant. In tradendis enim artibus necessaria est ordinata quædam doctrina. Definitur enim ars præceptorum *ὁρμημα*, hoc est, non quævis confusa ac tumultuaria congeries, sed series benè digesta ac ordinata.

TRIPLEX DISPO- nendorum præceptorum ratio.

CAPUT II.

ἀνάλυσις

Σύνθεσις.

ὁριστική.

Disponendorum autem præceptorum triplex est ratio. Aut enim à fine omnibus cognito intellectoq; progressi, omnia quæ ad ipsum referuntur, colligimus, ordineq; certo collocamus. Aut in eundem orbem reflexi, contrario ordine ab eo quod in resolutoria inuentione vltimum erat, ad finem progredimur. Aut propositam definitionem aliquam in partes dissoluimus, easq; tamdiu diuidimus, dum necessaria præcepta omnia compræhenderimus. Huiusmodi ordinatæ doctrinæ methodi vocantur. Illa quæ finem in ea resoluit, quæ ad ipsum referuntur, resolutoria ἀναλυτική appellatur. Estq; ad inuentionem præceptorum accommodatissima.

Altera, in qua ad finem contrario ordine fit reditus, compositoria dicitur, atq; hac vna artes omnes, præsertim quæ effectiuæ dicuntur, hoc est, quæ opus aliquod post actionem relinquunt, cuius generis est Medicina,

cina, non solum optimè docentur, verum etiam felicissimè exercentur.

Tertia, quæ propositæ definitionis doctrinas ita paritur, ut non solum generalia, sed etiam generalibus subiecta artis capita omnia explicet, Definitiva appellatur. Estq; præ cæteris duabus ad artem memoria compræhendendam aptissima. Exemplis hæc sunt illustriora.

Analytica seu resolutoria methodo, ex *Exemplum*
notione finis sic constituitur Medicina. Pro- *Analysis in*
positum est corporis sanitatem tueri, vel *arte Me-*
morbum propulsare. *dica.*

Hic primum is, qui per ἀνάλυσιν, id est, resolutionem artem constituere parat, quid sanitas, quid item morbus sit, inquirendum putat. At cum sanitas symmetri & finiti *Sanitas.*
rationem habeat, eaq; simplex multiplici morbo opponatur, prius ad sanitatis quam ad morbi cognitionem incumbit. Porro sensu, quantum fieri potest, duce, à posterioribus statim sanitatem considerat.

Posteriora autem ac sensibus notiora statim occurrunt, salubria corporis symptomata, id est, sanitatis effectus, qui videlicet sanitatem ceu umbra corpus sequitur. Eiusmodi autem imprimis sunt integræ & *Probæ acti-*
inculpatae functiones. Ab his itaq; progre- *ones.*

3 CONSTITUTIO ARTIS MED.

diens constituit : Sanitatem nihil aliud esse, quam probarum actionum causam, siue rectè operandi facultatem. Cum autem homo actionum varietate ac præstantia, animal sit perfectissimum, & corpus habeat pro varietate actionum varijs quoq; partibus instructum, actiones omnes, quales sint, diligentius expendit, earumq; differentias

Actionum differentia. notat ac distinguit : Vt quædam sint animales, quædam naturales, atq; animalium actionum quædam à sensu, quædam à motu voluntario, quædam à mente prodeuntes. Ad sensum pertinent, Visiva, Olfactoria, Gustatoria, Auditoria actio, & sic de cæteris. Hinc iam progressus, quæ actionum singularum sint instrumenta, inquiri. Intelligit enim corporis partes, non frustra, sed ut actionum organa essent, fabricatas esse. Et cum actiones, organorum actiones, organa verò, actionum sint organa, secundum naturam correlatiuorum, utrumq; ex altero inuestigari debere. Partium autem inferiorum naturam non alia via cognoscere potest, quàm Architectus domum cognoscit, quam ipse non construxit, nimirum ex dissolutione. Huiusmodi dissolutio est Anatome, quæ cum rectè exercetur, varia & multiplex partium natura sese profert.

Actionum organa.

Ἀνατομή

fert. Ac quemadmodum actiones, ita & *Partes com-*
 membra quædam composita, quædam *positæ ac*
 simplicia mox apparent. At composita omnia *simplices,*
 prius, simplicia posterius occurrunt, prius *ut actiones*
 incessum, motû cruris compositum, quam
 simpliciores motus, nempe musculorum
 contractiones, extensiones, ex quibus inces-
 sus constat, percipimus. Sic etiam crus to-
 tum prius cognoscimus, quam singulas e-
 ius partes, incessum vel efficientes, vel adiu-
 uantes. Per Anatomen itaq; partium no-
 titia paratur, à compositis ad simplicia pro-
 cedens, usq; dum ad sensui simplicissima
 sit peruentum, quæ iam amplius diuidi non
 possunt, nisi in particulas eiusdem rationis
 ac substantiæ. Compositas partes, cuius,
 generis sunt, manus, pes, oculus, crus, dissi-
 milares & instrumentarias vocant. Simples
 verò, quales sunt, os, cartilago, nervus, ca-
 ro & similes, similes, nominantur. Sed
 non satis est ei, qui sanitatis naturam scru-
 tatur, in genere ita partium doctrinas con-
 siderasse, ut sciat, quasdam esse simplices,
 quasdam compositas, & eas, quæ perfectio-
 ribus magisq; compositis actionibus sunt
 destinatæ, magis quoq; compositas esse, sed
 illud in singulis membris compositis inqui-
 rit, ex quibus, & quomodo sint compo-
 sitæ. Hoc

*Composita
omnia prio-
ra sunt in
resolutione.*

*Partes dissi-
milares &
organicæ.
Similes.*

10 CONSTIT. ARTIS MEDIC.

tæ. Hoc studio prouectus statim depræhen-
dit partes, quæ compositionem perficiunt,

*Compositi-
onis ratio
in quatuor
rebus consi-
stis.*

Primum certo esse numero, Deinde singu-
las ipsas tantam magnitudinem, & talem fi-
guram esse adeptas, præterea eo loco
collocatas, & ita cum vicinis partibus con-
nexas, vt ad perficiendas eas quibus præfe-
ctæ sunt actiones, aptius accommodatiusq;
nihil fingi possit. Animaduertit enim, cru-
ris, manus, oculi, cæterorumq; composito-
rum membrorum actiones ineptas, aut inu-
tiles fore, nisi muscoli, ossa, ligamenta, mē-
branæ, cæteraq; ex quibus illa constant, tot
essēt numero, tanta & ita figurata & confor-
mata, præterea etiam eo loco sita, atq; ita
vt sunt connexa. Hæc cum diligenter
notauit, inuenit iam compositorum mem-
brorum sanitatem, quod videlicet ea con-
sistat in his quatuor, in iusto partium nu-
mero, in iusta cuiusq; partis magnitudi-
ne, idonea figura, & apta collocatione,
quibus & quantum illud accedit, vt ha-
beat cum vicinis partibus connexionem
aut continuationem. Ac vbi rursus anim-
aduertit, ad integram corporis sanitatem,
perficiendasq; actiones non satis esse, quod
composita membra habeant suam stru-
ctutam, simplicium quoq; naturam ex-
plorat,

*Sanitas
partium
composita-
rum.*

plorat, non aliter quam Architectus, qui non contentus inspexisse formam domus, materiam etiam ipsam, lapides, ligna, calcem, ferrum, cuiusmodi sint, scrutatur. Simples itaq; partes dum inter se comparantur, alia ossis, alia cartilaginis, alia carnis natura esse reperitur. Dùm verò per se spectantur, multis alterationibus obnoxia, & nisi in denso, raro, tenui, crasso, duro, molli, calido, frigido, humido, sicco moderationem habuerint, ægræ, & ad functiones ineptæ depræhenduntur. Quare quantumvis sensui simplicia appareant, tamen ex pluribus non apparentibus generari & constare ratio ostendit, eademq; non alia vlla esse, quam simplicissima illa corpora, quæ communia rerum elementa dicuntur, ex quorum varia commixtione ac temperamento in prima generatione, similia naturam ac substantiam suam accipiunt, & postea sanitatem suam obtinent. Depræhensa autem iam per Analysin ac definita utrarumq; partium sanitate, earum quoque morborum genera inuenta ac definita sunt. In iisdem enim generibus sanitas consistit & morbus. Si bona compositio, id est, numeri, magnitudinis, figuræ & situs commoderatio, sanitas com-

Sanitas partium similarium.

12 CONSTIT. ARTIS MEDIC-

compositorum membrorum est, mala quoque compositio, id est, praedictarum rerum immoderatio, morbus erit. Si similarium partium sanitas, est bona & iusta temperies: Intemperies certe earum, morbus erit. Si continuitas etiam requiritur, ad similaris partis sanitatem, solutio continuitatis morbus quoque erit. Omnis enim deflexio à naturali statu, tanta quidem, ut actiones manifestè ac sensibilibus lædat, morbus est. Si actiones obscurè ac nondum sensibilibus lædantur, non morbus, sed neutralis dispositio vocatur. Verum cum bonae actiones, alijs aliae sint meliores, constat sanitatem latitudinem habere, multasque esse eius differentias, alias alijs praestantiores. Una quidem optima est, quae optimas edit actiones, reliquae ab ea declinantes, sed tamen inter salubres mediocritatis limites adhuc consistentes, bonas edunt actiones, secundum magis & minus, prout ab optima sanitate magis minusque recedunt. Porro non satis est, Medicum communem naturam novisse, quod scilicet homo constet ex quatuor communibus elementis, sed minus etiam communis natura noscenda est, quod videlicet ex illa elementorum mixtura, novem existant salubrium temperamentorum formae,

mæ, quorum vnum optimum est, ac temperatum, reliqua octo ab eo declinant, quatuor vna qualitate, reliqua quatuor duabus qualitatibus, ita vt corporum quępam sint temperata, alia respectu temperati, calida, frigida, humida, sicca, vel calida simul & humida, frigida & sicca. Particulares naturæ, quum infinitæ sint, & perpetuò mutabiles, arte compræhendi non possunt. Neq; enim exactè sciri potest, quāto quisq; huius vel illius qualitatis excessu à temperato recedat. Quanquā hic peritus ab imperito multum differt, & ad cognitionem particularis naturæ, per coniecturas artificiosas propius accedit is, qui in generalibus prius benè est exercitatus. Similiter etiam morbi suos gradus habent. Cum enim vitiosæ actiones magis minusve tales existant, necesse est morbos, qui proximæ sunt vitiosarum actionum causæ, magis minusve recipere, pro vt magno vel paruo intervallo à sanitate recesserunt. Sed morborum in quantò differentiæ, non nisi ex sanitatis differentia prius constituta, nosci ac constitui possunt. Qui verò sanitatis ac morbi differentias in quali, & quantò, quoad fieri potest, perspectas habuerit, is postea in administratione causarum salubriū non facile

facile aberrabit, sed in præsentī sanitate tuenda similia adhibebit, eo modo, quem natura requirit, & in præsentibus morbis profligandis, non solum contraria adhibebit, sed eorum etiam modum statuere sciet, præsertim si medicinalem materiam non ignorauerit, hoc est, alimentorum & medicamentorum facultates exploratas habuerit, & quid aër, exercitatio, quies, somnus, vigiliæ, repletio, inanitio, animi passiones efficere in corporibus queant, prius didicerit. Sed de his alius erit docēdi locus. Nunc reliquum est, ut quemadmodum à fine proposito per analysin sanitatis & morbi naturam inuestigauimus, ita contrario ordine, nempe compositorio, singula quæ inuenta sunt exactius & diligentius explicemus, ab elementis exorſi, vſq; dum omnes actiones corporis, earumq; causas pertractauerimus. Quod ubi perfecerimus, non solum maxima ac difficilima Medicinæ pars erit nobis absoluta, verum etiam compositoriae methodi quanta vis sit, facile apparebit. Definitivæ Methodi exemplum optimum extat, & perfectissimum apud Galenum in libro cui titulus est: *Ars medicinalis*. Quare nihil necesse est ut alijs exemplis commemorandis, institutū nostrum differamus.

DE E-

DE ELEMENTIS.

CAPUT III.

IN corporis humani resolutione, sensui
ultima ac simplicissima inveniuntur partes
similares: At ratio longius progreditur,
deprehenditq; alia elementa similaribus
partibus simpliciora. De his nunc, cū com-
positorum doctrinæ ordinem instituimus,
primò nobis est tractandum, ac diligentius
demonstrandum, quot & qualia sint illa E-
lementa, hoc est, simplicissima corpora mi-
nimæq; partes, ex quibus primis similaria
corpora generantur & constant, & in quæ
ultima, cum intereunt, resolvuntur. Neq;
verò inutilis est hæc de Elementis præce-
ptio, sed ad cognoscendam similarium par-
tium naturam, earumq; sanitatem & mor-
bos in primis necessaria. Est autem simila- *Similarium*
rium natura omninò exactissimè cogno- *natura.*
scenda, cum ex ijs instrumentariæ partes
componantur, & tota corporis moles co-
agmentata subsistat. In cuiusq; autem in-
strumenti compositione una quædā semper
est pars similis, à qua, ut simili primo ac
præcipuo tota actio proficiscitur. Reliquæ
verò partes, ac tota illa structura seu fabrica
quam

quam in certo numero, magnitudine, figura, & collocacone partium consistere diximus, hunc usum tantum præstant, ut illius præcipuæ similis particulæ actiones adiuuent & perficiant. Similaria hæc in corpore reperiuntur: Cutis, Caro, Vena, Arteria, Nervus, Membrana, Tendo, Ligamentum, Os, & præter hæc alia quædam, quæ tamen partes propriè dici non possunt, ut Humores, Spiritus, Lac, Semen, Medulla, Adeps, Pili, Ungues. Hic igitur non illud quæritur, An ea, quæ modo enumeravimus, ex materia prima & forma constent. Illa enim prima Physica principia, cum singula separatim non subsistant, nec corpora omnino sint, nec partes corporum, elementa dici non possunt. Sed illud quæritur: An aliqua prima sint & simplicissima corpora, quæ sensum effugiunt, ex quibus similium substantia constituitur, vnum nè sit an plura, & si plura, qualia, quot, & quæ sint, & quis sit eorum in compositione modus. Avicennæ placet, ut Medicus Physico credat, & ab eo demonstratum accipiat: quod quatuor sint inferiorum corporum omnium elementa, *IGNIS, AQUA, AER, TERRA*, sed cum Medicus idem etiam sit Physicus, & ipse dogmata sua demonstra-

monstra-

monstrare debeat, ignauia certè est, illud velle credere, quod demonstrari facile potest.

Primum itaq; non esse vnum Elementum, ex quo hæ multiplices similarium partium formæ existant, certissimum est. Quod enim vnum est, idem immutabile quoq; est; neq; enim habet à quo, & in quod mutatur. Quod autem immutabile, idem quoq; impatibile & inalterabile est. At similes corporis partes, mutantur. Dolor enim sensus est rei alienæ, naturalem statum in eum, qui præter naturam est, mutantis. Quare cum mutari constet ea quæ dolent, certum est ea ex vno non constare. Si quis cum Epicuro, Anaxagora, & cæteris contendit, Elementum, quod vnum specie esse statuitur, extra generationem quidè impatibile atq; immutabile esse, in ipso verò concursu ac concretionem patibile, atq; etiam interdum sensibile fieri, is experientia facile potest refutari. Si enim vnum aliquod, siue atomus, siue lapis, siue pilus, vel numero etiam plura, per se nec patibilitatem nec sensum habent, neq; si simul colligantur, simul sensum habere poterunt, neque aliud diuersi generis reperietur in generato, quam prius fuerat in Elemento.

C

Iam

Iam verò vt corpus ex vno constans elemento dolere & ægrotare fingamus, tamen quemadmodum à simplici sua natura non nisi vnā haberet doloris & morbi causam, ita non nisi vno remedio iuuaretur, atq; ita Medicina ars nulla esset. At vsus quotidianus manifestè probat, corpora interdum refrigerata, interdum excalescēta, vel in alias intemperies collapsa, dolere vel ægrotare, eademq; alijs atq; alijs remedijs iuari. Quare si plures morbi morborumque remedia existunt, quibus affici similia contingit, constat ex vno simplici elemento ea non constare. Quando igitur plura esse Elementa demonstratū iam est, qualia ea sint, proximum est vt videamus.

QUALIA, QUOT ET quæ sint Elementa.

CAPVT IIII.

Quemadmodum quod vnicū ac simplex est, omninò ad agendum patiendūq; ineptum est, nec tam diuersarum rerum Elementum esse potest: Ita quoq; plura, si agendi patiendū inter se facultatem nullam habuerint, Elementa dici non possunt.

sunt: Nouam enim formam nullam constituent, sed sese mutuò fouebunt & conseruabunt. Cum autem similia, quorum nunc Elementa inquirimus, non vnius sint generis, sed partim sensilia, partim sensus expertia, omnia verò mutationi alterationi; obnoxia, manifestum certè est, Elementa illa, ex quorum mixtione illa prodierunt, mutabilia quoq; esse oportere. At mutabilia esse non possunt, nisi contrarijs qualitibus & substantijs, quæ mutatione susciperent, prædita essent. Porro cum in quauis generatione substantialem formam mutari contingat, oportet valentissimas esse qualitates quæ non solum sese mutuò re-tundant, sed subiectorum etiam corporum substantias permutent. Hæ verò qualitates quæ sint, hoc modo inuestigare conuenit.

Si quid aliud alterat, necesse est vt ipsum contingat. Sensus enim docet, alterationem omnem fieri per contactum. Quemadmodum autem tactus sensus est præ cæteris maximè corporeus, ita & qualitates quæ ipsum propriè afficiunt, maximè sint corporeæ & potentissimæ necesse est. Ex quo iam patet, eas qualitates, quæ totius forme mutationem inuehūt, tactiles esse oportere.


tere. Cæterum cum multæ huius generis subiectorum corporum substantiam non mutant, quæ illæ sint, quæ id efficere queant, considerandum est. Sunt autem tantum illæ quatuor, caliditas, frigiditas, humiditas, siccitas, quæ propterea etiam *δυστηγῶν* id est, actiuæ propriè appellatæ sunt. Caliditas quidem & frigiditas omnium sunt efficacissimæ. Humiditas verò & siccitas segnius & longioris temporis spacio agunt, cum tamen murandis corporum substantijs etiam subseruiant, superioribus qualitatibus rectè annumerantur. Reliquæ tactiles qualitates, vt mollities, durities, tenuitas, crassities, asperitas, leuitas, quæ ex primis illis oriuntur, etsi alterationem quandam corporibus inducunt, tamen per totam substantiam eam non extendunt. Lignum dissectum, leuigatum, exasperatum, manet lignum, si comburatur, mutatur in aliud, nec amplius est lignum, sed cinis aut carbo. Nix dissecta, manet nix, à calore liquata, fit aqua. Cæterum cum qualitates separatim extra corpora non subsistant, nec sine corporibus generatio fieri queat, manifestum fit, Elementa corpora esse debere, quæ modò dictis actiuis qualitatibus sunt prædita. Verum cum huiusmodi sint infinita,

finita,

finita, ne infinitus elementorum numerus existat, ea tantum Elementa constituenda sunt, in quibus primæ hæ actiuae qualitates non remissæ, sed intensissimæ reperiuntur, hoc est, quæ ad summum calida sunt, humida, frigida & sicca. Sunt autem ea, Ignis Aër, Aqua, Terra. Cum enim Ignis omnium generabilium calidissimus sit, Aër humidissimus, Aqua frigidissima, Terra siccissima, non solum similarium corporis nostri partium, sed earum omnium, quæ generationi corruptioni quæ obnoxia sunt, Elementa rectè censentur.

Potest verò hoc ipsum alia quoque ratione demonstrari, hoc modo. Omnia mixta corpora, quæ orbis Lunæ ambitu continentur, ad terram tanquam ad proprium suum locum gravitate sua deferuntur. Partem ergò aliquam atque adeo magnam terræ possident. Terra autem cum sit siccissima, concreescere ac conglutinari nequit sine humore. Aquam igitur terræ admisceri oportebit. Transmutatio autem & generatio fieri non potest, nisi ex contrariis & per contraria. Reliqua igitur duo Elementa, Aërem videlicet & Ignem, crassioribus illis opposita, accedere quoque necesse erit.

Non inepta quoque fuerit huiusmodi demon-



monstratio seu potius inductio: Similaria generantur ex semine, Semen ex humoribus, Humores ex alimento, Alimentum ex animalibus, quæ stirpibus nutriuntur, vel ex stirpibus ipsis, Stirpes ex iam dictis quatuor Elementis. Quod vltimum sic deinceps probatur: Stirpes seu plantas ex terra, aqua madefacta, nutrimentum suum haurire sensus affirmat. At nisi ad lutum illud ignea vis accederet, quæ ipsum concoqueret ac maturaret, per se stirpes nullo modo nutrirer. At ignis calor non consistit, nisi pabulo suo, hoc est, aëreo, non aqueo humido, nutriatur. Aëreas igitur partes admisceri quoque necesse erat, atque ita alimentum stirpibus præparari, quatuor elementorum naturis temperatum. Animalia certè quæ extra aquam viuunt, quibus vberior contigit vitalis calor, omninò caloris huius alimentum ex aëre sumere cernuntur. Pisces verò, quibus minus tum caloris tum sanguinis inest, pro aeris inspiratione aquæ impulsu vtuntur eoque refocillantur. Hæc tamen aqua sincera non est, sed terræ, aëris, & ignis particeps. In summa, de terra & aqua quoniam crassiora sunt, quin insint corporibus nostris, non dubitatur. Sed aer & ignis inferiora hæc

ra hæc Elementa ita permiscet, ut nihil sit. in hac rerum natura, quod non ad quatuor illa sit referendum. Ex illis enim omnia nascuntur, alia quidem proximè & immediatè, alia longa quadam serie multorumq; aliorum corporum formis intercedentibus.

Aliud argumentum à natura corruptionis.

Corpora ad interitum deducta, resolvuntur in ea quæ modo dicta sunt Elementa. Quare ex iisdem quoq; constare & generari, rectè affirmari potest. Natura enim (ut inquit Hippocrates) ita est comparatum, ut unde singula ortum habent, eodem cum intereunt, referantur. Et Elementum definitur esse id, quod cuiq; composito inest primùm, & in quod ultimum resolvitur. Porro corpore intereunte, spiritus substantia partim in igneam, partim in aëream substantiam ac regionem migrat. Humores aqua sunt aut vapor, qui medius est inter aqueam & aëream naturam. Solidæ corporis partes humore omni destitutæ, in cinerem ac terram abeunt.

C 4

Quan-

Quando igitur per corruptionem in hæc Elementa vltima fit resolutio, manifestum est primùm ex ijs corpora constitui.

DE PRIMIS QUALITATIBUS quæ in singulis elementis excellunt.

• C A P V T V.

DEmonstratum nunc est, corpora illa quæ quatuor primas qualitates, Caliditatem, Frigiditatem, Siccitatē, Humiditatem, summas & nihil remissas obtinent, reliquorum omnium esse Elementa. Et si autem quæ nobis cernuntur, Ignis, Aër, Aqua, Terra, nec omnino simplicia corpora, nec qualitatibus illis summis sunt prædita, ac propterea sincera Elementa dici non possunt, quia tamen ad sincerorum elementorum naturam proximè accedunt, Elementa ea appellare non dubitamus. Sinceram certè terram ad mundi centrum, & ignem sincerum ad cœli concavum reperiri verisimile est, & communis physicorum opinio obtinuit. Aër & aqua, quæ medijs spatijs interiecta sunt, extremorum communione impuriora sunt. Sed naturæ consenta-

sentaneum est, impura omnia ex puris, imperfecta ex perfectis manare. Quod ad proprias singulorum qualitates attinet, Ignis sincerus, omnium quæ generatur ac corrumpuntur, calidissimus est. Quæ adiuncta est ei siccitas, summum generis sui gradum non obtinet. Terra enim rerum omnium maximè est sicca. Nam quod ignis magis quam terra corpora siccare videtur, id fit per accidens: Caliditas enim humiditati non contraria est. Quare eam qualitatem, quæ humida dicitur, non immutat, sed humidam substantiam utpote molliorem dissolvit, atq; ita sicciora corpora relinquit. Quemadmodum apparet in Thermis, quæ dum vberiore ex corporibus sudorem eliciunt caliditate sua, ea siccare dicuntur. Altera qualitas terræ adiuncta frigiditas est, sed ea quoq; non est summa. Summa enim frigiditas aquæ propria est, cui adiuncta est humiditas, sed infra summum gradum consistens. Humidissimus enim aer inter elementa rectè censetur, quam qui sensus iudicium sequi volet, aquam aëre humidiorē esse pronuntiabit, quod & Galenus & Aristoteles alicubi fecisse videntur: Sed fallax hic, ut sæpè alias, est sensus iudicium, propterea quod id,

C 5

quod

quod per se, ab eo quod per accidens existit, non discernit, ut paulò ante demonstrauimus, cum ignem magis quam terram exsiccantem diximus, & quod aqua corpora madefacta humidiora apparent, quam quæ in aëre versantur etiam humidissimo, cuiusmodi hybernis & æquinoctialibus temporibus ferè esse consuevit. Id ideo fit, quod humiditas illa aquea in crassiori substantia inhærens, dum in corporibus recepta est, magis ibi immoratur, ac diutius ea afficit, quam ea quæ tenui aëris substantia prædita est. Quemadmodum eandem ob causam candens ferrum magis urit quam flamma, cum tamen non minor, imò maior sit aëris quam ferri accensi feruor. Quare de humido & sicco iudicium sensui non benè committitur, nisi prius caliditatem & frigiditatem, item densitatem & raritatem, crassitiem ac tenuitatem, prius ab ijs ratione submoueris. Igitur cum de aëris humiditate disputamus, recta ratio seu definitio consulenda est, quæ iudicat illud esse humidissimum, quod proprio suo loco minimè continetur, sed per omnia sese diffundit atque insinuat, Præterea, cuius substantia quibusuis facile mutationibus atque ad quamcunq;

cunque qualitatem promptissimè sese accommodat, quæ certè omnia aëri conueniunt maximè. Cum enim reliqua Elementa suas ferè sedes seruent, solus aër sursum rapitur, atque ignis ætherei sit alimentum, & in abditissimâ terræ viscera absorbetur, ne quid ibi vacui existat, & aquæ plurimus permiscetur, quo & pisces viuunt, & aqua ipsa nutritur & inflatur & spumat.

Huc & alterum illud accedit, quod quasuis alterationes facillimè suscipiat, Calidus enim facillè fit frigidus, & frigidus calidus, humidus, siccus, & siccus humidus. Tale certe igni nihil quamuis tenuissimo tribuere possumus. Neque enim per omnia diffunditur, nec alias qualitates suscipit, sed semper calidus & siccus manet, nec terræ tribuere talia possumus, quæ etsi calefieri possit & humectari, siccitatem tamen quandam semper retinet. Proximè tamen ad aëris naturam accedit aqua, quare etiam secundo loco humidam eam statuimus. Post aërem enim facillimè alteratur, ac quantumuis incalescat, humiditatem parem semper seruat. Hæc de aëris humiditate dicta sufficiant. Altera remissa qualitas, quæ sincero aëri à philosophis tribui-

tribuitur, caliditas est. Est enim aër elementum terræ oppositum, quemadmodum ignis aquæ, quare & qualitatibus præditum eum esse oportebat, quæ essent terræ qualitatibus contrariæ.

QVOMODO ELEMENTA inter se misceantur.

CAPVT VI.

MIxtionis vocabulum ad ea propriè accommodatur quæ diuersa cum sint, ac contraria, & viribus quodammodo paribus prædita, ita inter se penitus secundum minimas particulas confunduntur, vt ex pluribus illis vnum quiddam atq; idem constituatur. Aqua aquæ addita, non rectè misceri dicitur. Diuersa enim & contraria ibi non concurrunt. Nec in aridorum corporum, vt in diuersorum puluerum, Æruginis, Cadmiæ, Lithargirij, & similium, quantumuis leuigatorum, confusione, naturalis mixtio existit. Quælibet enim mixti particula mixta non est, sed est potius exiguarum partium appositio quædam, nec spongia aqua imbuta, aquæ permixta dicitur. Vtrumq; enim spongia & aqua suas substan-

substantias integras atq; illæsas retinet, & facile alterum ab altero separari potest. Ac rursus si magno vini dolio aquæ pauxillum, aut cibum corpori adieceris, naturalè certè mixtionem non effeceris. Corruptur enim hic à potentiori imbecillius, atq; in illius naturam penitus mutatur, quod ipsum quoq; vel maximè mixtionis naturæ aduersatur, quæ requirit, vt miscibilia in agendo quodammodo sint paria, & vnum quiddam aliud, quàm quod prius erant, constituent. Miscentur igitur propriè quatuor Elementa. Diuersa enim cum sint & sibi inuicem contraria, in se mutuo agunt & patiuntur, proq; varia mixtionis ratione ac proportionè; varias etiam & multiplices tum corporum, tum corporis similiarum partium formas constituunt. Causa autem qua mouente, graua cum leuibus, calida cum frigidis, & humida cum siccis ita coeant & misceantur, Theologis est ex scripturæ testimonio, Dei creatoris verbum, Physicis verò orbitum cœlestium & in his planetarum & syderum motus & radij, in quibus etiam peculiaris mouendi vis inest, Quemadmodum apparet in aëre solis radijs per fenestram illustrato. Hæc enim primum quidem ignem, ac deinde qui
proxi-

proximus igni est, aërem motu suo ciant,
& cum inferioribus his elementis conso-
ciant.

Quod autem quæri solet: An elemen-
torum formæ in mixtis maneat: satis no-
bis sit illud, inter communem generationē
& elementorum permixtionem discrimen
teneri; quod in generatione accedente for-
ma noua, ea quæ prius erat ita corrumpi-
tur, vt recuperari rursus non possit, vt ex
ouo fit pullus, sed ex pullo fieri ouum non
potest. Elementa autem secundum quali-
tates & substantias ita miscentur, vt integrę
ipsorum formæ, manifestè rursus ex mixto
segregari possint. Quare verior videtur
eorum sententia, qui affirmant, quantum-
uis multæ mixtorum formæ generentur ac
corrumpantur, semper tamen elemento-
rum formas, etsi alia atq; alia mixtionis
proportione, potentia in mixtis manere.
Verum quod Auerroes contendit, substan-
tias elementorum etiam misceri καθόλῃ,
siue totas per totas, ita vt minimum vnius
contingat minimum alterius, ei refragatur
Aristoteles, qui affirmat solas qualitates
totas totis misceri. Neque enim existi-
mandum est, Elementa secundum substan-
tias, in minimas, quæ cogitatione amplius
diuidi

diuidi non possunt, sed tantum in exiguas partes diuidi. Omne enim corpus diuisione est finitum, nec minimum omnino, in rerum natura existit. Hæ igitur exiguæ elementorum partes, cum neque sese mutuò penetrare, neque eodem loco collocari possint, reliquum est, vt cohærescere eas inter se intelligamus, sed contrariarum qualitaturn pugnantia euictas atque impeditas, quò minus pristinas suas vires expromere queant. Qualitates enim dum miscentur καθόλου, id est, dum sese per vniuersam substantiam extendunt, sese mutuò retundunt, atque ad mediocritatem quandam redigunt, acceditque mox singulare quoddam temperamenti genus ac noua forma, fitque diuersorum elementorum in vnum atque idem concretio. Temperamento verò rursus per interitum dissoluto, substantiarum elementorum partes, quasi iugo contrariarum qualitaturn liberatæ, integræ sibi rursus restituntur, pristinamque naturam & vires recipiunt.



D E

DE SINGVLORVM

*elementorum in generatio-
ne officijs.*

CAPVT VII.

Ignis calore suo omnium Elementorum efficacissimus in corporum generatione, primum quidem suas, & reliquorum Elementorum substantias, quantum fieri potest commiscet. Deinde partes eiusdem naturę, quas homogeneas appellat, congregat, & quę substantia differentes sunt (ετερογενεις appellant) separat. Apparet id in vino musto. Cernimus enim caloris beneficio primum omnes vini partes misceri, postea crassiores subsidere & tenuiores supernatare. Ad eundem modum hæc ignis particula, quam calorem nativum nominamus, in corporis nostri generatione, eam quę potentia in semine est, cerebralem substantiam in cerebrum separat. Similiter in cor, epar, pulmonem, testes, ossa, cartilagines, nervos & reliquas similes partes segregat, singulisq; applicat, quicquid cognatę substantię in semine & sanguine continetur. Sed illud maximum ac planè diuinum caloris

Ioris huius munus existit, quod non solum consimilium partium molem ita segregat, sed singula etiam aptissime disponit atq; conformat, efficitq; ne grauium omnia, cuiusmodi sunt, ossa, cartilagines, & similia, infra subsistant, & leuia, quales sunt, spiritus, sanguis, adeps, superiorem locum occupent: sed æquabiliter, atq; vt ex vsu erat, singula per vniuersum corpus sint distributa. Tota deniq; conformatio, quam in varia figuratione, magnitudine, numero ac collocaione partium consistere diximus, etsi à diuiniore quadam potentia proficiscitur, naturæq; formatricis opus dici debet, præcipuè tamen in ea caloris actio excellit, quæ vt melior sit atq; perfectior, ea quæ igni adiuncta est siccitas, reliquæq; secundæ qualitates non mediocriter adiuuant.

Cùm enim vtrumq; generationis nostræ principium, semen videlicet & sanguis, præhumida sint, facileq; ita à calore conflata ac disposita, rursus tanquam figulinum opus diffuerent ac relaberentur, nisi ab ignis terræq; siccitate firmitatem ac robur acciperent: Reliquæ verò secundæ ignis qualitates, caloris adiutrices, vt leuitas, tenuitas, raritas, splendor, perspicuitas,

D

eum

eum vsum præstant, vt calor in omnem corporis mutandi substantiam commodius penetraret; omnesq; partes quantumuis exiguas, densas aut profundas peruadat, easque pro natura sua afficiat: Aërem non solum ad contrarij elementi nempe terræ contemperationem admisceri oportuit, verum etiā vt ignis substantiam nimis dissipabilem foueret. Facile enim in ignem mutatur aër, cum ad naturā illius proximè accedat, & similes omnes habeat secundas qualitates, licet imbecilliores. Hæc igitur duo Elementa; Ignis & Aër, leuia, rara ac tenuia, corporibus leuitatem, atq; ad motus ἐνέργειαν agilitatemq; præbent, aliorumque materiam quasi effingunt ac poliunt. Ex se enim materiæ parum, formæ autem plurimum ad generationem conferunt. Reliqua verò duo, aqua videlicet & terra, plus materiæ & minus formæ suppeditant. Quare & corporibus grauitatem & quietem inducunt, & nisi leuibus illis, raris ac tenuibus Elementis, grauitate, densitate & crassitie sua obsisterent, eaq; veluti nexu quodam illigata cohercerēt, facile illa quidem motu suo irrequiro se ipsa conficerent, aut deserta statione in locum suum natiuum reuolarent, essetq; generati corporis forma parum stabilis ac diuturna. Peculiariter

Peculiariter autem aquę frigiditas, ignis *Aque & t*
 feruorem retundit, & vicissim ab ipso re- *re in gene*
 tunditur, vt vtrunq; ad temperamentum a- *ratione off*
 liquod deducatur, humiditas verò ignis ac *cium.*
 terrę nimiam siccitatem corrigit, colligen-
 disq; ac continendis corporibus quasi glu-
 tinum aliquod existit. Ad hæc aqua vi-
 cissim aëris substantiam fouet, quemadmo-
 dum ipse ignis. Facile enim aqua in va-
 pore, vapor porro in aërem commuta-
 tur. Terra, si moles spectetur, sicut cor-
 ruptis corporibus plurima superest, ita &
 initio generandis plurima est indita. Se-
 cundas qualitates omnes habet cum aëre
 & igni contrarias, cumque omnium ele-
 mentorū crassissima sit ac densissima, ignis
 aërisq; raritatem, tenuitatemq;, compefcit
 quam maximè. Vt autem mole sua ac co-
 pia reliqua Elementa in corporis constitu-
 tione superat, ita rursus potentia ac viri-
 bus ab illis superatur, estq; ad illa collata
 veluti materia quædam generationi sub-
 strata, ad conseruandas quidem formas a-
 ptissima, verum ad mutandas ac pro-
 ducendas eas admodum
 ignaua.

D a

RATIO

RATIO EX METHODO sumpta, cur cum antea de elementis tractatum fuerit, nunc proximè de temperamentis sit tractandum.

CAPUT VIII.

IEcimus nunc maximi operis fundamentum, atq; ad exactam corporis humani cognitionem, artemq; sanitati dicatam, adiutum amplum patefecimus, cum quot & quæ communia sint rerum Elementa, & quomodo inter se misceantur, & quod cuiusq; sit in mixtione officium, demonstraui-
mus. Ex his enim elementis ratione iam inuentis, ortum habent illa, quæ in corporis resolutione vltima sensus inuestigatione inueniri dicebamus, spiritus videlicet, humores, & his etiam crassiores similes corporis partes, quorum omnium naturam vt notam penitus atque perspectam habere-
mus, in superiorem de elementis disputationem deducti sumus. Etsi autem tria
hæc,

hæc, Temperamentum, Compositio, & Vnio, à commemoratis supra corpori nostro congenitis substantijs, reipsa separari non possunt: tamen clarioris doctrinæ gratia, non incommodè ab illis ratione distinguuntur, ut similia illa, os, caro, cartilago, se habeant tanquam vitæ ac sanitatis materia, temperamentum verò, compositio & unio, tanquam forma. Hæc enim cum secundum naturam se habent, tum similis illa corporis substantia, quæ tali forma adornata atq; instructa est, sana dicitur, propterea quod ex ea facultates habet, ad actiones omnes rectè perficiendas, quarum actionum integritas sanitatis est finis. Dum verò, temperamentum, compositio & unio, præter naturam se habent, tum affecta ijs corporis substantia ægra dicitur, & facultates quas habebat amittit, fitq; ad obeundas suas actiones inepta. Cæterum quatenus in corporis substantia temperamentum solum spectamus, similis pars propriè appellatur, quatenus verò compositionem tantum consideramus, instrumentalis dicitur. Ita fit, ut probum ac justum temperamentum, similem, id est, partis quatenus similis dicitur propriam sanitatem constituat, viciatum verò, morbum si-

milarem. Eodemq; modo bona ac naturalis compositio sanitatem facit instrumentalem, improba verò & præter naturam, morbum instrumentalem, seu instrumentalis partis proprium. Tertia formalis sanitatis causa, vnio, facit vt & similia probe sint vnita, & instruméntalia aptè cohæreant: Si quid hîc fuerit viciatum, morbus, solutio vnitatis vel continuitatis dicitur. Has partium morbi & sanitatis differentias, etsi superius cum Medicinam per ἀνάλυσιν constituere conabamur, attigimus, tamen hic eadem quoque inculcanda atq; repetenda duximus, ne oblitî Methodi, à scopo aberremus, sed præcepta omnia ad eam, quæ in rota disputatione nobis proposita est, sanitatis ac morbi cognitionem referamus. Cum autem temperamentum inter sanitatis ac morbi causas formales vel præcipua existat, sitq; temperamentum, communium elementorum, de quibus modo egimus, ignis, aëris, aquæ, terræ, temperamentum, necessaria certè nobis fuit illa de Elementis tractatio. Proximum verò nunc est, vt temperamenti rationem & differentias explicemus, ac mox formam in materiam inducamus, id est, corporis partes omnes spectandas nobis proponamus, atque explore-

ploremus, quibus vnaquæque actionibus atque vsibus sit destinata, & quali ad illa præstanda temperamento, compositione atq; vnione, à natura sit prædita,

QVID SIT TEM- peramentum.

CAPVT IX.

DIximus cum de Elementorum mixtione disputaremus, eorum quæ miscentur, debere esse quodammodo parem potentiam, ne imbecillius à potentiori penitus vincatur, fiatq; potius alterius auctio, quam vtriusq; in vnum concretio. Cumq; ad humani corporis constitutionem misceri etiam communia rerum Elementa manifestum iam sit, consequens est, vt videamus, quæ illa sit Elementorum proportio, quam temperamentum appellamus, & vna ne sit ac simplex, an plures ipsius differentiae specie distinctæ, & si plures, quot & quales sint, & quibus notis ac instrumentis singulæ dignoscantur.

Est igitur temperamentum, non ipsa quidem mixtio, sed earum potentiarum, quæ quatuor Elementis mixtio-

D 4 nem in

nem ingredientibus insunt, iusta quædam proportio seu mediocritas. Quod ut plenius intelligamus, potentiæ à substantijs & qualitatibus elementorum ratione distinguendæ sunt. Et cum temperamenti essentiam quærimus, moles & substantia elementorum quæ miscetur, spectanda non est, alioqui terra cuius vberior in nobis est copia, reliqua Elementa facile vinceret. Sed nec qualitates considerandæ sunt, quæ etsi totæ per totas confusæ sunt, & eandem communemq; materiam possident, tamen propterea remissæ non sunt, sed manent, quales in simplicibus Elementis prius erant, integræ atq; infractæ. Quod autem ipsas sese mutuo retundere, atq; ad mediocritatem quandam seu temperamentum redigere prius diximus, id de viribus ipsarum seu potentijs intelligendum est. Et si enim in mixtis perinde atq; in Elementis summæ sunt qualitates, tamen contrariorum mixtione ita coercentur, ne summas suas vires explicare queant: quod si fieret, rum certè contraria in eodem subiecto subsistere dicerentur. Temperamentum itaq; est ipsarum virium proportio, quæ vires non ex sola qualitatis intentione, aut substantiæ copia, sed ex utroq; dependent.

Calor

Calor parui ignis eodem qualitatis gradu est, cum calore magni ignis, non tamen æque calefacit, quia parem substantiæ molem non habet. Calor verò ferri igniti, etsi qualitatis suæ gradu remissior est calore flammæ, potentiam tamen maiorem habet vrendi quam flamma, quia in multa ac densa substantia consistit. Elementorum igitur potentiæ, quarum æquabilitas Temperamentum dicitur, non solum qualitatis intentionem, sed etiam substantiæ multitudinem sequuntur, eò fit, vt quò ignis caliditas potentior est, eò substantiæ ipsius minus in mixtionem veniat: Terra quò caliditates habet imbecilliores, eò substantiæ plus in mixtionem adferat, quò par quodammodo cum potentia existat, quæ certè illud est, quod nunc quærimus, Temperamentum, ex contrarijs summis qualitatibus, non aliter quam ex contrarijs vocibus concentus, conflatum.

Quare quod Auicenna velle videtur, ex quatuor primis qualitatibus resultare temperamentum, seu quintam quandam qualitatem, quæ illis quatuor primis pereuntibus maneat superstes, non satis est firmum. Semper enim in corporibus manet quatuor primarum qualitarum pugnancia.

D 5

Ea e-

42 TEMPERAM. QUID SIT.

Ea enim causa est, cur temperamentum per singulas ætates mutetur, corporaq; similibus morbis afficiantur, senioq; ac morti obnoxia sint. Præterea si non extarent in corporibus primæ illæ quatuor qualitates, nequaquam pura Elementa post mortem ad se redirent, atq; in mundi vniuersitatem se recipere.

Quod autem nonnulli cum Auerrhoë contendunt, primas qualitates manere quidem in mixto, at remissas, non summas, non satis videtur probabile. Si enim summæ qualitates se mutuò remittunt, sequetur quod & tandem se mutuò periment. Verum siue summas siue remissas temperari dicamus, eadem semper proportio ac temperamentum emerget. At cum remissæ qualitates non minus inter se pugnent quam summæ, & ex summis non minus medium constitui possit, quam ex remissis, quemadmodum patet, æquè tepidam aquam fieri, siue extremè siue mediocriter calidam frigidamq; miscueris: consentaneum certè magis rationi erit, si medium extremorum non remissorum concursu nasci dicamus, eoq; differre ab ijs, quæ priuatiua dicuntur. Hactenus de temperamenti essentia, nunc differentias ipsius reconseamus.

Q V O T

*QVOT ET QVALES
sint temperamentorum diffe-
rentiæ, specie distincta.*

C A P V T X.

QVæcunq; igitur perfectè sunt mixta, temperamentum etiam statim ali- quod habent. Perfectè mixta dicuntur, quæ ex quatuor Elementis generata con- stant. Imperfectè autem mixtorum no- men habent, quæ quasi inchoata & muti- la, ex duobus aut tribus Elementis nulla certè lege nascuntur, nec diu consistunt, cuiusmodi ferè sunt ea, quæ meteora à phy- siccis appellantur, nix, grando. Cum autem quatuor elementorū substantiæ & summæ qualitates ita in vnum coeunt, vt exactè pa- res eorum omnium sint potentiæ, nec ullius omnino excessus aliquis, tunc certe tēpera- mentum illud efficitur, quod absolutè tem- *Tempera-* peratū nominamus, quod ceu regula quæ- *mentū ab-* dam est ac perpendiculum, ad quod relque *solutè tem-* temperamentorū species exigi atq; exami- *peratum.* nari debent. Quæcunq; enim temperamen- ta ab huius absolutè temperati *συμμετρία* deficiunt, & dispares habent elementorum poten-

potentias, ea quoq; mox aliud nomen ac genus sortiuntur, ac dicuntur non quidem temperata, sed vel calida, vel humida, vel frigida, vel sicca, Vel si duarum qualitatum potentiae reliquas duas oppositas superent, copulatiuè calida & humida, calida & sicca, frigida & sicca. Quæ certè nomina relatiuè accipienda sunt, vt perinde sit, ac si dicas calidiora frigidiora, humidiora sicciora, vel per coniugationem, calidiora & humidiora, calidiora & sicciora quam est temperatum. Cum enim quatuor sint ex quibus temperatum conficitur, potest vna aliqua qualitas contrariam vincere, reliquis duabus moderatè & æqualiter se habentibus. Cumq; id in singulis quatuor accidit, existunt certè quatuor simplicium temperamentorum species. Vel possunt duæ qualitates in temperamento excellere, & duas oppositas vincere, idque secundum quatuor coniugationes, calidi & humidi, calidi & sicci, frigidi & humidi, frigidi & sicci. Atq; ita aliæ quatuor species oriuntur temperamentorum compositorum seu coniugatorum.

Sunt igitur nouem in vniuersum temperamentorum differentiae, specie distinctæ. Vnum, quod ceu reliquorum norma primo loco

loco ponitur, temperatum, & ad hoc collocata octo intemperata, quatuor simplicia, & quatuor composita. Cæterum cum vel una vel duabus qualitatibus, alia corpora magis, alia minus, à temperato recedant, fit ut in singulis illis octo generibus ingens sit latitudo, & infinitæ propè secundum magis & minus differentiæ, quæ tamen speciem non mutant. Et quanquam Medicorum hæc particulares differentiæ negligendæ non sunt, exacta tamen scientia comprehendendi non possunt, sed tantum artificiosa coniectura, quæ inter exactam noticiam & absolutam ignorantiam media est. Eorum opiniones, qui calidum & humidum temperamentum, item frigidum & siccum, subsistere non posse arbitrantur, propterea quod humidum à calido continuo digeritur, quemadmodum idem à frigido compingitur & conseruatur: Item eorum error, qui calidum & humidum idem esse statuebant cum temperato, & imperfecta doctrina eorum, qui simplices temperamentorum species prætermittebant, rationibus multis & exemplis confutantur à Galeno, lib. 1. de temperamentis.

Et si enim calidum & humidum temperamentum, minimè omnium statum suum seruat,

seruet, propterea quod humor nullo non temporis puncto caloris vi dissipetur, tamen inde non efficitur, quin hic excessus calidi & humidus aliquamdiu etiam subsistere possit, sicut apparet in balneis, & in recens natis puerorum corporibus, quæ omnino calida sunt & humida. Porro absumptum paulatim per calorem proprio ipsius alimentum, humida videlicet partium substantia, fit tandem, ut quæ calida & humida erant corpora, non solum humida verum etiam calida esse desinant, ac naturaliter per senectutem frigida ac sicca euadant. Quod si autem calidum & frigidum cum humido & cum eius contrario sicco subsistere possit, ut modo demonstrauius, sequitur, quod etiam cum illa temperie, quæ inter humidum & siccum media est, subsistere poterunt. Minus enim medium distat ab extremis, quam extrema à se inuicem. Quod si ita est, patet quatuor simplicia temperamenta non fuisse prætermittenda.

Fuerunt qui temperatum ipsum omittendum putarent, propterea quod illud exactè temperatum nunquam reperitur, nec esse possit. Pares enim si fuerint, inquiunt, elementorum vires, nulla ab ijs fiet actio, nulla generatio aut corruptio. Sed ut concedendum es-

dum esset, temperatum nusquam reperiri, tamen cum sit cæterorum lex & regula, ad perfectam de temperamentis doctrinam statuere ipsum necessarium erat. Quanquam ut pares qualitatum elementorum vires statuamus, nihil tamen impedit, quo minus summæ qualitates contemperare se mutuo possint, & temperatum producere, quod temperatum etsi speciem suam diutissimè seruat, & corumpentibus causis omnibus maximè obsistit, afficitur tamen ijs etiã atq; ad interitum deducitur. Adde quod corpora calida & humida manifestè cernuntur in frigida & sicca degenerare, ex quo sequitur prius temperata fieri debere. Ab extremo enim ad extremum non fit transitus, nisi per medium.

TEMPERATVM
 dici dupliciter, ut medium totius substantiæ, vel medium alicuius inferioris generis aut speciei.

CAPVT XI.

OMnium substantiarum, quæ huius inferioris mundi ambitu continentur, extrema sunt ac summè contraria 4. Elementa. Inter hæc extrema ingens est interuallum, in quo omnia generabilia & corruptibilia animalia, stirpes

stirpes & reliqua inanimata corpora consistunt. Quod iam in horum extremorū medio est positum, atq; ita concretum, vt nulla qualitas alteram vincat, id simpliciter & absolutè temperatum appellari antea diximus. Dicitur & temperatum ad pondus, & temperatum ad vniuersam substantiam vel temperata substantia quod in totius substantiæ genere exactè & quasi pondere commensuratum libratumq; sit medium. Ad eundem modum cū singulis animantium, stirpium, reliquarumq; rerum generibus, & subiectis illis speciebus, extrema quædam sint constituta, extra quæ nihil tale queat consistere, quod horum extremorum medium obtinet, id quoq; temperatum dicitur, non quidem absolutè, sed cum additione generis aut speciei, vt temperatum animal, temperatus homo, bos, leo, canis. Appellant id quoq; temperatum ad iusticiam, (proportionem scilicet Geometricam) propterea quia tamen ab illo totius substantiæ symmetro dissideat, tale tamen nactum sit temperamentum, quod suo generi est optimum, atq; ad edendas proprias suas actiones congruentissimum. Iusta enim natura non omnia omnibus ex æquo, sed cuiq; generi, quantum naturæ ipsius conuenit, dispensat.

CA.

*CALIDVM, FRIGIDVM, reliquaq; temperamenta
excessum notantia quot modis
dicantur.*

C A P V T . X I I .

PER calidum, frigidum, humidum & siccum, extra temperamentum quidem significantur quatuor prima sincera Elementa. Cùm verò temperamentorum nomina sunt, & secundum octo illas differentias excessum notant, interdum referuntur ad medium totius substantiæ, interdum ad medium sui generis vel speciei, interdum verò ad alia quævis, Vt nihil vetet, quo minus contraria plerumq; de eodem prædicentur, sed diuersis relationibus, quas qui nescit aptè distinguere, eum necesse est in disputatione de Temperamentis sæpe implicari ac confundi. Vt si quærat, quo temperamento sit hic leo, diuersa ac contraria responderi possunt. Nam si ad medium seu temperatum totius substantiæ, vel ad medium generis animalium conferatur, rectè dicitur calidus. Si verò ad medium leonini generis comparetur, poterit
E esse

PARIE PRÆDICANTVR.

esse frigidus : Nec erunt pugnancia si dixeris, eundem leonem calidam esse substantiam, & calidum animal, frigidum tamen leonem. Illa autem collatio quæ fit ad alia quæuis, varia est. Aut enim genus cum alio genere comparatur : Sic animalia ad stirpes collata calida sunt. Aut species cum specie : Sic homo cum leone comparatus frigidus est, cum formica & pisce calidus. Aut indiuiduum cum seipso confertur, aut cum alijs indiuiduis, vt Plato febricitans calidior est seipso sano, senex frigidior seipso iuvene, vel ad Theonem collatus, calidus, ad Socratem, frigidus.

TEMPERAMENTORUM differentias primò &

præcipuè internæ manus tactu discerni : Deinde etiam ea, quæ in partibus est, compositionis natura.

CAPVT XIII.

Generalis temperamentorum dignoscendorum ratio.

Postea.

POSTeaquam quid sit temperamentum, & quot eius species, & ὁμῶν μὲν earū appellationes explicuimus, consequens est, ut quomodo cum in singulis humani corporis partibus, tum in vniuersa hominis natura explorari debeat, inuestigemus. Cum itaq; constet, calidum, frigidum, humidum & siccum, ex quibus temperamentum omne conficitur, tactiles esse qualitates, id est, eiusmodi, quæ tactum nostrum præcipuè afficiunt, manifestum certè sit, temperamenta tactu discerni ac judicari debere, non aliter quam colores visu, & reliqua sensibilia proprio quem afficiunt sensu. Sunt enim hæc sensuum iudicia non minus firma, quam communes mentis notiones. Cæterum cum id quod qualitatū differentias exactè est percepturum, necesse sit ut prius nulla insigni qualitate sit affectum, inuestiganda certè in corpore pars aliqua est, quæ ad dijudicandas tactiles qualitates iisdem qualitatibus planè sit temperata, similis ei, qui in oculo est, Crystallino humori, qui ad omnes colores discernendos aptissimus est, propterea quod omnis coloris est expertus. Huiusmodi autem est internæ manus cutis, non cuiusuis, sed tantum temperati hominis, quæque

ab aëre reliquisq; externis causis nihil est immutata, nec callo nec cicatrice obducta. Hæc enim cutis non solum cæterarum corporis partium, sed totius etiam substantiæ temperatissima censetur. Si quis enim aquam feruentissimam, cum niue aut glacie frigidissima, æqualibus portionibus contemperet, existeret certe medium illud inter calidum & frigidum, quod tepidum dicitur, in tota substantia temperatum, in quod si quis ita temperatam internam manum immiserit, nec caliditatem nec frigiditatem sentiet, sed temperatum illud omnino iudicabit. Similiter si siccissimam terram vel cinerem, cum pari aquæ modo commisceas, & temperatæ manus tactu, quale illud mixtum sit, explores, nec durum nec molle, sed medium inter vtrumq; reperietur. Ex quo illud concluditur; Primum ac precipuum temperamenti iudicem esse cutem, quæ est in interna manu. Porro si quis ita ut diximus temperatum tactum in humano corpore exercere, ac simularium omnium temperamentum inuestigare velit, is certe reperiet, sanguinem, qui in nobis est, maxime esse calidum, proximè autem ab eo carnem, ut quæ tota ex sanguine quasi concreta est. Ossa verò, cartilagines, membranas,

tendi-

tendines, ligamenta, nervos, frigida iudicabit, atq; vnumquodq; eo frigidius, quo sanguinis & carnis habet minus. Quare si cutis temperamentum compositione ipsius etiam metiri velimus, erit & hoc modo temperatissimum. Cutis enim nihil aliud est, quam nervosa quædam substantia, carneis & vasorum fibris frequentibus intertexta, & sanguine mediocriter prædita, ita etiam, vt hac ratione inter calidum & frigidum, humidum & siccum, medium obtineat.

*Demonstratio temperamentii
in singulis similaribus .
partibus*

AD cutem igitur tanquam ad totius naturæ temperatissimum, reliquæ similis corporis partes comparandæ sunt, atq; vt hac vel illa qualitate ab ea cute variant, tale quoq; temperamentum habere dicentur, hoc modo. Sanguis omnium calidissimus simul & humidissimus est. Hunc ordine deinde sequuntur, caro muscutorum, caro jecoris, lienis, renum, cordis, sed lien jecore humidior est. Frigida & humida maxime est pituita. Huic frigiditate quidem proximi sunt nervi molles, spinalis medul-

E 2

la, co-

la, cerebrum, ossium medulla, adeps. Sed humiditate proximè ad pituitam accedit adeps, deinde reliqua modo dicta, ordine inuerso. Frigidissimum & siccissimum est Os, deinde reliqua, eo quo sequuntur ordine, cartilago, ligamentum cartilagineum, quod Græcis *νευροχονδρώδης σύνδεσμος* dicitur, simplex ligamentum, tendo, membrana, arteria, vena, neruus durus, illa eo quo dixi ordine recedunt à cute. His vel primo loco annumerari possunt pili & ungues, item ater succus seu Melancholicus humor, calida verò & sicca est flaua bilis. Qui Cor similariū omnium calidissimum, item, qui arterias & venas calidas esse pronunciarunt, ij non ad propriā illarum partium substantiam, sed ad eum, qui copiosus in eis continetur, spiritum & sanguinem respectum habuerunt. Quo modo Galenus etiam cerebrum calidum affirmat, & pulmonem humidum, non à proprio quidem substantiæ ipsius humore, sed tum ab aëre frigido inspirato, tum etiā ab ea, quæ assidue ad humectandum ipsum à capite defluit, pituita, reliquisq; humidis excrementis, quæ propter suam raritatē facile suscipit. Si quis autem substantiam, ex qua pulmo constat, expendet, nimirum asperæ arteriæ, reliquarumq;

rumq; venarum & arteriarum copiosas propagines, & carnem qua hæc fulta sunt, molle, leuem ac raram, prætereà etiam alimentum quo nutritur biliosum, is certè non humidum, sed siccum ipsum omninò judicabit. Verum si quis temperamentum partium non à proprijs, sed ab ijs, quæ in ipsis continentur, vel ipsas circumstant, substantijs æstimare velit, nihil obstabit, quo minus omnes viventis corporis partes interiores calidas esse dicamus. Quæ enim circa calida viscera sunt ossa, cartilagines, membranæ, similesq; frigidaë particulae, calidiora etiam tangentibus occurrunt, quam extremarum partium caro. Verum hic calor illarum partium proprius non est neq; insitus, sed alienus & aduentitius. Cum igitur ea, quorum temperamentum quæritur, sincera & alienis qualitaribus orbata tangentibus non occurrant, tactui committendum iudicium non est, sed compositionis natura potius est consideranda, atq; ex ea iudicium faciendum.

Appendix de ADIPE.

ADipè in frigidorum ordinè postremo posuimus, propterea quod à frigido concretus, & sanguine exiguo prædius sit, & nulla caliditate præ se ferat. Alij tamen calidis

E 4

annus

96 TEMPERAMENTVM VNI.

annumerare eum malunt, quod substantia eius ex aëre & tenui sanguinis portione constet, & facile in flammam vertatur.

QVOMODO DE V. niuerso hominis tempera- mento sit iudicandum.

CAPVT XIII.

Quemadmodum ex contrarijs ac summis elementorum qualitatibus totis per totas mixtis, singularum partium naturam ac temperamentum constare prius ostendimus: Ita ex multis & varijs illis, quæ modo recensuimus similaribus, calidis, frigidis, humidis, siccis, varij quoq; vapores ac spiritus in vniuersum corpus perferuntur, qui dum in vnum coeunt, seq; mutuo confundunt, vt est totum corpus fluxile & conspirabile, vnum certè corporis vniuersi temperamentum efficient, suo tamen cuiq; proprio temperamento seruato. Illud autem ex profundo sublatum, in extima corporis superficie, ipsa scilicet cute, maximè consistit, quæ certè cutis non alio instrumento, quam eo, quod antè diximus, temperati hominis tactu exploranda est, atq;

ex ea

ex ea de vniuersi hominis temperamento pronuntiandum. Si autem temperata cutis, vt supra demonstrauius, mediū est totius substantiæ, consequens erit, vt temperatum hominem, qui talis ex temperata cute cognoscitur, non solum reliquorum animalium, sed vniuersæ etiam substantiæ medium statuamus. Quanquam exactè illud medium, quod velut in puncto consistit, cogitatione magis quam sensu comprehendimus. Quæcunq; enim sensibus iudicantur temperata, latitudinem semper aliquam habent, vt vel in hanc vel in illam partem nonnihil inclinent. Conficitur autem hoc vniuersi hominis temperamentum, non solum ex crassiore illa elementari mixtura, quæ in mortuis etiam animalibus cernitur, verum etiam ex calore nativo seu spiritu, qui pro modo crassioris illius temperamenti, omnibus particulis ab ipso generationis initio insitus est, & assidue ab influente à corde spiritu, fouetur ac sustentatur. Est autem hic spiritus ignea seu potius ætherea quædam substantia, omnium quæ in corpore sunt calidissima, qua prædita corpora viuunt ac vigent, orbata verò moriuntur. Huiusmodi etiam calorem Aristoteles plantis dū vegetantur tribuit, eoq; viuere ipsas & calere dixit.

Corpa-

*Corporis vniuersi Tempera-
mentum à dominantibus hu-
moribus iudicandum
non esse.*

QVI corporis temperamentum à domi-
nantibus humoribus estimant, ac proin-
de biliosum, pituitosum, melancholicum
& sanguineum nominant, disputationem
omnē de temperamentis confundūt. Aliud
enim est corporis temperamentum, aliud
humor aliquis in corpore redundans. Etsi
enim pro ætatibus, vna cum temperamen-
to, humorum commoderatio etiam ferè
mutetur, vt prima ætate cum calidum &
humidum est temperamentum, sanguis et-
iam magis abundet, Deinde verò, sicce-
scentibus corporibus, primum flauæ bilis,
deinde etiam atræ bilis plus coaceruetur,
Postremò verò cum destituta calore sunt
corpora, pituitosum excrementum exu-
peret: tamen perpetuum illud non est neq;
necessarium, vt redundantium humorum
naturæ temperamento respondeant. Per-
multi enim quorum temperamentum ad
frigidum & humidum inclinat, non pitui-
tam sed

tam sed bilem multam vomunt. Rursus fit, vt quorum temperamentum ad calidum & siccum tendit, pituita multa laborent. Adde quod senibus omnibus frigidis & siccis, non tam melancholia quam pituita negotium facessit. Interdum humores in corporibus congregantur, à natura omnino alieni. Quare ab ijs temperamentum æstimari non licet. Accedit hūc etiam, quod à causis externis totaq; victus ratione, ac maximè ab alimentorum facultatibus, modò hunc modò illum humorem abundare contingat, manente temperamento, quod non nisi longo tempore & magna contrariarum causarum vi mutari potest. Dependet enim, vt modo diximus à similiarium partium naturis diuersis, in vnum quasi coeuntibus. Illæ autem cum firmissimis fibris intertextæ ac maxima ex parte solidæ sint, firmiorem multò naturam habent quam humores.

Vniuersi hominis temperamentum etiam cognosci per signa, seu ea quæ temperamentum necessario sequuntur.

Non

NON igitur ab humoribus, sed à partium
 similarium dissimili temperie, insitisq;
 illis spiritibus in vnum confusis, illud quod
 quærimus vniuersi hominis Temperamen-
 tum spectari debet, quod cum se in extima
 cute prodat, primum ac per se temperati
 hominis tactu, explorari ac cognosci dixi-
 mus, atq; illum temperatum censeri, cuius
 cutis temperata est, frigidum aut calidum,
 cuius cutis maiorem quam pro temperato,
 caliditatem vel frigiditatem repræsentet.
 Est autem præter tactum alia quoq; cogno-
 scendi temperamenti ratio, nimirum per si-
 gna, seu ea quæ temperamentum necessa-
 rio comitantur. Huiusmodi autem sunt
 functiones, quarum videlicet causa totus il-
 le corporis apparatus est factus, corporis
 habitus, color, pili. Vt igitur ab ijs quæ
 hominis propria sunt, animi moribus, pri-
 mum auspicemur, temperati hominis signa
 erunt animi mores moderati, vt videlicet
 medius sit inter callidum & hebetem, hoc
 est, integer, inter misericordem & inuidum,
 id est, humanus, inter audacem & timidum,
 id est, fortis. Inter iracundum & ignauum,
 præcipitem & contantem, inter libidino-
 sum & à Venere prorsus alienum: Deinde
 in sensibus ac motibus voluntarijs medio-
 critatem

eritatē seruans, nec somnolentus nec nimis infomnis. Naturales quoq; facultates & actiones, vt concoctiones, excretiones, item excrementa omnia benè habeat moderata. In corporis habitu nec mollis, nec durus, nec gracilis nec corpulentus, nec pinguis, sed mediocriter carnosus, non hirsutus, nec glaber, sed medius, non albus, pallidus aut rubicundus, sed benè coloratus, id est, colore præditus, qui est ex albo & rubro commixtus, Venas nec amplas habeat nimium nec angustas, sed mediocres. Huc accedit etiam illud, vt omnibus insalubribus causis quam maximè resistat. Cui hæc omnia ita à natura obrigerunt, is certè temperatus iudicari potest. In vnoquoq; autem genere nosse id, quod optimum est atq; perfectissimum, non mediocris est artificis. Ei certè qui in quocunq; genere excellere volet, prima cura esse debet, vt quæ admodum pictores & statuarij faciunt, vnam aliquam pulcherrimam eius operis, quod molitur, Idæam sibi in animo proponat, ad quam reliqua omnia examinet, & actiones suas omnes dirigat.

Cæterum temperatum hominem medicorum potissimum exemplar, vtcunq; nunc delineauimus. Hic vt vnicus est, ac simplex,

simplex, ita qui ab illo euariant, in magna varietate versantur. Alij enim vna, alij duabus qualitatibus, vt antea diximus, a temperato recedunt. Præterea alij toto corpore æquale, temperamentum sortiti sunt, alij inæquale, vt alijs atq; alijs partibus, aliter atq; aliter temperati sint. Si autem in æquale sit temperamentum, singulorum membrorum per se, ac maximè eorum quæ principalia dicuntur, signa consideranda sunt. Sunt autem principalia membra seu principia quatuor illa: Cerebrum, Cor, Epar, Testes ideo sic dicta, quod velut scaturigines sint earum facultatum omnium, quibus corpus nostrum gubernatur. Sed nos æquale temperamentum primum persequemur, ac signa illa recensebimus, quæ prima occurrunt. Huiusmodi sunt eā, quæ in externo corporis habitu, non tactu solum sed alijs quoque sensibus statim observantur. Qui igitur toto corpore calidiores sunt temperato homine, in ijs mox tactu caliditas maior percipitur blandior quidem, si humidores etiam fuerint, vt pueri, acrior, si sicciore, vt iuuenes. Qui frigidiores sunt, contactu etiam tales deprehenduntur. At si humidi etiam simul fuerint, molliores, si sicci, duriores similaribus partibus sentiuntur. Corp-

ris enim humiditas mollitiei, siccitas duritiei causa est. Calidum & humidum temperamentum ad nutritiones aptissimum est. Calor enim celerrimè alterat. Humidum verò ac molle corpus, quod alteratum est in se promptissimè recipit. Galenus lib. 6. de morbis & sympto.

Quod verò ad corporis habitum attinet, qui natura temperatus est, & moderata victus ratione utitur, is *εὐσπαρκός*, id est, corporis habitu mediocri est. Hoc ipso, si quis natura calidior fuerit, is minus erit pinguis; si verò frigidior, pinguior quam pro temperato, idque secundum utriusque excessus modum. Si humidior fuerit, erit corpulentus *πλούσαρκος*, id est, carnosior & pinguior quam temperatus, magis tamen carnosus, Si humidior & paulò frigidior, carnosus & pinguis ex æquo. Carnis enim generatio est ex sanguine calido mediocriter assato, pinguedinis verò ex sanguine à frigido concreto, quod maximè fit circa membranas & alias partes frigidiores. Si siccior fuerit, erit temperato gracilior & durior. Atque hæc quidè sunt proprii & natiui réperamenti notæ, quæ in habitu primū apparent. Accidit autè eos qui natura graciles sunt, interdū pinguescere, cū ocio & delitijs dediti,

dediti, vitam agunt ignauiolem, victuq; pleniori & fomno multo vtuntur, Vt rursus, qui natura pingues erant, graciles funt, cum victu tenui, curis, laboribus ac vigilijs multis se exercent. Sed natium ac proprium temperamentum ab acquisitione discernitur, ex vasorum amplitudine & angustia. Qui enim amplas habent venas, quantumuis pingues appareant, tamen cum calidi natura sint, pingues natura esse non possunt. Qui verò angustas venas habent, quantumuis graciles existant, cum frigidi natura sint, consuetudine magis quam natura graciles censerì debent. Caliditas enim est, quæ in prima generatione vasa spiritu extendit atq; amplificat. Huc accedit, quod quibus ampliores venæ sunt, in ediam etiam facilius ferunt. Plus enim habent sanguinis, & quod frigidis in adipem vertitur, id illis sit alimentum.

DE PILORVM Generatione, & notis temperamenti quæ ab ipsis sumuntur.

CAPVT XV.

Plli corporis substantiâ non constituunt, Nulla enim facultate, vt reliquæ partes, præ-

tes, præditi sunt, non nutriuntur propriè, neq; secundum omnes dimensiones augmentum accipiunt, sed tantum in longitudinem excrescunt. Quare etsi in corporis partibus non numerentur, ad iudicandum tamen corporis natium temperamentum multum valent, facile in conspectum veniunt, nec ita abditi sunt vt venæ, & in naturaliter se habentibus non nisi ætatibus mutantur. Materia ex qua generantur, est crassus, fuliginosus ac terreus vapor, qui ex toto corpore vi caloris suscitatur, dumq; exitum sibi molitur, primum paulatim cutem perforat, cumq; in poris illis ita hæret, nec transpiratione euacuari potest, vt halitus, neq; vt humor relabi, pori formam nanciscitur. Accedente verò alia simili materia, exitum etiam quærente, paulatim protruditur, & fit is qui cernitur pilus, crassus aut exilis, pro materiæ fuliginosæ quantitate, & meatuum amplitudine, simplex verò aut crispus, prout meatus sunt recti aut plexuosi. Flexuosi sunt ab imbecilla exhalatione, vel nimia cutis duricie, vel vtroq;. Albus verò, niger, flauus, rufus, pro humoris quem secum ex profundo affert colore, & ipsa quoq; aduersionis ratione. Aduritur autem caloris vi, & tempo-

F

ris spa-

ris spacio, quo in poris moratur. Moratur autem diutius, ob virtutis impellentis imbecillitatem, & humoris viscositatem & crassitiem, & pori angustiam. Porro qui in capite, cilijs ac supercilijs pili conspiciuntur, etsi prima intentione à natura facti sunt, & non propriè temperamentum sequuntur, vt reliqui pili: tamen quæ illis accidunt, color, exilitas, crassities, paruum aut magnum incrementum, caluitium vel canities, temperamentum etiam indicant. His iam cognitis illud patet, cur qui calidi sunt simul & sicci, maximè omnium pilis abundant. Calor enim generat atque suscitatur fuliginosum excrementum. Siccitas verò facit, vt meatus cutis, aperti maneant, atque in sese rursus non concidant. Quod si ita est, sequitur eos qui frigidi sunt & humidi, maximè esse glabros, medio modo se habent, qui calidi sunt vel sicci, in altera oppositione temperati. Sed frigidi omnes sunt glabri, minus tamen qui simul etiam sunt sicci.

*De pilorum secundum colores
differentijs, earumq; causis.*

In pilis,

IN pilis, cute, humoribus, vrinis, reliquisque rebus omnibus, magna est colorum varietas. Simplicissimi atq; extremi sunt, Albus & Niger, cuius homini satis noti. Qui verò medij inter illos, atq; ex illis quasi cōpositi sunt, multiplices ac ferè incompræhensibiles existunt. In præsentia cum de pilis agimus, flauum ac ruffum cum Galeno medios statuemus, eo discrimine, vt ruffum ad album propius accedat, flauum verò ad splendidum magis accedens, inter album & nigrum sit medium. Nigri itaq; sunt pili ab excremento valde adulto, atq; in exactam fuliginem seu atram bilem mutato, Flauī verò à materia minus adusta, & flauæ bilis naturam referente. At bilis quidem flaua propriè dicitur, cum splendore ab igne contracto, flauescit; ruffa verò cum & albior & turbidior existit. Porro albi pili materia minus est adusta, magisq; pituitosa quam reliquorū. Ruffi vt inter albos & flauos sunt medij, ita quoque ex materia, quæ inter pituitam & flauam media est, oriuntur.

De differentijs pilorum secundum ætates, sexus, regiones.

F 2

His ita

HIS ita præsuppositis ac diligenter consideratis, non inutile est exemplis & questionibus, quæ de differentiis pilorum secundum ætates, sexus ac regiones moueri solent, exerceri. Nec difficile certè est cuiusq; differentiæ causas ex temperamento ipso depromere. Pueri recens nati ferè sunt glabri, propterea quod fuliginosum excrementum, pilorum materiam, nondum habeant, nec cutem porosam. Ad pubertatem accedentes pilos habent exiles, albos aut rufos, & imbecilles & modici incrementi, nimirum à materia non ita copiosa adhuc neq; adusta. Ætate florentibus crassi sunt, nigri & validi, & magni incrementi. Copiosum enim & crassum ac valdè fuliginosum suppetit illis excrementum, & in his præ siccitate satis patens. Pueris proportionè quodammodo respondent, qui regiones frigidas & humidas incolunt, sicut Germani & Sarmatæ. Ætate florentibus, ij qui in calidis & siccis regionibus habitant. Qui in temperatis locis degunt, ijs, qui inter pueros & florentes sunt medij. Similes enim quodammodo pilos habent, & ex similibus causis. Mulieres cum natura humidiores sint & minus calidæ, glabræ sunt. Eunuchi cum exsectis testiculis calorem nativum

uum habeant multò quam antea debilio-
rem, glabri etiam vt foeminæ fiunt, & bar-
bam si quam habebant, amittunt.

*De Capitis pilis, & qua sit
Caluitij & Canitiei causa.*

CAPitis cutis, pilis etiam in prima ætate
satis abundat. Ad eam enim ex cerebro
toroq; corpore vberior fertur fuliginosi ex-
crementi copia. Huc accedit etiam, quod
hæc cutis tantò reliqui corporis cute sic-
cior est, quantò eadem est durior. Pueris
certè tam est sicca ac dura, quam ea quæ æ-
tate florentibus in reliquo est corpore.
Quare qui statim ab initio eam nacti sunt
ficciolem, ij procedente ætate cito calue-
scunt. Cutis enim ficcitas ac reliquarum
partium omnium, magis ac magis semper
augetur, vsq; dum tandem testaceam quan-
dam naturam acquirat, ex qua, vt ex terra
omnino arida, nihil nasci potest. Calui-
tium autem accidit maxime sincipiti. Hac
enim parte nudæ tantum caluariæ cutis in-
cumbit, ideoq; sinciput reliquo capite sic-
cius est. Tempora humidiora sunt. Ha-
bent enim magnos & latos musculos, ex
quibus ad pilorum generationem cutis sa-

tis habet alimenti, vnde quidem minus cal-
 uescunt sed cito canescunt. Canescunt au-
 tem, cum pituitosa pili materia lentius à
 calore propellitur, & spacio longiori quo-
 dammodo putrescit. Posterioris corporis
 partes magis sunt glabræ, anteriores pilo-
 sæ. Causam assignat Hippocrates Apho-
 rismo 69. lib. 5. Quia videlicet anterioris
 corporis cutis est rarior, densior autem quæ
 à tergo est. Raritas autem sequitur calidita-
 tem. Qua parte igitur cutis pilosa magis
 est, ibidem quoq; est rarior & calidior, ut in
 mento, thorace, alis, inguinibus. Postero-
 ris autem corporis glabrities minorem ca-
 liditatem significat, eamque Hippocrates
 causam statuit, cur rigores mulieribus præ-
 fertim magis à lumbis, id est, infima dorsi
 parte incipiant. Volæ manuum ac plantæ
 pedum nullum omnino pilum producant.
 Subiecti enim ibi sunt cuti ampli quidam
 tendones, qui præterquam quod densi ac
 duri admodum sunt, etiam attritu suo pilo-
 rum generationem impediunt. Palpebræ
 etsi minus habeant humidi, quam cutis ca-
 pitis, tamen id ipsum viscosius est ac minus
 dissolubile, qua ratione Æthiopes etiam,
 etsi natura sicciores, minus tamen caluescunt.
 Exhalante enim in ijs eo quod tenue est,

manet

manet tantum crassa & viscosa pilorum materia, quæ tardius exit & tenacius hæret, quæ etiam causa est, cur pili eorum crispi sint & exigui incrementi.

Ex cicatricibus pili quoq; non nascuntur. Quæ enim cutis loco generatur cicatrix, duriore omninò est substantia, nec ita cutis à vaporibus perforari potest. Accidit etiam ab alijs causis præter naturam glabrics, utpotè à prauis humoribus radices pilorum erodentibus, ut apparet in Alopecia & Ophiafi. Et Hippocrates lib. 6. iudicat, vlcera esse *κακονθή*, id est, quæ ægre ad cicatricem perducuntur, cum partes vicinæ circumquaq; glabræ sunt. Verum neq; partium singulare, neq; vniuersalis cuiusque salubris ac insalubris temperamenti proprias notas omnes persequi nunc institutum fuit, petet ea qui volet commodissimè ex Galeni arte Medicinali. Tantum enim habitus & pilorum differentias, earumq; causas explicuimus, & inuestigandi temperamenti generalia quædam præcepta tradere voluimus, eaq; propositis exemplis aliquot exercere atq; illustrare.

Quare non patitur nos Methodi

nostræ ratio latius e-

uagari.

F 4

QVO

QUOMODO A CUTIS colore temperamentis

signa sumantur.

CAPVT XVI.

Reliquum erat, vt quātum ad temperamentum significationem cutis color momenti haberet, explicaremus. Eius autem fundamentum est sanguis, per cutem sparsus. Qualis enim ille est, talis ferè efflorescit in cute color, ea præsertim quæ in facie est, cum sit reliqua cute mollior ac tenuior, & cum subiectis musculis magis quasi commixta. Primum itaq; viuus ille color cutis, temperatorum corporum proprius, qualis sit, diligenter est considerandum atq; memoriæ infigendum, Est autem ille quasi ex albo ruber, cuiusmodi apparet in ijs ferè qui natura albiore sunt, dum è balneo egrediuntur. Cutis enim per se alba est, sed ex perfuso mediocri sanguine & subiecta carne ruborem contrahit. Ad hunc temperatum colorem, reliqui qui in corporibus à temperato discedentibus cernuntur, albus, rufus, flauus, pallidus, ruber, liuidus, niger, conferendi atq; examinari-

minandi sunt. Album colorem in cute gignit sanguis pituitosior & albior. Nigrum verò, qui nigrior & caloris vi magis adustus est, quem etiam Melancholicum appellant, similis quidem illi fuligini, ex qua nigros pilos generari diximus. Flauum largior bilis cum pituita mixta, Rubrum efficit sanguis paulò calidior, ac si caliditas aucta fuerit, ruborem ad nigredinem deducit, præsertim si siccitas etiam accesserit. Pallor non tam color est, quam coloris priuatio, quare & decoloratio Latinis, Græcis, ἀρροία appellatur. Talis enim est qualis in perterritis apparere solet. Huic opponitur εὐρροία, id est, coloris bonitas ac suauitas. Possuntq; hæc duo cum alijs coloribus benè consilire. Qui terretur, siue albus natura sit, siue niger, siue ruber, statim pallefcit, id est, coloris natiui vigorem amittit: Qui verò lætitia afficitur, fit benè coloratus, id est, natiui coloris vigorem habet vberiorum. Ruffus color duplex est, vnus, qui à bile modicè cum pituita mixta nascitur, alter, albus ille pallor ad liuorem accedens, qualis apparet in albis, dum terrore consternantur. Talem Galenus tribuit ijs, qui natura valdè frigidi sunt & humidi. Hippocrates peculiarem Scythicæ gentis esse

vult, quæ à solis ardore longius absit. Liuidus seu plumbeus color, viridis, auruginosus, & reliqui, qui ab Hippocrate enumerantur in prognost. morbosorum statuum sunt proprii, de quibus nunc non agimus. Liuidus certè, qualis in mortuis corporibus, & partibus vehementer refrigeratis, & gangrena obsessis cernitur ad nigrum proximè accedit, oriturq; non tam ab adultis humoribus, quam à caloris natui extinctione seu morificatione. Hæc de coloribus dicta sufficiant.

INTERNARVM

partium temperamenta per proprias actiones potissimum significari.

CAPVT XVII.

QVando internæ corporis partes sensibus nostris subiectæ non sunt, proximum est, vt partium ipsas continentium dispositio consideretur. Harum extima & sensibus maximè exposita est cutis. Ita thorax hirsutus calidi cordis nota, glaber frigidi. Verum cauendum hic est, ne externæ partes externa atq; aduentitia aliqua qualitate adfectæ nobis imponant. Regionem & æ-
rem

rem temperatum difficile est inuenire. In regionibus autem intemperatis, externæ partes internis temperamenti proportionem non respondent. Germanis, Gallis & Thracibus, si Galeno credimus, cutis quidem frigida, alba, mollis & glabra est: interna verò ipsorum plurimo abundant calido nativo. Arabes verò, Æthiopes ac reliqui meridionales populi, in quibus cutis adulta, dura, sicca ac nigra cernitur, intus minus habent calidi nativi. Quare proprio calore frigidi, alieno calidi dicuntur. Cum igitur hæc iudicandi formula in partibus interioribus sæpe fallat, altera potius est utendum, & internarum partium temperamentum ex proprijs ipsarum functionibus est iudicandum. Exempli gratia. Bene temperatus ventriculus censebitur, qui cibum ac potum moderatum quam optime concoquit, nec acidus ructus emittit, ut frigidus, nec nidorosos, ut calidus, nec bilem nec pituitam immodicam generat. Cæterum dum functiones ac temperamentum per excrementa exploramus, diligenter cuiusque particulæ propria excrementa, ab ijs quæ ad ipsum aliundè fluunt, sunt distinguenda. Quemadmodum Galenus id docet in ventriculo, libr. 2. de temperamentis. Tem-
Perati

76 TEMPERAM. CORDIS SIG.

perati cordis, facultas vitalis & ea quæ animosa dicitur, mediocritatem seruat. Pulsus enim arteriarum qui motui cordis respondent, secundum *συωλήν & διάσολην*, & medias quietes, moderati sunt. Calidi verò cordis, pulsus sunt maiores, velociores & frequentiores. Frigidi verò, minores, tardiores ac rariores, quibus proportionem respondet etiam respiratio. Sicci cordis pulsus sunt duriores, humidi molliores. Altera cordis facultas animosa, *θυμοειδής*, si cor temperatum fuerit, moderata quoque ipsa est. Si ad caliditatem declinet, iracundi homines fiunt, audaces, impigri, furiosi: Et contra si frigidius fuerit, pusillanimes, timidi segnes: Si humidius, irritabiles sed facile placabiles: Si siccus, non irritabiles quidem sed implacabiles & feri existunt. Hæc pro exemplo sufficiant.

*AN EX PARTIVM
conformatione iudicium de
temperamento fieri possit.*

CAPVT XVIII.

DE temperamento ex partium conformatione iudicare non satis est tutum. Partium enim conformatio non temperamenti,

menti, sed naturæ cuiusdam diuiniore est opus. Pluribus id explicat Galenus de temperamentis lib. 2.

De totius temperamento, non ex una aliqua particula, sed ex omnibus iudicandum esse.

Illud quod antea attigimus diligenter est inculcandum, ut meminerimus, æquale totius corporis temperamentum raro inueniri: Ideoque ex una aliqua parte non temere statim de totius hominis temperamento pronuntiandum esse. Quemadmodum enim in ipsa compositione inæqualis ferè partium proportio reperitur, ita quoque in uno corpore diuersarum partium impari temperamenti ratio esse solet. Ut igitur Physiognomones, dum de animi moribus ex corporis structura coniecturas faciunt, omnium partium conformationem inspicunt: ita Medico quoque totius hominis temperamentum quærenti, faciendum est, ut in singulis partibus particularia temperamenti signa consideret atque expendat, Quo modo id facit Galenus in arte Medici-
cinali

ciali, quem librum cum fructu leget, qui his aut similibus præceptis fuerit instructus.

*DE CAUSIS ALTE-
rantibus, quatenus sint
temperamenti notæ.*

C A P V T X I X.

Quomodo temperamentum tactu primum per se, deinde etiam à posteriori per ea quæ ipsum comitantur signa, videlicet, corporis habitum, pilos, cutis colorem, partium singularum proprias actiones, sit inuestigandum, satis pro Methodica ratione explicatum est. Sic autem comparata iam temperamenti notitia, non mediocriter confirmatur causarum alterantium observatione. Optimè enim temperatum corpus omnibus alterantibus causis maximè resistit, minimunquæ ab ipsis offenditur. Quæ verò à temperato recedunt, à similibus temperamenti sui causis promptius læduntur, juuantur verò modico contrariarum causarum usu. Exempli gratia. Si cui ab aëre calido & humido, & australi constitutione, item à cibo & potu calefaciente ac humectante caput grauari, & ex-
cremen-

crementis multis impleri, & putridis morbis, ut φλεγμόνας & febribus synochis facile corripì appareat, aëre verò & victu refrigerante & siccante juuari & melius habere, hunc certè calido & humido temperamento esse pronuntiabimus, præsertim si & tactus & reliqua signa respondeant.

Causarum verò, quibus necessario corpora nostra alterantur sex sunt genera. I. Aër, sub quo & regiones & anni tempora cōpræhenduntur. II. Motus & quies. III. Somnus & vigilia. IV. Ea quæ intro sumenda offeruntur, ut cibus & potus. V. Excretionēs & retentiones. VI. Animi adfectus. Hæc recentiores Medici sex res non naturales appellant. Galenus causas sanitatis conservatrices & salubres, cum rectè adhibentur, nominat: cum verò non rectè nec opportune adhibentur, insalubres dici possunt. Harum autem causarum in alterandis corporibus potentias nosse, easq; pro diversorum temperamentorum ratione commode dispensare, non ad hanc φυσιολογικὴν Medicinæ partem pertinet, quam nunc tractamus, sed ad alteram de sanitate tuenda ὑγιεινὴν, quæ hanc sequitur. Nunc sanitatis rationem inquirimus, quam in temperamento, compositione, & vnione partium consistere diximus.

Q V O.

*QVOMODO CON-
suetudine seu victus ratione,
& ætate, nativum temperamentum
mutetur.*

CAPVT XX.

Hippocrates Aphor. 34. lib. secundi
scribit, per morbos minus periclitari,
quorum naturæ, aut ætati, aut consuetudini
aut tempori morbus magis congruit : Quo
dicto satis indicat, aliud esse temperamen-
tum quod nobis ingenitum est, aliud quod
ætatis mutatio adfert, aliud quod ex aëre
seu consuetudine seu victus ratione est, ac-
quisitum. Quorum naturam si morbi qui
accidunt imitentur, minus sunt periculosi,
minor enim est lapsus, & facilior restitutio.
Si verò horum temperamentorum naturæ,
morbi non respondeant, vt si feбри ardenti
adficiatur aliquis, qui natura frigidior est,
vel senex, vel hyberno tempore, vel in vi-
ctus ratione frigidior, cum magnus sit à
temperamento lapsus, difficilior quoq; est
restitutio. Vehementem certè morbi cau-
sam esse oportet, quæ vel primum naturæ
temperamentum, vel quod ex ætate aut
consue-

consuetudine postea est contractum potuit euincere. Ratione victus acquisitum temperamentum sic comparatur. Ponamus exempli gratia calidum. Aër, cibus, potus & medicamenta calida, item exercitationes, ira frequens, ac reliquæ calefacientes causæ, primum spiritus & aërem in vacuis corporis meatibus contentum accendunt. Hinc in humores & molliorem corporis substantiam calor paulatim repit, ac tandem solidas etiam particulas occupat, quarum quæ magis patibiles sunt, primò adficiuntur postremò illa quæ solidissima sunt, ut ossa, cartilagines, mēbranæ. Atq; ita tandem assiduo ac diuturno alterantium causarum appulsu, natiuum temperamentum quodammodo expugnatur. Etsi autem acquisitum hoc temperamentum cum natiuo comparari solet, juxta illud: τὸ ἐθὺς ἐπικτητὸ φύσις, tamen cum non nisi longo & assiduo contrariarum causarum usu introducatur, & iisdem submotis, facile prima natura rursus recurrat, minimè constans & firmum est. Difficilimum certè omnino est, eum qui primo temperamento intemperatus, est arte & diligentia in mediocritatem vindicare.

Institutum autem nobis temperamentum

G

æta-

ætatibus mutatur. Ætatem enim Medici vocant tempus, quo insignis ac manifesta aliqua natiui temperamenti fit mutatio. Huiusmodi ætates alij plures, alij pauciores statuunt. Quinq; commodè designari possunt. Quarum prima ab ipsa videlicet natiuitate, vsq; ad annum vitæ 25. adoleſcentia dici potest, quod in ea corpora perhumida adhuc augentur & adoleſcunt. Partes habet, infantiam, quæ ad tertium vel quartum annum: Pueritiam, quæ ad decimum vsq; annum extenditur: Pubertatem, quæ mox sequitur vsq; ad 18. Et eam quæ propriè adoleſcentia dicitur, vsq; ad annum 25. Vniuerſa hæc ætas calida est & humida. Altera quæ deinde sequitur, vsq; ad annum 35. Iuuentus dicitur. Ea calida est & modicè humida. Quod calida & sicca interdum dicatur, id fit præcedentis ætatis comparatione. Tertia quæ hanc excipit, ad annū 45. aut paulo longius extenditur, diciturq; constans, matura & media ætas. Estq; temperata, hoc est, illud temperamentum exactè referens, cuius ab initio corpus habuit appellationem. Quarta dehinc ætas ad 50. vel 60. annum extenditur, diciturq; prima senectus. Hæc iam corpus siccum reddit & frigidum. Postrema ætas vitam claudens, decre-

decrepita appellatur, estq; omnium sicciss.
& frigidiss. & proximè ad interitum vergit.

Harū mutationū causa nobis est ingenerata, nec arte vlla vitari potest. Calor enim natiuus statim ab ipso initio, humidum substantificum & vniuersi corporis substantiam paulatim resoluit, quæ quidem etsi ab humido alimentario rursus restituuntur, non omninò tamen similia, sed sicciora semper ac magis terrestria restituuntur. Quæ causa est, cur corpora, quò generationi sunt propinquiora, eò quoq; sint humidiora, sicciora verò, quo longius à generatione absunt. Sensus id etiā depræhendit, dum recens natorum & vetustorum animalium carnes, quæ in mensis apponuntur, inter se comparat. Media temperati hominis ætas sola est, quæ absolute temperata dici possit. Qui tamen ab initio temperatam naturam sortitus est, in reliquis quoq; ætatibus temperatus dicitur, sed cum additione seu secundum quid, temperatus puer, temperatus senex, cum absolute loquendo in pueritia verè sit calidus & humidus, in senectute frigidus & siccus. Ad eundem modum, qui calidum & siccum temperamentum ab initio adeptus est, hanc temperamenti speciem per omnes ætates

seruat, sed in media ætate eam refert maxime. Non tamen idcirco ætas nulla calida & sicca, vt nec frigida & humida dici potest. Constante enim humido caloris fomento, calorem quoq; constare oportet. Dum autem humidum à sicco supprimitur, nui quoq; calorem & frigiditati cedere est necesse. Ideoq; Galeni sententia est: Etsi perpetua fiat humidi ad siccum progressio, calorem tamen eundem semper vigere, ad illam vsq; ætatem, qua temperamentum siccius iam euadere incipit. Atq; ita mediam ætatem, quod ad calorem attinet, primæ ætati non esse contrariam, sed tantum extremæ. Et iuuenum quidem calorem acriorem esse ait, puerorum verò blandiorem & magis copiosum, parem tamen vtrumq; id est, in gradu qualitatis æquè intenso: Idq; tactu depræhendisse se, nec alio *ἁπλῶς* explorandum esse, pluribus verbis adfirmat lib. 2. de temperamentis.

DE CALORE NATIVO & humido substantifico, brevis explicatio.

CAPVT XXI.

QUAN.

QVANDO ea quæ per ætates fit temperamenti conuersio, ab humidi substantifici & caloris natiui mutatione proficiscitur, horum certè natura diligenter est cognoscenda. In prima itaq; foetus conformatione, seminis substantia omnibus similaribus partibus rudimenta quædam præbet. Diducitur enim semen in tenuissima quædam stamina seu fibras, araneorum telis similes, ad quas cum postea sanguis maternus allabatur, ibiq; concrefcit, moles quædam staminibus illis accedit. Nominatur autem propriè seminalis illa fibrarum substantia, solida: Altera verò ex sanguine orta, mollis & carnosæ. Humidum autem substantificum, non in hac, sed in illa solida sedem habet. Qued igitur solidæ illi substantiæ adhæret, aliundè quam ex semine natum, humidum substantificum non est existimandum, multò minus humor ille partes nutriens, ac roris speciem præ se ferens, quem alimentarium vocant, aut venarum sanguis: sed illud vitale ac primogenitum, quo solida illa seminalis substantia prædita est. Quæ etsi ab initio vsq; ad finem vitæ continuo magis ac magis siccescit, semper tamen huius humidi ex semine contracti aliquid seruat, & cum eo spiritum

36 HUMID. ALIMENTARIUM.

seu calorem natium, quæ duo coniuncta calidum innatum vocantur. Spiritus flammæ comparatur: Humidum substantificum illi oleosæ substantiæ, quæ sicco ἔλλυχνίω est innata, & causa est, cur siccus etiam funiculus accendatur. Humidum verò alimentarium, quod videlicet per minimas venas colatum, atq; ex sanguine in roris formâ conuersum, particulis omnibus apponitur, agglutinatur, & adsimilatur, habet se tanquam oleum, quod in lucerna ἔλλυχνίω affunditur, ipsiusque oleosam substantiam nutrit ac fouet. Spiritus, vt flamma, duabus rebus constat, altera est ipsa caloris qualitas, altera tenuis admodum substantia, suscipiendo ac diffundendo illi calori ceu materia quædam substrata. Porro vt flamma cito tabescit, nisi pingui quadam substantia, & aëre puro contineretur nutriatur, sic spiritus etiam facilè extinguitur, si vel aeris, vel humidi substantifici pabulo destituatur.

DE TRIPLICI SIMILARIUM PARTIUM SUBSTANTIA, & cur quædam similia non re-generentur.

CAP. 22

EX supradictis patet, triplicem esse cuiusq; partis similarem substantiam, idq; statim in ipsa generatione, vnam solidam, quæ ex solius seminis substantia ortum habet, Alteram, quæ ex materno sanguine paulatim accedens, priorem illam auget, & ea quæ inter stamina illa vacua sunt spatia explet, & molem particulis præbet, Tertiam, Spirituosam, quæ omnium actionum opifex existit. Spirituosæ substantiæ fundamentum est humidum substantificum: Hoc porro, vt antea diximus, in solida substantia præcipue sedem habet: Huic porro solidæ substantiæ circumnascitur mollior illa & minus stabilis substantia, quæ carniformis dicitur. Est autem huius magna varietas. Carnem appellant omnes, quæ musculorum fibris adnascitur. Quæ verò viscerum, vt cordis, jecoris, renum, lienis, item, neruorum, membranarum, arteriarum, venarum fibris intertexta est, carnem nemo appellat, sed tamen carnosa substantia dici potest. At viscerum huiusmodi substantia *παρέγχυμα* veteribus dicta est. Aliarum verò partium proprium nomen non inuenitur. Spirituosa substantia, non

omnibus partibus ex æquo indita est, sed vnicuiq; quantum satis est: Principalibus quidem partibus, cordi, hepati, cerebro, quod alijs partibus gubernandis sint præfecta, copiosius: ossibus verò, nervis, membranis, reliquisq; partibus, quæ aliundè gubernantur, parcius.

Quod musculorum substantia excisa vel corrosa, vel quocunq; modo consumpta, facile regeneretur, ea est causa, quod valentibus facultatibus naturalibus sit prædita, nimirum calida & humida. Reliquæ partes similes, vt ossa, nervi, venæ, arteriæ, quæ Galeno & alijs plerisq; scriptoribus spermaticæ dicuntur, non regenerantur, quod naturæ frigidae sint & siccae, & facultates habeant valde imbecilles. Cuius rei argumentum est, quod Galenus affirmat, in quibusdam, quibus facultates naturales valentiores, & nutritio felicior contigerat, exiguas venas rursus procreatas fuisse, quæ per magna vlcera erosæ fuerant. Et quod in pueris ossa fracta, secundum primam intentionem, nullo alieno corpore interueniente rursus coalescant, quæ in adultis non nisi callo quodam intercedente, conglutinari possunt. Ille autem callus non est eiusdem substantiæ cum osse, quemadmo.

admodum neq; cicatrix cum cute. Ideò Galenus in arte, regenerationem harum partium spermaticarum, non dicit omninò impossibilem esse, sed ferè impossibilem, ολίγῃ δὲ αὐτὴν ἀδύνατον.

QVÆ SIT UTILITAS doctrinæ de temperamen-
tis, & quid tradendum pro-
ximè.

CAPVT XXIII.

HÆC doctrina de temperamentis nunc tradita, in methodo compositoria est prima, estq; ad subsequentes Medicinæ partes valde utilis ac necessaria, quam semper in promptu habere oportet, ut sine qua neq; de tuenda bona valetudine, neq; de morborum differentijs & causis præcipi quidquã aut disputari potest, nec, qui morbi sanabiles, quiue insanabiles sint, prædici, nec remediorum modus statui potest.

Proximè nunc explicanda venit altera illa sanitatis forma, quæ in compositione sita est. Ad perfectam enim sanitatem constituendam, oportet cum similiarium partiũ

G 5

tempe-

temperamento, cerram quoq; compositionem seu conformationem esse coniunctam, nec prius corporis partes, organa dici possunt, hoc est, perfectarum actionum instrumenta, quam certam compositionem sint addepta, eā videlicet, quæ ad actiones & usus illos, quibus destinata sunt, sit accommodatissima. Posthac igitur proprias actiones & usus singularum paruum pertractabimus, ac simul demonstrabimus, nec melius temperatam materiam, nec aptiorem structuram, tam varijs tamq; præstantibus functionibus obeundis potuisse suppeditari, ea, quæ in hoc corporis opificio apparet. Nec necesse est, ut de facultatibus & humoribus peculiarem tractationem instituamus. Facultates enim à temperamento & compositione oriuntur, & sunt actionum proximæ causæ: Humorū verò generatio, organorum naturalium est opus. Quare commodius & perfectius singularem de illis tractabitur, in ipsa membrorum explicatione. Quæ 3. libr. de temperamentis à Galeno traduntur, de alimentorum & medicamentorum temperamento potentiāli, non sunt huius loci. Corporis enim sani naturam inuestigare tantum est nunc propositum, & quæ de inæquali temperie

perie à Galeno scribuntur, ad morbosum magis quàm ad salubrem corporis statum pertinent.

DE PROPRIA SANITATIS essentia, & quanta sit ipsius latitudo.

CAPVT XXIII.

IN omni actione & disputatione medica, vnicus semper scopus est sanitas. Quare natura sanitatis diligenter etiam atq; etiam considerata est, & fundamenta hæc perpetuò memoria tenere oportet. Primò, quod sanitas nihil aliud sit quam *συμμετρία*, in similaribus quidem partibus elementorum, quæ temperamentum dicitur: In organicis, magnitudinis, numeri, figuræ, situs, quæ *συμμετρία* compositio dicitur: In vtrisque; verò continuæ cōnexionis *συμμετρία*, quæ vnio appellatur, Vt etiam morbus nihil aliud est, quàm eorundem generū *ἀμετρία*. Huiusmodi verò *συμμετρία* affectus secundū naturam appellatur, *ἀμετρία* verò affectus præter naturam. Secundò, dicta modo sanitatis ac morbi essētia, ab actionibus diligenter distinguatur. Differūt enim vt causa & effe-

& effectus, & toto prædicamento disjuncta sunt. Sanitas quidem sub qualitatibus genere continetur, & est affectus secundum naturam, integrarum actionum causa. Morbus verò affectus præter naturam, malorum actionum est causa. Dolor, claudicatio, tussis, paralysis, delirium, & reliquæ actiones læsæ, sub affectuum genere non continentur, sed ad actionum genus pertinent. Quare non morbi, sed morborum effectus seu Symptomata judicanda sunt. Terrio, actiones ex propria cuiusq; natura æstimandæ sunt, ac probæ tantisper existimandæ, dum nulla insignis existit læsio, quæ sensu manifestè deprehendi possit.

His ita constitutis, sequitur, magnam in sanitate latitudinem esse. Sanorum enim actiones, aliæ alijs sunt meliores. Quare & causæ actionum, quas *συνμετρίας* esse diximus, aliæ alijs sunt perfectiores. Vnum quidem optimum est temperamenti ac compositionis genus, ac proinde vna quædam sanitatis species, quæ ex eo oritur, optima. Verum ne hæc quidem ita in Symmetro indiuiduo consistit, quin latitudinem quandam etiam habeat. De *εὐκρασία* enim perindè ac de harmonia iudicamus, eamq; optimam dicimus, non quæ in puncto

puncto illo indiuisibili consistit, sed quæ ad vitæ vsum, quantum nos sensibus iudicare possumus, optima est. Et hæc certè annos aliquot durat: cum exacta illa atq; absoluta ne diem quidem vnum durare possit. Demonstratum enim est, tum ætate, tum victus ratione, temperamentum assidue mutari. Iam verò vt temperamentorum octo ostendimus esse species, quæ ab optimo illo declinant, sic quoque eius sanitatis, quæ ex temperamento oritur, octo erunt formæ, ab optima deficientes. Similiter & in compositionis genere, multæ sanitatis species statui possunt, ab optima compositione euariantes, quæ singulæ multas deinceps habent differentias, secundum magis & minus, priusquam ad morbum deueniatur. Galenus initio artis Medicinalis, optimè constitutum corpus & *σύμμετρον* ex omni parte, appellat sanum simpliciter: Quod verò actu ægrotat, morbosum vt nunc. In medio autem interuallo ponit tredecim corporum differentias, quæ in latitudine sanitatis versantur, quorum quædam appellat sana vt plurimum, aliasana vt nunc, alia neutra, idq; nouem modis, alia morbosa vt plurimum, alia morbosa vt semper, quorum nominum explicationes
ac de-

ac definitiones petendæ sunt ex ipsa arte Medicinali.

DE PARTIVM SIMILARIUM VŒU.

QUomodo ex natura compositionis, de cuiusq; partis similis temperamento iudicandum sit, dictum est antea & demonstratum. Vnamquamque particulam, quo plus habet sanguinis, eò esse calidiorẽ, frigidiorẽ verò, quò habet sanguinis minus: Item, mollia omnia in corpore humida, dura verò sicca esse. Quare hæc iam pro hypothese assumenda sunt. Si quid autem præterea fuerit, quod temperamentum sequi solet, cuiusmodi est raritas, densitas, crassities, tenuitas, sensibilitas, insensibilitas, & similes secundæ qualitates, eas nunc in singulis similaribus persequemur: Et cuius vŒus gratia talia facta sint, explicabimus, vt priusquam ad organica veniamus, similarium naturam penitus perspectam habeamus.

DE CVTE.

CAPVT XXV.

DE

DE cute verò tractandum est primum : & quod ad eam reliqua examinentur, & quod in opere Anatomico prima occurrat. Apparet itaq; totam cutem esse sensilem, intertexentibus eam vndiq; exilibus quibusdam neruorum fibris : ad hæc crassam quidem satis, sed raram. Plena enim est, vt reliquæ subiectæ partes, exiguis meatibus, quos poros vocant. Summa cuticula *Επιδερμς* Græcis dicta, exilibus ac pellucidis ceparum tunicis persimilis, ipsa quidem vera cute, cui adnascitur, tenuior est, sed eadem rursus densior, seu minus rara. Manifestè autem ab ea abscedere cernitur, cum feruentis olei vel aquæ iniectio-
ne, vel immodico attritu, vel acrium medicamentorum applicatione, vesiculæ quædam in superficie excitantur, seroso humore plenæ.

Cuius vsus gratia talis facta sit, nunc consideremus. Crassam quidem, esse conueniebat, cum sit reliquarum partium operculum, & totius animalis natiuum tegumentum. Sensilis autem facta est, vt toto corpore esset tactus instrumentum, & externæ causæ, quæ alterando & vulnerando corpus lædunt, prius sentirentur, quàm altius in corpus penetrarent. Raritatis duplex est utilitas: vna, quod

quod per poros illos, arteriæ toto corpore distributæ, frigidum aërem attrahant, & fumosum expellant. Arteriarum enim oscula seu exigua spiracula (*ἀνατομώσεις* appellant) ad cutem etiam pertinent, efficiuntq; corpus perflabile. Altera utilitas est, ut per eam tertiæ cōcoctionis excrementa, quæ in singulis particulis colliguntur, euacuentur. Nam cum primæ & secundæ concoctionis excrementis excipiendis ac deducendis, natura manifesta quædam Organa fabricata esset, vltima hæc per cutem expellenda reliquit, in quibus quod liquidum est ac serosum, partim per sudorem expellitur, partim verò in halitus conuersum per insensibilem trāspirationem exhalat, ita ut præ tenuitate sensum effugiat: Quare & insensibilis transpiratio Galeno dicitur, *ἀδελⓈ αἰσθήσεσ Διπνοή*. Crassum verò quod vna cum halituoso illo effertur, cuti adhæret, vocanturq; sordes. Ne igitur dicta excrementa retineantur, & corporis transpiratio prohibeatur, & quæ extrinsecus incommoda accedunt, facile lædant, præstat cutis moderata crassities ac raritas. Densæ enim texturæ homines, hoc est, qui densiore cute præditi sunt, internis incommotis, ut *πληθώραις* ac febribus ma-

bus ma-

bus magis obnoxij sunt. Quorum verò, cutis seu textura rarior est, externis malis facilius afficiuntur.

Galenus libro de morborum causis, cutem appellat omnium partium maximè imbecillem, propter excrementa quæ suscipit. Ea enim à potentioribus partibus ad imbecilliores perpetuò propulsa nusquam ferè consistunt, nisi in cute, & maximè sub Epidermide: quod ea cutis pars densior sit, quàm vt crassioribus excrementis exitū præbere possit. Hinc iam nascitur scabies, lepra, impetigo, maligna vlcera, pro vt excremēti magna aut parua est κακοχυσία. Cutis Græcis δέρμα, ἀπο τῆς δέρεσθαι. Sic enim corpori instrata est, vt faciliè separari possit, præterquā in plantis pedum & volis manuum, Ibi enim subiectis tendinibus validè adhæret. In fronte, facie & anteriori collo cum subiectis musculis coalescit. Quare etiam in illis partibus mobilis est.

DE MEMBRANIS.

CAPVT XXVI.

Membranæ siue ex semine ipso, siue ex partium quas integunt, crassiori excremento.

H

cremento paulatim resiccato ortum habuerint, exangues omnes sunt ac frigidaë, cute tenuiores & sicciore, & pleraq; magis sensiles. Magnus earum in corpore est usus. Internæ enim cavitates omnes membranis obductæ sunt, perindè ac externa corporis superficies cute. Præterea ossa singula, cartilagine, ligamenta, muscoli, tendones, nervi, arteriæ, venæ, intestina, ac viscera omnia, proprijs quibusdam membranis seu vaginis inclusa ac vestita sunt. Qua ratione pleriq; huiusmodi membranas, tunicas appellant. Alius præterea usus est, quod partes quas ambiunt, ab alijs partibus discriminant, easdemq; sustinent, colligant & connectunt, nonnullis etiam alioquin insensilibus sensum præbent. Tenuis esse oportebat & levis, ne pondere suo partes præmerent, Densas vero, ut partium substantiam melius vincerent.

Multæ sunt membranarum differentiæ, secundum tenuitatem, crassitiem & sensilitatem, quæ in singulis membris particulatim melius explicantur. Quædam propria habent nomina à partibus quas inuoluunt, ut *περικράνιον*, *περικάρδιον*, *περίοστεον*. Itē cerebri & oculorum membranæ, item, quæ
medium

medium thoracem diuidit, quæ costas quoque succingit, & quæ intestina continet. Reliquo membranarum generi, propria nomina non ita sunt indita. Corpora illa, quæ ventriculi, intestinorum, vtriusque vesicæ, vteri, venarum & arteriarum propriam substantiam constituunt, etsi præ inopia vocabulorum, tunicæ quoque dicantur, tamen ad hoc membranarum genus non pertinent.

De membrana carnosa.

INter cutem & musculos, membranæ quædam mediæ sunt: Sed vna insignis, quæ vniuersum corpus perinde ac cutis integit. Atque ideo carnosa dicitur, quod præter aliarum membranarum naturam, in quibusdam locis crassior sit, atque in musculum quasi degeneret, sicut apparet in fronte, facie, & anteriori collo, Vbi cutis cum hac membrana connexa, causa est quare ibi cutis sit mobilis. Animalia quæ totius corporis cutem mouent, magna ex parte totam hanc membranam carnosam habent. Vfus eius præcipuus est, quod exiguas venarum, arteriarum, ac

H 2

neruo-

neruorum propagines, quæ ad cutem perueniunt, suffulciat ac sustentet. Ipsa verò, tum harum propaginum, tum aliarum tenuiorum membranarum ope, cuti annectitur.

DE ADIPE SEU pinguedine.

CAPUT XXVII.

INter cutem; & membranam carnosam, homini & porco plurimus adeps, seu pinguedo colligitur, præsertim in abdomine, natibus, femoribus, præterea & in alijs locis interioribus, nisi corpora valdè sint macra. Sanguis enim ex venis resudans, frigidityte membranæ, in adipem concrevit, & album membranæ colorem contrahit. Vfus eius est, quòd calorem natuum, quò minus nimium dissipetur, coërcet, membraq; ab externo frigore tuetur. Quædam etiam, vt quæ in ventre inferiore sunt, quæq; assiduo διαφραγματι^o motu nimium siccescerent, adipis beneficio quasi rore quodam humectarentur. Circa cerebri membranas, caput, frontem & alia loca,

loca, vbi nullus eius est vsus, singulari naturæ prouidentia nullus adeps nascitur.

DE CARNE.

CAPVT XXVIII.

CARO Musculosa, cuius maxima in nobis est copia, propriè ac simpliciter caro dicitur: Constat ex molli ac verè carnosâ substantia, & fibris seu villis solidioribus, vt reuera non ita simplex sit, quàm dicitur. Gingiuarum ac glandularum caro, etsi purior sit & minus fibrosa, absolute tamen carnis appellatio ei non tribuitur. Fibrarû, solida est & constans natura, reliqua substantia mollior, quæ fibris ad natam molem carnis efficit. Perinde ac adeps, per morbos ac inedias facile consumitur, & facile regeneratur. Vtrumque enim ex sanguine generationem habet, sed adipis materia sanguis est tenuis, ac magis aëreus, qui à frigido ceu oleum densatur: Carnis verò musculosæ sanguis crassior ac fibrosior est, à calido mediocriter quasi assatus.

Caro musculosa, & adeps communem hunc vsu habent, quod reliquis partibus, tanquam puluinus aut tunica lana intertextâ, aduersus omnes casus pro munimento

opposita sunt, dum frangentibus ac contudentibus corporibus molliter cedendo resistunt. Peculiaris autem carnis usus est, quod non solum per accidens, ut adeps, corpus calefacit, sed cum natura sua calida sit, proprium etiam calorem suum corpori impertit, & ossium aliarumque partium frigiditatem contemperat. Humiditate autem sua non solum membra humectat, sed aduersus nimios quoque calores remedio est. Perinde enim ut aquæ dulcis temperatum balneum, non solum refrigeratos calefacit, sed æstuantem etiam refrigerat: ita etiam caro, quæ tota quasi sanguine perfusa est, squallentes corporis æstus mitigat.

DE MUSCVLIS.

C A P V T X X I X.

CV M modo dicta caro semper musculus sit, aut musculi pars, consequens est, ut proximè musculi naturam inspiciamus. Est autem Musculus, non semper similis pars, sed potius Organica, figura quadam certa, non usus alicuius sed certæ actionis causa constructa. Est enim motus voluntarij, ut Oculus, visus, Lingua, gustus instrumentum. Cumque duplex sit omnis muscu-

musculi motus, alter propriè motus est, & per se, alter verò tantum per accidens. Propriè enim tñ agit musculus, cum in se contrahitur, & partem, cui inseritur, ad se trahit. Cum verò extenditur, & oppositi musculi tractionem sequitur, mouetur quidè, sed hic motus non actio, sed passio potius dicendus est. Quod verò altero horù motu pereunte, necesse sit alteru quoq; perire, euidèter satis demonstrat Galenus lib. i. de motu musculorù. Præter hos duos motus, nullus tertius in musculis inuenitur. Quod verò tam variæ motu figuræ cernantur, quodq; membra tam multipliciter, sursum, deorsu, dextrorsum, sinistrorsu, antrosum, retrorsum & in circulum moueantur, id ex varia musculorum positione accidit.

Quod ad compositionem musculi attinet, hoc omnibus commune est, quod constant multis fibris, ex ligamenti substantia productis, & carne fibras illas implente ac continente. Præterea etiam venarum, arteriarum, & nervorum sarculis, quorum beneficio, alimento vitali & animali spiritu fruuntur. Galenus præcipuam motus causam dicit esse nervum, Vesalius, carnem ipsam. Ostendit enim ipsi Anatome, nervos non semper in interiorem musculi sub-

H 4

stantiam

stantiam inseri, sed interdum ipsorum superficie leuiter tantum adhærere: Quosdam etiam musculos prorsus ne contingi quidem à neruo, omnes tamen spiritu animali vigere, qui longius se in omnem partem eiaculatur, quàm corpus nerui extendi queat. Quemadmodum plurimi quoq; muscoli, quos arteria nulla contingit, non minus vitali spiritu recreantur, quàm ij, quorum superficie arteria adnascitur, aut in quorum substantiam arteria multis ramis diffunditur.

Priorem musculi partem, qua exoritur & ligamento maximè abundat, caput vocant: Posteriores verò, qua in membrum mouendum inseritur, & in tendinem sæpè definit, caudam: Mediam, qua maximè est carnosus, ventrem. Hæ partes diligenter considerandæ sunt. Caput & cauda præsertim, quæ magis carne nuda sunt, magna sentiendi vi pollent, quæq; in ipsis accidunt vulnera, magnos dolores excitare solent, sæpè etiam conuulsionis peticulum adferre. Ortus autem & insertiones musculorum, non vbiq; eodem se habent modo. Maxima musculorum pars ex ossibus pronascitur, definitq; in tendines, per quos rursus in proximum os, cui mouendo præfe-

præfecti sunt, inferuntur. Huiusmodi sunt illi, qui cubitum, manum, tibiam & pedem mouent, alijq; permulti, sed multi etiam, tum ortu, tum insertione, ab his euariant. *Λάρυγγ* musculi ex cartilagine producti, in cartilaginem inferuntur. Oculorum musculi, ex dura membrana, quæ neruum opticum operit, initium habent: Inferuntur autem in illam oculi tunicam, quæ cornea dicitur. Carnosa membrana, fibris aucta carnosis, vt in fronte & facie, fit musculus. Ad eundem modum, & peritonæum, & membrana costas succingens, coeunt, & carnosae substantia crassescunt, musculus fiunt, & septum transversum constituunt.

Quod ad formam musculorum attinet, plurimi sunt, qui capite & cauda graciles sunt, ventre verò crassiores, vnde omnibus generalis illa appellatio obtigit, vt Græcis *Μῦες*, Latinis musculi & lacerti dicantur. Multi tamen horum animalium similitudinem nullam referunt, sed aliam figuram sortiti sunt, vt vel lati sint, vel pyramidales, vel orbiculares, vel annulares, item triangulares, quadrangulares, & pentagoni. Sed has musculorum differentias, quæ à figura ipsorum, ortu, insertione, a-

H s

lijq;

lijsq; accidentibus sumuntur, vnusquisq; in singulorum membrorum anatome obseruare debet. Denominantur potissimum muscoli à membrorum motibus, quibus præficiuntur, vt musculi digitos vel manum flectentes, exrendentes, vel ad latera ducentes, dicuntur musculi manus vel digitorum, non quod in digitis aut manu collocati sint, (locantur enim, vt reliqui, ante membri mouendi articulationem in cubito) sed quod in illis partibus illorum motuum sint autores.

Diligenter igitur in singulis membris, ex musculis motus membrorum, ac rursus ex musculorum motibus, musculorum differentiae considerentur. Sunt enim relatiua. Motus, sunt certorum musculorum motus, & musculi, certorum motuum musculi. Vt autem in membris motus contrarij, ita & musculi perpetuò reperiuntur oppositi. Quodcunq; enim membrum vno aliquo motu arbitrario mouetur, in quamcunq; partem ille feratur, necesse est, alterum contrarium motum ipsi succedere, vt si manus, aut cubitus, aut aliud quoduis membrum flectitur, necesse est, ipsum rursus extendi, si in alterum latus agitur, necesse est, rursus in alterum reduci. Oportet enim dum mem-

membrum mouetur, figuram in contrarium mutari. Flexio est extensi membri flexio. Extensio, flexi extensio. Si contrarius motus vicissim non semper succederet, maneret semel suscepta membri figura perpetuò immota. Si verò membra contrarijs semper aguntur motibus, sequitur, quòd oppositis musculis etiam regantur. Si in artubus flexio fit ab internis musculis, extensio fiet ab externis oppositis. Quantum verò hi contrahuntur & agunt, tantum necesse est oppositos laxari & pati. Duos hosce motus, contractionem & laxationem, nec plures in musculis esse, prius diximus, & contractionem esse proprium musculi motum, laxationem verò accidentarium. Cum autem duo isti motus, non nisi oppositis musculis, simul fieri possint, necesse est, vt simul quoq; corrumpantur, & vno percurrente alter simul pereat. Vno itaq; musculo, alicuius certi motus autore, inuento, alter oppositus in loco opposito inuestigandus est. Pauci sunt qui oppositos nullos habent. Verum cum hi contrahuntur, ab aliquò corpore cum opus est extenduntur. Huius generis sunt, duo illi orbiculares musculi, quorum alter vesicæ collum, alter intestini recti extremum vel anum claudit, Item, qui anũ sursum vellunt.

D E

DE TENDINIBVS seu Chordis.

CAPVT XXX.

Motus membrorum ad articulos maxime conspicui sunt & validi. Quare & musculos validos esse oportet, qui ossa ad articulos mouent, & tendinibus tanquam chordis actionem ipsorum adiuuari. Est autem Tendo corpus exangue, ex ligamento & exigua nerui portione constitutum, ligamento paulo mollius & sensilius, neruo verò durius ac minus sensile. Veteres & nunc etiam vulgus, tendines ligamenta, & propriè dictos neruos, vno generali nomine, neruos appellarunt. Procedit autem tendo ex cauda musculi, atq; vbi ad sequentis mouendi ossis partem superiorem est productus, ibi dilatatur atq; in caput eius cartilagini obductum inseritur. Tendines pleriq; teretes sunt, vnde Chordas multi omnes appellarunt, Sed non omnium eadem est figura. Sunt enim & lati, & inter latos & teretes, medij. Ad hæc, alij alij longiores sunt aut breuiores. Interco-stales musculi mouent ossa, sed non ad articulos,

ticulos, quare nec tendines etiam habent. Qui verò articulos mouent, in tendines desinunt, paucis quibusdam exceptis.

DE LIGAMENTO.

CAPVT XXXI.

Musculos, tendines, & ossa ipsa vinciri & colligari oportebat, ne loco suo facile mouerentur. Ligamenta igitur natura, quibus id perficeretur, construxit. Est autem ligamentum, Græcis *σύνδεσμος*, corpus; tendini non absimile, sed eò magis insensile ac durum, nimirum, ex osse & cartilagine, vel duriore aliqua membrana ortum. Quæ articulos constringunt, dura quidem ac valida esse oportebat, ne ossa facile luxarentur, id est, sedibus suis mouerentur; neue ipsa per violentos motus facile rumperentur. Ac rursus, ne articulo-
rum motus impedirentur, utq; ossa à musculis tracta promptè sequerentur, ita laxa esse oportebat, ut facile intendi ac remitti possent. Quare etiam interiore superficie, viscido quodam humore, cuiusmodi in articulis ipsis multus continetur, peruncta sunt.

Liga-

Ligamenta, usu, constructione, & substantia differunt. Quædam ossium articulos colligant, ut modò diximus, quædam ossium acetabula augent, ut in situ coxendicis cernitur. Alia tendines tegunt, & suis spatijs continent, cuiusmodi in interna manu ac pede occurrunt. Quædam annularem figuram referunt, ad transmittendos & continendos tendines parata, ut id in anteriore tibia, juxta pedem, apparet. Quorundam substantia mollior est, quorundam durior. Dura sunt, quæ articulos non ambiunt, & inter ipsa ossa latent, cartilaginisq; naturam induunt, unde Græcis νευροχονδρωδεις σύνδεσμοι dicuntur.

DE NERVIS PROPRIÈ sic dictis.

CAPVT XXXII.

Nervum omnem ex cerebro vel spinali medulla oriri, satis ex ipsa Anatomie sensui apparet. Substantia autem ipsorum nihil aliud est, quàm stipatum & densatum cerebrum, atq; ita factum duriusculum. Omnes quidem exangues sunt, quare etiam

etiam frigidi. In humido autem & sicco non omnes se habent eodem modo. Originis enim suæ quisq; naturam refert. Cumq; antè cerebri valdè sit humidum, cerebellum verò & spinalis medulla eò sint sicciora, quò longius ab anteriori cerebro recedunt, nervi quoq; horum principiorum suorum substantiam ac temperamentum imitantur. Qui ex anteriori cerebro procedunt, in humido & sicco ferè temperati, sed molles dicuntur, aliorum respectu, qui ex cerebello & spinali medulla nascuntur. Hi enim omnes duri sunt & sicci, secundum magis & minus, pro natura principij, vndè oriuntur. Nonnulli tamen ex anteriore cerebro propagati, propter longiorem viam, & partes quasdam sicciores, per quas transeunt longius excurrunt, paulatim etiam duriores & sicciores efficiuntur. Quemadmodum autem cerebrum totum & spinalis medulla duplici membrana interta sunt, ita & nervi (si quis accuratè ad vnguem eos explorare velit) duplici substantia constant, quarum quæ intima est, cerebro & spinali medullæ proportionè responderet, comparaturq; arborum medullæ.

Vsus nervorum est, quod omnib. partib. ad quas pertingunt, tangèdi sensum præbeant, solis verò

verò musculis motum etiam voluntarium. Fernelius putat sensum ab exteriori nervorum substantia proficisci, motum verò ab interiori, quæ cerebro respondet. Vtramq; & sentiendi & mouendi vim, per nervos ex cerebro manare, ex eo fit manifestum, quod nervo per transversum præciso, aut laqueo intercepto, aut validè compresso, superior eius pars, videlicet, quæ cum cerebro communionem adhuc habet, facultates suas servat illæfas, Inferior verò influente spiritu destituta, eas prorsus amittit. Quatenus nervi contenduntur vel contrahuntur, Græcis propriè *τόνοι* dicuntur. Quatenus verò extenduntur & nutant, *νεύροι* appellantur. Nonnulli nervi, solius sensus causa, partibus offeruntur, cuiusmodi sunt, visorij, & qui auditum in auribus efficiunt, & qui gustatum in lingua, Item qui orificio ventriculi sensum præbent. Alij, motus causa præcipuè partibus tribuuntur, vt omnes, qui ad musculos perueniunt, sed hi qualemq; etiam tactus sensum adferunt, ac rursus alij in vnam aliquam partem omninò absumuntur, alij in multos variosq; furculos dirempti varie distribuuntur. Quod ad formam nervorum attinet, teretes omnes sunt, nec vllam cavitatem habent,

habent, ne optici quidem, si Vesalio credimus. Vt cunq; se res habeat, illud certò constat, animale spiritum per nervos promptissimè deferri: Ac rursus, in nervorum juncturis, alijsq; affectibus, putridos & malignos halitus per eosdem cerebro facillè communicari, delirijq; & convulsionis sæpè periculum adferre. Illud negligendum non est, nullum nervum, neq; à cerebro, neq; à spinali medulla solitarium explantari, sed bini perpetuò consociantur, quorum alter ad dextram, alter ad sinistram, simili omninò distributionis serie, propagatur.

DE VENIS ET Arterijs.

CAPUT XXXIII.

A Nimalium vita, trium facultatum assidua actione continetur. Animalis facultas sensum ac motum voluntarium membris suppeditat, efficitq; , vt quæ his prædita sunt animalia, à vegetabilibus differant. Hanc facultatem à cerebro per nervos deduci modò ostendimus. Quod
I verò

verò corpora vegetentur, hoc est, nutrian-
tur, & vitali calore recreentur, efficiunt na-
turalis & vitalis facultas, quæ etsi omni-
bus particulis ingeneratæ sunt, tamen in-
fluente etiam spiritu & sanguine sustentan-
tur. A corde enim per arterias vitalis spi-
ritus in omnes corporis partes manat. Simi-
liter ab Epate sanguis nutritionis materia
per venas, cuiq; parti, quantum satis est, di-
stribuitur. Hinc nunc apparet, quis sit ve-
narum & arteriarum usus. Venæ sangui-
nis vasa sunt: Arteriæ etsi sanguinem quo-
que continent, propriè tamen spiritus di-
cuntur vasa, Et ἐπίμον arteriæ est, ὅτι τὸν
ἄερα τηρεῖ. Vasorum nomina à cavitatibus
habent. In prima enim generatione spiri-
tus formantis flatu cauantur & extendun-
tur.

Venarum omnium principium est epar:
Arteriarum cor. Ab epatis enim parte con-
uexa, magna primum vena, quæ ob id
καὶ λή, id est, caua dicta est, explantatur: ab
ea deinceps variæ venarum propagines tan-
quam rami emergunt, quæ paulatim exi-
liores & angustiores factæ, in extremas usq;
corporis partes extenduntur. Venis, cum
concoquendi, ac perficiendi, tum vel maxi-
mè distribuendi sanguinis vis indita est.

Con-

Constant igitur vna simplici ac tenui tunica: Ea enim ad continendum sanguinem natura benignum, paulò crassiores ac minus spirituosum, satis erat valida, & ad distribuendum vicinis partibus magis accommodata. Vt verò attrahendi in venis vis maior esset, tunica hæc rectis fibris tota est instructa. Arteriæ verò, cum spiritum copiosum, & sanguinem contineant feruentem, tenuem ac valdè mobilem tunicam, quæ illa coherceret, sortitæ sunt quintuplo crassiores, quàm venæ. Vbi verò colligari, fulciri aut tegi venas aut arterias necesse est, ibi exterior membrana quædam ipsis adnascitur, quæ tamen substantiæ ipsarum pars non est existimanda.

Magna arteria, quæ ἀόρτης primus Aristoteles nominavit, orditur primū ex elatiori sede sinistri sinus cordis, propter ipsius basis centrum, indè deinceps reliqua arteriarū soboles propagatur, simili ferè distributione qua venæ. Nulla enim arteria est, quæ nō cū pari quadā vena sit consociata. Sed venæ quædam reperiuntur, quæ nullam habent coniunctā arteriā, ut ἀξυγος, jugularis exterior, brachij cephalica, & alię pleręq;. Neq; enim necesse erat, tam frequentē arteriarum quàm venarū esse propagationem. Sanguis

enim qui in venis est, præ gravitate sua ac crassitie non poterat, nisi per venarum quasi canales, ad partes nutriendas pervenire. Vitalis autem spiritus sanguine multò tenuior, per occultas cœcāsq; vias facile permeat. Quia parte autem venæ & arteriæ coniunctæ sunt, ibi mutua quædam inter ipsas est ἀναστροφῆς. Per angustos enim quosdam ac inuisibiles meatus arteriæ ex venis sanguinem, & rursus venæ ex arterijs spiritum transsumunt. Vulnerata enim magna arteria, vniuersus animalis sanguis profunditur.

Arteriarum motus Græcis σφύγμα, Latiniis pulsus dicitur: Vnde arteriæ etiam pulsatiles venæ nominantur. Hic motus naturalis est, quemadmodum & cordis, cui exactè responderet. Constat autem duobus motibus contrarijs, Δισκολῇ καὶ Συσκολῇ, id est, dilatatione & compressione arteriæ. Per Δισκολίαν externus aër, spiritus alimentum, in arterias rapitur, Per συσκολίαν calidum ac fuliginosum aëris excrementum expellitur. Hæc de venarum & arteriarum generali natura dicta sufficiant.

DE OSSIBVS.

CAP. 34

CAPVT XXXIIII.

OS omnium partium corporis maximè exangue, & durum, ac graue apparet. Quare non dubium est, quin frigidissimum & siccissimum existat, plurimumq; habeat terrestris substantiæ. Ossa tamen omnia non simili substantia prædita sunt. Quædam enim omninò densa ac solida sunt, vt duo nasi ossa, & alia quædam minuscula. Alia exiguas quasdam cauernulas habent, & compactæ spongiæ speciem præ se ferunt, vt ossa vertebrarum, pectoris, tali. Alia præter dictas cauernulas amplos quoq; sinus habent, vt ossa digitorum, humeri, femoris, tibiæ. Hi sinus & cauernulæ ossa leuiora & ad motum aptiora reddunt, & medullam, qua ossa nutriuntur, continent. Sensus ossibus nullus est, exceptis dentibus, qui etiam durissimi sunt. Galenus primo de Anatomicis administrationibus, corporis nostri ossa ædificiorum parietibus ac palis comparat. Quemadmodum enim trabibus, palis ac parietibus ædificia eriguntur, firmantur, ac circumscriptionem certam acquirunt, ad quam reliquarum partium structura postea accommodatur: Ita humanum corpus ossibus

tanquam palis primum est erectum ac stabilitum, ne vermium, serpentiumq; ritu repere cogatur. Musculi verò, & cum his, nerui, venæ, arteriæ, tendines, ligamenta, membranæ, ossibus instrata sunt, Quare ipsorum quoq; circumscriptionem imitantur. Pleraq; etiam interna viscera, pro modo ac figura ossium, aliam atq; aliam conformationem accipiunt. Sic cerèbrum cranij, pulmones, costarum & thoracis conformationem sequuntur. Rectè igitur monet Galenus, vt prius ossium structuram diligentius inspiciamus, quàm aliarum partium compositionem aggrediamur. Sunt enim ossa cum internorum viscerum propugnaculum, tum reliquarum partium sedes & firmamentum.

Ex pluribus diuersis ossibus compingi corpus, vtilius erat. Sic enim in omnes partes facilè flectitur ac mouetur: Si vnico tantum osse constaret, à trunco & statua parum differret. Est itaq; toto corpore, tum ossium, tum cunnexionum ipsorum inter se magna varietas & miranda quædam concinnitas. Sed horum omnium formas ac differentias, paulò post suis locis referemus, cum singulorum ossium compositionem & vsum explicabimus.

D E

DE CARTILAGINE.

CAPVT XXXV.

Cartilago ad ossis naturam proximè accedit, osse quidem paulò mollior, sed solida omninò, nec ullis sinibus aut cauernulis inanis, medullæ ac sensus planè expers. Cartilaginum magnus vsus est in ossium commissuris ad motum paratis, quæ commissuræ articuli dicuntur. Ossium enim, quæ committuntur, extrema, capita videlicet & sinus, cartilagine obducuntur, vt motus super corpore molliori sit facilior, & ne duriora ossa mutuo attritu aliquo modo atterantur aut vitientur. Quædam ossa cartilagine connectuntur, quæ motum nullum edunt, vt os pubis. Interdum cartilagines ossium vicem obeunt, vt quæ in naso, larynge, & inferioribus costis conspiciuntur. Perindè enim ac ossa musculos sustentant ac fulciunt, & motibus facilius cédunt. Quis præterea cartilaginum sit vsus, particulæ explicatio docebit.

TRANSITIO AD alteram sanitatis partem, quæ in membrorum compositione con- sistit.

CAPVT XXXVI.

HAC Tenus vt methodi nostræ, quæ à simplicibus ad composita progreditur, ratio postulabat, partium omnium, quatenus similes atque informes adhuc sunt, naturam persecuti sumus, cum quale cuiusque sit temperamentum & substantia, & cuius vtilitatis gratia sit talis facta, ostendimus. De reliquis similaribus, quæ partium numero non continentur, posthac in organicis agemus commodius, Vt de humoribus & excrementis, cum organorum communium, quæ nutritioni dicata sunt, naturam explicabimus: de semine, cum de generationis organis tractandum erit: de lacte, cum de mammis erit disputandi locus. Habent quidem hæc præcepta, quæ modò de similarium natura tradidimus, minus delectationis, quàm ea quæ mox de compositione sequentur. Sed incredibile est, quantum ad sanitatem tuendam, &

dam, & morbi curationem momenti sint habitura, præsertim si quis ea ad corporis inspectionem transferat, & sensibus quantum fieri potest examinet. Compositio de qua nunc acturi sumus, similarium quædam perfectio est, & perfectiorum actionum causa. Consistit autem, ut aliquoties iam dictum est, in iusto partium numero, singularumq; iusta magnitudine, figura, & situ. Ad figuram refertur etiam meatuum, quibus partes quædam perforatæ sunt, item, internorum receptaculorum mediocritas, superficie iusta vel leuitas vel asperitas. Primum autem ossium magnitudines, figuras, reliquamq; compositionem expone- mus, si prius nomina quædam, quorum in notandis ossium partibus, & articulationū varijs generibus, frequens Anatomicis est vsus, explicauerimus.

DE OSSIVM PAR- tibus, earumq; appella- tionibus.

C A P V T XXXVII.

OS, quod propria circumscriptione terminatum, alteri ossi adnascitur, cuiusmodi

I s

fmodi

smodi quatuor locis in osse femoris appa-
 ret, Græcis ἐπίφυσις dicitur, latinis appen-
 dix, Huiusmodi in pluribus ossibus repe-
 riuntur, atq; in recens natis animalibus,
 mediante cartilagine quadam, scabra utrin-
 que superficie conglutinantur, & facile
 separantur. In vetustis ita invalidè adna-
 scuntur, ut unum os efficiant, nec amplius
 separari queant. Ossis pars prominentior,
 tuberculi instar, ex osse procedens, Græ-
 cis ὑπόφυσις, latinis processus dicitur, si-
 ue appendicem habeat, siue non habeat.
 Ossa autem non æqualia esse, sed multis
 processibus extuberare, ad commodiorem
 articulationem, & musculorum tendinum-
 que tum explantationes, tum insertiones
 erat utile. Si talis fuerit processus, ut ca-
 uum alterius ossis subeat, & articulum con-
 stituat, non amplius processus, sed caput
 vocatur, cuiusmodi in osse femoris tria re-
 periuntur: Vnum in superiori eius parte,
 quod coxendicis ossi inarticulatur, præ-
 terea duo ad genu sinu quodam distincta,
 quæ tibiæ ossi committuntur. Processuum
 partes graciliores, quæ capitibus præpo-
 nuntur, ad colli nostri similitudinem cerui-
 ces & colla nominantur. Insignis admo-
 dum ceruix est, quæ ad superioris femoris
 caput

caput apparet. Sinus dicuntur ossium cavitates, quæ aliorum ossium capita in se recipiunt, quibus etiam magnitudine & figura respondent. Prominentioribus capitibus sinus parati sunt profundiores, qui acetabula etiam dicuntur. Huiusmodi caput & sinus apparet in articulatione femoris, cum osse coxendicis. Ac rursus depressioribus capitibus, sinus facti sunt obscuriores, quales in articulatione pedij cum ossibus tarfi cernuntur.

DE VARIIS OSSI- um commissuris, earumq; appellationibus.

CAPUT XXXVIII.

QUædam ossium commissuræ motum edunt, aliæ prorsus nullum edunt: Quæ motum habent, articulationes dicuntur. Harum species Græcis nominibus tres propriè notantur, *Ενάρθρωσις*, *Αρθρωδία*, *Γυγλυµον*. *Ενάρθρωσις*, inarticulatio est, cū magnū caput in patentē & amplū sinū inseritur ut caput femoris in sinum coxendicis. *Αρθρωδία*, cum caput depressum sinui coarctatur parum profundo, ut pedij capita cum sinibus

sinibus tarfi. *γίγλυμ*, cum vtrinq; os caput habet & sinum, & mutuo ingressu se inuicem connectunt, vt apparet in commissura humeri cum vlna.

Ad alterum commissurarum genus, quæ motum nullum habent, pertinent hæ quatuor species, *Γόμφωσις*, id est, clauatura, cum ossa ossibus clauorum instar infiguntur, vt dentes maxillis. Sutura *ῥαφή*, qualis in cranij ossibus, quod mox ostendemus. *Ἀρμονία*, cum sine vlla asperitate, per similes lineas ossa coeunt, vt nasi, & superioris maxillæ ossa omnia. *Σύμφυσις*, quæ nihil aliud est, quàm duorum ossium in vnum concretio, sicut appendices cum suis ossibus connascuntur, in ætate prouectioribus. Quæcunq; autem ossa committuntur, vel sine vllo alterius partis adminiculo connectuntur, vt fit in futuris, *ἀρμωνίαῖς ἢ συμφύσει*, vel aliquo alio corpore intercedente. Vndè hæ appellationes vtitatæ sunt, vt *συνάρθρωσις* dicatur, cum articuli ambiente ligamento firmanur: *Συνσάρκωσις*, cum mediante carne fit connexio, quomodo dentes alueolis suis innectuntur: *Συγχόνδρωσις*, cum cartilaginis auxilio ossa ossibus agglutinantur, vt appendices in prima ætate.

DE

DE TOTIVS CRA- nij usu, figura, & magni- tudine.

CAPVT XXXIX.

CALuaria seu calua; *κεφάλιον* Græcis di-
citur, quod veluti galea quædam mu-
niendo cerebro circumposita sit: *κεφαλή*
enim galeam significat. Huius propria fi-
gura sphærica est, utroq; latere leuiter de-
pressa; & quasi cereum globulum mani-
bus fingas; pro depressionis ratione, ante-
riore & posteriore parte paululum extube-
rans. Quæcunq; capitis figura ab hac e-
uariat; vitiosa est. Nonnullis occipitis, a-
lijs anterioris capitis eminentia multò mi-
nor ac depressior est, quàm conueniebat.
Sunt, quibus vtraq; deest, cuiusmodi Ther-
sitis caput putatur fuisse, quod *Φόξον* Ho-
merus lib.2. Iliados appellauit. Omnium
vitiosissima figura est, si vsquam ea reperit-
ur, cum frons & occipitium depressa, la-
tera verò eminentia sunt. Occipitij certè
depressio, cerebelli, quod eo continetur,
imbecillitatem arguit, quam comitari vt
pluri-

plurimum solet, subiectorum ossium, spinalis medullæ, & neruorum, qui inde oriuntur, imbecillitas. Hinc porrò sequuntur motus animales parum validi. Si tamen hæc symptomata absuerint, non ita multum habet hæc figura incommodi. Tantum enim indicat, materiam in prima generatione defuisse, non facultatem formatricem. Similiter anterioris eminentiæ imminutio cerebri imbecillitatē significat, præsertim si ea, quæ comitari vt plurimum solet, sensuum imbecillitas adfuerit. Sensorij enim nerui, hoc est, qui visum, odoratum, auditum, gustatum corpori conferunt, ex anteriori cerebro, motorij, ex cerebello & spinali medulla oriuntur.

Iusta capitis magnitudo, ex reliqui corporis proportionē æstimatur. Exiguum caput simpliciter vitiosum Galenus pronunciat. Exiguam enim cerebri substantiam, angustos ventriculos & spiritus paucos esse, arguit. Quare necesse est, facultates, actionesq; animales, quæ à cerebro prodeunt, diminutas ac imbecilles esse. Ac rursum, magnum caput vitiosum quoq; censetur, nisi idem figuram quoq; concinnam adeptum fuerit, & reliqua, quæ à cerebro ortum habent, vt spina, ac totum neru-
sum ge-

sum genus validum existat. Tale enim caput indicat, non solum copiosam ac probā fuisse generationis materiam, sed virtutem formatricem etiam validam.

DE PARTIBVS cranij, earumq; commiss- suris.

CAPVT XL.

CRanium ex septem ossibus est compa-
ctum. Anteriori parte primum occur-
rit os frontis. Medium capitis spacium oc-
cupant βρέγματ' ossa, quæ & parietalia
& verticis ossa dicuntur. In posteriori parte
est occiput. Vtrinq; ad cranij latera collo-
cata sunt ossa temporalia, quæ à duritie pe-
trosa etiam dicuntur. Septimum est os,
quod basilare vocant, propterea quod ce-
rebro tanquam basis substratū sit: Galenus
etiam cunei forme appellat, quod instar cu-
nei inter maxillam superiorem & os fron-
tis sit impactum.

Ossa βρέγματ' in capitis summo si-
bi inuicem connectuntur, sutura recta,
quam sagittalem latini, ὀβελιαῖαν ἢ ραβ-
δοειδῆ Græci appellant, cum osse frontis,
sutura alia transversa, quam coronealem ap-
pellant,

pellant, cum occipitis osse, futura triangulari, quæ à Græcæ literæ Λ similitudine, λαμβανουσης dicta est. Inferioribus verò ipsorum lateribus ossa temporalia applicantur, commissuris quibusdam, quas Hippocrates squamosas agglutinationes vocat, quod videlicet in mutua illa applicatione ossium illorum extrema attenuata, squamarum piscium imitentur figuram. Galenus tamen futuras appellare non veretur. In valdè senibus futuræ omnes ita coalescunt, vt vestigia earum duntaxat appareant. In vitiosis capitis figuris penitus quædam abolentur, vt coronalis in ijs quibus anterior eminentia deest: λαμβανουσης, in ijs, quibus posterior eminentia desideratur. Si utraq; eminentia desit, duæ tantum reperiuntur, quarum altera recta ex occipite per frontem ducta, alteram transversam, ab aure in aurem incedentem, ad angulos rectos interfecat.

Ex pluribus verò ossibus & futuris cranium componi melius erat, quàm ex vno continuo osse. Primum, vt vaporosa excrementa, quæ ex toto corpore in caput, tanquam in calidæ domus rectum, plurima efferuntur, meatus haberent, per quos euacuarentur. Deindè, vt per futuras vasa quæ-

quædam intro extraq; deducerentur, & crassæ cerebri membranæ fibræ, in περιγάρ-
νιον (quod est membrana, externam, cranij
superficiem tegens) explicarentur, crassa
verò membrana ex suturis quodammodo
suspensa, cerebrum eleuatum seruaret, nec
ventriculos eius in se collabi facile patere-
tur. Postremò securior quoq; hæc erat
structura, ne si contundi aut frangi cranium
fortè contingeret, fracturæ longiores ri-
mas ducerent, sed ad futuras ipsas confi-
sterent.

*DE CRASSITIE ET
raritate, duritie ac mollitie
ossium cranij, & cur talia facta
sint.*

C A P V T X L I.

OSSA Cranij, quatenus à verrice & la-
teribus crassam membranam com-
præhendunt, nec tenuia nec densa sunt, sed
crassa, vt cerebro idoneum munimentum
præberent, ne ea quæ vulnerant, ita cirò
penetrarent: Rara autem & cauernosa, ne
pondere suo cerebrum onerarent. Cœte-

K.

rum

rum interna externaq; superficie leui ac solida crusta ceu lamina obiecta sunt, ne asperitate sua proximis membranis molesta essent. Accedit etiam illud, quod ossibus alioqui raris robur per has laminas concilietur. Chirurgi eas, primam & secundam tabellam appellant. Diligenter has partes ita considerasse, magnum habet vsum, in cranij fracturis, in quibus *σπεννίσμα* opus est. Omnium rarissima ac mollissima sunt verticis ossa, præsertim juxta coronalẽ futuram, qua parte cum frontis osse committuntur. Et in pueris recens natis, totos tres vel quatuor menses palpitans vertex cerni solet, quæ palpitatio nihil aliud est, quam membranarum atq; adeo ipsius cerebri pulsus. Oculis autem faciliẽ cernitur, quod illa cranij pars in prima illa infantia, ita sit mollis, vt membranosa magis quàm ossea esse videatur. Hic locus exactè in viuento homine designatur, cum infima manu in summum nasum iniecta, medius digitus versus apicem, quantum fieri potest, extenditur. Ideò autem magis notandus est, quod perfusiones, vnguenta reliquaq; medicamenta, quorum vim ad cerebrum celerius penetrare volumus, huic loco, vt rarissimo & maximè excarni, commodissimè ad-

mè adhibeantur. Cauteria tamen ibi applicasse parum est tutum, propter futuras laxiores, & membranarum per eas prodeuntium maiorem cum anteriori cerebro consensum.

Os frontis, quo loco commemoratas modò molliores verticis partes futura coronali attingit, simili ferè mollitie ac raritate præditum est. In ipsa autem frontis planitie, & parte inferiori versus oculos, crassum ac durum existit. Dum verò oculis quasi cedens superiores ipsorum orbitas constituit, & temporum cavitates, quæ temporalibus musculis exsculptæ sunt, subit, &, ossis basilaris processibus adiungitur, tenuius multo, sed simul etiam densius ac durius euadit.

Eodem modo occipitis os ea parte, qua carne nudatum est, valde est crassum. Inferior autem ipsius pars explantandis inferendisq; colli musculis, tendinibus ac ligamentis comparata, tenuis, dura, solidaq; efficitur, & superficie sua inæquali insertionibus illis & explantationibus facilius se accommodat. Qua parte cū osse basilari committitur, & vna cum ipso non exiguam basis portionem constituit, ibi in angustum cogitur, & magis quàm vsquam alibi crassescit.

Ossa temporalia omnium durissima sunt, quare lapidosa etiam seu petrosa ea vocari diximus. Quatenus enim temporalis muscoli cavitatem constituunt, attenuari ea necesse erat. Porro tenuitatem, densitate ac duritiæ compensari rursus oportebat. Quatenus verò auditorium meatum hæc ossa sustinent ac muniunt; non solida modò esse, sed mediocrem etiam crassitiem habere conueniebat. Os basilare, quæ parte cum occipitis osse connexum, capitis basin constituit, omnium cranij ossium crassissimum apparet. Intus autem multis cauer-nulis plenum est. Processus ipsius, qui vtrinq; temporum cavitates ingrediuntur, perindè vt ossa parietalia, & frontis os, inter quæ medium locum obtinent, tenues sunt ac solidi.

QVI T P R O C E S S V S
in ossibus cranij obser-
uandi sint.

C A P V T X L I I .

INfrà in occipitis osse, ad magni forami-
 nis latera, duo conspiciuntur capita, quæ
 primæ

primæ vertebræ sinibus inarticulantur. Huius articulationis beneficio, caput motu proprio in anteriorem & posteriorem partem nutat. Ex osse temporali utrinq; ad capitis latus, longus quidam processus exoritur, densus ac durus, qui alteri simili processui ex maxilla superiori prodeunti occurrens, os illud constituit, quod à jugorum similitudine, os jugale, vulgò os paris nominatur. Hoc os nulla propria circumscriptione terminatur, sed ex duobus processibus oppositis, obliqua sutura coeuntibus, conflatum, propugnaculum est musculi temporalis, cuius gratia, illam, quæ in temporibus est, cavitatem exsculpi etiam demonstrauius. Propterea autem, tam diligenter hos temporales musculos natura muniuit, quod eorum offensiones maximè sint periculosæ, utpote quæ spasmos, mentis alienationes, stupores, aliq; multa periculosa Symptomata, mortem etiam interdum adferre soleant. Nullus enim toto corpore est musculus alius, qui anteriori cerebro vel propinquior sit, vel per plures nervos cum ipso communicet. Quinque enim nervorum surculos ad singulos temporales musculos peruenire, posterior Anatomie ostendet. Præterquam verò, quod

sinibus tarsi. γίγλυμοι, cum utrinq; os caput habet & sinum, & mutuo ingressu se inuicem connectunt, ut apparet in commissura humeri cum ulna.

Ad alterum commissurarum genus, quæ motum nullum habent, pertinent hæ quatuor species, γόμφωσις, id est, clauatura, cum ossa ossibus clauorum instar infiguntur, ut dentes maxillis. Sutura ραφή, qualis in cranij ossibus, quod mox ostendemus. Αρμονία, cum sine vlla asperitate, per similes lineas ossa coeunt, ut nasi, & superioris maxillæ ossa omnia. Σύμφυσις, quæ nihil aliud est, quam duorum ossium in vnum concretio, sicut appendices cum suis ossibus connascuntur, in ætate prouectioribus. Quæcunq; autem ossa committuntur, vel sine vlllo alterius partis adminiculo connectuntur, ut fit in futuris, αρμονίαις ή συμφύσι, vel aliquo alio corpore intercedente. Vndè hæ appellationes usitatæ sunt, ut στωάρθρωσις dicatur, cum articuli ambiente ligamento firmanur : Στωσάρκωσις, cum mediante carne fit connexio, quomodo dentes alueolis suis innectuntur : Συγχόνδρωσις, cum cartilaginis auxilio ossa ossibus agglutinantur, ut appendices in prima ætate.

DE

DE TOTIVS CRA- nij usu, figura, & magni- tudine.

CAPVT XXXIX.

CALuaria seu calua; *κεφάλιον* Græcis di-
citur, quod veluti galea quædam mu-
niendo cerebro circumposita sit: *κεν* enim
galeam significat. Huius propria fi-
gura sphaerica est; utroq; latere leuiter de-
pressa; & quasi cereum globulum mani-
busingas; pro depressionis ratione, ante-
riore & posteriore parte paululum extube-
rans. Quæcunq; capitis figura ab hac e-
uariat; vitiosa est. Nonnullis occipitis, a-
lijs anterioris capitis eminentia multò mi-
nor ac depressior est, quàm conueniebat.
Sunt, quibus utraq; deest, cuiusmodi Ther-
sitis caput putatur fuisse, quod *Φόξον* Ho-
merus lib.2. Iliados appellauit. Omnium
vitiosissima figura est, si vsquam ea reperi-
tur, cum frons & occipitium depressa, la-
tera verò eminentia sunt. Occipitij certè
depressio, cerebelli, quod eo continetur,
imbecillitatem arguit, quam comitari ut
pluri-

plurimum solet, subiectorum ossium, spinalis medullæ, & neruorum, qui inde oriuntur, imbecillitas. Hinc porro sequuntur motus animales parum validi. Si tamen hæc symptomata abfuerint, non ita multum habet hæc figura incommodi. Tantum enim indicat, materiam in prima generatione defuisse, non facultatem formatricem. Similiter anterioris eminentiæ imminutio cerebri imbecillitatē significat, præsertim si ea, quæ comitari ut plurimum solet, sensuum imbecillitas adfuerit. Sensorij enim nervi, hoc est, qui visum, odoratum, auditum, gustatum corpori conferunt, ex anteriori cerebro, motorij, ex cerebello & spinali medulla oriuntur.

Iusta capitis magnitudo, ex reliqui corporis proportionem æstimatur. Exiguum caput simpliciter vitiosum Calenus pronunciat. Exiguam enim cerebri substantiam, angustos ventriculos & spiritus paucos esse, arguit. Quare necesse est, facultates, actionesq; animales, quæ à cerebro prodeunt, diminutas ac imbecilles esse. Ac rursum, magnum caput vitiosum quoq; censetur, nisi idem figuram quoq; concinnam adeptum fuerit, & reliqua, quæ à cerebro ortum habent, ut spina, ac totum nervosum ge-

sum genus validum existat. Tale enim caput indicat, non solum copiosam ac probā fuisse generationis materiam, sed virtutem formatricem etiam validam.

DE PARTIBVS

craniij, earumq; commissuris.

C A P V T X L.

CRanium ex septem ossibus est constitutum. Anteriori parte primum occurrit os frontis. Medium capitis spacium occupant *βρέγμαλ* ossa, quæ & parietalia & verticis ossa dicuntur. In posteriori parte est occiput. Vtrinque ad craniij latera collocata sunt ossa temporalia, quæ à duritie petrosa etiam dicuntur. Septimum est os, quod basilare vocant, propterea quod cerebro tanquam basis substratū sit: Galenus etiam cunei forme appellat, quod instar cunei inter maxillam superiorem & os frontis sit impactum.

Ossa *βρέγμαλ* in capitis summo sibi inuicem connectuntur, futura recta, quam sagittalem latini, *ὀβελιαῖαν ἢ ῥαβδανθῆ* Græci appellant, cum osse frontis, futura alia transversa, quam coronalem appellant,

pellant, cum occipitis osse, futura triangulari, quæ à Græcæ literæ Λ similitudine, λαμβοδοειδής dicta est. Inferioribus verò ipsorum lateribus ossa temporalia applicantur, commissuris quibusdam, quas Hippocrates squamosas agglutinationes vocat, quod videlicet in mutua illa applicatione ossium illorum extrema attenuata, squamarum piscium imitentur figuram. Galenus tamen futuras appellare non veretur. In valdè senibus futuræ omnes ita coalescunt, vt vestigia earum duntaxat appareant. In vitiosis capitis figuris penitus quædam abolentur, vt coronalis in ijs quibus anterior eminentia deest: λαμβοδοειδής, in ijs, quibus posterior eminentia desideratur. Si utraq; eminentia desit, duæ tantum reperiuntur, quarum altera recta ex occipite per frontem ducta, alteram transversam, ab aure in aurem incedentem, ad angulos rectos interfecat.

Ex pluribus verò ossibus & futuris cranium componi melius erat, quàm ex vno continuo osse. Primum, vt vaporosa excrementa, quæ ex toto corpore in caput, tanquam in calidæ domus tectum, plurima efferuntur, meatus haberent, per quos euacuarentur. Deindè, vt per futuras vasa quæ-

quædam intro extraq; deducerentur, & crassæ cerebri membranæ fibræ, in περιεργα-
 νιον (quod est membrana, externam, craniij
 superficiem tegens) explicarentur, crassa
 verò membrana ex futuris quodammodo
 suspensa, cerebrum eleuatum seruaret, nec
 ventriculos eius in se collabi facilè patere-
 tur. Postremò securior quoq; hæc erat
 structura, ne si contundi aut frangi cranium
 fortè contingeret, fracturæ longiores ri-
 mas ducerent, sed ad futuras ipsas confi-
 sterent.

DE CRASSITIE ET raritate, duritie ac mollitie

ossium craniij, & cur talia facta
 sint.

C A P V T X L I.

OSSA Craniij, quatenus à vertice & la-
 teribus crassam membranam com-
 præhendunt, nec tenuia nec densa sunt, sed
 crassa, vt cerebro idoneum munimentum
 præberent, ne ea quæ vulnerant, ita cirò
 penetrarent: Rara autem & cauernosa, ne
 pondere suo cerebrum onerarent. Coete-
 rum

rum interna externaq; superficie levi ac solida crusta ceu lamina obiecta sunt, ne asperitate sua proximis membranis molesta essent. Accedit etiam illud, quod ossibus alioqui raris robur per has laminas concilietur. Chirurgi eas, primam & secundam tabellam appellant. Diligenter has partes ita considerasse, magnum habet usum, in cranij fracturis, in quibus *σπεννίσμω* opus est. Omnium rarissima ac mollissima sunt verticis ossa, præsertim juxta coronalē futuram, qua parte cum frontis osse committuntur. Et in pueris recens natis, totos tres vel quatuor menses palpitans vertex cerni solet, quæ palpitatio nihil aliud est, quam membranarum atq; adeo ipsius cerebri pulsus. Oculis autem faciliè cernitur, quod illa cranij pars in prima illa infantia, ita sit mollis, ut membranosa magis quàm ossea esse videatur. Hic locus exactè in vivente homine designatur, cum infima manu in summum nasum iniecta, medius digitus versus apicem, quantum fieri potest, extenditur. Ideò autem magis notandus est, quod perfusiones, vnguenta reliquaq; medicamenta, quorum vim ad cerebrum celerius penetrare volumus, huic loco, ut rarissimo & maximè excarni, commodissimè ad-

mè adhibeantur. Cauteria tamen ibi applicasse parum est tutum, propter futuras laxiores, & membranarum per eas prodeuntium maiorem cum anteriori cerebro consensum.

Os frontis, quo loco commemoratas modò molliores verticis partes sutura coronali attingit, simili ferè mollitie ac raritate præditum est. In ipsa autem frontis planitie, & parte inferiori versus oculos, crassum ac durum existit. Dum verò oculis quasi cedens superiores ipsorum orbitas constituit, & temporum cavitates, quæ temporalibus musculis exsculptæ sunt, subit, &, ossis basilaris processibus adiungitur, tenuius multo, sed simul etiam densius ac durius euadit.

Eodem modo occipitis os ea parte, quæ carne nudatum est, valdè est crassum. Inferior autem ipsius pars explantandis inferendisq; colli musculis, tendinibus ac ligamentis comparata, tenuis, dura, solidaq; efficitur, & superficie sua inæquali insertionibus illis & explantationibus facilius se accommodat. Qua parte cū osse basilari committitur, & vna cum ipso non exiguam basis portionem constituit, ibi in angustum cogitur, & magis quàm vsquam alibi crassescit.

K 2

Ossa

Ossa temporalia omnium durissima sunt, quare lapidosa etiam seu petrosa ea vocari diximus. Quatenus enim temporalis muscoli cavitatem constituunt, attenuari ea necesse erat. Porro tenuitatem; densitate ac duritiæ compensari rursus oportebat. Quatenus verò auditorium meatum hæc ossa sustinent ac muniunt; non solida modò esse, sed mediocrem etiam crassitiem habere conueniebat. Os basilare, quæ parte cum occipitis osse connexum, capitis basin constituit, omnium cranij ossium crassissimum apparet. Intus autem multis cauer-nulis plenum est. Processus ipsius, qui vtrinq; temporum cavitates ingrediuntur, perinde vt ossa parietalia, & frontis os, inter quæ medium locum obtinent, tenues sunt ac solidi.

QVI T P R O C E S S V S
in ossibus cranij obser-
uandi sint.

C A P V T X L I I .

INfrà in occipitis osse, ad magni forami-
 nis latera, duo conspiciuntur capita, quæ
 primæ

primæ vertebræ sinibus inarticulantur, Huius articulationis beneficio, caput motu proprio in anteriorem & posteriorem partem nutat. Ex osse temporali vtrinq; ad capitis latus, longus quidam processus exoritur, densus ac durus, qui alteri simili processui ex maxilla superiori prodeunti occurrens, os illud constituit, quod à jugorum similitudine, os jugale, vulgò os paris nominatur. Hoc os nulla propria circumscriptione terminatur, sed ex duobus processibus oppositis, obliqua sutura coeuntibus, conflatum, propugnaculum est musculi temporalis, cuius gratia, illam, quæ in temporibus est, cavitatem exsculpi etiam demonstrauius. Propterea autem, tam diligenter hos temporales musculos natura muniuit, quod eorum offensiones maximè sint periculosæ, utpote quæ spasmos, mentis alienationes, stupores, aliaq; multa periculosa Symptomata, mortem etiam interdum adferre soleant. Nullus enim toto corpore est musculus alius, qui anteriori cerebro vel propinquior sit, vel per plures nervos cum ipso communicet. Quinque enim nervorum surculos ad singulos temporales musculos peruenire, posterior Anatome ostendet. Præterquam verò, quod

os jugale temporalis muscoli sit munimentum, idonea etiam sedes est ad mansorij muscoli explantationem.

Alter ossis temporalis processus, juxta auris foramen, mammillaris *Μαστιοειδής* dicitur, quod papillæ speciem referat. Hic primò cavitatem illam auget, quæ ad constituendum auditus organum necessaria erat. Præterea musculos illos recipit, qui caput mouentes, à pectoris osse & clavicula producuntur.

Tertius in temporali osse processus, ab aëus vel styli scriptorij similitudine, *στυλοειδής* aut *βελονοειδής* dicitur, durū, tenue, & valdè prominens ossiculum, ex quo & ad os *υοειδές* quod linguam sustentat, & ad linguam ipsam, muscoli porriguntur. Et ipsum os *υοειδές* utrinq; his processibus validis ligamenti annectitur. Adde, quod muscoli, inferiorem maxillam deorsum trahentes, ex his ossibus ad maxillam ipsam explantantur. Gemini utrinq; processus ex osse basilari palatum versus prodeuntes, vesperilionum alis similes, ex media sua cavitare validum musculum emittunt, qui in ore dilitescens, inferiorem maxillam sursum trahit.

DE OSSE ODORATA tus organum compo nente.

CAPVT XLIII.

O Sin ipsa frontis basi supra nares collocatum, Galenus alijs ossibus annumerat, Vesalius separat, ac ex eo octauum cranij os facit. A multis exiguis foraminibus, quibus cribri instar peruium est, Graeci *ῥιθμοειδές*, quasi dicas, cribriforme, appellarunt. Est enim hoc praecipue ita factum, vt nares subeuntes odores, ad cerebrum transmittant, quanquam per ipsum nimia quoq; cerebri pituita interdum euacuat: Producitur ex eo septum illud, quod narium cavitatem diuidit: Similiter interno cranij spatio processus ille, qui sedes illas distinguit, quibus cerebri mammillares processus quæ odoratus organa sunt, reponuntur. Huic etiam adnascitur durae membranae pars illa, quæ dextram cerebri partem a sinistra separat. Ad olfactus organum pertinere etiam nonnulli putant cavitatem illam, quæ inter duas laminas ossis frontis super ipsa supercilia, aëre semper plena, apparere solet. K 4 DE

DE AUDITVS OR- gano.

CAPVT XLIIII.

Auditus organum non ita facilè explicari potest, cuius rationem Vesalius fateretur, se non satis percipere. Illud manifestum est, os temporale, qua parte crassissimum est, ac rupis instar inæqualiter exuberans, ibi intus pluribus cauèrnis plenum esse. Quatuor autem foraminibus insignitum est, quorum ductus sunt valdè obscuri. Duo foramina ad auditorium meatum propriè pertinent, reliqua duo deducendis vasis & quintæ coniugationis nervo parata sunt. Internum meatus auditorij foramen, nervum recipit, à quinta coniugatione, qui tandem etiam in membranam desinit, & huius cavitatis præcipuas partes integens, potissima huius organi pars censetur. Quomodo autem per varios anfractus, hoc foramen ad externum, quod ad aurem amplum satis apparet, pertineat, parum est conspicuum. Vesalius duo insignia ossicula in hoc organo describit, *Malleum & Incudem*, quæ in molli pueri
cranio

cranio vel alterius elixato separari & spectari possunt, quemadmodum & in vitulo. Columbus his addit tertium, quod nouo vocabulo stapes seu stapha nominatur, à similitudine ferrei instrumenti, in quo equorum fellis insidentes pedes sistunt.

DE RELIQUIS *cranij foraminibus.*

CAPVT XLV.

INternum cranium contemplanti, ab osse frontis vsq; ad occiput, nouem aut decem foramina vtrinq; conspiciuntur, quorum diligens obseruatio multum conducit, vt neruorum ac vasorum, cranij distributiones facilius intelligantur, & memoriæ mandentur. Quæ in elatiori ossis basilaris parte insculpta, sub osse frontis prima occurrunt, ampla satis & rotunda, neruos opticos, quæ prima est neruorum è cranio prodeuntium coniugatio, ad oculos deducunt. Proximum foramen sub præcedenti collocatum, eo paulò amplius, ac sursum oblique in longum & angustum procurrens, secundæ coniugationis neruos, qui mouen-

K 5

dis ocu-

dis oculorum musculis destinati sunt, transmittit, & præter hos, graciliorem radicem tertiæ coniugationis, quæ in frontis, faciei, maxillæ inferioris musculos variè distribuitur. Insignem quoq; ramum arteriæ soporalis, & venam in caluariam intromittit: Ad hæc qua parte longius & angustius est, cerebri pituitam in oculorum regionem exonerat. Paruum orbiculare foramen, quod sequitur, transitum præbet neruulo à radice minore quintæ coniugationis exorto, quem Vesalius neminem ante se observasse scribit. Inferitur autem hic neruulus in temporalem musculum, & eum, qui in ore delitescens, maxillam inferiorem sursum trahit.

Quod proximè indè sequitur foramen, oblongo circulo non absimile, tertiæ coniugationis crassiorē radicem transmittit. Huius nerui maior portio in linguam inferitur, ipsiusq; tunicam constituens, gustatorium instrumentum efficit. Minor verò instar capreoli vitis intorta, in temporalem & masseterium musculum, in buccam, & inferius labrum, item, in faciei cutem, molarium dentium gingivam, & dentes ipsos variè digeritur. Per idem hoc foramen quartæ coniugationis nervus totus elabitur, &

tur, & circa palatum variè partitus, tandem in tunicam ipsius degenerat, tantò linguæ tunica durior, quantò & nervus ipsius durior est & posterior. Succedit angustum & rotundum foramen, quod in osse basilari ultimum est, per quod portio quædam internæ jugularis venæ cranium ingreditur. Quintæ nervorum conjugationis crassiorē radicem, partim in auditorium meatum distribuī, partim per cœcum foramen in temporalem muscū, longo & vario ductu peruenire, antea auditum est.

Rima ossi basilari ac temporali communis est via, qua pituita è cerebro ad palatum ducitur, & inter spirandum aër in caput attrahitur. Regulariter enim cerebri pituita in cavitatem quandam colligitur, ex tenui membrana, infundibuli forma exstructam, quam peluim nominant. Inde deinceps in glandulam defluit, quæ basilaris ossis sinui, equinæ sellæ formam referenti, incumbit. Ex hac porro glandula, duo utrinq; ductus exporriguntur, quorū vnus in anteriorem partem vergens, pituitam in oculi sedem per illud foramen deducit, quod secūdo loco paulo antè commemorat

morauimus: Alter posterior in palatum per rimam, de qua nunc agimus. Sub modo dicto sinu ossis basilaris, qua parte crassissimum apparet, duę magnę cauernę sunt tenui quodam osse distinctę, quę deinceps foraminibus quibusdam in nasi amplitudinem terminantur, atque inde aërem recipiunt.

Amplum foramen, quod in temporalis & occipitis ossis commissura medium relinquitur, interiore sui parte sextę coniugationis neruo viam præbet, qui longissimè excurrens, thoracis ac infimi ventris visceribus omnibus sensum præbet, in transcurso autem, vertebrarum, alijsque multis musculis inseritur: Producentur etiam ex his sextę coniugationis neruis, illi qui recurrentes dicuntur, & λαρυγγῶν musculos mouent. Exteriore autem sui parte foramen hoc, maiorem ramum internę jugularis venę, & minorem arteriæ carotidis in cranium perducit. Foramen in occipitis osse, ad latus magni foraminis, septimę coniugationis neruum transmittit, qui surculis suis in linguę, ossis ὑοειδῆς, & quosdam laryngis musculos implantatur. Maximum omnium foramen in occipitis osse cernitur, quod via est spinalis medullę calnariam egredientis.

D E

DE MAXILLA SUPERIORE:

CAPUT XLVI.

TOTA maxilla superior constat duodecim ossibus: sex ab utroque latere, eodem modo dispositis, atque commissuræ forma inter se junctis; quam harmoniam appellari diximus. Horum primum ad exteriorem oculi angulum situm, ex quo ossis jugalis procedere partem antea ostendimus; cum alijs duobus parvis; & squamarum instar tenuibus ac pellucidis ossibus, ad anteriorem oculi angulum collocatis, inferiorem partem constituit eius sedis, in qua oculus voluitur, cuius superior pars, ab osse frontis, vertex verò, qui instar coni in arcum cogitur, ab osse basilari perficitur. Quartum maxillæ os, quod dentes recipit, varium & cavum, omnium est maximum. Quintum, quod alterum nasi latus constituit, figura longa, quadrata, valde est durum. Sextum, ad palati extremum, qua nares in fauces pertinent, solidum ac tenue, palati nariumque internum spatium non mediocriter augeat. His annumerari possunt

possunt tenuia ac fragilia illa ossa variè in-
torta, quæ vulgò spongiosa nominant; in
narium cavitatibus sita, vt excrementa ce-
rebri nonnihil remorentur: aërem inspira-
tum contemperent, & vox moderatè per
nares eat. Superior hæc maxilla propter
ossium tenuitatem, cutis carnisq; qua tegi-
tur, mollitiem, & frequentes fluxiones à
cerebro in ipsam decumbentes, morbo gal-
lico, alijsq; malignis vlceribus magis est
obnoxia.

DE MAXILLÆ superioris forami- nibus.

CAPUT XLVII.

FOramen, quod in quarto osse maxillæ,
sub inferioris palpebræ sede conspici-
tur, partem minoris radice tertie coniun-
gationis neruorum, in genas superiores, la-
bri, & alarum nasi musculos transmittit. E-
iusdem radice alia quædam portiuncula,
per exile quoddam foramen, quod in su-
percilio apparet, in musculosam frontis cu-
tem digeritur. Foramen amplum, quod ad
secun-

secundum maxillæ os collocatum, ex interno oculi angulo, in narium cavitatem rectà deorsum tendit, & ipsum quoq; dictæ modò radice minoris neruo viam præbet: Nonnihil etiam pituitę ad oculum defluentis in palatum deducit. Huic caruncula quędam præest, quæ id præstat, ne quid pituitę in genas defluat. Cæterum pituita, ex intima oculi sede, per alterum quoddam foramen in nariũ amplitudinem, copiosius euacuatur, sed magis versus palatum quam nares. Hoc foramen in osse basilari incisum, ita est reconditum, vt in conspectũ vix veniat. Foramen illud oblongum, quod inter os basilare, & quartum maxillæ medium, versus anteriora procurrens, in oculi sede maximum apparet, tertię coniugationis neruulum ad musculum temporalem transmittit, ipsum quoque musculum amplexu suo non mediocriter firmat. In anterioris palati medio, ad alterius quarti ossis cum altero commissuram, post incisivos dentes, exiguum foramen extructum est, per quod palati tunica cum ea connectitur, qua internum narium spatium est obductũ. Ad finem palati, in sexto osse, supra vltimi dentis alueolum, vtrinq; simplex, interdum duplex foramen conspicitur.

DE

DE MAXILLA IN- feriore.

CAPVT XLVIII.

Maxilla inferior, vno integro osse constat. Animalium maxilla, quibus longa acuta rostra pro manibus sunt; duobus constat ossibus, in summo mento coeuntibus. Est autem hæc maxilla omni ex parte valida, quod sola in capite mobilis, validis motibus exerceatur. Ne verò soliditas grauitatem adferret, intus caua ac medullosa facta est; posteriori parte sub processibus latior ac tenuior est, anteriori verò, qua dentium alueolos producit, crassior, sed senibus, quibus dentes exciderunt, & alueoli concreuerunt, gracilior quoque efficitur. Posteriori parte notandi vtrinque processus sunt, quorum prior acutus & valde tenuis, temporalis musculi tendinem recipit, posterior in caput desinit, quod sinui, qui inter os jugale, & externum auditorij meatus foramen medius est, inarticulatur. Obseruandum autem in hac articulatione illud singulariter est, quod inter duas communes cartilagines, quibus aliorum quoque
ossium

Ossium sinus capitaq; obducta sunt, hic tertia quaedam cartilago est interposita, mollis, ac ligamentosae naturae, quae tantum ligamenti articulum ambitu suo continentibus annexa, aliarum cartilaginum commoditates auget, facitq; ut validiores maxillae motus mollius sustententur.

Anterior maxillae pars mentum dicitur, cuius interna externaq; superficies, musculorum causa quos recipit, inaequaliter extuberat. Sunt etiam utrinq; in hac maxilla duo foramina, quorum vnum interiore sede prope ipsos processus, collocatum, neruum à tertia capitis coniugatione exortum, in radices dentium, vna cum ventila & arteria deducit. Huius deinceps nerui pars, altero minori foramine, quod exteriori sede prope mentum apparet, in labrum inferius distribuitur.

DE DENTIBVS.

CAPVT XLIX.

Dentium in comminuendo cibo, & moderanda loquela magnus est vsus. Sunt verò in vniuersum triginta duo, in qualibet maxilla sedecim, quorum primores qua-

L

res qua-

res quatuor latinis acuti & incisorij dicuntur. His proximi ab utroq; latere singuli assistunt, qui canini dicuntur, quibus utrinque deinceps succedunt quinque molares, magni, amplij, duri & asperi, ut cibum ab alijs prius sectum & confectum, conterere facilius possint. Commissuram, qua alveolis suis inferuntur, *γέμψων* appellari diximus. Incisorij & canini singuli singulas habent radices; sed ut caninorum maius sit robur, radices eorum, crassiores & profundiores sunt. Duo molares, canino succedentes, in superiori quidem maxilla, singuli binis radicibus firmanur: Tres reliqui posteriores ternis. Maxillæ inferioris molares, superioribus radicibus non respondent: nam tres posteriores duabus, duo reliqui, una tantum radice constant. Omnium tamen intimi, qui genuini dicuntur, & post pubertatis annos primum erumpunt, paucioribus radicibus niti solent, quam proximè præcedentes. Radices autem in diuersis corporibus sæpè variant, ut modò tres, modò quatuor in vno dente inveniuntur.

Inter ossa soli dentes sensu præditi sunt, quem accipiunt à tertiæ coniugationis nervo, per intimam maxillam disperso, ipsorumq;

rumq; radicibus insinuato. Galenus ipse, sensisse se in dentibus phlegmonosam quãdam pulsationem, testatur. Dentes omnes conspicuam satis cavitatem habent, quæ & leuiore ipsos facit, & medullam, qua nutriuntur, seruat. Cùm enim atteri eos necesse sit, tamen semper suam magnitudinem retinent. Longius autem excrescunt hi, qui oppositos non habent, quibus occurrant, quod satis euidentis indicium est, nutriri ipsos atq; augeri.

Puerorum dentes molles ac medullas radices habent, quodque in illis extraginguas extat, appendix est radicis in gingiua reconditæ. Facile autem pueris dentes rursus succrescunt, cum ablata sola appendice radix remansit. Quare radicem in pueris eximere velle, à ratione alienum est. Si verò dentes eorum vitari contingat, satius etiam tum est, extantes appendices maturè, priusquam radicibus firmitus connascentur, abrumpere, quàm vnà cum radicibus euellere.

D E O S S E

vondſſs.

CAPVT L.

L. 2

Os à fū

OS à figura *ὀστέος* dictum, etsi ex pluribus ossiculis compositum appareat, vnius tamen ossis nomine censetur. Situm est inter *λαρυγγα* & linguam, nec ulli alteri ossi est contiguum. Medio suo sinu, mediam linguam attingit, utroq; verò cornu processibus *σπλῆνι*, mediantibus ligamenti & musculis, annectitur. Linguae, & *λαρυγγα* musculos sustentat, ac vicissim ab ipsis ita sustentatur, ut positionem suam nullo modo mutet.

D E S P I N A.

C A P V T L I.

HAtenus capitis ossa explicauimus, quod constat cranio & vtraq; maxilla. Cranio subiecta est spina, quæ reliquorum omnium ossium veluti fundamentum habetur. Quare Anatomici pleriq; carinae naui eam comparari rectè putarunt. Constat autem spina vertebri viginti quatuor, & osse sacro. Septem supremæ vertebrae collum constituunt, duodecim sequentes, quibus vtrinq; duodecim costae innituntur, thoracem seu *μετὰσθρον*. His
succe-

succedunt quinque lumborum vertebrae. Quibus deinceps tanquam basis substratum est os sacrum, quod & latum & amplum nominant, sex quidem ossibus compactū, sed ita per *σύνφυσιν* in adultis connexis, ut non facile separari queant. Ossi sacro porro attexitur appendix illa, quæ *κόκκυξ* nominatur, ab avis illius rostri similitudine. Extruitur autem quatuor parvis ac solidis ossiculis, quorum postremum anum, seu intestini recti extremum attingit. Spinae præcipuus usus est, quod in ea conseruetur ea cerebri propago, quæ spinalis seu dorsalis medullæ nomen obtinuit: Estq; veluti alterum cerebrum.

Triginta enim neruorum paria ex ipsa oriuntur, quæ partibus sub capite locatis, sensum ac motum voluntarium præbent. Si verò morbo aliquo fuerit adfecta, is inferioribus partibus omnibus communicatur, existuntq; symptomata, vitii cerebri symptomatis non dissimilia.

Vertebrae omnes, excepta prima, interiori sede, qua intestinis obuersae sunt, leues sunt ac rotundae, ac veluti orbiculi sibi inuicem superpositi, columnæ figuram exprimunt: Unde & *σπόνδυλοι* Græcis dicti sunt. Exteriori verò sede, foraminibus &

processibus multis exasperatæ sunt, vnde & spinæ nomen inuenerunt. Ampla & recta vertebrarum foramina, quæ à cranio vsq; ad ossis sacri extremum, vnā quasi vaginam longam efficiunt, receptaculum sunt spinalis medullæ. Minora verò foramina, quæ ex concursu duarum vertebrarum producta, vtriusque ad spinæ latera cernuntur, triginta nervorum partibus ad partes, capite inferiores, viam præbent.

Processus in medio dorso extantes, præcipuum munimentum sunt reliqui vertebrarum corporis & spinalis medullæ. His pro munimento etiam cartilago quædam obnascitur. Transuersi processus etiam pro munimento quodam sunt, sed magis fulciendis musculis & firmandis costis sunt parati.

Superiores vertebræ mole quidem sunt graciliores, & media foramina habent ampliora: Inferiores contra. Inferiores enim superiores vertebrae sustinent: Mole igitur maiores esse conueniebant. Cum autem spinalis medulla initio amplior sit ac copiosior, descendens verò gignendis nervis paulatim attenuetur, ampliorem locum supra quàm infra exigebat.

Ex

Ex multis huiusmodi vertebriis, spinam, quasi vnum corpus efformari, melius erat, quam ex vno longo continuo osse, quod hæc structura, vt in cranio demonstrauimus, externis iniurijs minus sit obnoxia. Est etiam ad multiplices illos motus necessaria, quos & curuatos & erectos nos obire oportet.

Colligantur vertebrae internis quidem sedibus, membranosis ligamentis & cartilaginibus, inter orbiculares ipsarum nodos collocatis: Posterioribus autem sedibus, per processus sursum ac deorsum ductos committuntur, ea articulationis forma, quam *γυγλυμοι* appellare diximus. Vtraque enim parte, supra & infra mutuis processibus ac sinibus sibi inuicem implicantur, excepta prima & secunda vertebra, quæ tum inter se, tum capiti validis membranis annectuntur.

Est autem posterioris spinæ articulatio multò laxior, quam anterioris, quia oportebat dorsum in anteriora flecti. In posteriora flecti, neq; vtile, neq; ad vitæ vsum commodum erat, neq; tutum. Magna enim vena & arteria, quæ interiori spinæ incumbunt, nimium sic tenderentur, idque non sine ruptionis periculo. Præsens igitur hæc

tur hæc articulatio commodissima est, & luxationibus minimè obnoxia. Quod si ramen luxationem fieri contingat, minus periculosa est circularis, cum videlicet plures vertebræ ordine se subsequentes loco mouentur, quemadmodum in gibbosis fieri videmus. Angularis verò luxatio, cum vna tantum vertebra loco mouetur, lethalis est. Valide enim spinalem medullam comprimi, & conuulsionem sequi necesse est.

QVID VERTEBRIS colli sit peculiare.

CAPUT LII.

VErtebrarum colli transuersi seu laterales processus, soli sunt foraminibus peruij, per quæ venæ & arteriæ ad spinalem medullam, & sursum ad cerebrum nutriendi causa deducuntur.

Prima vertebra, spinali medullæ, quâ continet, respondens, reliquas omnes amplitudine superat. Anteriori parte, sinu quodam est excauata, quo secundæ vertebræ processum, quem nominant dentem, recipit.

recipit. Augetur autem eodem loco tuberculo, ne sinu illo exsculpro nimium attenuetur, & vt inferendis musculis sit locus, quæ etiam causa est, cur transuersos processus cœteris latius extendat. Sinus, qui vtrinq; in superiore ipsius parte conspiciuntur, occipitis tubercula excipiunt, & super hac articulatione, caput proprio motu antrorsum & retrorsum flectitur, quemadmodum ad secundæ vertebræ dentem, tanquàm ad axem proprio motu circumducitur. Ad latera non mouetur nisi per accidens, vnà cum collo.

In thoracis vertebris considerandi sunt transuersorum processuum sinus, costarum, quas excipiunt, capitibus proportionè respondentes.

Lumborum vertebræ, vt grandiores sunt, ita processus habent sursum deorsumque ductos insigniores, & neruorum foramina, superiorum vertebrarum sinibus altius sunt insculpta. In collo omnia sunt dissimilia. Thoracis vertebræ, vt collo vel lumbis sunt viciniore, ita illorum quoque vertebris sunt similiores.


DE OSSE SACRO.

L 3

CAP. 13.

CAPVT LIII.

OS sacrum, vt antea diximus, sex constat ossibus, quorum connexio anteriori sede, qua planum est, satis est conspicua, posteriori verò deprehendi non potest. Habet autem hoc os etiam cavitatem illam, in qua spinalis medulla reconditur, & foramina educendis nervis parata. Processus autem ipsius posteriores, minores sunt processibus superiorum vertebrarum atque exiliores, quò sunt inferiores. Totius ossis sacri externa superficies conuexa est, interna verò concava, vt partes in inferiore ventre locatas, intestina videlicet, vesicam, & mulierum vterum, commodius muniat ac contineat. Admonet autem nos huius ossis figura, mulieres inter pariendum non rectè supinas collocari.

Os κόκκυς  quatuor constat ossiculis, quæ ideò solida nominaui, quod nihil contineant spinalis medullæ. Sunt autem alioquin rara substantia. Vltimum quod anum attingit, admodum gracile est, & in cartilaginem desinit, quæ impressiones contusionesque mollius excipiens, efficit, ne qua fractura ad os perueniat.

NER.

NERVORVM SPI-

*nalis medullæ summaria
distributio.*

CAPVT LIIII.

NERui ex colli vertebris prodeuntes, primum in proximos, vertebrisq; adnatos musculos distribuuntur. Deinde à quarto, quinto, sexto pari, producuntur furculi, qui vnum neruum constituunt, septo transuerso proprium. Præterea ex quinto, sexto, & septimo colli, item primo & secundo thoracis pari, varius quidam fit neruorum contextus, à quo deinceps sex insignes nerui, in brachij musculos & cutem protenduntur.

Nerui ex thoracis vertebris producti, primò etiam ramis quibusdam illis musculis se insinuant, qui in dorso positi, ipsarum vertebrarum processibus annectuntur. Inde circulatim ad thoracis abdominisq; medium progressi, singulis costarum intervalis singulos ramos distribuunt, atq; ita non solum in intercostales musculos, sed etiam in eos, qui thoraci extrinsecus incumbunt, & *Πνεύματι* siue abdominis musculos, & cutem ipsam disperguntur.

Simi-

Simili porrò ductu, & lumborum nervi, primum in proximè obuios musculos dif-
feminantur, tum verò semicirculi etiam fi-
gura, ilia vsquæ ad abdominis medium
compræhendentes, illarum partium mu-
sculos ingrediuntur. Verùm à primo lum-
borum pari, parvæ quædam propagines,
cum arterijs seminalibus ad testes dedu-
cuntur. A quatuor verò inferioribus lum-
borum vertebrais nervi etiam oriuntur, qui
ad femoris musculos pertinent.

Ab ossis sacri verò quatuor primis ver-
tebris prodeuntes nervi in vnum nervum
coeunt, qui omnium facile maximus in
crus deducitur. Sed primum pars ossis sa-
cri, quemadmodum totius superioris spine
nervi omnes, vna tantum radice procedit,
quæ introrsum fertur, ad dictum magnum
nervum constituendum. Quinq; verò in-
feriora paria duplicibus radicibus egredi-
untur, quarum posteriores in musculos ossi
sacro, & Ilium ossi adnatos, & in cutem i-
psam sparguntur: Anteriores autem trium
quidem superiorum parium, dictum modò
magnum nervum constituunt: Duorum ve-
rò inferiorum, in anum, vesicam, penem
& mulierum uterum abeundo consumun-
tur. Exactam & particularem nervorum
distrib-

distributionem cerebri & spinalis medullæ,
describit Vesalius lib. 4. suæ Anatomies.

DE COMPOSITIONE ne & usu Thoracis.

C A P V T L V.

THORAX constat duodecim vertebra paulò ante commemoratis, costis viginti quatuor, vtrinque videlicet pro vertebrae numero duodecim: Et osse Ensigiformi, quod & pectoris os dicitur, Græci *σεννον* vocant. Separatur autem thorax ab inferiori ventre, septo transverso. Costarum intervalla implent muscoli, qui intercostales dicuntur.

Thorax factus est, ut esset cordis & pulmonum receptaculum, utque respirationi commodè inserviret. Ut igitur idoneam capacitatem haberet, & motu ageretur voluntario, necesse erat, ut ex pluribus ossibus & musculis alternatim interpositis construeretur. Totus osseus, cum dilatari ac restringi non posset, ad respirationem esset ineptus: Totus verò carneus in se concidens, cor & pulmones reprimeret, nec justum

stum ipsis spatium relinqueret. Præterea scapulæ, brachia, claviculæ, quæ ab ossea thoracis mole sustentantur, illa commoditate destituerentur. Accedit & illa utilitas ex costis, quod ex ipsis abdominis, & alij pleriq; muscoli pronascantur, quodque jecur, lien, & renes magna ex parte ab inferioribus costis sepiuntur.

DE COSTIS.

CAPUT LVI.

Costæ omnes, partim osseæ sunt, partim cartilagineæ. Osseæ quidem, quæ parte vertebris alligantur, dorsumque & latera thoracis efformant, eoq; duriores ac solidiores, quò vertebris sunt propinquiores. In anteriori parte thoracis ossea ipsorum substantia paulatim mollior euadit ac fungosior, quæ tenui tamen ac solida squama tegitur. Tandem verò in cartilagine desinunt, iisque cum pectoris osse committuntur. Feruntur autem paulatim deorsum: Sed nouem inferiores, dum in cartilagine desinunt, sursum rursus recurrunt.

Septem superiores, quia vertebris & pectoris ossi committuntur, & thoracem clau-

claudunt, veras costas nominauerunt. Reliquæ inferiores quinq; cum ad pectoris os non pertingant, nec thoracem claudant, nothæ seu mutilæ costæ dicuntur. Cartilaginibus autem suis inter se quasi conglutinantur, excepta duodecima, quæ per se subsistens alijs non adhæret. Superiorum autem cartilagines duriores sunt, quare etiam osseæ Galeno dicuntur, & senibus omninò in ossa degenerant. Inferiorũ verò molliores sunt, & laxius cohærent, vt ventriculo, ac reliquis ventris partibus cibo, vtero, aut alijs causis distētis facilius cederēt. Quare & *χόνδρος* propriè appellauerūt, & partes ventris ijs subiectas, *ὑποχόνδρια*.

Costarum omnium non eadem est magnitudo. Sexta, septima, octaua, longissimæ sunt, & longissimas habent cartilagines. Breuissimæ sunt, prima & vltima seu duodecima. Mediæ inter has, mediam magnitudinem habent. Interna superficie omnes leues sunt & æquales, nisi quod ijs, quæ inter secundam & nonam mediæ sunt, inferiori sede sinus quidam insculpitur, recipiendæ venæ, quæ *ἀζυγία*, id est, Aiuğa dicitur, & neruo ex vertebra prodeunti destinatus, quò fit vt harum costarũ inferior pars tenuior acutiorq; euadat.

Extremæ

Externa superficie, qua gibbæ sunt, & vertebrarum corporibus annectuntur, appendicem habent omnes. Reliquæ asperitates & tubercula, ligamenti dorsiq; musculis annectendis, sunt præparata.

DE OSSE PECTORIS.

CAPUT LVII.

Στέρον, quod latinis os pectoris dicitur, septem superiores costes & furculas sustentat, estq; ut ipsæ costæ, pectoris munimentum. In pueris quatuor, in adultis tribus constat ossibus, quorum supremum latissimum est, & quasi triangulare, supernè quasi media luna excavatum: Reliqua sunt tenuiora. Infimum in cartilagine definit, quam malum granatum nominant, quæ similem usum habet, quem inferiorum costarum cartilagine, nimirum, ut orificium ventriculi tueatur, eiq; mollior occurrat, ventriculo distento. Totum στέρον nonnulli os ξιφοειδές, id est, Ensi-forme nominauerunt, ab ensis manubrij figurâ quam representat.

DE CA.

DE SCAPVLIS.

CAPVT LVIII.

Scapulæ, quæ Græcis ὠμοπλάται dicuntur, posteriori thoraci seu dorso subiectorum musculorum ope annectuntur, tum vt thoraci propugnaculo sint aduersus externas iniurias, quæ à tergo prouideri non possunt, tum vel maximè, vt brachium, quod alioqui firmari non poterat, idoneam sedem haberet, cui inarticularetur. Quadrupedibus scapulæ lateribus thoracis incumbunt.

Figura scapulæ ferè est triangularis. Latus vertebri proximum, secundum dorsum longitudinem expositum, basis scapulæ nominatur, cuius superior angulus secundam, inferior nonam costam ferè attingit, præterquam in ijs, qui altiores habent humeros, quod vitium infantibus interdum accidere solet, ex praua nutricum deligatione, quemadmodum & pectora carinæ modo acuta. Angulus quem superioris & inferioris lateris extrema constituunt, scapulæ ceruix dicitur, estq; valida, crassa & oblonga, oblongoq; sinu prædita, qui tamen præter aliorum sinuum naturam, ma-

M

gnam

gnitudine ac profunditate prominenti capiti ossis brachij, quod recipit, non respondet. Brachium enim laxis varijsq; motibus agi oportebat: Quare laxum quoq; ipsius articulum esse conueniebat, nec nimium profundo sinu coarctari. Ne tamen ita facile luxaretur, validis ligamentis constructus est. Sinus verò augetur cartilagine, quæ ut osse mollior est, ita varijs ossis brachij motibus facilius obsequitur.

Anterior scapulæ superficies caua est, ut costarum conuexis commodius infideat. Ex dorso seu gibba scapulæ superficie validus crassusq; processus enascitur, qui supra scapulæ cervicem procurrens, appendice augetur, vocaturq; ἀκρωμιον, id est, summus humerus, propterea, quod non solum scapulam, sed ipsum quoq; humerum, id est, articulum, quo brachium cum scapula committitur, quem Græci ὤμων vocant, protegat ac defendat, efficitque, quo minus brachium sursum luxari queat. Huius anterior pars modico sinu claviculæ tuberculum recipit, validisq; ligamentis cum eo constringitur.

Superior ἀκρωμίας sedes tota scabra est. Maximus enim musculus scapulam sursum

fursum ducens, in eam inferitur, ac rursus ex ea explantatur insignis ille musculus, brachium attollens, quem ἐπωμίδα appellant, propterea, quod humeri articulo instratus sit.

Alter scapulæ processus, interior ac minor, ab anchoræ figuræ ἀγκυροειδῆς dictus, clauiculam sustentat, validisq; ligamentis cum ea colligatur, quæ ex asperitate superioris ipsius partis pronascuntur.

DE CLAVICVLIS.

CAPVT LIX.

Humeri articulum oportebat liberum fuisse, atq; à thoracis latere plurimum distare, ne si costas propius contingeret, varij illi brachij motus impedirentur. Clauiculas igitur natura construxit, quæ scapulas distenderent, neque alarum more in thoracem concidere permitterent, quod fracta clauicula accidere sæpè videmus. Alligatur autem vtraque clauicula anteriori parte cum osse pectoris, posteriori cum ἀνωμίω, media cum minore scapulæ processu. Verùm qua parte jugulum spectat, ita curuatur, ut intus caua, extra

verò gibbâ sit, nimirum, ut tracheæ artē-
riæ, gulæ, nervis cerebri, ac spinalis medul-
læ, qui illac feruntur, spatium ac munimen-
tum præbeat. A paruo verò processu vs-
que ad ἀνώγειον contrario modo incurua-
tur, ut vna cūm ἀνώγειω humerum sur-
sum luxari prohibeat. Substantia ipsius,
externis quidem partibus crassa est & rara,
media tenuis ac solida.

DE OSSE BRA- chij.

C A P V T L X.

OS brachij Celsus humerum etiam ap-
pellat. Huius superior pars magnam
habet appendicem, quæ quatenus levis ac
globosa est, in scapulæ cervicis sinu volui-
tur, eoq; motu brachium sursum, deorsum,
ad latera, & in orbem variè circumagitur,
quatenus verò asper est ac inæqualis, liga-
menta producit, quibus articulus ille firma-
tur. Sinus ille, qui in asperitate illa con-
spicitur, musculorum cubi um flectentium
capita continet. Inferior humeri pars, qua-
tenus levis, & cartilagine incrustata cerni-
tur, cum

tur, cum cubiti ossibus articulatur, interiori quidem sede cum ulna, exteriori cum radio.

Est autem caput, quod cum ulna committitur, ad ipsius processus & sinus ad amussim formatum, excauatis rotulis seu trochleis non absimile. In medio enim sinus est, prominentibus utrinque lateribus, quæ ulnam, ceu funem, qui in trochlea voluitur, sua sede coherceat. Verum externum latus interno minus assurgit, quod ei assiltat radius, ulnam satis reprimens, ne ad latus illud moueri queat. Sinus qui in anteriore ac posteriore parte sub prædicta orbita visuntur, tenui quadam lamina distincti, Hippocrates proprio nomine *Babridas* appellauit. Recipiunt autem vicissim inter flectendum & reflectendum processuum ulnæ extremitates, suntque extremæ flexionis & extensionis termini.

Rotundius illud caput, externum huius ossis latus occupans, à rotundo radij sinu ita excipitur, ut radius una cum ulna flecti & extendi, & proprio motu in primum & supinum agi possit.

Extra prædictam articulationem, aspera quædam tubercula, utrinque in hac brachij parte, reperiuntur. Ab externo tuber-

M 3

culo,

culo, & acuta linea ex ipso sursum progrediente, musculi producuntur, qui radium in supinum agunt, item, qui carpum & digitos extendunt. Internum tuberculum alios musculos producit, radium in pronum reducentes, carpum & digitos flectentes. Præterea anteriori & posteriori parte sinus efformat, in quibus grandes nervi, cubitum adeuntes reconduntur.

Medij brachij figura, tota ad aptam musculorum collocationem est accommodata. Asperitas quæ paulò supra longitudinis medium apparet, ad exteriora vergens, insertionem musculorum brachium mouentium non mediocriter adiuvat.

DE ULNA ET radio.

CAPUT LXI.

QUod inter commemoratum modo brachij os & carpum, seu brachiale medium est, cubitus vocatur. Constat autem duobus ossibus, ulna & radio. Ulna inferior sita est, ad latus parui digiti. Superiori parte, qua crassior est, instar semicirculi exsculptur, articulaturq; cū brachio mutuis
simi-

finibus & capitibus $\gamma\gamma\gamma\lambda\upsilon\mu\omicron\epsilon\iota\delta\tilde{\omega}\varsigma$, & vno tantum motus genere agitur, nempe extensione & flexione. Versus manum procurrens paulò fit gracilior, nisi quod sub carpo rursus modicè dilatatur & augetur appendice, qua cum radio articulatur. Exiguus verò processus instar styli ex appendice enatus, ligamentum producit, quo solo vlna cum carpo committitur.

In media vlna linea quædam apparet, secundum longitudinem ipsius ducta, alteri lineæ, quæ in radio est, opposita. Hinc validum ligamentum enascitur, quo ossa hæc firmiter inter se connectuntur, & anteriores muscoli, carpum & manum flectentes, à posterioribus extendentibus separantur.

Radius superiori parte, non solum cum brachio, sed etiam altero latere cum vlna articulatur. In medio autem paululum arcuatur, & longius ab vlna abscedit, non solum ut musculis locus sit, verum etiam, ut motum manus in pronum & supinum commodius obire queat. Reliqua animalia, quæ hoc motu carent, hæc ossa etiam magis habent coarctata. Inferior radij pars ad carpum, crassa & lata est, ut carpus, qui totius manus fundamentum est,

totus prope radio innitatur, atque vna cum ipso commodè in prouum & supinum vertatur. Sinus illi, qui externa parte radij propè carpum conspiciuntur, extendentium musculorum tendines continent.

Quod ad substantiam attinet, Humerus, Vlna, Radius, circa extremitates, vbi crassiora sunt, ibidem ipsorum rarior & fungosior est ossea substantia. In medio autem vbi gracilia sunt, dura quoq; simul existunt, sed tamen cauitatibus quibusdam prædita, in quibus medulla continetur. Idem femori & tibiæ ossibus accidit.

DE CARPO.

CAPVT LXII.

Kαρπός, qui Celso brachiale dicitur, octo constat paruis ac duris ossiculis. Singula singulari quadam prædita sunt magnitudine, figura ac situ: Suntq; ita ligamentis inter se constricta, vt vnum os formare videantur, quod extrema parte gibbum, iniurijs est minus obnoxium, interna verò cauum, digitos flectentium musculorum tendines commodè recipit. Propius autem inspicienti, octo illa carpi ossicula,

cula, duobus quasi ordinibus, à pollice versus paruum digitorum ductis, digesta sunt.

Primi ordinis, primum, secundum & tertium os, quasi unum caput constituunt, quod uni ossi nempe radio inarticulatum, flectitur, extenditur, & ad latera mouetur. Quartum cum cubito non articulatur, sed ligamenti illius, quod ab acuto vlnæ processu oritur, portionem recipit, & inferioris musculi carpi flectentis tendinem admittit. Inferior ordo pollicis, & quatuor Metacarpij ossa, eaq; distincta sustentat. Quinto enim carpi ossi innititur primum os pollicis: Sexto, Metacarpij primum, & nonnihil secundum etiam: Septimo, Metacarpij secundum: Octauo, tertium & quartum. Propter hanc diuersam articulationem ex duobus ossium ordinibus carpi natura construxit, præterquam quod ad varietatem motuum, & ad *συναρτήσεων* satius erat, ex pluribus ossibus, quam ex vno componi.

DE METACARPIO.

CAPVT LXIII.

QUod inter Carpum & digitos mediū est, Græci *μετακάρπιον*, Celsus pal-
M 5 mam,

mam, Vesalius postbrachiale vocat. Constat quatuor ossibus, quæ suprà cum carpo, infra cum quatuor primis digitorum ossibus articulantur. Primum pollicis os digitis annumeratur, quare ad *μετακάρπιον* non pertinet. Longissimum os Metacarpij est primum, quod videlicet primum digitum seu indicem sustentat, Reliqua paulatim breviora sunt. Circa articulationes, ut reliqua omnia crassiora sunt, & appendicibus augmentur. Superiores appendices carpi ossibus sinus præbent, inferioribus primis digitorum ossibus capita: coarticulantur etiam inter se lateraliter, cartilagineis quibusdam ligamentis. Medio inter appendices spatio, ubi graciliora sunt, magisque teretia, media quædam intervalla relinquuntur, in quibus singulis bini musculi reconduntur, qui prima digitorum ossa flectunt. Hi musculi internam etiam manum implent, cuius rei causa interna illa Metacarpij cavitas etiam facta est.

DE DIGITORVM numero & usu.

CAPVT LXIIII.

Succe-

Succedunt quinque digiti, qui manum perficiunt, faciuntq; , vt aptissimum existat appræhensionis organum. Præterquam enim, quòd singuli flectuntur & extenduntur, ad latera quoq; mouentur, ac deducuntur, vt facilius magna corpora conpræhendere queant. Propterea autem extensi, impari sunt magnitudine, vt in magnorum corporum appræhensione æquales sint ac robustiores: quanquam in paruis quoq; corporibus firmiter continendis, inæqualitas digitorum magno quoq; adiumento est.

Pollex *ἀνταρ* Græcè dicitur, propterea, quod in appræhendenda & claudenda manu, reliquis digitis oppositus, actionem eorum non mediocriter iuuat & roborat. Quare & inter digitos præcipuus habetur. Vt autem omnibus opponeretur commodè, plurimum ab omnibus disiungi, transuersoq; situ ad indicis latus collocari oportuit. In media enim manu positus, actiones, quæ vna vel duabus volis perficiuntur, impediuisset, ad parui verò digiti latus spatium non erat, vbi collocaretur, & tota manus magis in illam partem propendet.

Duo magni digiti, vt Index & Medius,
vt or-

ut ordine pollicem sequuntur, ita usu ac dignitate ei sunt proximi. Horum enim opera præcipuè, tū parua quàm magna corpora appræhenduntur, artiumq; omnium opera perficiuntur.

Reliqui duo, Annularis & Paruus, etsi superioribus non parem, magnum tamen usum præbent. Horum enim ope in magnis corporibus compræhendendis, manus imperfectum quasi in circulū cogitur, quod omninò necesse erat, ut omnium ex parte contactus & appræhensio fieret. Dum verò manum claudimus, paruaq; vel liquida corpora continere studemus, valdè prodest horum digitorum constructio. Paruus quoq; digitus pro operculo est, quemadmodum & pollex ad indicis latus. Ex quibus omnibus iam satis patet, ad perfectam appræhensorij organi constructionem, nec pluribus nec paucioribus digitis, quàm quinque ita inæqualibus opus fuisse.

DE OSSIBVS DIGITORUM, eorumq; articulatione.

CAPVT LXV.

Singuli

Singuli digiti ternis ossibus, totidemq; articulationibus extruuntur: Paucioribus circularis extremorum illa digitorum curuitas perfici non poterat, pluribus verò nihil erat opus. Commoditas enim ad motum nulla accessisset, & manus maiori mole sustinenda fuisset imbecillior.

Digitorum ossibus, ut reliquis quæ articulantur, illud etiam commune est, quod extrema eorum circa articulos latiora sunt, media graciliora. Prima, quæ cum Metacarpio articulantur, maxima sunt, deinde media, omnium minima sunt extrema. Non enim sustentant, sed à superioribus sustentantur, & vnguibus spatium præbent, & extrema digitorum crassa esse, ad parvorum corporum appræhensionem erat inutile.

Quod ad figuram attinet, quatuor digitorum externa superficies rotunda seu conuexa est. Illi enim flectentium musculorum tendines, membranarum modò dilatati, adnascuntur. Internam verò superficiem planam ac depressam esse oportebat, quod hac parte singulis digitis duo teretes tendines exporriganter, quorum superior secundo ossi inseritur, inferior per superiorem fissum, tãquam per anulum transmissus, ter-

fus, tertio ossi annectitur. Alius situs tendinum est in pollice, quo fit, vt primum ipsius os non sit ita planum, sed magis protuberans, vt interim muscoli commodius ibi affigantur.

Cæterum horum ossium interna planities, alium etiam vsum habet, nimirum, vt commodius interna manus dura illa & nervosa pinguedine inferciatur, quæ & tendines ab iniurijs defendit, & manum ipsam ad molliendum, terendum, & quiduis contrectandum aptiorem facit.

Quod ad articulationem attinet omnia hæc ossa superiori parte sinus habent, inferiori capita. In prima primorum ossium cum Metacarpo articulatione, quæ præter flexionem & extensionem, mediocrem etiam motum ad latera continet, sinus plani sunt, rotundis capitibus Metacarpi respondentes. Quare & maior hic extensio fit, quàm in alijs digitorum articulis. Flexio quoq; maior esset, nisi parua quædam ossicula interna sede opposita essent, quæ à sesami grani similitudine *σφαμμοειδῆ* appellauerunt. Hæc in secunda & tertia articulatione etiam reperiuntur, sed ita exigua, vt vix milij granum exæquent. Vsum autem nullum habent alium, quam vt nimie flexioni

flexioni occurrant, prohibeantq; quò minus luxatio fiat. In reliquis digitorum articulis, quibus tantum flexio & extensio perficitur, capita medio quodam sinu, superiorum autem ossium sinus protuberante linea distincti sunt.

In pollice illud est peculiare, quod primum ipsius os, transuerso capiti ossis carpi inarticulatur, habetq; motum ad latera validiorem, quàm flexionem & extensionem. Secundus verò pollicis articulus, etiam motum ad latera habet, sed flexionem & extensionem validiorem. Quare nimia flexioni hic opposita sunt *σπονδυλοειδή*, ea magnitudine, qua in prima digitorum articulatione. Tertius pollicis articulus, à secundis & terijs digitorum articulis nihil differt.

DE VNGVIBVS.

CAPVT LXVI.

EXtremis digitis natura vngues extrinsecus apposuit, vt internæ manus cutis, & quæ illi subiecta est pinguedo dura, firmamento aliquo innixa non faciliè euerteretur. Similaris ipsorum natura similis est car-

est cartilagini, nec dura omninò nec mollis, ut incidentibus contundentibusq; corporibus facile cedat. Externa eorum superficies, ut reliquæ manus, conuexa seu gibba & levis, læsionibus minus est obnoxia.

Pronascuntur ex ligamento extremi digitorum ossis, atq; interius adnascitur illis caro, quemagmodum extrinsecus ad radicem cutis. Nutriuntur autem ipsorum radices venis & arterijs, sed auctio non fit nisi in longum. Nerui qui radicibus inferuntur, deindè in subiectam carnem propagantur, neque ad vnguem ipsum perueniunt.

DE COXIS.

CAPVT LXVII.

Magna & lata ossa, inter os sacrum & femur collocata, Celsus coxas appellat. Sed harum partes, alijs atq; alijs nominibus designantur. Anterior coxæ pars, quæ magno foramine prædita, cum alterius lateris coxa committitur, os pubis appellatur. Posterior verò latiorq; , ossi sacro connexa, os Ilium: Media, quæ sinum producit, femoris capiti adaptatum, proprio

proprio nomine coxendix, Græcis ἰχθυόειρα dicitur.

Non ineptè autem coxæ scapulis comparantur. Quemadmodum enim scapulæ præcipuè inarticulandis humeris paratæ sunt, sic coxarum quoq; præcipuus vsus est, ut femora ipsis inarticulentur. Ac rursum, quemadmodum scapularum varij processus, varijs musculis educendis & admitrendis inferiunt: Sic etiam coxæ, quæ ita constructæ sunt, ut ab ipsis propè omnes femora mouentes musculi, & alij permulti, qui tibiæ, dorsi, thoracis, abdominis motibus præsunt, initium ducant.

Accedunt porro aliæ quoq; coxarum commoditates. Sustainantur enim ab ipsis, os sacrum, spina, & omnia commemorata hætenus corporis ossa, ita ut earum opæ homo & erectus esse, & commodè sedere queat, quodque cum osse sacro cavitatem quandam instar pelvis constituent, in qua maxima intestinorum pars, vesica & mulierum vterus commodè ac tuto continentur.

Connexionem ossis sacri cum osse Ilii omninò firmissimam esse oportebat. Huic enim innititur reliqui corporis moles. Diligenter itaq; natura utrumq; os multis finibus ac tuberibus exasperauit, atq; inter

N

ipsa

ipla cartilaginem quandam interposuit, vt horum ossium connexio à symphysi parum differat.

Posteriori parte os Ilium osse sacro magis prominet, vt explantandis musculis apta sit sedes. Superiori parte semicirculi rotunditatem referens, appendicem admittit, quem spinam Ilium nominant. Ab huius interiori sede transversus abdominis musculus enascuntur. Exterior verò sedes, *Προσπίς* musculum obliquè ascendentem, & duos tibiam mouentes producit. Atq; hæc causa est, cur spina anteriori parte latior crassiorq; existat.

Ex interna superficie ossis Ilium, quæ levis ac plana est, musculus quidam oritur, dorsum mouens, item, alter femur mouens, qui coarctatus per sinum illum fertur, qui supra coxendicis acetabulum cernitur.

Duo tubercula ad huius sinus latera posita, præterquàm quòd sinum augment, alios etiam vsus præstant. Nam internum coxendicis os, qua parte firmissimum esse debebat, & tamen acetabuli occasione valde attenuatur, non mediocriter roborat. Externum verò, musculum producit tibiam mouentem.

Externa superficies ossis Ilium, quam
Ilium

Ilium dorsum nominant, tres insignes femur mouentes musculos producit, qui totam illam planitiem integunt.

Coxendicis sinus, caput femoris excipiens, omnium, qui in corpore sunt, maximus, acetabulum propriè nominatur. Conspicitur autem interna ipsius superficies, non æqualiter cartilagine obducta, & anteriori sede altius aliquanto excauata. Hinc crassum illud, & instar chordæ, ligamentum rotundum enascitur, quod in medium femoris caput inseritur, firmioris articulationis gratia.

Eadem quoq; ratione, huius acetabuli margines seu supercilia, cartilagine ac ligamento augentur, quæ posteriori sede magis protuberant, ne loco moueatur femur, cum sedentibus ac surgentibus nobis, ad angulum rectum coxæ opponitur.

Ad inferiorem acetabuli partem, ligamentum marginem constituens interruptum, viam aperit venæ, quæ alimentum deducit, & viscidum illum humorem, articulum lubricum efficientem, subministrat.

Inter Os Ilium, & acutum processum ossis coxendicis, coxa femicirculi figura est excauata. Per hunc sinum nervus ad crus deducitur, quem totius corporis maximum

N 2

ex ossis

ex ossis sacri vertebrae propagari antea diximus. Ex acuto vero processu musculus vnus nascitur, femur mouens.

Infima coxendicis pars, cui sedentes innitimur, lata est, & lata appendice praedita, roboris causa, & vt principium sit quatuor musculorum, quorum tres tibiae, vnus omnium, qui in corpore sunt, maximus, femori mouendo famulatur.

DE OSSE PVBIS.

CAPVT LXVIII.

Coxarum extrema, anteriori parte coeuntia, os pubis constituunt. Conglutinantur autem mediante cartilagine, quae procedente aetate tandem in os degenerat. Perfecta quaedam horum ossium *σύνφυσις* existit, tam in viris quam in mulieribus. Quare quod plerique affirmant, haec ossa in mulieribus inter pariendum separari, ac rursus coniungi, praeterquam quod obstetricum tactu non depræhenditur, depræhensu alioqui facile, si ita accideret, etiam rationi parum est consentaneum, quæ in huiusmodi commissuris talem separationem impossibilem esse iudicat, nisi forte in

te in iuenculis, in quibus commissuræ laxiores sunt, id fieri concesserimus.

Cæterum gestationis vteri, & partus felicioris causa, mulieribus sunt hac parte hæc peculiariora. Ilium ossa ampliora sunt, ipsorumq; spinæ in latera magis eductæ. Ossa verò pubis breuiori linea cōmissa sunt, & infimæ coxendicum partes, tum à se inuicem, tum ab osse κόκκυς & magis disreptæ, internum illud spatium amplius quàm in viris efficiunt, quod inter parientem etiam augetur, dum os κόκκυς & facile cedens, extrorsum eueritur.

Magnum foramen, quod in osse pubis vtrinq; apparet, ab ostij similitudine θυροειδής appellatur, idè præcipuè factum est, vt ossibus multitudine musculorum, qui ex ipsis producuntur, satis grauatis, leuitas aliqua accederet. Oppleretur autem valida membrana, nec aliud quàm paruum quandam venam, arteriam, & neruum, in femoris partem superiorem transmittit.

Magna verò vena & arteria, & cum ijs magnus neruus, crus adeuntia, sinu quodam supra os pubis in crus descendunt, & his paulò altius ex epigastrio excurrentia vasa seminaria ad testes deferuntur. Ostendunt porro hæc ossa, tota ea regione qua

committuntur, asperitatem quandam. Ex superioris sedis asperitate, recti epigastrij musculi explantantur. Ex media, nonnulli tibiam & femur mouentes musculi. Ex inferiori verò sede, vbi hoc os vtrinque attenuatur, ligamentosa illa corpora, quæ magna ex parte penem constituunt, & musculi penem mouentes.

DE OSSE FE- moris.

CAPUT LXIX.

OS femoris, omnium quæ in corpore sunt, maximum, supra vno magno capite, coxendicis acetabulo congruenti, ipsi coxendici inarticulatur. Infra verò ad genu duobus capitibus tibiæ, sed alio articulationis modo. Tibia enim, vt cubitus, tantum flectitur & extenditur: Femur verò, vt brachiū, ad latera quoque mouetur & circumagitur: Flectitur quidem cum sedemus, & ad inguina crus adducimus, extenditur, dum deorsum deducimus, maximè verò dum stamus. Ad latera mouetur, cum alterum crus introrsum ad alterum adducitur, & rursus, cum extrorsum abducitur.

ducitur: Circumagitur, cum in orbem rotatur.

Capita autem ex appendicibus formantur, qui suprà infraq; huic ossi adnascuntur. Superius caput asperum quendam sinum habet, cui teres ligamentum ex acetabulo prognatum implantatur. Pars femoris gracilior capiti præposita, ceruix nominatur. Cervicem sequuntur duo insignes processus, quos *ῥοχαντῆρες* vocant: Maior exteriorem ac superiorem sedem occupat: Minor inferiorem ac interiorem. Maxima quoque horum pars appendice constat. Vsum autem habent eundem, quem reliqui ferè processus. Recipiendis enim musculorum tendinibus femur mouentium sunt destinati.

Inferior femoris pars circa genu, in duo magna capita dirimitur, medio sinu distincta, cuius anterior pars depressa, sed satis patens, & cartilagine obducta, suscipiendæ patellæ præparata est, cuius vsus explicabitur postea. Posteriori verò parte capita femoris valde prominentia multiplicem vsum præstant. Articulationem enim ita efformant, vt tibia in acutum angulum flecti possit. Deindè musculos pedem mouentes ex se producant, & posteriorem

N 4 popli-

poplitis sinum augent, ut commodè asperum & inæquale tibiæ tuberculum, & ligamentum inde prognatum, & musculus in poplite latitans, in eum commodè recipi possit, & tutò maximus corporis nervus, vena, & arteria per ipsum deduci.

Ex cæcis foraminibus, quæ in lateribus inferioris femoris cernuntur, valida ligamenta producuntur, quæ genu ambiunt, fortiterq; deuinciunt.

Media femoris pars anteriori sede teres est ac plana, posteriore verò acuta linea prominet, Vndiq; autem circumsepta est musculis tibiam mouentibus. Posterior quoq; pars caua est, quòd eo loco maior sit musculorum copia, quodq; illa structura ad sedendum commodior sit, præsertim, dum alterum crus alteri iniicitur.

In totius autem femoris structura considerandum est, quod non recto tramite à coxendice ad genu tendit: sed ceruix eius primum obliquè extrorsum à coxendice abscedit, ac deindè rursus reliquo corpore oblique deorsum ad genu vergit. Hanc figuram laudatissimam esse confirmat Hippocrates in libro de articulis, eamq; in deligandis femorum fracturis diligenter seruari vult.

ri vult. Quibus ergo naturarectius femur, quam conueniebat, contigit, vari & claudi in genu existunt.

Ceruicem autem à coxendice abscedere oportuit, vt musculis interna femoris sede collocandis, item, magnis venis, arterijs & neruis, & glandulis, vasorum diuisionibus præpositis, locus esset. Quibus ceruix minus diducitur, ijs angusta ac compressa inguina sunt, & femur præter modum vna cum genu extrorsum abducitur, & hi vatij dicuntur.

DE PATELLA.

C A P V T L X X.

Patella, os orbiculare, breui scuto non absimile, genu articulo præponitur, vt tibiæ extensio vltra rectam lineam non feratur, & vt in magna flexione in anteriorem partem femur non luxetur. Quibus fracta patella est, sine luxationis periculo incedere non possunt, præsertim cum locus aliquis accliuis ascendendus est.

Posteriori sede patella leui cartilagine obducta est. Tuberculum ipsius quadrat sinui, qui se inter capita femoris aperit. Ad-

N 5

hære-

hærescit autem non ligamentis, sed tendinibus tibiā mouentibus eo loco dilatatis, qui etiam efficiunt, vt substantia ipsius in superficie cartilaginosa videatur, cum tamen intus valde sit dura.

DE TIBIA ET Fibula.

CAPVT LXXI.

Totum κῶλον, à genu vsq; ad talum, tibia nominatur. Constat duobus ossibus, quorum quod grandius est, proprio ac speciali nomine Tibia dicitur, alterum exilius, Fibula. Quemadmodum autem coxas cum scapulis, femur cum brachio comparauimus, ita etiam tibia & fibula cum ulna & brachio, & pes magna ex parte cum manu conferri possunt.

Sola autem tibia cum femore articulatur. Sed tibiæ sinus, femoris capitibus, motus laxioris gratia, profunditate non respondent. Augentur autem interposita molli ac lubrica cartilagine, multo viscido humore diluta, quæ, ambientis ligamenti beneficio, loco suo potissimum continentur. Fibula tam altè non ascendit, vt femur

mur contingat. Externo autem tibiæ lateri infra supraq; annectitur, nonnihil ad posteriora vergens.

Vtriusq; ossis figura, in media ipsorum longitudine triangularis est, tribus acutis lineis tria latera distinguentibus, quæ omnia musculis, pedem digitosq; mouentibus, adaptata sunt, penitusq; ab ipsis obsidentur, excepto interno latere tibiæ, eiusq; anteriori linea, quæ omnino carne nuda sunt, Græci ἀνδρικνήμιον vocant. Posterior verò tibiæ pars carne maximè abundans, Græcis γαστρικνήμιον, Latinis sura appellatur.

Inferiori parte propè talum, tibiæ fibulæq; appendices, interno externoq; latere, insignes processus proferunt, cauitatem illam constituentes, in qua talus continetur. Hi processus cum carne nulla recti sint, in viuētib; quoq; satis sunt conspiciui. Internus ex tibia productus, internus malleolus; Externus, qui fibulæ pars est, externus malleolus σφύρα nūcupatur. Par autē est tibiæ & fibulæ longitudo. At quantò tibia circa genu altius assurgit, eò hic fibulæ processus seu exterior malleolus procerior existit interno. Quæ etiā causa est, ut talus intror-

introrsum facilius quàm extrorsum suo loco moueretur.

DE OSSIBVS pedis.

CAPUT LXXII.

IN pede tria hæc ossa, Talus, Calcaneus, & Os nauiforme, nullis ossibus in manu respondent. *Talor* verò cum carpo, pedium cum Metacarpio, & pedis digiti cum manuum digitis rectè conferuntur.

Talus est, cui tibia innititur, & utrinq; à dictis malleolis compræhenditur. Ad hunc articulum pes flectitur & extenditur, & paululum ad latus deducitur.

Calcaneus ossium, quæ in pede sunt, maximum, talo substernitur, quodq; inter ipsa vacuum spatium apparet, impletur ligamento, quo ita validè colligantur ut motum nullum edere possint. Posteriori parte calcaneus longe extra talum & tibiam prominet, tegiturq; ea pars maximo fortissimoq; totius corporis tendine, ex tribus musculis, pedem mouentibus, prognato. Ex inferiori ipsius parte nascitur musculus, secundos quatuor digitorum articulos flectens.

tens. Interno latere levis est, ac sinum efformat, quo vena, arteria, nervus, & tendines nonnulli, pedem ac digitos mouentes, deducuntur. Exteriori regione gibbus est & inæqualis, ac planè excarnis. Ex infima ipsius sede musculus etiam nascitur, magnum digitum ab alijs diducens.

Nauiforme, sinu suo oblongo, à quo nomen sortitum est, caput tali recipit, atq; ad hanc articulationem reliquum pedis præcipuè mouetur.

Tarsus pedis manus carpo quidem respondet, sed cum ambulatorij, non apprehensorij organi pars sit, firmitudinis causa paucioribus iisdemque maioribus ossibus constat, quorum primum, secundum & tertium, ossi nauiformi, quartum calcaneo inarticulatur. Cum ossibus carpi id habent commune, quod inæquali sint magnitudine, atq; eo situ disposita, vt supra gibbum, infra cauum pedem efficiant. Latera, quibus se mutuo contingunt, ad ligamentorum productionem, quibus inter se connectuntur, aspera sunt & inæqualia.

Pedium, quod cum Metacarpio comparamus, in eo Metacarpio est dissimile, quod ex quinq; ossibus sit exstructum, continuo ordine dispositis. Id enim ad gradiendi

diendi firmitatem erat vtilius, neq; necesse erat, vt in appræhendendi organo, pollicem, constituere. Reliqua ferè cum Metacarpio conueniunt. Primum, secundum, tertium ipsius os cum primo, secundo, tertio tarfi ossibus per ἀρθρώδια articulantur, quartum & quintum cum quarto tarfi. Extrema crassiora sunt, media graciliora. Medijs spacijs muscoli continentur, primos digitorum articulos flectentes.

Digiti, vt in manu, singuli ternis ossibus efformantur, sed illis multò minoribus, Magnus tamen digitus, maioris roboris causa, duo tantum ossa obtinet. In prima ipsius articulatione, insignia στεφανοειδῆ ossa reperiuntur. Quod reliquum est in pedis digitis, capita, sinus, articulationis forma, & ungues, omninò se habent vt in manu.

Canes, feles, ac reliqua quadrupedia, quorum pedes in digitos sunt dissecti, ossium numero, situ, articulatione, pedes habent humano pedi similes, sed multò longiores, quibus tum demum inniuntur, cum in posteriores pedes erecti, à prioribus non sustentantur. Quemadmodum autem pedes, ita articulum habent humano genu respondentem.

dentem, & in anteriora flexum, sed alius paulò positum, magisque occultatum.

TABELLA Omnium ossium humani corporis.

Capitis ossa sine pari 5.
reliqua vtrinq; 28.

Summa 61.

Brachij &
manus
sinistræ
32.

Spinæ & ossis
sacri 30.

Brachij &
manus
dextræ
32.

Costarum & ossis
pectoris
30.

Cruris & pe-
dis sinistri
31.

Cruris & pe-
dis dextræ
31.

Summa omnium
247.

TRAN.

TRANSITIO AD *interiorum partium con- siderationem.*

HActenus singulorum ossium, quæ in humano corpore reperiuntur structuram, eorumq; inter se commissuras articulationesque tractauimus, atq; obiter plurimarum cartilaginum, ligamentorum, musculorum, ac tendinum situs, nonnullas etiam neruorum, venarum, arteriarumque distributiones ac ductus indicauimus. Horum autem exactior doctrina, quæ Osteotomæ subiungenda erat, cum absq; corporis humani dissectione non rectè percipi possit, differre eam in præsentia maluimus, & internarum partium naturam explicare, quod illarum notitia, plurimum habeat momenti ad rectè medicandum.

Interea tamen studiosi Sceletum sibi extruant, ea ratione, quam Vesalius describit, eiusque frequenti inspectione, eorum quæ modò dicta sunt, memoriam renouent. Cum enim ossa, reliquarum partium fulcra sint ac munimenta, exacta eorum notitia ad reliquarum internarum & externarum partium structuram ac situm cognoscendum, plurimum conducit.

DE

193

DE TRIBVS IN- *signioribus corporis ca- uitatibus.*

CAPVT LXXIII.

QVI internarum partium naturam scrutatur, solent primum in corpore tres insignes cauitates, principalium membrorum receptacula, terminis distincta notare.

Prima est caput, in quo cerebrum; mentis domicilium, & motiue sensitiueq; facultatis principium sedem habet.

Secunda est thoracis cauitas, cordis receptaculum, ex quo omnis vitalis potentia manat.

Tertia est venter inferior, Stomachi, Epatis, reliquorumq; naturalium organorum, quæ nutritioni & generationi famulantur, officina. A ventre autem Anatomem auspicantur, quod membra, quæ in illo continentur, statim putrescant, si paulò diutius cadauer asseruetur.

QVOMODO FIAT *nutritio, & quis sit mem- briorum nutritiuorum vsus.*

O

CAP. 74

VT autem ventris & organorum nutritiuorum vsus magis appareat, de nutritionis ratione pauca dicenda sunt, ac pro hypothefi memoria repetendum id, quod in temperamentis diximus: Corpora scilicet viuentia nunquam plane eundem statum feruare, sed natiui caloris vi paulatim ficciora fieri, eorumq; substantiam assidue diffluere, quæ nisi simili substantia repararetur, dissipari ilico corpora necesse esset. Altera verò substantia, quæ in locum illius diffluentis succedit, alimentum dicitur. Alimenti verò in substantiam corporis conuersio, nutritio appellatur.

Cum autem ea, quæ dissipatur, substantia triplex sit: solida, humida & spiritiosa: Solida, cibo: Humida, potu, id est, liquidiore alimento, Spiritiosa, aëre inspirato & per arterias attracto reficitur. Verum de aëre, quas mutationes subeat, priusquam in spirituosam corporis substantiam demutetur, & quæ alterando ipsi ac deferendo, excrementisq; eius expellendis organa dicata sint, dicemus alio loco. Nunc de illa tantum nutritione agemus, quæ cibo ac potu perficitur.

Manifestum autem est, ea quæ eduntur &

tur & bibuntur, corpori nostro actu similia non esse, nec talia, qualis erat substantia, quæ defluxit. Ut verò talia fiant, variè prius mutantur & concoquuntur. Porro inter mutandum ac concoquendum, illud, quod à corporis natura alienū est, inq; substantiam ipsius conuerti non potest, paulatim secernitur, vocaturque excrementum, Græcis *πρωτομα*. Errat enim in laxioribus corporis spacijs, & nisi maturè expurgetur, noxam tandem corpori adfert.

Ut igitur idoneum ac conueniens nutrimentum, maximaq; excrementorum parte repurgatum, toti corpori præparetur, communia illa nutritionis organa, quæ inferiori ventre sunt locata, natura construxit. Quorum nonnulla coctioni seruiunt, Alia alimenti distributioni, Alia verò excipiendis & expurgandis excrementis.

QUOT SINT CONCOCTIONUM SPECIES, & quod

cuiusque opus sit, & quæ excrementa.

CAPUT LXXV.

O 2

ALL

A Limentum per os assumptum, ab omnibus corporis partibus, per quas deducitur, mutationem aliquam perpetuò suscipit, nusquam tamen concoqui dicitur, nisi ubi diu retinetur, atq; à facultate valenti ita mutatur, vt aliam prorsus formam suscipiat. Id cum tribus tantum locis fiat, tres tantum concoctionum species rectè statuuntur.

Prima fit in ventriculo, in quo cum multiplex illud ac varium alimentum, quod assumimus, est receptum, in simplicem quendam ac uniformem succum, prius cremoni similem, vertitur. Hunc omnes *χύλον* vocant, & ventriculi concoctionem *χύλωσιν*. Inchoatur autem in ore, dum cibis ibi atteritur atq; mollior, ac obscuras quasdam chyli qualitates induit, priusquam in ventriculum demittatur. Absolvitur in intestinis, quæ etsi propriè distributioni chyli sunt parata, cum tamen concoquendi mediocri facultate prædita sint, percocto iam chylo, extremam quasi manum addunt.

Excrementum in hac concoctione, chylo aliquam diu est permixtum, Separatur autem, cum purior chyli pars ex gracilioribus intestinis ad Epax transmittitur, impurior

rior verò, quam stercus appellant, in crassiora intestina depellitur.

Secunda concoctio fit in Epate, quam Græci αἱμάτωσιν, id est, sanguificationem vocant. Chylus enim in ventriculo confectus hic formam, quam habebat, amittit, & fit sanguis. Inchoatur hæc sanguificatio in venis Mesaraicis. In ijs enim chylus rudem quandam formam sanguinis contrahit, quæ mox perficitur in Epate. Perpolitur autem in vena caua, & reliquis maioribus venis. Venæ enim vt intestina, non solum distribuendi, sed etiam concoquendi munere funguntur. Sanguinis autem appellatione, non solum purus & sincerus sanguis, sed reliqui etiam vtilis ac naturales humores hic intelliguntur, ad nutritionem corporis accommodati, quos Græci χύμον vel corporis succum appellant.

In hac porro secunda concoctione tria redundant excrementa. Vnum Melancholicum, ex crassa & terrestri chyli portione segregatum, & concoctionem subterfugiens, à liene attrahitur & expurgatur. Alterum biliosum, ex tenuissima calidissimaque chyli materia, cuiusmodi ferè pinguis ac dulcis esse solet, in vesiculam fellis colligitur. Tertium est serosa humiditas seu

198 CONCOCT. SPECIES.

vrina, quæ à renibus attracta in vesicam profunditur. Atq; hæ duæ modò dictæ concoctiones communes dicuntur, propterea, quod totius corporis commune alimentum præparant, & communibus organis vtuntur.

Tertiâ concoctio, nec communis est, nec communibus organis vtitur, sed commune alimentum iam præparatum, singulis particulis applicat. Et hæc quidem incipit, cum purioris sanguinis portio, multiplici illa concoctione exquisitè elaborata, è minimis venis elabens, ceu ros quidam per similarium partium substantiam diffunditur, eidemque mox apponitur & agglutinatur: tandem verò absoluitur, cum penitus in partis substantiam vertitur assimilaturq;. Estq; hæc assimilatio omnium concoctionum & naturalium mutationum finis. Sic igitur tertiæ concoctionis opus, humor ille alimentarius, rosis speciem referens, qui à natura particulis apponitur, tandem etiam assimilatur.

Excrementa verò sunt, quæ per poros cutis insensibiliter transpirant: ac rursus crassiores istæ sordes, quæ cuti extrinsecus adhærescunt: & sudores, qui nihil aliud sunt, quàm serosi humoris reliquiae, tenuibile

ni bile ad sanguinem deducendum permixti.

DE PARTICVLARIBUS quibusdam excrementis.

CAPVT LXXVI.

PRæter hæc generalia excrementa modò enumerata, quædam alia sunt certarum partium propria, vt pili & vngues solidarum partium excrementa censentur. Si quid à liene in os ventriculi effunditur, lienis excrementum est. Sputa quæ reijciuntur, pulmonum sunt excrementa. Quod modò tenue, modò mucosum, in nares ac palatum defluit, cerebri excrementum est, ex vniuerso cerebri corpore in amplos eius ventriculos primum congestum, ac demum per nares & palatum expurgatum. Interdum etiam præter naturam in alias partes delabitur.

Muscosæ cerebri humiditati, similis est humor ille crudus, lentus ac tenax, qui in prima concoctione, ex ciborum lenta ac crassa materia, vel ex ventriculi intestino-

O *

rumq;

rumq; imbecillitate, sæpè in ipsis pro chylo generari solet.

Appellant plæriq; huiusmodi excrementa pituitam, quod frigido ac humido suo temperamento, ad pituitæ naturam proximè accedant. Pituita autem reuera non sunt: Hoc enim nomine propriè utilis humor intelligitur, qui cum reliquo chymo in solo epate generatur, & ad partes natura frigidas & humidas, quale est cerebrum, nutriendas, accommodatus est, qui etiam in sanguinis inopia in sanguinem facile verti potest. Hæc verò excrementa, nec in venis continentur, nec in sanguinem verti possunt, sed dum vi caloris crassescunt, in grumos sæpè coguntur. Mutantur etiam in duros quosdam tophos, cuiusmodi à pulmonibus interdum reijciuntur, & in podagricorum articulis sæpè cernuntur. Vitrea & gypsea pituita horum excrementorum soboles sunt.

DE NATURA SANGUINIS, seu quatuor humoribus naturalibus.

CAPUT LXXVII.

Quod

QUod prima & secunda concoctione elaboratum in maioribus venis continetur, vno nomine sanguinem, vel corporis succum appellari diximus. Est autem huius non simplex natura. Sensui enim apparet, aliam eius partem esse tenuem ac flauam, aliam crassam ac nigram, aliam liquidam & albescentem, aliam mediocrem & rubram.

Ipsa verò ratio ostendit, ex chylo, qui ex diuersis ac dissimilaribus cibis confectus est, & ipso partibus dissimilaribus constat, simplicem sanguinis succum seu chymum generari non posse. Præterea cum hic succus nutriendis similaribus partibus, quæ substantia ac temperamento plurimum inter se discrepant, sit destinatus, necesse est, vt diuersarum quoq; naturarum humoribus sit permixtus, pituita, & vtraq; bile. Quorum & in sano ac temperato corpore hæc est proportio, vt purus ac sincerus sanguis, quem peculiariter ac propriè sanguinem appellamus, reliquis copia antecellat: Deinde maximè abundet pituita: Post hanc Melancholicus succus: Minima verò portio sit flauæ bilis. Neq; tamen existimandum est, sinceram, flauam aut atram bilem, ita in sanguine contineri, quemadmodum

O 5

sunt

sunt excrementa illa, quæ in vesiculam felleis & liënem segregantur. Sed partes sanguinis, quæ substantia & qualitatibus ad horum naturam proximè accedunt, & à causis præter naturam in tales humores facillè mutantur, eorum quoq; appellationes obtinuerunt.

Purâ certè & sincera bilis alendo corpori inepta est. Quare cum sanguine secundum naturam se habente non permiscetur, & si permisceretur, tamen amaro suo sapore sanguinem inficeret, perindè, ac si pauxillum fellis in magnam mensuram lactis injceres. Apparet autem, sanguinem in sanis corporibus semper dulcem esse. Præterea flavo etiam colore cutem inficeret, quemadmodum in Ictérico morbo accidere videmus. De Melancholico humore similiter judicare possumus.

Pituita autem, quæ sanguini permixta est, nihil aliud est, quàm crudus quidam humor, cui expurgando natura nullum organum construxit. In venis autem, dum sanguini permixtus integrè percoquitur, quod per inedias fieri solet maximè, in sanguinem etiam tandem conuertitur, non aliter quàm aquosæ & crudiores vini partes successu temporis vinosæ fiunt. Hæc enim

enim causa est, cur vinum, quod initio sub-
crudum, & austerum gustanti erat, pro-
cedente tempore suaue, calidum ac vino-
sum fiat.

Quod Hippocrates libr. 1. de natura
humana scribit, sanguinem, pituitam, &
vtramq; bilem semper in corpore contine-
ri, propterea, quod quocunq; tempore edu-
ci medicamento possint, quemadmodum
secta vena sanguis emittitur, id vel de mor-
bosus corporibus intelligi debet, vel quod
aliundè educatur vtraq; bilis quam ex ve-
nis, nimirum ex folliculo fellis & liene,
vel quod in talium humorum inopia, me-
dicamenta sanguinem & carnes liquent,
sicuti ipse in Aphorismis docet, atque ita
violenter tales humores eliciantur, ex fini-
timis humoribus, qui in sanguine & carne
continentur, facti. . Quod autem alia natu-
ra præditi sint, quàm ij qui sanguinem
contemperant, etiam inde apparet, quod
sanguis, siue secta vena emissus fuerit, siue in
aliquam cauitatem corporis extra venas
exciderit, totus mox in grumum cogitur,
nec quicquam à tota illa massa separatur,
præter serosæ illius humiditatis excremen-
tum. Humores verò, vbi medicamentis edu-
cuntur, non concreescunt, sed liquidi manēt.

Con-

Concretionis autem sanguinis proxima causa sunt fibræ, quæ plurimæ sanguini permixtæ sunt, efficiuntq; vt is nutriendo corpori aptus existat, ac talis, vt in solidiorem substantiam verti possit. Multa enim corpora macra extenuataque cernuntur, non tam sanguinis quàm harum fibrarum inopia, ac rursus quædam plenius sanguinata, magis ob fibrarum quàm sanguinis copiam. Ita autem subtiliter accurateq; sanguini hæ fibræ confusæ sunt, vt neq; in calente, neq; in refrigerato sanguine deprehendere queas, nisi tepidum adhuc per linteam transcolas, vel crebra agitatione, dum refrixerit, concutias, vel è vena manantem aqua tepida excipias. Tum enim fibræ in fundum pelvis subsidunt, cohærentes & albæ, vt plærque pituitam esse credant. Quod verò sanguis his præditus sit, epatis est beneficium, venarum autem, quod quandiu in ipsis est, non concreseat: Quod ipsum non tam calori venarum, quàm ingentæ & occultæ ipsarum facultati tribuendum est, Maximum huius rei est indicium, quod in mortuorum venis etiam refrigeratus sanguis non concreseat, qui tamen in viuentibus corporibus à concretionē vindicari non potest, si extra venas in ventri-

ventriculum intestina, aut aliam cauitatem effusus fuerit.

QVÆ SIT NATV- ralium humorum generatio,

*& quomodo rursus à natura sua
degenerent.*

C A P V T LXXVIII.

OMnes naturales humores, qui massa sanguinea continentur, ab vno eodemque calore Epatis simul generantur, quisq; videlicet ex chyli conuenienti & idonea materia. Neq; enim nouum est, ab vna efficiente causa plura ac diuersa generari, propter eam, quæ in materia est, partium dissimilitudinem. Vt rectius autem naturales humores cognoscantur, operæ precium est vt consideremus, quomodo interdum à natura sua degenerantes vitientur. Ac primum naturales humores & naturalia excrementa à non naturalibus distinguenda sunt.

Naturalia excrementa dicuntur, quæ in sanis corporibus naturæ lege proueniunt, quorum quædam etiam vsum aliquem habent: Vt bilis, quæ in vesicula felle colligitur,

ligitur, intestina abstergendi: Melancholicum lienis excrementum, os ventriculi constringendi ac roborandi. Alia prorsus inutilia sunt, ut vrina, stercus & sudor.

Non naturalia excrementa sunt, quæ à causis præter naturam malignam aliquâ qualitatem contraxerunt, ut quæ acrimonia sua partes erodunt, vel crassicie ac lentore meatus obstruunt, aut aliam quamuis noxam corpori adferunt.

Vtiles ac naturales humores sunt, qui nutriendi corporis facultatem habent. Huiusmodi sunt trium concoctionum opera, chylus, sanguis, & humores secundarij, seu ut Hippocrates nominat, nutrimentum nutriendum, quod videlicet singulis particulis iam apponitur, agglutinatur & assimilatur. Secundarij autem dicuntur, quod ex primis humoribus, qui sanguine continentur, facti sint. Ac naturales quidem omnes sunt, dum naturæ suæ legibus gubernantur, nec ullum incommodum corpori adferunt, nisi cum ex æquo omnes supra modum sunt aucti. Tunc enim periculosum affectum inducunt, quem Plethoram appellant, ob quem vel vasa rumpi, vel calorem nativum strangulari & extinguere contingit.

tingit, vt Galenus declarat 3. Apho. lib. primo.

Non naturales humores sunt, qui à causis præter naturam, alienam quandam qualitatem ac naturam adsciuerunt. Huiusmodi corpus non nutriunt, sed cacochymicum reddunt, & non minus quàm excrementa; dum nimium retinentur, molestant.

Naturalis ac mediocris chylus est, qui albus est ac vniformis, prusanæ cremori similis, ingesti cibi nec saporem nec odorem referens, nec acidus nec nidorosos ructus promens. Qui modicè ab hoc degenerat, nec insignem substantiæ mutationem suscipit, chylus quidem adhuc, sed non ita naturalis dici potest.

Quæ verò in ventriculo generatur bilis, toto genere præter naturam est. Accidit autem, vt ex prauis cibis, præsertim oleis acrioribus, quale est nasturtium, porri, & ceparū folia, bilis quædam in ventriculo generetur, quæ à viriditate quam refert, bilis porracea, *πρασινός* nominatur, Quæ si diutius in ventriculo hæreat, à calore ipsius tandem in æruginosam mutatur, ac postremò etiam in cæruleam, quam ab Ifaridis colore *ισαριδός* nominant.

Item,

Item, qui ab imbecilla ventriculi & intesti-
norum facultatē, lentus ac viscosus humior
in ipsis generari solet, crudum excremen-
tum non chylus censerī debet.

Naturalis ac optimus sanguis est, qui sub-
stantia est mediocris, colore rubeo, pi-
tuita & vtraq; bile mediocriter temperatus.
Qui ad hunc collatus flavior est ac tenuior,
vel crassior ac nigrior, vel liquidior ac al-
bior, hoc est, qui nimia vel bile vel atro suc-
co, vel pituita dilutus est, sanguis adhuc
quidem est, sed minus naturalis.

Dictum autem est supra de tempera-
mentis, qualis est sanguis, quo similia nu-
triantur, talem ferē colorem in cute efflo-
rescere: A temperato quidem sanguine,
roseum ac viuidum: Ab intemperato, bi-
lioso vel pituitoso, alium atq; alium, pro
excellētis humoris excessu.

Sanguis, qui putredinē vel immode-
rato calore in flauiam vel atram bilem dege-
nerauit, vel excrementis ex vesicula fellis,
liene, aut alijs partibus redundantibus val-
dē vitiatuS est, hic naturæ suæ limites iam
excessit, nec sanguis simpliciter, sed putri-
dus vel corruptus sanguis nominatur.

Qui extra venas in cauitatem aliquam
est receptus, omninō nec sanguis nec hu-
mor

mor amplius habendus est. Mox enim in grumos cogitur; deinde putrescit; planeq; malignam ac venenosam qualitatem contrahit; nigerrimo colore pici non absimilis; ut pleriq; atram bilem esse putent; cum nihil aliud sit, quam corruptus & putridus grumus; cum per inflammationes & minimis venis in musculorum caua spacia elabatur; suppuraturq; vide Aphor. 20. libr. 6.

Naturalis bilis; quæ sanguini permixta in venis continetur; particulas simili temperamento præditas nutrit; reliquo etiam sanguini pro vehiculo est; ut commoditus ad partes nutriendas deducatur. Quod autem superfluum eius relinquitur, una cum alijs excrementis per cutem expellitur. Et hæc quidem flatia est; & calida; & mediocriter crassa. Serosi autem humoris permixtione pallidior & tenuior fit.

Alienam autem naturam, dum ab immodico calore uritur & torretur; induit; tunc enim inepta ad nutriendum est. Crassior enim ac calidior fit; quam naturæ conveniat; ac planè colore & consistentia crudis ouorum vitellis similis evadit. Unde vitellina; Græcis λευθώσης dicta est.

B

Melan-

Melancholicus humor, qui naturalis est, & cum reliquo sanguine partes nutrit, frigido & sicco est temperamento, consistentia crassa, colore atro, & Galeni sententia rectius ater succus quam atra bilis nominatur, quemadmodum & alter ille humor, quem epatis quidem excrementum, sed lie-nis nutrimentum esse constat.

Atra bilis propriè dicta omnis præter naturam est, generaturq; per adustionem. Triplex eius est differentia.

Vna fit ex atro succo naturali adusto, differtq; ab eo, ut fex vini vsta à non vsta, est calida, acris, mordax, nonnulli incineraram vocant, quod pro natura humoris ad summam siccitatem sit redacta.

Altera ex bile vitellina fit, estq; priori specie tantò malignior, quantò bilis est atro succo acrior. Per febres enim ardentes & exitiales fit, ut vitellina bilis, quæ in venis est, magis magisque exuratur, ac paulatim perniciosior euadat. Ac primum ex vitellina fit prasina, ex hac deinceps æruginosa & cœrulea; quemadmodum in ventriculo etiam accidere dicebamus. Postremò, summa adustione fit atra omnium perniciosissima, quæ cum excernitur, partibus, quas attingit, adhærescit, easq; erodit & exulcerat.

Dum

Dum autē feruens adhuc in terrā profunditur, fermenti modo eam in tumore attollit.

Tertia atræ bilis species ex pituita originem habet. Ea enim in venis putrescens, calorem concipit, & fit salsa, dumq; vehementius torretur, in atram bilem sed mitiorem demutatur.

Pituita naturalis dulciseſt, vel potius vt aqua omnis ſaporis expers. Nutriuntur ea potiffimum omnes partes natura frigida & humidæ, quale eſt cerebrum. In ſanguinis verò inopia, venarum concoctione in ſanguinem vertitur, quod neutri bili accidere poteſt, vnde nonnulli pituitam ſanguinem diminutè coctum appellare voluerunt.

Ab hac naturali pituita degenerant ſalſa, de qua modo diximus, & acida. Hæc cruda omninò eſt, vt quæ exiguum admodum coctionis calorem obtineat, qui cum facile euaneſcat, acereſcere eam neceſſe eſt, perinde ac vinum tenue, & fructuum quidam ſucci, qui non multo natiuo calore præditi, vbi ſponte ſua efferbuere paululū, mox acidi fiunt. Salſa ex dulci putreſcente naſcitur. Terreſtres enim ipſius portiones vi caloris aſſæ, ac reliquæ dulci ſubſtantiæ permixtæ, ſalſum ſaporem inducunt.

Eadem falsedinis causa est in aqua marina, & ea, quæ vehementius igne excoquitur.

Quod extra venas, in pulmonibus, ventriculo, & intestinis, pituitæ simile coaceruatur, vel ex cerebro in has aliasque partes destillat, in humorum genere non rectè collocari, nec pituitam rectè appellari, diximus antea. Excrementum enim est, quod initio quidem tenuè & aqueum cum sit, vi caloris paulatim crassescit, ac primū muci consistentiam acquirit. Deinde cum liquati vitri speciem referens, frigidioribus locis adhærescit, vitrea pituita dicitur, ac grauissimos dolores excitat. Ad extremum verò cum lapidis ferè duritiem contrahit, gypsea dicitur, cuius generis sunt topi, qui ex pulmonibus sæpius reiiciuntur, & qui in Arthriticorum quorundam articulis reperiuntur: Item vesicæ & reni calculi ab hac assata pituita magna ex parte proueniunt.

DE SECUNDA rijs humoribus.

CAPVT LXXIX.

Secunda

Secundarios humores, proximum corporis partium nutrimentum, ex primis modò commemoratis humoribus, in tertia concoctione generari, modò diximus. Probi sunt ac laudabiles, qui ex probo & temperato sanguine fiunt, quiq; partibus nutriendis appositi probè agglutinantur & assimilantur. Vitiosi, ex sanguine vitioso fiunt, nec justam assimilationem, interdum etiam nec veram agglutinationem consequuntur. Sed priusquam de vitiosis dicamus, natura eorum qui vitiiati non sunt, exactius paulò est cognoscenda.

Sanguis itaq; in epate confectus, in minimas vsq; venas digeritur ac distribuitur, epate quidem & prioribus venis propellentibus, attrahentibus verò ijs assidue, quæ proximè venas sequuntur. Hac distributione, cum in exiles vsq; venas est deductus, ibi tum à circumstantium partium simularium temperamento mutari & albescere, & ad earum naturam transformari incipit. Appellantq; tunc hunc succum, qui in secundarijs humoribus primus est, humorem innominatum. Deinceps verò, cum singulæ particulæ jucundum ac familiarem succum sibi, naturali appetitu excitatæ, attrahunt, elabitur non solum per ve-

narum fines & oscula, sed per angusta quoque & obscura venarum foramina, etiam in medias illas partes, quæ rectos ad se pertinentes venarum ductus non habent, ijsq; penitus perfusus apponitur: Estque hic attractionis finis.

Appellant hunc humorem rorem, non quod aquæ similis sit, est enim priore humore paulò crassior, sed quod roris modo per vniuersam similariam substantiam dispergatur. Procedente verò concoctione, dum magis crassescit, & glutinis modo partibus affigitur, gluten nominatur. Postremo cum adsimilatur, id est, cum pristina natura penitus & prorsus deposita, illud ipsum fit, quod nutritur, nempe caro, os, cutis, cartilago, corrupto vocabulo Cambium vocant.

Celerius autem mollibus ac carnosioribus partibus, quæ sanguini affinem substantiam obtinent, secundarij humores assimilantur: Longiori verò temporis spacio, ossibus, cartilaginibus, & similibus partibus quæ longius à sanguinis natura recesserunt. Atq; ad hunc modum cum secundum naturam se habent, omnes verè partes nutriunt. Cùm autem vitio aliquo, ex primis humoribus contracto, sunt contaminata,

ti, ob

ti, etiam si particulis apponantur, tamen vel non agglutinantur, vel si agglutinantur, non rectè assimilantur.

In illa Hydropis specie, quæ ἀναοίητος dicitur, Ros qui apponitur, crudus & aquosus humor est, qui calore nativo non satis elaboratus, neq; ad conuenientem substantiam, ac lentorem redactus est, quo fit, vt appositus non agglutinetur, sed præ tenuitate, excrementi modo, in vacuis similium partium spacijs erret ac diffuat: Ipse verò partes, quæ eo nutriri debebant, tumidæ ac laxæ efficiantur.

Interdum benè succedente appositione & agglutinatione, praua fit assimilatio: cum videlicet similes partes, prauos ac malignos succos iam agglutinatos, penitus alterare, atque in similem sibi substantiam vertere nequeunt, quò fit, vt à nativo calore ac habitu degenerantes, alienum quandam habitum, qui præter naturam fit, induant, quem καχεξίαν appellant, & κακχυμίαν; quamdiu in humoribus necdum agglutinati nec assimilati vitiū subsistit.

In ea vitiliginis specie, quam Græci ἀλφόν, Auicenna Morphæam nominat, cutis foedo colore inficitur, ad album vel ni-

P 4

grum

grum tendente, pro atrabilarij nutrimenti natura, ex pituita vel alijs succis, vt antea dictum est, generati. Deterior autem semper est nigra, nimirum ex maligniore atrabile procedens.

Cum dicta modò καχέξια à crassiore humore originem habet, & altius cuti insidet, vt subiectam quoq; carnem attingat, & pilorum colorem alteret, altera vitiliginis species oritur, quæ Græcis & Celso λευκη dicitur, Auicennæ Albaras: Quæ si nigra fuerit, & piscium squamis similia excrementa exciter, præuia quædam dispositio est ad Elephantiasin, quam Auicenna & vulgus Medicorum lepram nominant.

Vitiligini similes adfectus sunt, impetigo, scabies, & quæ à Græcis scriptoribus lepra dicitur. Impetigo Græcè λείχην, est cum extima cutis superficies adheiritur tantum asperitate & pruritu. Fit ab atrabilario succo tenui, & acri sanie permixto. Si paulò profundior erit, ita, vt furfuracea quædam corpuscula exciter, Græci ψώραν, nos propriè scabiem appellamus. Quamquam scabies nomen vulgò etiam latius patet, vt eo etiam nomine Pustulæ, Herpetes, reli-

reliquaq; cutis vitia omnia compræhendantur. Quæ à Græcis Lepra dicitur, similis adfectus est dictæ modò scabiei, nisi quod ea profundior est, & manifestas quoque squamas excitet. Hæc exempli causa dicta sufficiant, ad explicandam prauæ assimilationis naturam.

DE FACULTATIBUS naturalibus nutritioni subseruientibus.

CAPUT LXXX,

HActenus nutritionis materiam, utpote quæ sensui maxime manifesta est, exposuimus, ostendimusq; quas mutationes cibus ac potus subeant, priusquam reuera nutrant, ac corporis substantia fiant. Porro quot mutationum seu passionum genera in alimento deprehenduntur, totidem necesse est nature quoq; actiones esse. Actionum autem numero, deinceps respondent facultates. Ita facultas quædam est chylificatiua, alia quæ eundem distribuit, alia quæ in sanguinem mutat, apponit, agglutinat, &c. At cum omnes in hunc finem contendant, ut alimentum similaribus partibus

P s

assimi-

assimiletur, hanc assimilatricem facultatem solam nutritiuam appellamus, ac supremam statuimus, cui reliquæ auxiliariæ subministrant.

Sunt autem huiusmodi auxiliariæ primæ ac præcipuè quatuor, Attractrix, Retentrix, Alteratrix, & Expultrix. Reliquæ verò componuntur ex istis, vel ad has referuntur, vel ex harum quibusdam coniunctis componuntur. Sic facultas ea, quæ alimentum distribuit, composita est. Constat enim attractrice & expultrice facultate. Concoctrix vitur retentrice, & alteratrice. Appositio attractionis finis est: Agglutinatio retentionis: Assimilatio alterationis.

Infitas autem has facultates esse omnibus corporis partibus, manifestum est. Omnes enim adiecto alimento nutriuntur.

Alimentum per se motum non habet, ut per se ad partem nutriendam deduci possit. Necesse est igitur, ut aliundè pulsus vel attractus eò perferatur. At si à præparatorijs organis tantum pelleretur, ab ipsis verò nutriendis particulis non traheretur, non minus inutilis quàm utilis succus in vniuersum corpus conflueret, & partes ex æquo omnes pari & simili nutrimento

mento

mento alerentur. Id cum non ita sit, constat, cuiq; particulæ suam attrahendi vim inesse, quæ quod conueniens est & familiare, & quantum particulæ satis est, ex confusa sanguinis massa ad se allicit. Vt enim res omnes naturali quodam appetitu præditæ sunt, graua, vt deorsum ferantur, leuia sursum, Magnes præditus ea facultate est, vt ferrum attrahat: Sic corporis nostri particulis, quæ in magna sunt varietate, singulis attrahendi non cuiusuis, sed similis & familiaris alimenti appetitus insitus est. Is autem deinceps attractionem incitat. Incitatur autem penuria eius, quod familiare & iucundum est.

Porro si attrahendi facultatem singulis partibus inesse demonstratum est, necesse est, vt expultricem quoque ipsis tribuamus. Vt enim naturali amicitia ac desiderio incitatæ, similia ac familiaria trahunt, ita consentaneum est, vt naturali etiam odio impulsæ, aliena ac superuacanea, qualia alimento plurimè permixta sunt, respuant ac repellant.

Cum autem tractionis is finis sit, vt particulæ eo, quod attraxerunt, perfruantur, idque sibi assimilent, necesse est, vt id quoq;

quoq; retineant, retentum verò proprio suo calore & temperamento mutant, alterentq;. Quod si ita est, rectè quoq; retentrix & alteratrix superioribus duabus facultatibus adiunguntur. Auerrhoes quintā adijcit secretricem. Sed hæc in alteratrice continetur. Alteratrix enim ea est, quæ substantiam alimenti mutat, & purum ab impuro separat.

*IN QVIBVS RE-
bus consistant hæ facultates,
& quæ sit earum essentia.*

CAPVT LXXXI.

Singulæ similes partes, quæ seipsas sicut taxat alunt ac conseruant ad proprii alimenti attractionem, retentionem, alterationem, & superuacui expulsionem, tantum ingenta illa vi vtuntur, quæ tota in temperamento ipsarum consistit. Communia quoq; organa, quæ videlicet commune alimentum toti corpori præparant, ad alterandam quidem seu concoquendam totam alimenti substantiam, calida humidaq; temperie, suaq; propria substantia, seu occulta proprietate vtuntur. Per febres enim

omni aliosq; similes morbos vitari semper cōcoctiones contingit. Eius autem nulla alia causa assignari potest, quàm quod natui caloris mediocritas corrumpitur. Si igitur prauarum concoctionum causa est intemperies, sequitur temperamentum iustum bonarum quoq; concoctionum causam esse.

Ad reliquas verò functiones, nempe attrahendum, retinendum, expellendum, modò dicta communia organa non solum temperamento vtuntur, sed à villis, quibus prædita sunt, vel maximè adiuantur.

Sunt villi, fibræ seu filamenta, quæ perinde ac musculorum fibræ in se contrahuntur, motu tamen, non vt muscoli, arbitrario, sed planè naturali. Differentiæ eorum à situ sumuntur. Qui enim rectà protensi sunt, recti vocantur; transuersi qui intransuersum, obliqui, qui in obliquum situm habent. Ac recti quidem dum contrahuntur, breuiorem & ampliorem internam cavitatem efficiunt, atq; ita attractionem non mediocriter iuuant. Transuersi contracti, eandem in arctum constringunt, quo fit, vt quod in ea continetur, deorsum mittatur, atque ita fit expulsio. Obliqui, cum nec breuiorem nec ampliorem capacitatem

citatem efficiant, sed æquabilem statum feruent, neq; attractioni neq; expulsionì seruiunt, sed retentioni famulantur.

Vt autem organa hac vel illa facultate excellunt, ita hoc vel illud fibrarum genus obtinent. Oesophagus, cum attrahendi seu deglutiendi alimenti primum organum sit, rectis villis donatus est. Intestina, cum distribuendi & detrudendi chyli instrumenta sint, solis transuersis villis prædita sunt. Ventriculus omne fibrarum genus adeptus est, ideoq; attrahendi, retinendi, & expellendi munere ex æquo fungitur. Venis, cum attrahendi actione maximè vigeant, recti quoq; villi sunt attributi. Renes, tota naturæ suæ proprietate excrementum aqueum attrahunt, tanquàm iucundum sibi ac familiare, non consecutione eius quod euacuatur: Similiter sub tensa vesicula hepatis igneum ac tenue: Lien, terrestre ac feculentum sanguinis excrementum, tota substantia sua seu forma substantifica, tanquàm succum sibi conuenientem, attrahunt, quo fruantur ac delectentur, non aliter ac medicamenta purgantia non quosuis, sed naturæ suæ Samiliares succos attrahunt, vt Agaricum, pituitam, scammonium flauabilem, Helleborus niger atram.

D E

DE FACULTATE *auctrice & generatrice.*

CAPVT LXXXII.

HActenus vniuersam nutritionis rationem exposuimus, demonstrauiusq; quomodo illa naturalis facultas, quæ nutritrix dicitur, corpora nostra gubernet, quæ sint ipsius tum opera, tum actiones, quibusque vsa auxilijs, ea omnia, quæ ad nutriendas partes pertinent, perficiat. Vt autem perfecta magis ac distincta sit hæc de facultatibus doctrina, consequens est, vt de reliquis duabus primarijs facultatibus naturalibus, Auctrice, videlicet, & Generatrice paucis disseramus. De nutritrice prius agere volumus, quod ipsius opera, actiones, organa, magis in conspectu sint, quodq; reliquæ duæ, de quibus acturi sumus, huius opera atq; subsidio vtantur. Auctio enim non fit sine nutritione. Generatio vero, vtriusq; auctoris & nutritionis auxilio perficitur.

Augentur autem propriè corpora, quæ generata iam sunt, integramq; formæ suæ absolutionem obtinent, sed certum illum incrementi modum, qui ipsis, (vt omnibus viuens

viuentibus corporibus) constitutus est, nondum sunt adepta: Paulatim autem eo perducuntur, dum partes corporis solidæ, forma nihil mutata; secundum omnes dimensiones incrementum accipiunt: Quod cum nulla ars efficere queat, solius naturæ opus esse constat. Quæcunq; enim corpora arte in longitudinem extenduntur, eorum mox latitudo & profunditas contractior efficitur, & e contra.

Aqua in vaporem versa plus spatij occupat; sed aquæ forma non manet; quare nec augeri dicitur. Lapis arænæ accessione fit grandior, sed ea partium quædam appositio est; non auctio. Quod enim lapidis prius fuit, statum suum seruat, nec fit amplificatio secundum omnes particulas:

Est itaq; auctio progressio ad iustam magnitudinem; secundum omnes dimensiones; manente pristina forma: Generatio est nouæ substantiæ vel formæ productio. Nutritio prioris status conseruatio.

Etsi autem auctio nutritionis subsidio utitur; tamen illius modum non ita sequitur. Augentur enim plerunque corpora, quæ parcius nutriuntur. Quæ verò plenius nutriuntur, non necesse est statim etiam augeri. Puerorum, & adolescentium etiam

iam quorundam corpora, in quibus auctrix facultas dominatur, per diuturnos morbos & diætam extenuantem gracilia ac macilentia fiunt. Interea tamen auctrix facultas ociosa non est, sed mollem ac sequacem corporis substantiam amplificat, efficitq; etiam tum, vt solidæ particulæ secundum omnes dimensiones augeantur. Adultorum verò quorundam ac senum corpora, e. si plerunque ex victu pleniore magnam carnis adipisq; molem colligunt, quia tamen solidæ ipsorum particulæ incrementum non accipiunt, non augeri, sed plenius tantum nutriri dicuntur. Ex quo illud fit manifestum, auctorem proprium quoddam munus esse auctricis facultatis, atq; à plena seu saginante nutritione plurimum differre, nec perpetuò eam comitari.

Generatricis facultatis actio est generatio, hoc est, formæ substantialis in materia acquisitio. Materia autem motusq; principium eorum omnium, quæ à natura generantur, semen vocatur. Id cum in os, cartilaginem, membranam, aliasq; similes partes demutetur, necesse est, substantiam ipsius penitus alterari, ac simul figuram & formam nancisci.

In generatrice igitur facultate duplex

Q

vis con-

vis continetur, vna Alteratrix, quæ totam seminis substantiam mutat, efficitq; , vt ex eo fiant Ossa, Nerui, &c. Et hæc consistit in temperamento calidi, frigidi, humidi & sicci. Altera verò Formatrix, quæ substantiam, quæ ita mutatur, effingit, & congruenti structura ornat, diuinior quædam potentia est, quæ tota temperamento accepta ferri non potest.

Generatrici autem facultati Nutrix & Auatrix tanquam ancillæ assistent. Primum enim seminis materia ex vena caua, quæ lumbis renibusq; proxima est, per vasa *σπερματικά* à testibus attrahitur, idq; occulta ac ingenita quadam vi, ceu vrinam à renibus, fel à propria vesicula attrahi diximus. Est autem semen portio quædam vltimi alimenti, quam ex alijs omnibus partibus, sed maximè principalibus, nempe Cerebro, Corde, Epate secerni constat. Attrahitur autem tamdiu à testibus, dum ipsi ac proxima ipsorum vasa plena sint ac saturata. In flexuosis autem testium anfractibus, dum diutius inhæret, ac à calore substantiaque ipsorum concoquitur, formam seminis acquirit, & ad animalium generationem idoneum efficitur, nimirum spiritibus omnibus, ex vniuerso corpore deprom-

de promptis, ibique permixtis, ac veluti in vnum, qui generandi vim habent, conflatis.

Cum primum autem vtero conceptum est, prima eius actio est, quod quantitate & qualitate conuenientem sibi sanguinem attrahat, qui veluti ros in omnem eius partem diffunditur, eiq; assimilatur. Assiduam autem hanc nutritionem sequitur augmentatio. Attractio verò illa fit per vasorum in vterum desinentium oscula, quæ Cotylidones vocant. Postea verò, cum membrana illa, qua foetus inuoluitur, quàm *χόριον* nominant, concreuit, & durior facta est, vt Cotylidones semen attingere nequeant, natura in ipsa membrana venas & arterias efformat, quæ à corylidonibus expositæ, in manifestos ac patentes semper ductus desinunt, qui foetui ad vmbilicum inferuntur, vt sanguinis spiritusq; alimentum foetui, quamdiu generatio durat, nunquam deesse possit.

DE NVTRITIONIS

organis, quomodo spectan-

da, & quid in singulis obser-

uandum.

Q.

CAP. 3.

CAPVT LXXXIII.

TEmpus nunc est, ut ad eam, quæ multo antè proposita fuit nobis, internarii partium considerationem accedamus. Disputatio illa, quam proximè habuimus de humoribus, deq; actionibus & facultatibus naturalibus, omnino erat præmittenda. Si ne ea enim tota hæc tractatio, quam nunc ingredimur, fuisset obscura. Neq; enim organorum natura cognosci potest, si actiones & opera, quorum causa hæc facta sunt, ignorentur.

Cùm itaq; tota nutritionis ratio, superiore sermone satis iam sit exposita, superest, ut organa deinceps spectemus, quæ in concoquendo & repurgando communi alimento, & humoribus conficiendis, naturæ assidue famulantur. Contineri ea omnia in inferiore ventre antea diximus. In examinandis autem ipsis eum ordinem seruabimus, quo se singula in Anatomica ἀναλύσει offerunt, & quem Anatomici ferè sequuntur. Cumque organorum magna sit varietas, & alia magis alia minus sint composita, in omnibus quidem, cuius actionis aut saltem vsus gratia facta sint, primum inquiremus. Deinde, quomodo ad talem actio-

actionem vel usum præstandum, partes eorum similes, & tota ipsa compositio, videlicet, magnitudo, figura, situs, sint accommodata, considerabimus.

Actio ab usu sic distinguitur. Actio est motus actiuus à facultate procedens, vt chylicatio, sanguificatio, respiratio, visio. Usus autem in idonea & commoda partium dispositione consistit, ad actionem iuuandam & perficiendam comparatus. Et rectè dicitur, Actionem fieri à similaribus partibus: Vsum verò præstari, hoc est, actionem consummari ab organicis. Prima enim ac præcipua actionis causa, est vna aliqua ac singularis particula, certo temperamento prædita, vt Chylicationis, interioris vetriculi substantia: Sanguificationis, ipsius jecoris caro, Visionis, humor in oculis crystallinus. Reliqua verò similia, si quæ fortè plura ad vnius organi constitutionem concurrant, & tota ista compositio (quod videlicet omnia illa similia, certa magnitudine, figura, numero, & situ sunt circumscripta) usum præstant. Etsi autem præcipua actionis causa non sunt, quædam tamen eorum huiusmodi sunt, vt sine ipsis actio edi non possit, quædam actionem meliorem efficiunt: Alia etsi actioni

Q

parum

parum commodant, tamen necessaria sunt, vt partes conseruentur.

Exemplum: Iecoris caro causa efficiens sanguinis est. At sine exiguis illis venulis, sanguinis materiam deferentibus, sanguificatio nequaquam fieret: Si eadem venulæ arctiores vel ampliores essent, non ita benè fieret. Sine arterijs calorem natuum temperantibus, temperamentum epatis conseruari non posset.

Musculi sunt organa motus voluntarij. Nerui, ossa, venæ, arteriæ vsum præstant, & motum musculi adiuuant. Sine neruis motus nequaquam fieret. Sine ossibus non ita probe ac concinne fieret. Sine venis & arterijs, musculi corpus tabesceret.

DE EPIGASTRIO vel abdomine.

CAPVT LXXXIIII.

VEntris nomine tota illa capacitas intelligitur, quæ sub thorace consistit, & à diaphragmate vsq; ad extremum ani extenditur. Anterior eius pars vsq; ad internum spacium, Græcis *Ἰνδοσπλιον*, Arabibus *Mi-*

bus Mirach dicitur. Hoc si duabus rectis lineis, vna à pectoris osse ad mediam pubem, altera transuersim ex latere per vmbilicum ductis, ibiq; angulos rectos constituentibus, diuiseris, quatuor partes existent, quarum duas superiores costis subiectas Græci *ὑποχόνδρια*, Latinorum nonnulli præcordia, inferiores Latini inguina vocant. Hippocrates totam regionem sub vmbilico versus pubem *ἡγεον* dixit.

Similia, ex quibus *ἐπιγάστριον* componitur, vt apparet in dissecando, sunt, Cutis, Adeps, Membrana carnosâ, Musculi octo, & Membrana, quæ Græcis *περιτόνιον* Arabibus Ziphach dicitur.

Habet autem hæc epigastrij compositio vsum maximum. Subiectorum enim viscerum actiones non mediocriter iuuat. Adeps, vt in similaribus diximus, externum frigus arceat, internum calorem cohibet. Carnosa musculorum substantia calidum humidumq; temperamentum, quo coctiones potissimum perficiuntur, auget. Quare Hippocrates in quouis morbo bonū signū & causam esse statuit, si epigastrij partes crassitudinē habeant, malum vetò & ad purgationes periculosum, si extenuatæ & tabidæ appareant. Vide Apho. 35. lib. κ.

Q.

Quem

Quem vsum porro Epigastrii musculi nutritionis & respirationis organis præstent, quatenus sunt voluntarij motus instrumenta, in musculorum expositione traditum est. Quod autem partes omnes epigastrii constituentes molles sint, non duræ aut osseæ, eo conducit, vt Epigastrium ventri, cibo aut potu, & vtero intumescenti, facile cedat.

DE PERITO-

NÆO.

C A P V T LXXXV.

Peritonæi vsum vox ipsa indicat. Sic enim est appellatum, quod organis omnibus, quæ ventre continentur, sit circumtensum. Primum quidem ac præcipue, vt membra laxa ac fluitantia, præsertim ventriculum & intestina constringat, prohibeatq; quo minus ex leui aliqua occasione flatibus impleantur, quem vsum quoq; musculi adiuuant.

Secunda ex Peritonæo utilitas ea est, quod processibus suis, omnibus organis, quæ ventre continentur, inuolucrum præbet, ultra eas tunicas, quas proprias & peculi-

culiæres possident, quo inuolucro tutò illa alligantur, sedibusq; suis fixa manent.

Tertia Peritonæi vtilitas est, quod musculos ab intestinis separat, efficitq; ne musculorum motus impediatur, vel intestinorum excrementa difficilius subeant. Quibus enim dissectum ac vulneratum est Peritonæum, hac vtilitate destituuntur.

Vt has vtilitates præstaret, factum est membranosum, sine fibris quidem, sed tamen neruorum furculis intertextum & sensibile: Densum ac firmum, ne facile rumpatur: Tenue, ne pondere suo aut pressu subiecta viscera lædat. Interna superficie valde leue ac lubricum visceribus occurrit, externa transversis epigastrij musculis connascitur.

Quod porro ad situm eius, connexum, figuram, magnitudinem attinet, principium quidem ducit ex ligamentis, quæ lumborum vertebrae & Ilium ossa cum osse sacro connectunt, subnexusque inferiori diaphragmatis sedi, ad extremum vsq; ossis sacri protenditur. Et si integrum conspiciatur, figuram refert Sphæricam, oblongam, qualis est vtrius ex tergo hircorum facti. Estq; omnium membranarum, quæ in corpore sunt, maxima. Nam carnosæ

Q

mem-

membrana non est membrana simplex, sed semimusculus. Viris circa hypochondria mulieribus ad pubem crassior existit. Solida est omni ex parte, nisi quod ad diaphragma, stomacho; item, venæ cavæ & magnæ arteriæ transeuntibus, sit peruia. Ad inguina verò supra os pubis, venis & arterijs ad crura descendentibus viam præbet: Item, in viris, vasis seminarijs, quæ ipsa, vt & testiculum vtrunq; , tunica à se producta conuestit. Sub osse pubis, iter præbet nervis, podici seu extremo intestini recti, utero, & cervici vesicæ insertis.

DE OMENTO.

C A P U T LXXXVI.

PERITONÆO mox subiectum est omentum, quod cum intestinis ita sit instratum, vt innatare quodammodo videatur, *Πιζζαλον* est appellatum, Arabes Zirbum vocant. Est autem membrana abundans multis admodum venis, arterijs, nervis, & adipe copioso, nonnulla etiam glandulosa carne.

Ortum habet ex peritonæo, circa duodecimam vertebram thoracis sub ipso ventriculo,

triculo, estq; instar sacculi duplicatum, & si diducas, figuram peræ, quali vtuntur aucupes, repræsentabit. Interior enim eius membrana, quæ intestina attingit, elatior est, ac toti posteriori ventriculi sedi subternitur. Superior verò, quæ reflexa epigastrium spectat, ventriculi fundo annectitur. Ad dextram epatis cauo, & intestino duodeno, ad sinistram lieni adnascitur.

Præcipuus eius vsus est, vt ramos venæ portæ, in lienem, ventriculum, intestinum duodenum, & colon deducendos, præterea etiam venas, arterias & nervos iisdem partibus inferendos suffulciat, ac sustentet, non aliter, quàm tenuis cerebri membrana, exilia illa vasa sustentat, quæ in vniuersum cerebrum distribuuntur. Atq; ad hunc usum glandulosum illud corpus, *πάγκρεας* appellatum, in inferiori membrana maximè est collocatum, vt venarum, arteriarum, nervorumque diuarcationibus sit præpositum, & ventriculo puluini modo sit subiectum,

Alter omenti vsus est, quod ventriculum & Colon intestinum, cui etiam adnascitur, dorso alliget ac firmet, quodq; ventriculum ac lienem inter sese nervorum vasorumq; interuentu connectat. **Acce-**

Accedit etiam non mediocris vsus per accidens. Stomachi enim & intestinorum concoctionibus auxiliatur. Calorem enim & spiritum in frequentibus vasis suis contentum, illis communicat, cumque pingue ac membranosum sit, natium ipsorum calorem reflectit, & ventrem vniuersum benigno quodam rore humectat. Tenuis porro est ac leue, ne intestina pondere suo grauet, vnde Germanorum nonnulli plumam, Saxones *Slushmen* vocant.

Si per epigastrij vulnera pars eius foras excidit, protinus nigricat ac corrumpitur, vt filo constrictum amputari necesse sit. Vide Aphor. 58. lib. 6. Qui autem partem aliquam amiserunt, aut valde graciles, omentum extenuatum habent, difficilius concoquunt, ac coguntur fomentis ventri adhibitis, loco omenti vti.

Cum naturalem situm seruat, sursum ac sinistrorsum apparet retractum, ac raro ad pubem vsq; descendit, sed facile ac citra vllam diuisionem extenditur, & ex leui occasione deorsum deuoluitur. Quod si inter vesicam & vterum collabatur, & valde pingue fuerit, accidit, quod Hippocrates scribit, Aphor. 47. libr. 5. nimirum, vt vteri ceruicem comprimendo conceptum impediat.

Con-

Contingit etiam perſæpe omentum in ſcròtum deuolui, laxatis ac dilatatis illis tunicis, quas vtrinq; ex Peritonæo deductas, vaſa ſeminaria & teſticulos tegere dicebamus, quam ramicis ſpeciem *Ἡπωλοκη- λω* nominant Græci, Arabes Herniam Zirboſam.

DE STOMACHO & ventriculo.

CAPVT LXXXVII.

DIctum eſt ſuprà, primam concoctionem in ore inchoatam fieri propriè in ventriculo, ac perfici in inteſtinis. Haſ actiones propriâq; illorum organa paulò diligentius nunc conſideremus.

Ore quidem præparatur cibus: nam dentibus primum manditur, atteriturque, deinde oris pituita perfunditur, poſtremò tunicæ illius, quæ ori & ventriculo communis eſt, applicatione ita mutatur, vt priſtinam ſuam ſpeciem vix retineat.

Porrò cibum ita præparatum excipit ſtomachus ſeu *οισφάγος* qui tanquam longus quidam *ἵσθμος* ab ore ad ventriculum deductus eſt. Hunc natura, quemadmodum

modum etiam ventriculum & intestina, ex duabus tunicis extruxit membranosis, vt facile dilatari ac concidere queat. Interior neruosior est & durior, & constat fibris rectis, quibus cibum à lingua protrusum attrahit. Exterior verò carnosior est ac mollior, habetq; tantum fibras transuersas, quibus contractis cibus in ventriculum depellitur, ac velocissimè transit. Ne verò vlllo modo in stomacho hæreret, diligenter natura prouidit, vt vncta semper & humida esset interna eius superficies.

Glandulas enim quasdam primo in faucibus locauit, stomacho & Laryngi communes, quæ Græcis *παροισμια* Latinis Tonsillæ dicuntur. Hæ ori perpetuò saliuam suppeditant, & superiorem stomachi partem humectant. Alias prætereâ in medio stomachi ductu natura locauit, quæ medium ipsius spatium irrorant, efficiuntq; ne cibus propter siccitatem difficilior ad ventriculum demittatur.

Ventriculus potissimum Chylificationis organum, in conficiendo chylo nullis vititur fibrarum adminiculis, sed tantum proprio ingenitoq; calore, ac sua ipsius substantia. Attrahendi ipsius potentia, potissimum ab ipsa

ab ipsa appetentia excitatur, iuuatur autem
fibris rectis. Obliquis verò fibris, attra-
ctum alimentum ventriculus ita retinet &
complectitur, vt nihil relinquatur inane.
Transuersis rursus ad expulsionem chyli
vitur.

Collocatus est ventriculus sub diaphrag-
mate, medius inter jecur & lienem, quæ
viscera suo calore non mediocriter actio-
nem ipsius iuuant & roborant.

Figura eius est rotunda, à sinistro in
dextrum oblonga. Rotunda capacior est,
& iniurijs minus obnoxia. Oblongam ve-
rò figuram requirebant ipsius orificia, quo-
rum superius, quo cibus recipitur, amplius
est, vt rudes ac crassas moles, quæ sæpè de-
uorantur, facilius admittat. Alterum quo
chylus ad intestina transmittitur, arctius est,
Græci *πυλωρὸν* vocant.

Situs verò orificiorum ita se habet. A
se inuicem longè abducta sunt, & sinistrum
quo cibus admittitur, non multò elatius est
quàm dextrum, quo chylus excernitur.
Opponi enim sibi inuicem secundum recti-
tudinem non oportebat, ne cibus ventriculū
facile subterfugeret, ac magis grauitate sua,
quàm expultricis facultatis robore expelle-
retur. Cautas ventriculi orificijs respondet.
Quæ

Quæ superiori orificio subiecta est, amplior cernitur ac rotundior, magisq; ad inferiora prominens. Qua parte verò versus pylorum ascendit, arctior ac gracilior euadit.

Constat ventriculus duabus etiam proprijs tunicis. Interior tenuior ac nervosior, totius stomachi, oris, labrorum, omniumq; intestinorum tunicae continua est. Cæterum in reliquis partibus durior, in ventriculo mollior existit. Id enim ad concoquendum aptius erat. Huius intima superficies, quæ cibum proximè contingit, fibras habet rectas. Altera verò superficies exteriori tunicae obuersa, obliquas. Altera porro exterior tunica mollior & carnosior, fibris prædita est transuersis. Tertia tunica, quæ à peritonæo prognata, communis est omnium viscerum, venas, arterias ac nervos omnes ventriculum adeuntes excipit ac firmat.

Media interna cavitatis levis est, ac plana, Orificia tantum intrò protuberant, ibiq; crassa, spissa, ac rugosa apparent, quod ideò factum est, vt solidiora sint ac robustiora, nèue à transeuntium impetu facile diuellantur, ac vt citius & facilius arctentur. In obæsis corporibus, non solum intestinis, sed etiam ventriculi fundo, intus adnatus adeps plerunq; reperitur. At

At si orificia alioqui inter se conferantur, superius inferiori crassius reperietur. Plurimum enim augetur nervis, à sexta cerebri coniugatione deductis. Horum enim pars cordis inuolucro & pulmonibus primum inseritur. Pars sursum recurrens, laryngis musculis implantatur. Reliqua portio vna cum stomacho descendens multiplici propagine superius ventriculi orificium vtrinque amplectitur, eique animalem vim impertit, qua non solum prauos noxiosque humores, sed alimenti etiam inopiam sentiat, quo sensu ventriculi appetentia deinceps excitatur, qua appetentia animalia potissimum à plantis differunt. Aliiter enim plantæ, aliter animalia appetunt.

Venæ ad ventriculum pertinentes, omnes à vena portæ originem sumunt. Earum munus est vt sanguinem deferant, quo ventriculus alitur.

Q V O M O D O C O - gnoscendum ventriculi temperamentum.

C A P V T L X X X V I I I.

INternarum partium temperamenta, per proprias ipsarum actiones, propria ex-
R
cremen-

crementa, & ab alterantibus causis, passionibusq; cognoscenda esse, suprà in temperamenti monuimus. Cum igitur nunc in præcipuorum viscerum contemplatione versemur, oportunum visum est, si non solum compositionem ipsorum, sed etiam temperamenti notas exponeremus. Hæc enim cognitio magnum atq; adeò præcipuum usum habet, ad rectè medendum.

Ventriculi igitur temperamentum commodissimè ex ipsius appetentia & concoctione, deindè ex proprijs excrementis, & alterantium causarum passionibus spectabitur.

Ac primùm pro hypothesi statuendum est, exactè temperatum ventriculum moderatè cibum potumq; appetere, & concoquere, Reliquas naturales temperaturas, intra sanitatis limites consistentes, similia appetere. Similia enim similibus conservari desiderant, juuari tamen moderato contrariorum usu.

Siccior igitur natura ventriculus, cibis siccioribus delectatur, sitim facilè sentit. Natiuus enim humor quo præditus est, cum exiguus sit, facilè absumitur, sed rursus exiguo potu facilè saturatur. Naturaliter enim non plus appetitur, quàm secundum

dum proportionem eius quod est absumptum, quo si plus ingeratur, cum neq; concoquatur, neq; secundum naturam humectet, adeò non sitim sedat, vt maioré quoq; nonnunquàm excitet, vt apparet in crudis, & ijs qui hesternæ crapula grauati sunt. Præterea & fluctuationem & strepitum excitat, & per summa ventriculi natans, vomitu nonnunquàm excernitur.

Humidior ventriculus contrà humidioribus cibis delectatur, vt similibus, siticulosos non facit. Copiosior enim humor natiuus tardè absumitur, sed sine molestia potù largiorem faciliè fert: Similibus enim cum delectetur, facilius etiam ea conficit.

Calidior si natura ventriculus fuerit, cibum potumq; calidiorem appetit, & moderato contrariorum vsu iuuatur, minus appetit, sed valentius concoquit. Calor enim solidas ipsius partes laxat & soluit, itaque ad attrahendum ipsum ineptiorem facit. Cæterum dura & concoctu difficilia melius concoquit, quàm mollia, tenera, & concoctu facilia. Cum enim calor ad immutandum cibum præcipuè valeat, & inter agens & patiens proportio esse debeat, moderatus quidem calor moderatum cibum moderate ac optimè concoquit, immo-

R.

deratus

deratus verò crassum ac durum facile vinit, & in probum chylum vertit, tenerum ac mollem adurit ac corrumpit. Hinc deinceps sequuntur ructus nidorosi seu fumosi, excrementa biliosa, cuiusmodi in ventriculo generari antea diximus. Quæ si in medio ventriculi spatio innatent, vomitu reiiciuntur: Sin tunicis ipsius tenacius adhæreant, inani nausea ventriculum conturbant.

Frigidus natura ventriculus frigidis delectatur, sed ab iisdem, immoderatus vel intrò assumptis, vel extrinsecus admotis, (perindè ut calidus à calidis) facile offenditur: Iuuatur verò similiter moderato calidorum usu. Moderatus autem & utilis contrariorum usus is est existimandus, si contraria, nec affatim, nec vehementissima, vel tanto etiam excessu, quanto est naturalis intemperies quæ corrigitur, initio statim offerantur. Tales enim subitas & vehementes mutationes natura non fert, neque sine molestia sustinet, sed si mitiora primum, deinde magis magisque valentia exhibeantur.

Porro frigidi ventriculi appetentia maior est, concoctio imbecillior. Animalis enim appetentia fit, cum inanitio & suctio,
à core

à corporis habitu ad ventriculi superius orificium progressa, vellicationis sensum in ipso mouent. Hunc porro sensum auget frigiditas. Stringendo enim & premendo ventriculi substantiam, ipsum etiam quodammodo inanit, & ad attrahendum aptiorem facit. Cæterum cum ad concoquendum inepta sit frigiditas, non potest cibus, præsertim qui frigidior sit, & concoctu difficilior, à frigido ventriculo perfecte immutari. Quare & crudior relinquitur, & ab imbecilli calore facile accescit. Hinc flatus, pituitosa excrementa, ructus acidi, & nausæ potissimum prouenire solent.

Quod si ventriculi naturales intemperaturas copulari contingit, accidentia, quæ modo enumerauimus, pro natura alterius coniunctæ intemperiei, manifestiora vel obscuriora erunt. Vt si ad siccitatem caliditas accesserit, sitis erit maior, si frigiditas, minor. Humidum enim à calore dissipatur, à frigido verò cogitur & conseruatur. Calidus & humidus ventriculus melius concoquit: Calidus & siccus deterius. Frigidus & humidus maiorem cruditatem & acorem excitabit: Frigidus & siccus minorem.

R 3

Quod

Quod verò de appetentia similium dicitur, ad morbosas intemperies non extenditur. Illæ enim non conservari sed tolli postulant, quare non similia sed contraria appetunt. Cumq; tuendi sui cuiq; animanti desiderium insitum sit, illud quoq; insitum est, ut similia, & quæ secundum naturam suam sunt, appetat, dissimilia verò sibi que contraria declinet.

Verum, ne signa quædam nobis imponant, sciendum est, sitim non semper à ventriculi siccitate & calore, sed interdum quoq; à cordis & pulmonum calore provenire. Sed hæc sitis potu frigido non sedatur, sed frigidi aëris inspiratione.

Excrementa quoq;, ut antea monuimus, in temperamentis diligenter discernenda sunt, sintne ventriculi propria, an aliunde ad ipsum fluant. Propriam ventriculi bilem arguit color prasinus, & mali succi alimenta prius assumpta: Eam verò, quæ ab epate ad ipsum confluit, color flavus aut pallidus, item præcedens inedia, labor, curæ, cibi dulces ac pingues, melita, ac reliquæ causæ, bilem flavam in epate generantes. Pituitam ex cerebro fluentem indicat cerebri frigiditas, quæ ex canitie, catharris, tussibus, narium ac palati muco, salivæ

eo, salinæq; copia deprehenditur. Vide Galen. lib. 2. de temperamentis.

DE INTESTINIS.

CAPUT LXXXIX.

Postquam ventriculus assumptum cibum exactè comminuit ac permiscuit, ac tandem propria sua facultate in chylum facta conuersione concoxit, obliquarum fibrarum auxilio adhuc retinet, fruiturque eo tamdiu, dum quod optimum in eo est, maximeq; benignum, halitus specie ad se rapiat, atq; in tunicas suas sugendo recondat. Id etsi Galenus nutritionem appellasse videatur, vera tamen nutritio non est. Ea enim ex solo fit sanguine, in partis substantiam conuerso, & naturalem famem sedat.

Hæc altera, ventriculi quædam oblectatio est, & animale tantum famem exariat, dum inanitam ventriculi capacitatem collapsaq; ipsius latera explet, & interiores recessus, alimenti penuria corrugatos, benignioris chyli qualitate magis quam substantia refarcit.

Hoc modo cum saturatus est ventri-

R 4

culus,

culus, quod reliquum est chyli, tanquam superuacaneum, & sibi etiam molestum, expellit, & contracta superiori sua capacitate, per fibras suas transversas, inferiori verò orificio pyloro diducto, in intestina protrudit.

Horum deinceps officium est: Primum vt exceptum chylum distribuunt digerantque, vt commodius per Mesenterij venas ad Iecur perferatur. Deindè, vt in ipsis, si quid absolutè concoctum non sit, percoquatur. Postremò, vt duriora chyli excrementa seu cibi reliquias excipiant, excernantq;. Nunc compositionem ipsorum inspiciamus.

Principium intestinorum cum inferiori ventriculi orificio est continuatum, manetque vnum continuum corpus, ad extremū vsq;. At cum prælongum sit, nec eadem vbiq; sit figura, situs, substantia, nec vsus vbiq; habeat eundem, quasi multa sint organa, plurali voce Latini intestina, Græci *εντερα* propriè appellant. Ac clarioris doctrinæ causa, totum in duas principales partes distinguunt, nempe in Gracilia & Crassa intestina.

Gracilia superiora sunt, eaq; potissimum distribuendo chylo famulantur. Quare &

re & frequentissimæ ex Mesenterio venæ ad ipsa perueniunt, quæ hiantibus orificijs suis, atq; in intimam intestinorum cavitatem penetrantibus, quicquid in chylo benignum ac succulentum est, alliciunt. Longa verò & angusta, plurimumq; in spiras & anfractus reuoluta natura fecit, ne quid omninò esset, quod vel contactum ipsorum, quo ad perfectiorem concoctionem opus est, vel venarum suctum effugeret.

Crassa intestina, etsi ad chyli distributionem & ipsa quoq; conducant, magis tamen excrementorum receptacula sunt. Quare paucioribus quoq; venis donantur, minusq; longa sunt, sed ampliora, vt multa colligere possint, & ne homines frequentius egerendi necessitate compulsi, à necessarijs studijs auocarentur, & vitam ἀμυστον ἔκ ἀφιλόστονον agerent.

Porro singulæ intestinorum partes, quædam situ ac nominibus speciatim sic variant. Principium gracilium intestinorum cum inferiori ventriculi orificio continuatum, mox in posteriora reflectitur, & secundum sinistram dorsi regionem, inter ventriculum, & glandulosum corpus πύλκρεας nominatum, rectà deorsum deducitur, estq; ferè duodecim digitorum lato-

R s

rum

rum longitudine, vnde & duodenum, Græcis δωδεκάδακτυλον appellatur. Gale-
 nus etiam εκφυσιν, id est, exortum nomi-
 nauit.

Vbi primum in gyros circumuolui, &
 antrosum vergere incipit, νῆσιν Græci, id
 est, jeiunum vocant, propterea quod fere
 vacuum semper reperitur. Meatus enim
 à fellis vesicula in duodenum, paulò suprà
 huius intestini initium inseritur, ac bilem in
 ipsum assidue destillat, quæ acrimonia sua
 pituitosa excrementa, quæ copiosius alio-
 quin ibi colligerentur, abstergit, & chyli
 propulsionem promouet. Quanquam, si
 duodenum cum hoc intestino conferatur,
 magis etiam vacuum reperiri posset. Cum
 enim proxime jecur sit situm, venasq; ex
 mesenterio eò habeat frequentiores, quò
 ventriculo est propinquius, & optimum
 liquidissimūq; chylum statim excipiat,
 & recto ductu deorsum feratur, non potest
 quidquam in eo diu hære.

Reliquam tertiam graciliū intestino-
 rum partem, quæ maxima est, à longitudi-
 ne varijsq; anfractibus, quibus præ cæteris
 intestinis maximè inuoluitur, Græci εἰλεον,
 Latini voluulum nominant. Hoc intesti-
 num,

num, vnà cum jeiuno, mediam ventris sedem totam occupat, quod ibi Mesenterij centro proximo breuissimoq; ductu, venæ portæ rami in ea perferri possint. Exortus Ileici non benè designari potest, terminatur à dextro Rene, ibique à crasso intestino, quod *κῶλον* dicitur, statim excipitur.

Huius initium magnum est instar globi magni extuberans, habetque duo orificia, vnum ileo, alterum cæco intestino commune.

Est autem Vesalio cæcum intestinum breuis illa ac gracilis appendix, huic principio continua, crasso intorto lumbrico quàm intestino similior. Alij crassum illud principium sacco simile, cæcum, aut saccum appellari debere contendunt.

Fertur autem *κῶλον* à dextro Ileco, sub dextro Rene rectà sursum, ad Iecoris vsque cauum, ibiq; vesiculæ felle contactu, luteo colore tingitur. Inde mox transuerso ductu, secundum ventriculi fundum, cui annectitur, in sinistrum latus protenditur, ac sub liene modicè inflectitur. Hinc porro ad pubis os deorsum rectà procedit, inde reflexum rursus suprà ossis sacri initium fertur.

Ab ea deinceps sede nomen mutat, vocatur,

caturq; rectum intestinum, quod rectà deorsum ad podicem vsq; descendat, estque ibi quàm alijs locis capacius, vt multum excrementorum continere possit. Ex huius intestini situ judicari potest, quàm longè clysteres in intestina permeare possint.

Natura autem κῶλον longè à Mesenterij centro, maximè in sinistro ventris latere collocavit, vt gracilioribus intestinis cederet, & quod multos venæ portæ ramos adsumere non debeat, cum parum, quod exugi debeat, comineat. Ad amussim teres non est, vt reliqua gracilia, sed suprà infraque depressum, lateribus, in cellulas quasdam hemispherij figura excauatas, extuberantibus.

Intestina omnia, perindè vt stomachus & ventriculus duas habent proprias tunicas, vtraque autem fibris transuersis prædita est, vt excretoria eorum facultas sit valentior. Et si fortè eorum interior tunica per dysenterias erodi contingit, altera adhuc incolumis eius vicem utrunq; suppleat. Interna exteriore neruosiore est, magisq; membranosa ac dura. Cæterum in gracilibus intestinis mollior, in colo durior existit, eoq; magis, quò ad intestinum rectum propius accedit, nimirum pro ratio-

ne ma

ne materiae, quam intestina crassiora durior-
rem continent, quàm gracilia.

Ne verò ex duriorum excrementorum
allissione crassa intestina detrimentum ali-
quod acciperent, natura Colo quidem, lo-
cis depressioribus, Recto verò intestino o-
mini parte, fibras rectas in externa tunica
addidit, quæ transuersis sint pro firmamen-
to, ne in duriorum secum excretionem, ni-
mium à se inuicem secedentes diuellantur.

Nervos intestina accipiunt, à sextæ
coniugationis cerebri propagine, vt prauos
ac mordaces humores prius sentiant, atq;
ad expellendum prius irritentur, quàm in-
signe aliquod incommodum accipiant.

Recti intestini extremum musculus
ambit latus & orbicularis, hunc *σφυγμῆς*
Græci nominant, quod anum claudat, ne
importuna fiat excretio, quæ cum planè
naturalis sit, retentione tamen voluntaria
coercedetur, huius musculi beneficio. Supra
hunc duo alij musculi huic intestino vtrin-
q; additi sunt, qui podicem deorsum ab ex-
crementis protrusum, sursum mox re-
uellunt. Sed hæc ad musculo-
rum tractationem per-
tinent.

DE MESENTERIO.

*Et venarum, quæ in
eo sunt, & su.*

CAPVT XC.

VT in arboribus tenuissimæ radicum fibræ succum è terra trahunt, qui deinceps in truncum & ramos omnes perferitur: Sic vtriusq; ac succulenta Chyli portio, primum ab exiguis venis, ex mesenterio ad cauitatem intestinorum pertinentibus, exigitur, atque indè paulatim in maiores confluit, ac tandem per epatis portam ad Epas ipsum transfuehitur. Transfuectionis celeritatem adiuuant venarum non obstruatarum amplitudo, alimenti tenuitas ac familiaritas, trahentisq; facultatis robur.

Omnes hæ venæ ab epate initium ducunt, quare & naturam ipsius referunt, chyloque rudem quandam sanguinis formam imprimunt.

Porro eodem tempore, dum chylum acceptum ab intestinis epati transfuehant, vicissim ab epate acceptum sanguinè transportant ad intestina, quo ipsa nutriantur, trahentibus nimirum vtrinq; partibus id, quod sibi conueniens est ac familiare. Per easdem

easdem quoq; venas plurima epatis excrementa expurgantur. Sed huic officio magis famulantur inferiores, quæ ad crassa intestina perueniunt, quàm superiores, quæ in gracilia intestina desinunt.

Affociantur his venis propagines arteriarum quædam, à magna arteria supra renes prognatæ, ad natiui caloris contemperationem: Item netui illi, quorum beneficio intestina sensum habere modò dicebamus.

Porrò vt hæc omnia commodè firmentur, & per saltus ac grauiores motus diuaticata non facile rumperentur, multa glandulosa corpora, quæ *πάγκρεας* & *χολήπικρεας* etiam appellantur, vasorum scissionibus natura præfecit, ac tandem hæc duabus membranis ex Peritonæo prognatis, & adipe multo infarctis, conuestiuit.

Vniuersum hoc corpus *μεσεντήριον* appellant, quod ad posteriorem intestinorum sedem situm, intestina omnia in orbem complectatur, eaque conuinciens dorso aliget. Iuxta regionem Renum, vbi primum prognascitur, & magnum venæ portæ truncum, item arteriam & neruos suscipit, centrum Mesenterij consistit. Hic cum prima fiat vasorum diuisio, magnum corpus

pus glandulosum situm est, ut primi ac insigniores vasorum rami omnino securè ac tuto deducantur. Reliquis diuasticationibus minores glandulæ præpositæ sunt.

DE VENA PORTÆ, & Iecore.

CAPUT XCI.

IN ipso corpore jecoris omni ex parte exiguae admodum ac numerosæ venæ oriuntur, quæ tanquam à circumferentia in centrum procedentes, paulatim in grandiores coeunt, donec omnes tandem in quinque vel pauciores ramos colligantur, qui rursus in caua jecoris regione, non ipsius quidem exactè medio, sed ad posteriora nonnihil juxta dorsum coniuncti, vnam valde amplam venam constituunt, quam portam vel venam portæ ideo appellant, quod succus ex innumeris Mesenterij venis collectus, per eam vnam in jecur transferatur, non aliter quàm frumentum in oppidum ex multis vijs per vnam portam aduehitur. Hæc vena deinceps obliquè deorsum, versus sinistrum procedit, ac rursus in multos ramos digeritur, qui in

qui in fellis vesiculam, ventriculū, intestina, lienem, mesenterium, omentum, variè distribuuntur.

Cæterum siue venas ex Iecore, siue Iecur ex venis oriri cum Vesalio dicamus, nihil refert, cum illud constet, Iecur nihil aliud esse, quàm infinitam exilium venularum sobolem, cui propria ipsius caro & substantia, concreto sanguini non absimilis, adnascitur, & quasi circumfunditur, vnde Erasistratus primus eam *παρέγχυμα* propriè appellabat.

Hæc caro vel substantia epatis, prima ac propria sanguinis effectrix est. Succum enim quoad ipsam vndiquaq; applicatur, non solius caloris vi, sed vel maximè sua propria ac specifica forma concoquit, ac quantum fieri potest, sibi assimilat, dum crassiorem ac rubrum omninò reddit, & planè in sanguinem vertit. Est enim omnis concoctio nihil aliud, quàm imperfecta quædam assimilatio, seu ad perfectam assimilationem gradus.

Vt verò succus in sanguinem vertendus diutius in Iecore immoraretur, & exactè vndiq; ab ipsius substantia contingeretur, venas ipsius exiles admodum, tenuissimisq; tunicis præditas natura construxit.

S

In toto

In toto animantium genere hominī grandius jecur, vt etiam cerebrum, pro reliqua corporis proportionē, obtigit. Maius autem jecur ijs est, qui natura sunt crapulosi, plurimoq; cibo ac potu vtuntur.

Inter nutritionis organa præcipuum est, ideoque loco maximè sublimi sub diaphragmate est locatum, in dextro quidem latere, sinistrum occupante liene. Verū vt corpus esset æquibre, *ισόρροπον*, tantò lien jecore minor est, tantò quoque jecur magis in sinistrum se exporrigit, nimirum ad mediam vsq; costarum partem. In aui- culis quibus gracilis est lien, jecur æqualiter ferè vtrumq; latus occupat.

Totum sub costis reconditum est, nec diaphragmatis latitudinem vsquàm excedit, nisi fortè arctato thorace sub malo granato. Hic situs iniurijs minus obnoxium facit, & facilè ossibus coërcetur, cū non intumescat, vt ventriculus.

Humanum jecur in nullos lobos est dissectum, vt canum, porcorum, sed vnum continuumq; existit. Propriam autem ac peculiarem formam nullam sibi vendicat, sed adiacentium membrorum formis tanquàm argilla quædam se accommodat. Itaque superiori ac posteriori parte gib-
bum

bum est ac leue, nimirum diaphragmatis cauo, cui hac parte vndiq; applicatur, cedens. Inferiori verò sede à ventriculi gibbo, cui incumbit, cauum efficitur, non tamen hic pariter leue existit. Dum enim stomacho, duodeno intestino, fellis vesiculæ, venæ portæ, locum præbet, instar rupis inæquale efficitur.

In dextro latere, vbi graciliorem ventriculi partem amplectitur, crassius est. In sinistro, vbi superiori orificio ventriculi, & parti ipsius crassiori incumbit, tenue apparet, sensim in acutum angulum desinens.

Alligatur septo transuerso, duobus ligamentis ex peritonæo productis, quorum vnum satis magnum in dextro latere propè malum granatum cernitur, tenue quidem sed valdè validum, sustentorium vulgò vocatur, quod stantibus nobis jecur suspensum tenet, efficitq; ne in vehementibus motibus abrumpi, aut deorsum delabiqueat. Alterum in sinistro latere apparet, ad acutum illum angulum, in quem jecur desinere modò dicebamus. Accedit tertium ligamentum, quo anteriori parti peritonæi connectitur, vena vmbilicalis. Hæc enim cum editus est fœtus, statim arescit, & validi ligamenti vicem supplet.

Ex prædictis ligamentis tenuis illa tunica pronascitur, quæ huius visceris proprium est tegumentum. Huic porro inferuntur duo exigui nerui, à propaginibus sextæ coniugationis neruorum cerebri producti. Horum beneficio, Iecur alioquin insensile, tenuem quendam sensum in superficie adipiscitur, quo à plantis differt, & molestantia leuiter persentiscit. Arteria, quæ cauo jecoris inseritur, totius visceris calorem euentilando fouet ac temperat.

DE VESICA fellis.

CAPVT XCII.

QUemadmodum à recenti musto in doli-
lio feruente, duplex excrementum se-
cernitur, vnum supernatans, spumosum ac
leue, quod florem vini appellant, alterum
deorsum subsidens, terrestre ac graue, quod
fecem vini nominant: Ita etiam in Epatis
sanguificatione, à puro vtilique succo duo
excrementa redundant, vnum tenue, leue
ac flauum, alterum crassum, atrum ac gra-
ue. Habentq; ambo propria receptacula,
à qui-

Quibus attrahuntur ac segregantur, idq; proptia quadam ac peculiari facultate à natura ipsis insita.

Tenuē ac biliosum excrementum attrahit vesicula fellis, (quam *κύστιν χοληδόχον* nominant Græci) tanquam sibi conueniens ac familiare, quo fruatur. Substantia huius vesiculæ membranosa est, vt reliquorum receptaculorum, quorum vsus postulat, vt pro repletionis modo vicissim subsidant & extendantur.

Est vna tantum simplex tunica, tenuis quidem, sed densa, tripliciq; fibrarum genere intexta. Media pars, quæ extra jecur propendet, jecoris etiam tunica tegitur.

Forma est ex rotundo oblonga, instar communis loculi, vndè & bursam fellis nominant. Subnectitur jecoris cauo, cui sinus insculptus est, huius vesiculæ dimidiæ parti exactè congruens, reliqua dimidia pars extra Epar prominet.

Ceruix paulatim in angustum desinit, propè venæ portæ principium, atq; ibi in duos insignes meatus diducitur, quorum alter sursum fertur, atq; in innumeras propagines dissectus, per vniuersum jecoris corpus distribuitur. Huius officium est, vt bilem in vesiculam colligat. Alter obliquo

liquè deorsum repens, inferiori omenti membrana suffultus, duodeno paulò ante jejuni exortum inseritur, collectamq; bilem ex vesicula in ipsum propellit.

- Estq; huius excretionis multiplex utilitas. Non solùm enim bilis, quæ retenta noxia corpori futura erat, excernitur, sed inter excernendum, simul etiam noxiam & superfluam pituitam, quæ in gracilibus intestinis plurima coaceruatur, incidit, dertergit, & expurgat. Præterea & intestina leuiter pungens, chyli distributionem accelerat, ac secum excretionem extimulat.

Galenus secundo de temperamentis & alijs locis scribit, quibusdam hominibus duos esse meatus, bilem expurgantes, & alterum in ventriculi fundum inferi. Qui porrò hunc habent ampliorem, eos crebris vomitibus infestari solere.

Vesalius diligens harum rerum observator, vnum tantùm remigem se secuisse refert, in quo hunc meatum ad ventriculū pertinentem animaduertit, qui tamen dum viueret, neq; vomere neq; nauſeare consueuerit, etiam in maximis tempestatibus.

Quidam prorsus vesicula carent, ut de quibus-

quibusdam refert Aristoteles lib. 4. de partibus animalium, qui fuerunt longioris vite.

DE LIENE.

CAPVT XCIII.

Lien organum est, expurgando crasso ac feculento epatis excremento dicatum. Illud enim ceu iucundum sibi ac familiare, singulari ac propria facultate attrahit, attractumq; rarefacit ac elaborat, sibi que tandem in alimentum vertit. Cumq; huius crassioris fecis segregatione, reliquam massam, qua corpus alitur, puriorem splendidioremq; facit, hilaritatis causa esse dicitur. Hinc dictum illud peruulgatum: Splen ridere facit.

Causa omnium actionum lienis, ut & jecoris, reliquorumq; viscerum omnium, est caro ipsius seu substantia, & calor, quem ex copiosarum arteriarum implantatione possidet.

Nigricat autem tam intus, quam extra, atro & obscuro quodam colore, qualem in Elephantice videmus. Respondet enim membrorum substantia humorum qualitatibus, quibus nutriuntur. Si cum sub-

stantia epatis conferatur, rarior est, si cum pulmonum, densior.

Situs est lien in sinistro hypochondrio, inter vertebrae & spuriarum costarum cartilaginee, versus posteriora, ita ut vix externo tactu deprehendi possit.

Formam habet instar linguae oblongam, sed crassior latiorque est in homine, quam in reliquis animantibus. Sinistro latere modicè gibbus est. Dextero, sinus seu cauus est, eoque ventriculi fundum contingit, & calore suo coctionem ipsius non mediocriter iuvat.

Obducitur ut Epar una simplici tunica, ex omento exorta, eiusdemque auxilio dorso quoque annectitur, quanquam in gibbum ipsius fibrae quaedam etiam ex Peritoneo connexionis gratia producantur.

Venae melancholicum excrementum deferentes, à minori trunco venae portae ortum habent, & inferiori membrana omenti suffultae, cauae lienis parti inferuntur. Pari serie cum venis, arteriae quoque ipsi implantantur. Oriuntur haec ab illa arteria, quae paulò supra renes à magna arteria deducitur.

Venam seu meatum, quo lienis excrementum superfluum in ventriculum deferri
dici-

dicitur, omnium medicorum sententia, astringendi ac roborandi ipsius causa, Vesalius longa obseruationeprehendere non potuit.

DE VENA CAVA,

*eiusq; in omnes corporis
partes distributione.*

C A P V T X C I I I I .

Sanguis in epate confectus, ac beneficio vesiculæ fellis & lienis, duplici excremento purgatus, deinceps à vena caua excipitur, & secundum huius ductum in omnes corporis partes distribuitur. Permixtum ei adhuc est aqueum & serosum excrementum, vt huius contemperatione liquidior factus, facilius per angustos epatis meatus penetret, quos cum euasit, ac in venam cauam est receptus, tum demùm serosum illud à renibus exugitur, ac per vretes in vesicam vrinariam deijcitur.

Porro venam cauam è Iecore nasci, & esse principium venarum, Galeni & medicorum ferè omnium communis sententia est. Vesalius tamen contrà disputat, venæ cauæ principium esse cor, quod multò am-

ss

plius

plius principium sit ipsius, ad dextrum cordis sinum pertinens, quàm vlla alia ipsius amplitudo quocunque loco, & quod pars eius à jecore ascendens, non minus crassa, imò crassior sit altera descendente, & quod rectà deorsum porrecta, tantùm ad jecoris gibbum leniter se inflectat, eiusq; propaginibus quibusdam innascatur. Putatq; Iecur potius ex venis, quàm venas ex jecore principium ducere. Sed hæc curiosa disputatio non ita magnum in Medicina habet vsum, cum illud constet, & Vesalius fateri etiam cogatur, sanguinem primum fieri in epate, atq; inde in venam cauam, nimirum, ex venæ portæ propaginibus in ventæ cauæ propagines transumi, atque ita deinceps in reliquum corpus distribui. Ideoque etiam commodissimè venæ cauæ explicationem ab epate inchoamus.

Ductus autem ac series venæ cauæ sic se habet. Secundum posteriorem epatis regionem, ea parte, qua dorso & dextero lateri spinæ proxima est, protensa, ex anteriore sede ramos promit, in jecoris gibbum numerosa sobole digestos. Sursum autem ascendens, neruosam partem septi transuersi, & cordis inuolucrum septo contiguū, pecu-

peculiari foramine permeat, ac septo duas insignes propagines, quibus ipsum nutritur, adfert. Hinc paulatim ad sinistrum repens, amplo orificio ad dextrum cordis sinum, cum dextra cordis auricula connascitur.

A posteriori parte huius implantationis, vena prodit coronalis, quæ, instar coronæ, cordis basin cingit, & deorsum per cordis superficiem ramos digerit.

Porro caua sursum supra cor ascendens, cum inuolucrum eius hac parte rursus penetrauit, venam *ἄξυρον* à dextro suo latere deducit, in octo costarum interualla vtriusque lateris. *Ἀξυρὸν* autem dicitur propterea, quod nullam habet arteriam comitem, ut reliquæ ferè venæ habere solent. Ex huius venæ ductu Vesalius colligit, nihil referre, vtrius brachij vena in pleuritide secetur, aut si discrimen vllum statuendum est, dextri brachij venam semper secari debere, quod rectitudo fibrarum ad dextrum latus magis vergere videatur.

Cæterum venæ cauæ truncus, sub ipsis clauiculis in duos magnos ramos diuiditur. Huic diuisioni natura magnam glandulam, quàm *θυμὸν* vocant, preposuit. Rami
autem

autem per illud spacium, quod inter claviculas, & primam thoracis costam medium est, vtrinque ad brachia excurrunt, sub axilla sese inflectentes, Vnde & axillares, & interiores brachiorum venæ dici solent, vulgò basilicas vel hepaticas vocant. Occupant inferiorem cubiti sedem, & à peritis medicis secari solent, in ipso cubiti flexu, quo loco maximæ apparent, in ijs affectibus, qui infra claviculas thoracem aut hypochondria infestant.

Verum antequàm hi rami thoracem egrediantur, in ipso progressu propagines quædam mittuntur in glandulam, in os pectoris, costarum intervalla, in mammas & thoracis musculos. Egressi autem surculos emittunt, in axillarum glandulas, in musculos scapulis subiectos, & in alias plerasque partes.

Porro ex his ramis venæ cavæ ad claviculas, vtrinque duæ insignes venæ pronascuntur, quarum vna propè glandulam, altera paulò altius exorta, sursum per cervicem in caput fertur, Ambæ jugulariæ dicuntur, Græcis *φαιρινides*. Sed ea quæ per cervicis intima deducitur, propinqua Oesophago, interior, altera quæ sub cute dolitescit, exterior jugularis appellatur.

Ab hæc

Ab hac externa, paulò supra claviculam deducitur ea, quæ per humerum in brachium excurrit, quam indè humerariam, & κεφαλικὴν appellauerunt. Hæc juxta cubiti flexum, in superiori brachij regione apparet, & secatur in omnibus affectibus, qui supra claviculas collum aut caput infestant.

Media, seu vt vocatur Mediana, ea est, quæ sub flexu articuli cubiti, ex humeralis & axillaris ramis concurrentibus constituitur. Hæc secari solet, cum simul à locis, qui sunt claviculis superiores & inferiores, sanguinem detrahare volumus.

Porro hæc media vena radium, paulò ultra ipsius longitudinis medium, conscendit, & in externam cubiti sedem excurrit, ibiq; ad similitudinem Y literæ bicornis in duos ramos finditur, quorum alter in spacium sub medio, & annulari, & paruo digito, alter inter pollicem & indicem deducitur. Internum verò cubitum, & manum totam ferè occupat alter ramus axillaris venæ, qui juxta cubiti articulum enascitur.

Vena, quam tonsores Medianam vocant, ferè nihil aliud est, quàm ramus axillaris, ad mediam constituendam exporretus.

Quod

Quod verò in extrema manu multæ venarum discrimina statuunt, & Cephalicam secare arbitrantur, cum eam quæ intra pollicem & indicem consistit, aperiant: Axillarem verò, cum eam, quæ intra annularem & minimum, vel intra annularem & medium digitum est, secant, nulla demonstratione fultum est. Omnes enim hæ venæ in extrema manu sitæ, mediæ venæ propagines sunt.

Præter commemoratos iam ductus venæ axilliaris & humeralis, permulti sunt alij in superficie sub cute latentes, & in intima musculorum substantia, tam in brachio, quàm in extrema manu. Verùm cum hi varij sint, neq; in omnibus hominibus similiter se habeant, nec eorum ita magnus usus sit, in sanguinis missione nihil opus est curiosius istos inuestigare. Dicendum autem deinceps, quomodo jugulariæ venæ in superiores partes distribuantur.

Externa jugularis, à qua humerariam nasci dicebamus, sursum ascendens, cum ad aurem usq; peruenit, varios ramos mittit in faciem, tempora, & capitis posteriora, nonnullos etiam in cerebrum ipsum. Tam longè autem exporriguntur, dum dextri sinistris in corporis medio occurrant. In

Cere-

cerebrum perueniunt per magnum foramen, quod est propè auris radicem, vbi inferior maxilla cum superiori committitur.

Interior jugularis Oesophago insistens, cum ad maxillæ regionem peruenit, ramos suos cum exterioris ramis commiscet, eosq; in fauces, guttur, laryngem, linguam, palatum & omnes oris partes diffundit. Hinc altius paulum producta in spacium illud, quod intra capitis basim & palatum medium est, distribuitur, & narium venas constringit.

Aliæ plures sunt jugularium propagines, cuiusmodi sex ab utroq; latere recenset Vesalius, quæ media via inter cerebrum & cerebellum, crassæ membranæ suffultæ, ad capitis summum contendunt, ibiq; locum illum constituunt, quem *TORCV-LAR* appellant. Indè enim per tenuem membranam in vniuersam cerebri substantiam disperguntur, & juxta glandem tenuissimè dissectæ, contextum illum efficiunt, quem *Χωρεϊδης* nominant.

Exactior doctrina de vasis cranium ingredientibus, petenda est ex 14.

capite libri 3. operis
Vesalij.

CAVE

Cava vena series infra Iecur.

Propagatio venarum à Iecore deorsum descendendum sic se habet. Magnus truncus venæ cavæ à jecore, cui innasci eum dicebamus, ad medium dorsi oblique abscedens à jecore, secundum rectitudinem spinæ deorsum fertur: Ac primum sinistri renis, deinde etiam dextri tunicæ, exiles quosdam furculos porrigit. Vbi verò mediæ vertebrarum sedi innititur, duas amplas propagines utrinque in corpora renum mittit, quas Emulgentes venas vocant, quod per eas ferofum excrementum renes ad se trahant, & quasi emulgeant. Harum dextra ferè elatior est, sinistra depressior, qui situs in renibus etiam observatur.

Ab emulgente sinistra, vas quoque seminarium sinistrum propagatur, At dextrum, non ex vena emulgente, sed ex venæ cavæ trunco, sub venis emulgentibus producitur. Hæc vasa seminaria lumborum musculis instrata, deorsum supra pubis os feruntur, multisque anfractibus testes adeunt. In mulieribus ad ossa pubis non perungunt, nec ex-

nec extra Peritonæi cauitatem elabuntur.

Porro in hac lumborum regione, per multi rami à vena caua in spinalem medullam distribuuntur; per foramina, neruis in vertebrarum lateribus exsculpta: Item in abdominis & lumborum musculos.

Ad ossis sacri initium vena caua arteriæ magnæ cedens, ipsi se substernit, ibiq; in duos magnos æquales truncos diuiditur, qui singuli deinceps in progressu alias propagines ex se mittunt, quas priusquam ad crura perueniant, vicinis membris impartuntur, nimirum ossis sacri & abdominis musculis, recto intestino & podici, in quibus illæ numerantur, quas Hæmorroidas propriè appellant, vesicæ, eiusq; ceruici, fundo, ceruici vteri, ac peni.

Præter dictas modò propagines duæ venæ ab vnoquoq; trunco ad crus descendunt; quarum vna in prioris femoris musculos absumitur: Altera ampla ac manifestà, supra genu tripartitò finditur, & vnum quidem ramum mittit per interiorem tibie regionem, versus interiorem malleolum. Hanc venam Saphenam vulgò vocant, & potissimum in vteri affectibus secare solent Medici. Alterum ramum in

T

popli-

poplite reconditum, in posteriores cruris musculos distribuit, Tertium per externam tibiā versus exteriorem malleolum deducit. Hanc *ἰχθυοπικὴν* vocant, quod in coxendicis affectibus secari soleat. Hi tres rami à maxima vena crus adeunte deriuantur, ea ferè parte, qua illa inter duo inferiora ossis femoris capita in poplite latet.

Verùm cum hi, qui ad malleolos & pedem sub cute propagantur, non solum in diuersis corporibus, sed etiam in vnus hominis dextro ac sinistro crure, varios ac differentes ductus habeant, qui secandi gratia eos inuestigare volet, commodissimè faciet, si vinculis crura intercipiat, ac pedes in calidam aquam mergat. Eadem in manibus est ratio.

Recentiores Medici pleriq; alias duas superficiarias venas in pede secare solent. Harum alteram iuxta magnum digitum exporrectam, Apoplecticam vocant: Alteram iuxta paruum digitum, Renalē. Sed præterquam quod periculosum est, illas venas secare in pede, propter neruorum tendinumq; in illa parte concursum, minus etiam promptè sanguis ex ipsis educitur. Quò enim longius procurrunt, eò

arctio-

arctiores fiunt. Cumq; hæ omnes magna ex parte ortum habeant à magna illa propagine, quæ à magno trunco per inguina femoris, genu, ac tibiæ inferiorem sedem ad pedium deducitur, nihil opus est, remotas ac paruas venas confectari, cum sine periculo grandiore ipsam propaginem secare liceat, ad internam genu sedem, vbi satis conspicua esse solet, si nimius adeps, aut assidua cruris deligatio eam non occulret. Eadem causa est, cur & tutior & expeditior phlebotomia sit, sectis cubiti venis, quàm extremæ manus.

DE R F N I B V S.

C A P V T X C V.

REnum actio est, vt serosum ac biliosum excrementum, non solum ex vena caua, sed etiã ex magna arteria, propria & innata sibi facultate, per emulgentia vasa exugant, idemq; transcolatum per vtreteres in vesicam, ceu peluim quandam subiectam demittant.

Vt autem celerius sanguini hoc excrementum adimerent, quàm fieri poterat proximè epati natura eos collocauit, ad spinæ

latera, circa decimam, vndecimam & duodecimam vertebram, ea parte, qua costae in posteriora maximè curvantur, proximè sub diaphragmate.

Dexter sinistro ferè sublimior est: Contingit tamen interdum sinistrum dextro sublimiorem esse. Aequalem certè situm nunquàm habent, ne è directo inuicem oppositi, alter in contrarium reuellens, actionem alterius impediret.

Gemini facti, vt altero cessante aut morbo impedito, alter agat, assiduaq; fiat serosus huius excrementi, cuius permagna copia in venis semper colligitur, expurgatio. Non tamen ita exactè vinquàm expurgatur, quin eius semper aliqua pars maneat in venis sanguini pro vehiculo admixta, quam emissio & concreto sanguini innatare videmus.

Carne præditi sunt densa, solida ac dura. Talis enim erosionibus tenuis excrementi minus est obnoxia, & tenue excrementum minus effluere & transcolari sinit.

Superficiem leuem ac lubricam sortiti sunt, & reguntur duabus tunicis, quarum interior, quæ ipsis adhaescitur, vt jecoris & lienis, tenuis admodum est & simplex, produciturq; à venis & arterijs ipsos aduentibus.

bus. Exterior tunica à Peritonæo prognata, quæ renum fascia dicitur; frequentibus venis & multa pinguedine abundat, quæ renibus omnia pro fomento sunt.

Nervorum quoq; à sexta coniugatione deductorum, exilis quædam portio renibus offertur, quanta videlicet sufficit ad molestantium rerum dignotionem.

Quod ad figuram Renum attinet, crassi & oblongi sunt, anteriore & posteriore parte compressi. Interna sede, qua emulgentia vasa admittunt, cavitatem habent medio tuberculo diremptam. Externa sede gibbi sunt, ac orbiculares. Fibras, quemadmodum & jecur & pulmones, nullas habent, sed vasorum, quæ ad ipsos perveniunt, fibræ, attractionem, retentionem, ac expulsionem eorum adiuvant.

Perueniunt autem, vt antea diximus, ad Renes transuersim ex vena caua, venæ emulgentes, Et simili ductu ex magna arteria sub venis protensæ arteriæ. Hæc vasa priusquam renes ingrediantur, in duos truncos singula diuiduntur, Ingressa verò in vnum membranosum corpus degenerant, constituuntq; vnum concauum sinum. Hinc deinceps in anteriorem & posteriorem partem, per medium renis corpus ra-

mi complures producuntur, qui tandem inter se rursus coeunt, & inter se commiscuntur. Hic sinus vnà cum ramis, sanguine seroso & aquoso plenus semper inuenitur: Sed quod sanguineum est, à Renum substantia attrahitur, & in nutrimentum vertitur: Serosum verò in alterum sinum colligitur, qui eo loco consistit, vbi dictum membranofum corpus, corpori Renum non adnascitur. Estq; hic sinus exanguis, & ferè adipe duriusculo infarctus, initium meatuum vrinariorum, vnde nonnulli colatorium vrinae, & operculum vreterum vocant.

Porro *gēnītes*, seu meatus vrinarij, vrinam in vesicam longius à renibus semotà deducentes, venis perquam similes sunt. Constant enim vna simplici tunica, sed vrenarum tunica paulò duriore, nec fibris vllis prædita. In progressu adnascuntur peritonæo, & alteram tunicam ab eo assumunt. Inferuntur tandem in vesicæ partem posteriorem, non procul ab ipsius ceruice. Ac primo quidem obliquo ductu aliquamdiu sub exteriori vesicæ tunica feruntur, priusquam in cauitatem ipsius penetrent, quod eò conducit, ne vesica nimium distenta, vrina in eisdem meatus regurgitare possit.

D E

DE VESICA VRI- naria.

CAPVT XCVI.

Vesicam natura construxit, vt destillans paulatim à renibus vrina in ea coaceruaretur, ne assidue eam reddere cogermur. Collocauit autem in infimo ventre, sub osse pubis propè siccorum excrementorum receptacula. Incumbit enim intestino recto, nisi quod in mulierum corporibus medius interiacer vterus.

Formam habet sphericam oblongam. Partem eius sublimiorem amplioremque fundum appellant, humiliorem verò vel angustiolem ceruicem seu collum vocant.

Constat vna simplici membrana, triplici villorum genere intertexta, tegiturque tunica à peritonæo assumpta, à quo productæ etiam membranæ ipsam intestino recto, in mulieribus vtero, & ossi pubis annectunt.

Ceruix, qua vrina redditur, musculo orbiculari cingitur, vt intestini recti extremum. Huius musculi opera ceruix constringitur, ne præter arbitrium nostrum inopportuna fiat vrinæ excretio. Fœminis cer-

T 4

uix bre.

uix breuior est, maribus productior. Pro-
minet enim ipsis infra os pubis, & ligamen-
tosis penis corporibus, de quibus post age-
mus, connascitur.

DE NOTIS TEM- peramenti epatis.

CAPVT XCVII.

Communia omnia nutritionis organa
nunc recensuimus, eorumq; vsum, stru-
cturam ac compositionem explicuimus. Si
quis volet ea commodè distinguere, pote-
rit duas eorum differentias statuere. Que-
dam enim concoctioni ac distributioni com-
munis alimentī præfecta sunt, vt: Venti-
culus, Intestina, Venæ Mesenterij, Epār,
Vena caua. Alia expurgandis, deducen-
dis & excipiendis excrementis destinata,
vt: Lien, Vesicula felleis, Renes, ὑδρῆρες,
vesica urinaria.

In his omnibus principatum tenet E-
par. Præcipuus enim fons est, à quo san-
guis, nutritionis materia, in corpus vniuer-
sum promanet. Quare natura ipsius peni-
tus nobis est perspicienda, atq; explican-
dum, qua ratione temperamentum quoq;
ipsius

ipsius, in quo omnis facultas ipsius potissimum consistit, inuestigari debeat.

Imprimis itaq; vt supra in temperamenti monuimus, cum internarum partium temperamenta inquireremus, inspiciendæ sunt propriæ ipsarum actiones seu opera.

In epate itaq; primò consideranda est sanguinis & excrementorum, quæ in ipso generantur, natura: Similia enim omnia generare solet, ac suo temperamento conuenientia. Temperatum jecur, sanguinem & excrementa omnia gignit quantitate & qualitate mediocria. Calidius, calidiorem sanguinem generat, tum flauam bilem, tum atram copiosiore. Frigidius verò, sanguinem frigidior, ac plus pituitæ gignit. Humidius, sanguinem magis copiosum ac liquidior: Siccus, paucior ac crassior producit.

Porro Epatis sanguinisq; temperamento, totius corporis temperamentum, color, & habitus respondere solent, nisi cor obstitit. Id enim cum præcipuus sit caloris fons, si temperato corde calidius fuerit, Epatis sanguinisque frigiditatem perfacile obrundet, totumq; corpus calefaciet. Si frigidius fuerit, id est, minus quam pro na-

T

tura

tura sua calidum, sic quoq; Epatis sanguinisq; caliditatem enincet, ac reliquum corporis habitum refrigerabit, nisi epatis caliditas admodum fuerit intensa, quod raro admodum accidit. Siccius cor epatis humiditatem, vtcunq; vincet. At si humidius fuerit, epatis siccitatem ad contrarium habitum transferre nequit.

Corde verò non obsistente, totius corporis temperamentum, cum epatis sanguinisq; temperamento consentit, quod supra ostendimus tactu judicari debere, præterea etiam signis, quæ ab habitu, colore, & pilis sumuntur. Ostensum est autem carnosum corporis habitum, quem *πλύσπερον* nominant, à sanguine ac temperamento calido humidoq; proficisci, Carnosum verò ac pinguem simul, ab humido & frigido, Gracilem à sicco. Item, humidi corporis partes omnes similes molliores esse, sicci verò duriores. Colorem porrò à sanguine & temperamento frigido album gigni, à calido verò, tum rubrum tum nigrum.

Signa verò quæ à pilis sumuntur, maximè hic in hypochondrijs, vt in partibus epar continentibus obseruanda sunt. Calidi enim Epatis hypochondria hispida sunt, præsertim si cum caliditate siccitas etiam

iam coniuncta fuerit : Frigidi verò & humidi Epatis hypochondria glabra sunt.

Cum autem venæ omnes ab Epate producantur, eiusq; naturæ respondeant, rectè quoq; ex ipsis de Epatis temperamento iudicamus. Amplæ enim venæ caliditatis, angustæ frigiditatis significationem præbent. Calor enim in prima generatione vasa distendit ac dilatat, Frigiditas contra constringit coarctatq;. Molles venæ humidi, duræ sicci temperamenti sunt notæ. Ad superius commemorata signa, accedit etiam morborum alterantiumq; causarum observatio. Temperatum Epar morbis omnibus ex æquo resistit. Intemperatum similibus morbis facilius afficitur, Calidum calidis, Frigidum frigidis. Calidum & humidum putridis morbis totum corpus maxime facit obnoxium. Humiditas enim prima, caliditas secunda putredinis causa existit. Quæ autem intemperata sunt, juvantur alterantium causarum contrariarum moderato usu.

DE ORGANIS Generationis.

CAPUT XCVIII.

Que-

Quomodo singula corpora nutritione aliquandiu sustententur, atq; ad justā senectutem perducantur, supra demonstratum est. At cum omnia caduca ac mortali materia constent, interitusq; sui causam insitam habeant, sapienter natura providit, ut quod singulari substantia conservari nequit, specie saltem permaneret.

Ac primum quidem maris foeminaeq; sexus, quos in plantis confudit, in animalibus discrevit ac distinxit. Et marem ita condidit, ut esset animal, à quo motus & procreationis principium in alterum manaret: Foeminam verò, quæ illud suscipiens, materiam vberiolem adjiceret, atq; in seipsa gigneret.

Materiam autem generationis, motusq; principium semen appellari, eiusque generandi facultatem solos testes habere, atq; idcirco etiam inter membra principalia numerari diximus.

Conceptum semen fouet enutritq; foeminae uteris, donec tandem in perfectum animal euadat. Vtvero autem testes & vasa seminaria addita sunt, ex quo apparet, seminis portionem aliquam à foemina quoque derivari, & cum maris semine commisceri.

In ma-

In mare verò quomodo se habeant generationis organa, primum consideremus.

Cum venis seminalibus, quarum propagationem nuper ostendimus, concurrunt arteriæ, vtrinque à magnæ arteriæ trunco productæ. Duplicia hæc vasa ita coniuncta, nempe vena & arteria, vasa seminaria præparantia vocari solent, quod succum, ex quo semen conficitur, testibus apportent, & quodammodo præparent. Feruntur autem extra peritonæi cavitatem, supra os pubis deorsum circa inguina, & priusquam testem attingant, corpus efformant varicosum, quod Græci *κισσος* ἢ *παρὰ τὴν κισσὸν* nominant. Hoc ipsum superiori testis parti inferitur, ac variè in ipsius substantiam distribuitur, intimæ quoque ipsius tunicæ ramos plurimos offert.

Testium verò substantia alba, mollis, lactea, ac glandulosa, propria ingenitaque vi attractum succum in semen commutat. Forma ipsorum rotunda ac oblonga est.

Posteriori ipsorum sedi, aliud validum quoddam vas adnascitur, confectum semen excipiens. Et initio capreoli instar intortum, deindè instar nervi teres, Deferens appellari solet. Ascendit autem eadem via ad peritonæi cavitatem, qua seminalis

nalis vena & arteria prius descenderat, ac inde rursus deorsum ad pubis os reflexum, posteriorem vesicæ sedem accedit, ibique cum alterius lateris vase vnitum, in vesicæ cervicis radicem inseritur.

Eodem insertionis loco, glandulosum quoddam corpus cernitur, quod Græci *ἀδλωειδὴν παρὰ στήνιν* nominant, quod inter secundum semine plenum est. Conducit autem potissimum, ad humectandum communem urinae seminisq; meatum, qui ab hoc glanduloso corpore incipiens, primum deorsum modicè fertur, ac mox sursum rursus ad mediam pubis regionem recurrit, ibiq; corporibus illis subnascitur, quæ ad penis constitutionem utriusque ex osse pubis producuntur.

Constant autem hæc corpora, substantia quadam, quæ ad ligamenti, vel potius papillarum naturam proximè accedit, suntque caua & fungosa, ut spiritu impleri, extendique ac laxari facilius queant. Crasso sanguine semper plena reperiuntur. Perueniunt enim ad ipsa plurimæ venæ & arteriæ, sed qua via ea ingrediantur, sectione vix deprehendi potest. Recipiunt etiam nervos ab infima parte ossis sacri: Item musculos ab osse pubis, & ab orbiculari
muscu-

musculo intestini recti explantatos, quæ tandem omnia carnosâ membrana & cutē teguntur.

Extrema sui parte in acutum desinunt, sed obnascitur ipsis carnosâ quædam substantia, quam glandem nominant. Hæc totum communem meatum ambit, ac primum quidem ampliorem efficit, sed rursus angusto foramine coarctat, quo fit, ut Gonorrhæa laborantes, hac parte ulceribus magis infestentur, propter seminis ibi hærentis acrimoniam. Idem accidit quoq; inter anum & testes, eo loco quem Perinæum nominamus, propter eum, quem diximus modò, meatus ad superiora reflexum.

Integuntur testes tribus tunicis, Intima, quæ testis substantiæ proximè adnascitur, crassa, dura, validaq; membrana *ἡ δὲ διδυμὴ καὶ δακτύλιος* græcè nominatur: *διδυμὸν* enim illi testem appellant. Hæc substantiam testis mollem ac sequacem continet, ac vasorum, quæ ad testem perueniunt insertionem connexumq; firmat.

Altera huic proxima, ab exiliū venarum frequentia & adnata carne rubens, *ἐπὶ τῇ θροαιδῇ* dicitur, quæ à peritonæo pronascitur. Vasa enim seminalia, qua parte externa peritonæum præsidunt, comitatur, cumq;

cumq; ibi laxata ac rupta est, ramicosis affectibus occasionem præbet. Testi nunquam adnascitur, præterquam inferiori sedē, quæ carnosa est, quo loco Vesalius testis musculum esse vult; quem veteres *κρημυστήριον* appellauēre.

Tertia extimaq; tunica, quam Græci *ὄρχιον*, nos scrotum appellamus, neutrius testis propria, sed vtriusq; communis, producitur ex cute & carnosa membrana, quæ hoc loco tenuior est, quàm in reliquo corpore, sed venis pluribus intertexta.

DE VTERO.

CAPVT XCIX.

Vterus organum concipiendo semini formandoq; fœtui dicatum, inter vesicam & rectum intestinum repositus est.

Duæ potissimum in ipso, vt in vesica partes notantur: Fundus, & ceruix vel colum. De fundo agamus primum.

Constat vna simplici ac crassa tunica, rota quidem membranosa ac ieruea, sed exili etiam carne intertexta. Fibras habet omnis generis: Rectas, quibus semen attrahit, intimas easdēq; paucas; His succedentes ob-

tes obliquas plurimas. Conceptum enim semen diutissimè retineri debet. Transuersæ, quibus in expellendo foetu utitur, extimæ sunt. Vteri fundus, quò à foetu vel alia causa magis extenditur, eò magis attenuatur.

Obducitur ei & altera tunica, à peritonæo exporrecta, sed anterior. Posterior superiorq; ipsius sedes, partibus quas attingunt non adnascuntur, latera tamen membranis vasa vtero deducuntibus, peritonæo annectuntur. Liberum enim ac laxum ita esse conueniebat, ut vna cum foetu ad umbilicum & ilia vsq; commodè distendi, ac rursus in se concidere, atq; ad illam angustiam redigi possit, quæ ad amplexandum, omniq; ex parte contingendum semen est necessaria.

In quibusdam mulieribus, præsertim ætate prouectioribus, fundi vteri orificium prælaxitate ad cervicis vsque os prolabitur, quem morbum vteri procidentiam nominant.

Superior vteri pars, vitulinæ fronti noua cornua producenti non absimilis, duos obtusos angulos profert, quos cornua appellant. Hæc vasorum muliebri semen deferentium insertionem excipiunt.

V

Inte-

Interior fundi superficies vnus est simplex sinus, nequaquam, vt in canibus suisq; pluribus cellulis diremptus. Infima eius pars, perindè vt penis glans obtusior, exigua quadam rima per transuersum est perforata, eaque in ceruicis amplitudinem prominet. Hanc rimam orificium vel os vteri appellant: Semper conuiet clausumque manet, præterquàm quando naturali minimeque arbitrario instinctu semen admittit, aut foetui mensibusque iter præbet.

Ceruix vel collum vteri, altera vteri pars, teres est, minusq; quàm fundus rotunda, ac si cum fundo conferatur in non prægnantibus, amplitudine ipsi non cedit. Vesicæ ceruicis insertionem anteriori sede paulò supra ipsius orificium excipit.

Substantia eius valdè affinis est ei, ex qua corpora penem efformantia constitui dicebamus. Ne verò frigus facilè ad vterum pertingeret, ceruix rugis multis implexa est, & orificio eius Cutaneæ seu Coreacæ quædam carunculæ adnascuntur, Græci *ρυμφήν*, Latini colliculos & alas vocant. Hæ quibusdam mulieribus ita intumescunt, vt non nisi præcisione earum curari queant.

Nerui

Nervi plurimi in totum uterum, sed maxime in cervicem eius exactioris sensus causa deducuntur.

*De uteri vasis, & membranæ
fœtum involuentibus.*

In uteri fundum & cervicem, venas plurimas distribui, ex venæ cavæ descendentiæ propaginibus, supra ostensum est. Hæ communi officio in non prægnantibus uteri corpus nutriunt. Quod verò superflui sanguinis mulieribus redundat, id tantisper conseruant, dum per menstruas purgationes excernatur.

Gale. in com. sexto Apho. lib. 5. scribit, menstruas purgationes, quæ gerentibus uterum accidunt, fieri per venas, quæ ad uteri cervicem pertinent, quod ab ijs, quæ ad fundum perueniunt, loci seu membranæ fœtum involuentes dependeant. Vesalius hoc Galeni dicto admonitus, cum animaduertisset, venas ad fundum pertinentes admodum exiles esse, eas verò quæ ad cervicem, & infimam fundi sedem perueniunt, mediocriter crassas, constituit, etiam in non prægnantibus potiore menstrui partem per has euacuari.

Arabicorum scriptorum nonnulli, in virginibus circa vteri cervicis medium, exilem quandam membranam esse volunt, venulis conspersam, eam Hymen vel ὑμηνάιον appellant, putantq; sanguinis profusionem ab huius membranæ ruptione in primo congressu proficisci. Sed certum est, eam non ob aliam causam fieri, quam quod cervicis latera, quæ in non expertis Venerem arctius prius connebant, & quasi conglutinata erant, tum primum diuellantur.

Venas ubiq; hic conicomitantur, similiq; ductu ad vterum perveniunt, arteriæ.

Cum verò hæc vasa longius se in conceptum iam semen extendunt, atq; in secundinam disperguntur, Hippocrati & veteribus omnibus *ἡδυνες*, id est, acetabula dicuntur, quæ vox indè ducta videtur, quod in quibusdam animalibus animaduersum sit, cum abrupta secundina recens peperissent, vasorum in vterum desinentium extremitates, hemisphæricas quasdā cavitates repræsentasse, quasi in internâ vteri superficie omnibus locis medietas pisæ impressa fuisset.

Porrò à superficiali seminis parte tria illa involucria, quibus intectum fœtum esse videtur

videmus, generantur. Horum primum extimumq; latini secundinam & locos nominant, Græci *χώραιον*. Est insigniter crassum, & lienis modo nigricans, non omniquidem ex parte, vt putamen nucleum, sed tantum latioris cinguli modo fœtum inuoluens. Externa sua superficie vtero, Interna secundo inuolucro adnascitur. Vt sus eius est, vt vasa in vteri fundum pertinentia, & inde productos *κατηληθώνας* excipiat, cumq; variè in ipso dispersi sint, omnia tandem in duas venas totidemq; arterias colligat. Hæc vasorum collectio umbilicus dicitur, penetratq; secundam ac tertiam membranam, ac tandem medio ventri fœtus inseritur. Indè verò vena Iecori offertur. Arteriæ verò magnæ arteriæ propaginibus, per ossis pubis foramina descendentibus, implantantur.

Secundum inuolucrum mera est membrana, à crassioris farciminis specie Græcis *αμεινωειδής* dicta. Hæc totum fœtum ambit, & quatenus à secundina comprehenditur, validissimè ipsi adnascitur. Alijs locis vterum tantum contingit, nequaquam verò ipsi adnascitur. Ab vtero quoq; vasa nulla immediate recipit, sed tantum à secundina exiles quasdam venas & arterias

exporrectas habet, quantum ad nutritio-
nem ipsius sufficit.

Tertia intimaque membrana, secun-
dinæ substantia & forma persimilis est, nisi
quod non ita ampla sit, & tenuior multo,
vnde & ἀμνιόν, id est, Agnina à tenuitate
dicta est. Hæc vtraque superficie tota levis
& lubrica, nec ἀλλαντοειδής, nec foetus ad-
nascitur, nisi solius vmbilici interuentu. In-
ter hanc & foetus cutem, sudor foetus, co-
piosum & pingue excrementum, contine-
tur. In altero verò spacio, quod inter
hanc & ἀλλαντοειδής medium existit, vri-
na foetus colligitur, ne ea foetum continge-
re, & acrimonia sua cutem eius erodere aut
exulcerare queat.

Mirabili autem artificio in hoc spacium
per vmbilicum deducitur meatus ille, quò
à deferenda vrina ἔσχατον vocant, à supe-
riore regione fundi vesicæ ad vmbilicum
exporrectus. Vrina hæc paulò antè par-
tum profluens, cervicem vteri lubricat,
ac foetui faciliorem exitum parat. Eodem
etiam conducit alterum illud excre-
mentum, quod sub tertia mem-
brana contineri di-
ximus.

DE CON.

DE CONCEPTIONE,

& genitalium membrorum temperamenta.

CAPUT C.

CVM ad generationem Maris & Fœminæ congressus sit necessarius, non satis erat ad humani generis propagationem, generationis organa, ita ut diximus, in utroque sexu constructa esse, nisi iisdem libidinis stimulum quendam natura addidisset, quo diuersi sexus homines incitati, mutuum congressum appeterent. Est autem hæc libido vehemens quædam exagitation, à seminis ardore proficiscens, dum id vniuersum corpus perturbans, ac veluti turgens, excerni desiderat.

Plato in Timæo virorum pudenda, hæc libidine incitata, comparat animali furioso, quod nulla ratione frenari se patitur. Similiter & mulierum Vterum appellat animal generandi avidum, quod si intempestiue ac diu à generando absteat, plurimum indignetur, ac moram ægré ferat. Quæ verò incommoda à semine præter naturam rerento, tum viris tum mulieribus accidunt, commemorat Gal. lib. 6. de locis adf. cap. 5.

V *

Ad

Ad conceptionem porrò hæc concurrunt. Viris ligamentosa ac fungosa penis corpora spiritu implentur, penis arrigitur, & seminis viæ distenduntur. Testiculi, & prodeuntia ab ipsis vasa, libidine irritantur, quâ ipsis affert collectû in ipsis semen, calore & spiritus vbertate turgidû. Auget verò eam ac credo serosæ illius humiditatis, quæ semini adiuncta est, & locorum per quæ eijcitur, insignis sensibilitas, celeritatem verò promonet eorundē locorû lubricitas, à corpore glanduloso procedens. Cumq; in extremum cervicis vteri exiliit semen, tum simul vteri fundus validus, inanis & appetens, naturali quodam motu totum se in cervicem prouoluit, ac referato orificio obuium semen ad se rapit, arreptumq; auidissimè continet, omniq; ex parte comprehendit, eodem orificio mox rursus arctato, vt ne minimum quidem dehiscere, obstetricum tactus interdum etiam deprehendat.

Cæterû hæc attractio & retentio, conceptio non dicenda est, nisi simul fœtus etiam generandi facultas in semine delitescens, ab vteri natura excitetur. Semen enim quod vno aut altero die contentum, immutatum elabitur, aut quod diutius etiam retentum generandæ molæ causam præbuit, non magis con-

gis conceptum fuisse existimandum est, quàm cibus in ventriculo concoctus, qui aliquandiu postquàm assumptus est, crudus, vel in alienam naturam mutatus, excernitur.

Ad veram autem conceptionem necesse est, vt virile semen sit fœcundum, quatuor primis qualitatibus benè temperatum, prætereà substantia & quantitate moderatum, nec nimis sit crassum, nec omninò paucum, sed cuiusmodi à temperatis viris, nec Veneri nimium deditis, emitti solet: Atq; vt id vno imperu, aut saltem non ita multo antè aut post, cum mulieris semine concurrat.

Vterum autem, præterquàm quod repurgatus seminisq; appetens sit, oportet etiam fœcundum esse, hoc est, perindè vt semen quatuor primis qualitatibus mediocriter temperatum. Nam qui iusto frigidior ac densior est, maris semen refrigerat, & ora vasorum obstrueta habet, quo fit, vt fœtus nec tenaciter ligetur, nec liberaliter nutriatur. Calidior, semen torret atq; exurit. Humidior, seminis fœcunditatem, tanquàm terra palustris, extinguit & suffocat, vel semen omninò non continet. Siccior, alimenti copiam prohibet. Sed hæc

V s

de im-

de immoderata intemperie intelligenda sunt. Modicè enim intemperari commode generare possunt, præsertim si cum intemperatis, atq; in contrariam qualitatem pari exuperantia vergentibus, congregiantur.

Mediocris vteri intemperies, artificiosa coniectura ex communibus temperamenti notis colligitur. Vehementem autem ac tantâ, quæ sterilitatis causa est, Galenus eo vno signo deprehendi posse putat, quod Hippocrates prodidit Aphor. 59. lib. 5. Si suffitus aromatum ad os & nares non penetraret. Nimia enim vteri caliditas, aromatum qualitatem vincit ac corrumpit, quo minus sincera ad os & nares per corporis inferiora feratur. Frigiditas autem densitatem inducit, nec omninò sursum vapores efferri sinit, Idem quoq; facit siccitas. Humiditas, vt semen, ita & aromatum qualitatem extinguit.

Virilis seminis natura, sanguinis totiusq; corporis & maximè testium naturam sequitur. Rarus corporis habitus, siccitatis est causa. Cum enim in raris corporibus plurimum transpiret, necesse est, sanguinem & semen ad paucitatem redigi. Rursus autem crassa ac pituitosa corpora,
vt san-

ut sanguinem ita & semen habent lentum ac crassum, & ad excernendum minus aptum. Calidum testium temperamentum maximè ad Venerem est proclive, præsertim si siccum etiam fuerit, Frigidum maximè effæminatos facit, atq; ad Venerè ineptos, præsertim si siccum etiam fuerit. Humidum seminis plus habet, & Venerè facile sustinet. Siccum minus habet seminis, idèq; crassū, & à Venere immodica facile lèditur.

Pili quoq; quibus femora inguinaque obsita sunt, temperamentum testiculorum arguunt calidum, juxta regulas suprà traditas. Aërius robur testiculorum significari scribit, si serotum cum inferioribus tunicis validè annexum, totumq; strictum & compactum fuerit.

DE FORMATIONE fœtus, motu, & situ.

CAPVT CI.

Fœcundum ac temperatum virile semē, exangue, crassum, cohærens est, & si cum sanguine reliquo conferatur, magis illo calidum & humidum, magisq; aërium. Si vtero fœcundo concipiatur, eiusque calore

lore excitetur, primum foemineum semen minus crassum & calidum sibi assimilat, vel potius penitus ipsi permiscetur. Copiosior huius rei explicatio est apud Galenum, in com. 63. & 64. lib. 5. Cumq; partibus dissimilaribus praeditum sit, quicquid in eo calidum magis est ac spirituosum, in intimam ipsius sedem sese recipit, crassioribus ac terrestribus ipsius partibus vndiquaq; ipsum ambientibus ac circumuallantibus. Hæ porro cum ab uteri calore magis siccescunt ac indurantur, perinde ut placenta in furnum coniecta, membranarum, de quibus supra egimus, formam contrahunt. Quod verò intus conclusum est, concepto tum calore vberiore, tum spiritu, turgescit.

Hic spiritus præcipuum generatricis facultatis instrumentum, vniuersam feminis substantiam peruadit, eamq; non solum alterat, sed partes etiam omnes intimas extimasq; conformat, easdemq; postea, quando vita hominis manet, fouet ac conseruat. Quod itaq; ante simplex erat semen, nunc naturæ rationem obtinet, fitque ἐμβρυον quasi ἔσω βρύον, id est, intus germinans seu pullulans. Quæ enim prius in semine sopita erat naturæ vis, tum demum ad agendum excitatur.

Ac

Ac primum tres manifestas bullas in semine constituit, trium principalium membrorum, Iecoris, Cordis, & Cerebri rudimenta.

Cum autem conceptum semen ad futuri foetus formationem nutriri ac augeri oporteat, ex omnibus venis in vterum pertinentibus, & polyporum modo molli adhuc corio cohærentibus, sanguinem, quantitatem & qualitatē conuenientem, attrahit, eumq; in roris speciem conuersum sibi assimilat, atq; ita assidua nutritione incrementum capit. Postea verò siccescentibus ac concreſcentibus membranis, omnes alimenti ac spiritus viæ, in duas amplas venas, totidemq; arterias vmbilicum constituentes, colliguntur.

Huiusmodi opus naturam primis diebus moliri, obseruauit Hippocrates. Initio enim libri de natura foetus refert, conspexisse se prima foetus rudimenta in semine sexto die elapso. Apparebat autem obductum membrana, qualis est interior crudi oui, exteriori putamine detracto. Hæc multis venulis conspersa erat, & in medio, vbi vmbilici adumbratio cernebatur, attenuata quodammodo dehifcebat: Quod verò in ipsa continebatur, multas habebat
albas

albas ac crassas fibras, rubro quodam humore circumdatas. Etsi enim seminis species in eo præpollebat, ob affluentem tamen sanguinem, colorem magna ex parte immurauerat. Huiusmodi igitur est primæ septimanæ opus.

Secunda deinceps septimana, principalia viscera ex bullis modo dictis, conformantur.

Tertia, quarta, quinta septimana, dicta modo principia longiori interuallo se iunguntur, simulq; ex ipsis Venæ, Arteriæ, Spinalis medulla, & Nervi propagantur. Eodem quoq; tempore reliqua viscera, Intestina, Ventriculus, Pulmones, item, Membranæ, Ossâ, ac reliqua similia, conformationis suæ manifestam quandam delineationem sortiuntur.

Sexta septimana, quæ inter spermaticas fibras relictæ erant cavitates, carnosa substantia, lenta ac mucosa impleri incipiunt.

Ad hunc modum, authore Hippocrate, sex septimanarum vel quadraginta duorum dierum spacio, totus foetus, vt cum tardissimè, conformatur. Musculos enim etiam breuiori spacio, nempe triginta dierum, absolui putat. Reliquo tempore, quo vter-

ius ge-

rus gestatur, formata iam membra siccant ac firmanantur, & incrementum perpetuò accipiunt.

Bimestris foetus sæpè conspectus est omnibus parvibus absolutus, ea tamen parvitate, ut dimidij digiti magnitudinem non excederet: In ijs autem caput par auellanae, maius ferè est quàm pro reliqui corporis proportione.

Neq; tamen existimandum est, naturam vno aliquo membro absoluto, certo ordine alterum aggredi. Generatrix enim facultas nusquàm cessat, sed vno eodemq; tempore, postquàm semen conceptum est, assiduè omnes corporis partes distinguit & efformat. Verum præcipuà magisq; necessaria membra, cuiusmodi sunt, Cerebrum, Cor, Iecur, & Membranæ, quibus foetus continetur, citius promouentur, ac celerius formata apparent. Pulmones, Offa, Ventriculus, Intestina, Vterus, quorù nulla in foetu, vtero conclusa, est actio, postremis mensibus primum perfecta apparèt.

Hippocratis quoq; sententia est, viventis foetus motum, primum à gravidia tertio mense percipi, si masculus fuerit, quarto, si foemina. Vulgus tamen mulierù nostrarù, qualiscunq; sit foetus, medio ferè gesta-

gestationis tempore manifestum motum primum sentiunt; atq; ex eo partus tempora computare solent.

Dum vtrero fœtus continetur, nequaquam ita conglobatus est, vt genibus faciem attingat, quæ figura extrema cum sit, omnium maximè est laboriosa, sed eam omninò artuum figuram seruat, quæ inter extremam flexionem & extensionem media est, minimeq; laboriosa.

Nono mense, id est, sub tricesimam nonam vel quadragessimam septimanam factus grádior, & alimento spirituq; egens copiosiore, diutius se concludi non sustinet. Primò itaq; sese inuertit, caputq; orificio vteri offert, cruribus in sublime extensis. Nihil autem inter vertendum rumpitur, cum vmbilicus satis sit laxis, nimirum duos interdum cubitos longus. Fitq; interdum, vt ita inuersus dies aliquot & totum etiam mensem maneat, priusquam partu edatur.

At cum partus tempus imminet, proximam membranâ, ἀμνιον, sua vi perumpit, misceturq; vrina sudori. Os verò vteri quod toto gestationis tempore arctissimè clausum fuerat, paulatim dehiscit, vt obstetrices digitum in id inserentes, tunicam

αὐτῆς

αλλαντοιδοῖν, & aquas ori obuersas, facile percipiant tactu. Acetabula verò vtero adherentia calcitratiōe fœtus diuelluntur, sentiuntq; eo tempore parturientes torsiones magnas ventris; & sanguis in vteri capacitatem defluit. Frangitur postea αλλαντοιδοῖς tunica, cum aqua ex vtero defluit. Laxatis deniq; acetabulis omnibus, quæ vtero adhærebant, prodit tandem fœtus, exciditque vtero tanquàm pomum maturum ab arbore, soluto pediculo.

Quomodo autem per os vteri ita angustum elabatur, nescimus, inquit Galenus, nec aliud quam admirari possumus. Nam, quod Auicenna & alij nonnulli putant, pubis ossa disungi, falsum esse, supra in ossitum historia docuimus. Quamquàm os ὀσφυῖς, ossis sacri extremum & cartilagosum, partui cedere, & nonnihil extrinsecus eueri non negamus.

Ad felicem igitur partum promouendum hæc omnia concurrunt. Fœtus sanus ac validus seipsum inuertit, atq; ad exitum extimulat, membranas & acetabula rumpit. Vteri fundus transuersarum fibrarum actione fœtum propellit, seq; quàm maxime fieri potest, contrahit. Huc accedit voluntarius parientium conatus, contento

X

spiri-

spiritu, depresso diaphragmate, & Epigastrio à musculis ipsius contracto.

Hanc musculorum abdominis compressionem, adiuuat obstetricis manus, cuius officiū his propemodum capitibus continetur. 1. Ut expectet iustum partus tempus. 2. Puerperam rectè collocet. 3. Benè prodeuntem fœtum molliter excipiat. 4. Infeliciter prodeuntem dirigat. 5. Secundinas vtero hærentes suauiter eximat. 6. Recentem fœtum prudenter regat.

DE MAMMIS.

CAPVT CII.

FŒtum, quamdiu vtero continetur, nutriti sanguine per *κρυλληδῶνας* & umbilicum attracto, ex ijs quæ modò dicta sunt, constat. Ne verò edito iam infanti, consuetum maximeq; proprium, ac familiare alimentum desit, singulari prouidentia, ex sanguine modicè mutato, natura lac in mammis generat. Hauriendi verò lactis eximiam quandam facultatem infantibus omnibus indidit, vt in recens natis statim apparet, quibus si nutricis papilla in os inferatur, mox à nemine edocti, lac sugunt.

gūt ac deglutiunt promptissimè. Estq; hoc ipsis in omni dolore non minimū leuamen.

Porro lactis generandi instrumenta sunt mammæ. Harum substantia maxima ex parte glandulosa est, eo temperamento ac facultate prædita, vt adductum in venis sanguinem facilè permutet.

Papillæ vna magna glans præposita est. Huic aliae frequentes parvæ, amygdalarum forma ac magnitudine in circuitu adiacent. Omnes verò duriusculo adipe, præterea etiam venarum & fibrarum, à carnosa membrana productarum, interuentu, sibi inuicem connascuntur. Continentur enim omnes inter cutem & carnosam membranam, vt adeps in reliquo corpore.

In papillæ circuitu, vbi niger ille circulus cernitur, quem φῶς Græci nominant, vulgus coronam, cutis pertinacius maximæ glandi adnascitur, fitq; tenuior ac fungosior, papillæ similis.

Est autem papillæ substantia media inter cutaneam & neruosam, & intus vt penis spongiosa, quo & turgere facilè, & concidere potest. Sensu autem exactiori prædita est, vt ex titillatione & suctu infantis voluptas quædam matri oboriretur.

Venæ, ex remotis & longinquis parti-

X a

bus,

bus, multis anfractibus ad mammas perueniunt, nimirum, ut sanguis, lactis futuri materia, commodius ita præparetur, non aliter quàm feminis materiam in flexuosis spermaticorum vasorum ductibus præparari ac elaborari diximus.

Est autem harum venarum triplex origo seu radix. Vna à ramo axillaris venæ, musculos pectoris, ac deinde mammas adeunte. Altera à ramo axillaris venæ summum humerum petente, ac deinde in mammarum cutem descendente. Tertia ac præcipua radix sunt venæ & arteriæ, à jugulo deorsum sub pectoris osse expositæ, atq; inter cartilaginum interualla, in pectoris musculos, & totam mammillarum substantiam variè excurrentes.

Cœterum, cum nihilo minus sub rectis abdominis musculis deorsum descendant, circa umbilicum ijs venis & arterijs occurrunt, quæ à magnæ venæ & arteriæ truncis, per inguina ad crura descendantibus propagatæ, fursum ascendunt, iisdemque per laterales *αγγειόκομοι* penitus implicantur. Ex quo ascendentium & descendentium venarum circa umbilicum congressu & implicatione, mirabilis ille inter uterum & mammas consensus existit, ut
sanguis

sanguine in alteram partem immodicè fluente, altera sanguine destituta labescat, & ut sanguis ab alimento foetus in venis redundans, sursum regurgitans in mammas influat, editi foetus alimentum futurum. Hinc illa menstrui sanguinis & lactis affinitas tanta, ut Hippocrates alterum alterius germanum appellet. Explicantur hæc exactius in comment. super Aphor. 37. & 38. Item 50. 52. 53. lib. 5.

Mammæ utrinq; in anteriore Thorace collocatæ sunt, quod locus alius aprior illis non reperiretur, & ut pectori ac cordi pro munimento essent. A cordis autem calore, & thoracis motu, vicissim hoc commodi accipiunt, quod facilius sanguinem ad lactis generationem alterent concoquantq;.

Viris nullæ, aut perquam paucae, eademque aridæ glandulæ in mammis reperiuntur.

Iuenculis, priusquam generationi aptæ fiant, compactæ sunt ac duræ, nullo lacteo humore imbutæ. Mulieribus gravidis ultimo mense impleri incipiunt: Item lactantibus nouo lacte assidue humectantur, vnde etiam postea molles ac fungosæ redduntur, ac sensim propendent & flaccescunt, adipe illo duriusculo sustentare eas non valente.

DE VITALI FAC-
cultate, & quomodo ab alijs
facultatibus differat, quæ sit ipsius
sedes, & à quibus causis im-
pellatur.

CAPUT CIII.

CORporum nostrorum triplicem esse substantiam, solidam, humidam & spirituosam, eamq; natiui caloris vi perpetuò defluere ac dissipari, sed triplici rursus alimento, cibo, potu, & aëre nutriri ac conservari initio, priusquam internarum partiū structuram aggredieremur, propositum est.

Tractauimus autem primò de illa nutritione, quæ cibo & potu fit, & propriè nutritio dicitur, explicuimusque trium facultatum naturalium, Nutricis, Austricis, & Generatricis actiones omnes & opera. Nutricis quoq; & Generatricis organa inferiori ventre conclusa; quibus videlicet natura ad communis alimenti, ex cibo & potu facti, concoctionem ac distributionem, item ad excrementorum expurgationem, & ea, quibus ad hominis procreationem generisque propagationem vtitur, ordine

dine Anatomico persecuti sumus, atque in singulis, quæ esset structuræ & compositionis eorum ratio, ostendimus. Proximum est, ut de vitali facultate similiter agamus, eiusque organa cavitatem thoracis contenta explicemus.

Inprimis illud statuendum est, Animantia vitam multo excellentiorem quam stirpes possidere, cuius causa est, non ea, quæ à cibo & potu fit nutritio, sed vberior quidam calor ac diuiniior, quem idcirco etiam vitalem nominant. Insitus est omnibus corporis particulis, sed in corde abundat maximè, atque inde in reliquum corpus diffunditur.

Facultas hunc calorem conseruans, vitalis dicitur, & rectè eam Medici à naturali animalique facultate distinguunt, & tertium quoddam genus ex ea faciunt. Non enim nutritioni dicata est, nec in stirpibus reperitur, ut naturalis, nec motu voluntario regitur, ut animalis. Prætereà illis sæpè læsis, hæc integra manet, ut apparet in partibus per Paralyfin sensu motuque priuatis, item, in Atrophia laborantibus, in quibus tamen vita & vitalis facultas integra manet. Quin etiam in pestilenti-
bus febribus vitalē facultatē vehementer le-

di contingit, reliquis non ita grauitè adfectis.

Huius facultatis non solum præcipuum instrumentum, sed sedem quoque primariam ac fontem esse Cor, declarant, perpetuus ipsius & arteriarum motus, ac perennis spirituum procreatio. Cum enim hæ actiones cordis sint propriæ, facultas sanè, quæ ipsarum efficiens causa est, propriè quoq; cordi assignatur.

Porro causæ, facultatem ad prædictas actiones impellentes, tres sunt, refrigerationis, idonei alimenti spiritus, & fumosæ exhalationis perpetua necessitas. Cum enim vitalis calor, in tenui consistens substantia, spiritus quidam sit, flammæ omnino similis, quibus de causis flammam quauis conseruari & extinguere videmus, iisdem quoq; de causis calorem hunc vitalem extinguere existimandum est. Apparet autem flammam, in medicis cucurbitulis aut alio angusto loco cōclusam, subito extinguere. Similiter & animantia mori, quibus fauces præcluduntur, & omnia cutis spiracula obturantur. Causa huius est, quod illic flammæ, hîc spiritui vitali sit denegata refrigeratio, & quod idoneum ipsis alimentum desit, & quod fumosa exhalatio retineatur.

Rectè

Rectè igitur affirmamus, vt ad flammæ, sic ad vitalis spiritus seu caloris conseruationem, necessarium esse, vt contrarij frigoris occurſu coërceatur, & idoneo pabulo nutriatur, & vt fumosum excrementum ab eo exhalet.

Has autem commoditates omnes præstat aër, corpora nostra ambiens, qualitate & substantia mediocris, hoc est, moderatè frigidus, tenuis, & purus. Frigiditate enim sua spiritum vitalem temperat & cohercet, cumq; tenuis sit, fumosum spiritus excrementum facile in se recipit: substantia verò sua puriore etiam pabulum spiritui addit. Cui os, naresq;, & vniuersi corporis spiracula obturantur, moritur, quia hæc omnia desunt. At qui aërem haurit nimis calidum, extinguitur, non solùm quod vitalis corporis calor nimium dissipatur, sed etiam quod denegata refrigeratione spiritus inflammatur, propriaq; eius substantia consumitur.

Ob eandē causam suffocari cōtingit eos, qui in pauco aëre vel carcere angusto conclusi tenentur, æquè vt pisces modica aqua. Paucus enim aër facile incalescit, vt postea nequeat refrigerationis auxilium præstare.

Qui in valido gelu, atq; aqua frigida

X s

diu mo-

diu morantur, aut flumine submerguntur, suffocantur ac pereunt, non ob refrigerationem, sed ob idoneum aëris pabulum denegatum.

Cæterum qui plurimo aëre frigido inspirato, contento spiritu nihil expirat, is moritur, nullo quidem refrigerationis aut pabuli defectu, sed quod fumosa spiritus excrementa non exhalant. Quemadmodum enim flamma à crasso multoq; fumo, sic vitalis spiritus à fumoso fuliginosoque excremento opprimitur ac strangulatur.

DE PULSVS ET RESPIRATIONIS vſu, & quomodo inter ſe differant, & quæ instrumenta reſpirationi ſubſerviunt.

CAPVT CIIII.

Reliqui corporis calor, excepto corde, arteriarum pulſu ſatis perflatur ac con-
temperatur. Facultate enim à corde influente, arteriæ vno eodemque modo vt cor, perpetua *συστολή* ac *διαστολή* attolluntur ac ſubmittuntur, atq; inter dilatandum ſpiracula ſua omnia aperiunt, ſimulq; ambien-
tem aë-

rem aërem, & propinqui sanguinis tenuiorem portionem ad se trahunt. Cum verò per *συστολήν* submittuntur vel contrahuntur, crassa ac fumosa excrementa, ex caloris vitione prognata, in cutem & proximas quasq; partes expellunt.

Verum hic cordis & arteriarum pulsus imbecillior est, quàm vt ingentem illum feruorem ac spiritum copiosum, qui in corde plurimus abundat, temperare ac conseruare queat, sed maiori omninò adminiculo ad eam rem opus est. Quare ad huius caloris contemperationem, & spiritus conseruationem, præter pulsum accedit etiam respiratio.

Huius efficiens causa est, non vitalis, sed animalis atq; in arbitrio nostro posita facultas. Causa verò impellens est cordis feruor immodicus, qui dum sensificam potentiam, quæ in pulmonibus & thorace consistit, irritat, fit, vt sursum retracto diaphragmate, thorax, & vna cum ipso pulmones, ratione vacui dilatentur. Cum autem pulmonum substantia rara sit, ac fungosa, quod in ipsis inter dilatandum vacui relinquitur, repletur aëre: Concidente verò rursus cum pulmonibus thorace, quod fumosum in pulmonibus continetur, exprimitur.

Con-

Constat igitur respiratio, ut pulsus, duplici motu, Inspiratione, qui *Ανασπλη*, & Expiratione, qui *σπλη* similitudine respondet. Differunt autem, quod pulsus à vitali, respiratio verò ab animali facultate proficiscatur, quodq; pulsus continuus minimeq; interruptus, planè in nostra potestate non sit. Respiratio verò, etsi ex eorum genere motuum sit, qui perpetuò ab impellentibus causis incitantur, cuius generis etiam urinae & alui retentio, tamen pro arbitrio nostro tardior aut celerior fieri, ac planè etiam cohiberi possit.

DE INSTRUMENTIS respirationi subser- uientibus.

C A P V T C V.

INstrumenta verò respirationi subseruientia sunt, Diaphragma, Thoracis, & interdum etiam Abdominis musculi.

Cum exigua est respirandi necessitas, sufficit solius diaphragmatis actio. In magna verò necessitate accedit etiam thoracis & intercostalium & abdominis musc-
orum

tum actio. De singulis organis; ordine Anatomico seruato, inquirendum est.

Primum ac præcipuum respirationis organum est, Musculus ille utriusque lateri communis, quem Græci *Διαφράγμα* appellauerunt, quod præter primariam suam actionem, quæ respirationi subseruit, illum etiam vsum præster, quod cordis sedem à ventre dirimat, prohibeatq; , ne vapores seu impuriore halitus à cibo & potu sursum elati, hanc nobiliorem vitalium spirituum officinam inficere queant. Latini Græcos imitati, ab illo secundario vñu & situ, septum transversum appellauerunt. Quanquàm si situm propius contemplemur, non transversum, sed planè obliquum situm habet. A pectoris enim osse, per notharum costarum extrema; versus lumborum regionem obliquè deorsum porrigitur.

Formam habet ab alijs musculis longè diuersam. Est enim amplus & orbicularis. Et media eius pars tenuis ac membranosa, quam Galenus *Διπνεύγων* nominat, in medio mouendarum pattium consistens, caput ipsius est, à quo productæ fibræ, tanquam ex centro ad circumferentiam ductæ lineæ, in spuriarum costarum

extrema

extrema, quibus intrinsecus connectitur, excurrunt.

Nervi ex quarto, quinto, & sexto cervicis vertebris exorti, atque in vnum collecti, in sublimiorem huius capitis sedem, quæ thoracis capacitatem respicit, inferuntur, qua parte tenuissimum est. Quo enim magis ad costas accedit, eò crassius efficitur.

Propria diaphragmatis actio, ut aliorum omnium musculorum, est fibrarum ad caput contractio, quo modo cum agit, inferiorem terminum ossis pectoris, & spuriarum costarum extrema, intro ad centrum colligit, & nonnihil sursum etiam vellit, atq; ita sola anterior & infima thoracis pars, quam spuriarum costarum cartilagines constituunt, coarctatur. Posterior verò, quæ est à cartilaginibus ad vertebrae usq; dilatatur, & septem inferiores costæ, quarum videlicet cartilaginibus septum applantatur, inuicem dirimuntur.

Atque ad hunc modum contracto ac sursum reducto diaphragmate, thorax dilatatur, & fit moderata ac naturalis inspiratio, cui opposita est moderata & non violenta expiratio, quæ fit, relaxato tantum diaphragmate, & thorace naturali gravitate, citra

te, citra vllius musculi actionem, in se con-
cidente. Hæc ita esse patet ex viuorum a-
nimalium sectione, & ex eo, quod in suffo-
catis thorax dilatatus, & diaphragma sur-
sum attractum apparet.

Cæterū in maiori respirationis necessi-
tate, thoracis motum adiuuant quatuor mu-
sculi, vtrinq, extrinsecus thoraci incum-
bentes. Ac vehementiorem quidem dila-
tationem, vnà cum diaphragmate efficiunt
vtrinq; tres: Maiorem verò coarctationem,
vtrinq, vnus. Horum primus à clauicula
enatus, in primam costam inseritur, eamq;
propriè sursum ducit. Secundus à basi sca-
pulæ exortus, tanquam digitis quibusdam
octo superiores costas apprehendit, quo lo-
co nondum in cartilagine degenerant.
Tertius ex spinis inferiorum vertebrarum
colli prognatus, tribus veluti digitis, tribus
interuallis quatuor superiorum costarum
inserirur. Quartus thoracem coarctans,
ex posteriori ossis sacri regione, & interiori
sede ossis Ilium, secundum transuersos ver-
tebrarum processus, sursum vsq; ad pri-
mam thoracis vertebra[m] ascendit. Hic
costas omnes quas attingit, deorsum trahit,
atq; ita thoracem comprimit.

Præter commemoratos modò muscu-
los tho-

los thoracis, motum non mediocriter adiuvant ij, qui propterea quod in costarum intervallis locati sunt, intercostales dicuntur, Græcis μεσώπλευροι. Horum exteriores obliquis fibris anteriorum tendentes, à superiori costa in inferiorem inferuntur. Interiores verò humiliori costa exorti, oblique superiorem adeunt, ita ut X. literæ similitudine fibris suis sese interfecent.

• In singulis sex verarum costarum intervallis, quatuor, videlicet, duo interni, & duo externi reperiuntur. In spuriarum costarum intervallis duo tantum, ita ut numerus omnium in altero latere existat, triginta quatuor.

Galenus intercostales interiores dilatando thoraci, & juvandæ inspirationi, Exteriores verò coarctando thoraci & augendæ expirationi præesse vult. Vesalius exteriores, inferiores costas superioribus, interiores verò, superiores costas inferioribus adducere putat, atq; omnes thoracem arctare angustioremq; efficere, idq; ideò factum esse, quod motu atq; impetu fortiore ad efflationem, vocem, tussim, sternutationem, fecum excretionem, partum, & similes thoracis compressiones, quàm ad solam inspirationem indigebamus.

Qui

Qui orationem diu continuare debent, iuvantur, si externo vestitu fortius pectus constringant.

Porro his motibus opitulantur tandem octo Abdominis muscoli. Hi enim cum simul agunt ac tenduntur, non solum ventrem æqualiter comprimunt, sed thoracis quoq; compressioni serviunt.

DE PVLMONE

CAPVT CVI.

QValis sit thoracis motus, & à quibus musculis gubernetur, nunc diximus.

Pulmo aëris, quo cor perpetuò indiget, promtuarium, proprium motum nullum habet, sed tantum thoracis sequitur motum. Thorace enim distento, consecutione quadam distenditur, ne inter ipsum & thoracē vacui quid relinquatur. Distentus autē similiter ratione vacui tanquàm foliis aëre repletur. Ac rursus per expirationem compresso thorace, in sese concidit, & quod aërium in ipso continetur, expellit.

Substantia pulmonis nihil aliud est, quàm mollis, rara, ac fungosa caro, quasi ex spumoso sanguine concreta, & triplicia

Y

vasa

vasa per vniuersum ipsius corpus multiplici serie dispersa sunt. Caro illa mollis & aëria thoracis ductum facile sequitur, & vasorum multiplices ramos commodè fulcit atq; sustentat, & aërem non solum facile admittit, sed eundem etiam crudum ac impurum alterat præparatq; , ac noua quadam qualitate temperat, vt spiritui nostro familiare fiat alimentum.

Medium thoracis spacium occupat Cor cum suo inuolucro. Reliquum quod gemina intersepiente membrana, in duas cauitates est diuisum, implet pulmo, pro gemina cauitate etiam geminus, & vtrinq; in duos lobos diuisus. Propriam autem formam cum non requirat, perindè vt in Iecore diximus, ad earum partium quibus accumbit, impressionem, vt gleba quædam se accommodat, ac si totum spectes, bubulo aut bisulco pedi similis euadit.

Per asperam arteriam dorso alligatur, per alteram verò arteriam & venam cordi. In aliquibus etiam hominibus, fibrosis quibusdam nexibus, lateribus thoracis annectitur. Tenui quadam tunica reclusus est, exili sensu prædita.

DE

DE TRIPLICIBVS *pulmonum vasis.*

CAPVT CVII.

Vasa pulmonem ingredientia sunt, Aspera arteria, Arteria venosa, & Vena arteriosa.

Aspera arteria præcipua aëris est via, estq; sola exanguis. Oritur autem ex faucibus: Principium enim ipsius est larynx. Arteria venosa ex sinistro cordis sinu. Vena arteriosa ex dextro.

Et illa quidem ab usu quem præstat, Arteria nominatur, quod aliarum arteriarum more deducendo in pulmonem aëri & tenui sanguini famuletur. Venosa dicitur à substantia seu compositione, quod simplici tunica constet, ut aëriam substantiam, quæ hic quam in alijs arterijs copiosior est, & deferat, & facile admittat.

Similiter vena arteriosa Vena dicitur, quod sanguinem deferat, Arteriosa verò, quod tunica constet, densa ac crassa, aliarum arteriarum tunicis simili, idq; propter continuos pulmonis & cordis motus, tum etiam ne pulmo tenuis illius, quem con-

Y 2

tinet.

rinet, sanguinis, plus quam ad nutritio-
nem ipsius sufficit, alliceret. Deindè ut
pulmonis continuo motu, contentus in ea
sanguis magis exioqueretur, spirituosusq;
efficeretur. Postremò ut in pulmonis di-
lationibus & constrictionibus quàm mi-
nimum moueretur, rigida crassaque exi-
stens.

Hæc vasa etsi pluribus propaginibus
per vniuersum pulmonum corpus dispersa
sunt, tamen ea serie disposita reperiuntur,
ut Aspera arteria, quæ reliqua etiam vasa
magnitudine superat, medium locum semi-
per obtineat, anteriorem sedem occupante
Arteria venosa, posteriorem verò Vena ar-
teriosa. Vnà autem cum pulmone omnia
simul vasa ipsius distenduntur & compri-
muntur, sed vena arteriosa minus quam re-
liqua, propter tunicæ suæ crassitiem.

Porro asperæ arteriæ propagines vel
rami, aëre extrinsecus irruente implentur:
Arteriæ venosæ, fumoso excremento, ex
sinistro cordis sinu prodeunte: Venæ arte-
riosæ, sanguine è dextro sinu ad pulmonis
nutritionem attracto. Concidente verò ac
compresso pulmone, rursus coarctata aspe-
ra arteria, fumosum excrementum in am-
bientem aërem, arteria verò venosa, præ-
para-

paratum in pulmonibus aërem, in sinistru cordis sinum expellit: Per venam autem arteriosam, sanguis ille in cavitatem pulmonis protruditur.

Excipit enim hæc caro, omnium vasorum fines & materias omnes: Sed aër præparatus, & fumosum excrementum, inde rursus per conuenientia vasa ad destinata loca transferuntur. Solus sanguis, cum in pulmonis carnem influxit, in alia vasa non relabitur, nisi præter naturam propter pulmonis vlcus, vt in tabe accidit. Tunc enim in asperam arteriam com meat, vt alia sanorum excrementa, quæ ex nutritione pulmonis colliguntur, & tussi frequentes reijciuntur.

DE CORDE.

CAPVT CVII.

Cordis duplex est facultas, vna ipsius propria ac primaria, quæ spiritum vitalem assidue generat. Altera, quæ ipsi cum Arterijs communis est, pulsifica, priori ad distribuendum spiritum & calorem vitalem subseruiens.

Caro cordis harum facultatum causa,

Y 3

densa,

densa, dura, ac spissa est, ne facile vel à calore immodico, vel agitatione continua lædi queat.

Figura constat pyramidali, basi superiorem locum obtinente.

Possidet triplex fibrarum genus. Rectæ fibræ mucronem ad basis centrum attrahunt, atque ita dilatationem efficiunt. Transuersæ contra mucronem à basi deducunt, atque ita cor in longum productum coarctant. Porro quieti, quæ inter hos duos cordis motus, dilatationis ac contractionis, media est, inferuiunt fibræ oblique, reliquis quiescentibus.

Secundum latera cor duabus insignibus cavitatibus præditum est, quas ventriculos & sinus vocant. Distinctæ sunt medio quodam septo, satis crasso, sed multis foraminibus peruiro, quibus sanguis spirituosus ex dextro ventriculo cordis in sinistrum sinum transmittitur.

In singulis duo reperiuntur vasorum orificia. Dexter enim sinus magnæ Venæ, & Venæ arteriosæ: Sinister magnæ Arteriæ, & Arteriæ venosæ orificijs patet.

Dextrum sinum Medici sanguineum nominant, quod subuehendo ac distribuendo pulmonibus sanguini præfectus sit. Sinistrum

nistrum verò spirituosum, quod gignendi ac distribuendi spiritus vitalis præcipuus sit autor. Quare internum huius spacium angustius est, & latera crassiora quàm dextri, quod materia quam inclusam seruat, multò sit leuior, & euaporatu promptior sanguine, qui in dextro continetur. Horum sinuum in crassitie proportionem videntur imitari venæ & arteriæ, quæ sunt in vniuerso corpore, præterquàm in pulmone.

Cæterum per dicta modò orificia, in hos sinus pertinentia, cor materias omnes tum attrahit, tum expellit. Nam per *Αγσλήν* è venæ cauæ orificio, sanguinem in dextrum sinum suum rapit, atq; vna præparatum in pulmonibus aërem, ex arteria venosa in sinistrum sinum prolicit. Per *συσλήν* verò sanguinem è dextro sinu in Venam arteriosam, nutriendi pulmonis gratia, propellit, ac simul è sinistro sinu fumosum excrementum per Arteriam venosam euacuat, & confectum vitalem spiritum, magnæ arteriæ reliquisque minoribus, depromit. Vnde apparet, etsi arteriarum pulsus, cordis pulsui, magnitudine, celeritate ac frequentia responder, arterias tamen non simul cum corde dilatari ac constringi, sed vicissim corde

constricto illas dilatari, ac rursus constringi corde dilatato.

Cum autem cor magno validoq; impetu distendatur, vtrinque ad basin ipsius sinibus adnati sunt appendices quædam, quas Anatomici à situ, quem cum auribus habent similem, cordis aurículas vocauere. Hæ cum ad motum cordis sequaces sint, dilatationis impetum solvunt. Habent etiam omnis generis fibras, quibus in attrahendo, retinendo, & expellendo sanguine vtuntur. Sinistra auricula venosæ arteriæ adnata, dextrâ minus est caua, quantò videlicet sinister ventriculus dextro, & arteriæ venosæ orificium venæ cauæ orificio angustius existit.

Porro ne è vena caua per διαστολήν attractus sanguis, in eandem, vel per συστολήν in venam arteriosam emissus, in dextrum sinum cordis rursus relabatur: Item, ne spiritus vna cum sanguine in magnam arteriam per συστολήν depulsus, vel excrementum fumosum in arteriam venosam rursus recurrat, natura singulorum vasorum orificijs membranulas quasdam præposuit, quas Valvulas vocant, quæ admittendis quidem materijs paterent, recurrentibus autem clauderentur. Præpositæ autem sunt
reli-

reliquorum vasorum orificijs ternæ membranæ, singulæ tricuspidis figura efformatæ. Solius arteriæ venosæ orificio duæ datæ sunt, quod hanc minus obturari conveniebat, propter fumosi excrementi perennem expulsionem.

DE PERICARDIO.

CAPVT CVIII.

Cordi omni ex parte membrana quædam crassa, & admodum dura, quasi theca vel arcula quædam ita circumposita est, vt nulla ex parte ipsum contingat. Hinc Græci *περικάρδιον*, Latini capsulam cordis nominant.

Vsus eius est, vt cor sua sede locatum seruet & prohibeat, ne à vicinis partibus opprimatur.

Figura ipsius cordis figuram imitatur, pineæ nuci non absimilis.

Initium ducit ex vena arteriosa, & arteria venosa. Iis enim duplicibus ramis, à cordis superficie notabili interuallo iam abscedentibus, validè adhærescit, nec vlla alia parte cordi adnascitur. Est enim ipso multo amplior, ne angustia sua motum cordis impediât.

Y s

Inse.

Inferiori sede septo transuerso adnascitur. Latera verò ipsius vtrinq; amplexantur ac fulciunt intersepientes membranae, atq; ita fit vt his partibus annexa, nec deorsum, nec retrorsum, nec sursum, neq; ad latera moueri queat.

Quatuor vasis, quorum orificia ad cor pertinere diximus, foraminibus suis viam præbet. Prætereà etiam venæ cauæ, à cordis basi sursum versus jugulum ascendenti.

Continet naturaliter humorem quendam aqueum, quo perpetuò cor humectari probabile est, ne ab ardore & motu assiduo torrefiat. Minus tamen huius humoris reperitur in recens mortuis, quàm in ijs, quorum cadauera aliquandiu fuerunt asseruata. Minus etiam in viris, & naturis siccioribus, quàm in mulieribus, & alijs temperamento humidioribus.

DE MEMBRANA costas succingente.

CAPVT CIX.

Membrana seu tunica, vniuersam interioris thoracis superficiem integens
seu suc-

seu succingens, *πλεύρα* nominari solet, quodd in costali morbo vel pleuritide potissimum afficiatur.

Vsus ipsius est, ut totam internam cavitatem thoracis leuem ac lubricam efficiat, ne vlla asperitate pulmones offendantur. Præterea Asperam arteriam, stomachum asperæ arteriæ subiectum, magnam arteriam, venam sine coniuge, locis suis firmet.

Nascitur ex vertebrarum ligamentis, totumq; thoracem peruadit. Inferiori sede cum peritonæo concurrens, accedente vna carnosa substantia diaphragma constituit.

Venis, arterijs, & nervis multis abundat, quo fit ut inflammatione promptius afficiatur, & dolore acerrimo infestetur.

Habent autem nihilo minus singulæ costæ, & intercostales muscoli, ut reliqui corporis ossa omnia & muscoli, proprias suas tunicas, quibus integuntur, & à vicinis partibus separantur.

DE MEDIA- stino.

CAPVT CX.

Dupli-

DVplicata membrana, quam intersepi-
Dentio membranam & Mediastinum
appellant, medium thoracem diuidit.

Præcipuus eius vsus est, vt *περικάρδιον*,
& per consequens cor ipsum firmet, ac se-
de sua contineat. Deindè etiam deducen-
dis vasis auxiliatur, cumq; duos pulmonū
sinus constituat, illud quoq; præstat com-
modi, vt altera thoracis aut pulmonum
parte læsa, altera incolumis maneat. Al-
tero certè thoracis latere pertuso, ingre-
diente per foramen aëre, necesse est eiusdem
lateris pulmonem ab actione sua intermit-
tere. Perficitur autem tum respiratio ab
alterius lateris pulmone.

Oritur hæc membrana ex prædicta
succingente, tribus locis, quibus cum ipsa
committitur, nimirum ad thoracis verte-
bras, ad os pectoris, & ad diaphragma.

DE ASPERA AR- teria.

CAPUT CXI.

ASpera arteria. inspirandi & expirandi
aëris, efficiendæque vocis præcipuum
organum est.

Arte-

Arteria quidem dicitur, quod sanguine prorsus vacans aërem tantum contineat, *τὸ τὸ ἀερα τρεῖν*. Aspera verò, quod non simplici, vt reliquæ leues Arteriæ, sed inæquali multumq; diuersa substantia constet, vndè etiam vno nomine *βρίχθ* dicta est. Bronchum enim asperum & scabrum significat. Plinius lib. 11. cap. 37. Senectus in equis, dentium bronchitate intelligitur.

Componitur enim ex membranea, ligamentosa, cartilagineaq; substantia. Membranea quidem & ligamentosa substantia facit, vt pro respirationis necessitate distendi vicissim ac coarctari queat. Cartilaginea verò, vt tiliarum ac cornuum modo vocem edat amplam ac sonoram. Cartilaginee quæ ipsam componunt, continua serie, & æquali interuallo à se inuicem locatæ sunt, ligamentis quibusdam medijs ipsas connectentibus. Disiunguntur autem maximè Arteria aëre turgente, Coniunguntur verò rursus ipsa concidente.

His cartilaginibus & ligamentis duplex tunica obnascitur: vna extrinsecus tenuis, cuius interuentu propinquis etiam partibus connectitur. Altera interiorem superficiem regens, exteriori multo est præstantior,

stantior, eademq; etiam crassior. Apparet quoq; pingui quodam humore oblita, & rectis fibris intertexta.

Priusquàm Aspera arteria pulmones ingrediatur, anteriori sede in summo collo, ad caput ipsius laryngis, prælocatum habet, os *os ædēs*, cum suis musculis: Reliquo suo tractu vsq; ad claviculas, solam cutem & carnosam membranam, in musculum degenerantem. Posteriori verò sede incumbit stomacho, quem ne comprimat, & distensionem ipsius in deglutiendo cibo impediatur, cartilagineas habet non integras, sed semicirculari figura efformatas: Reliquis locis, quibus stomachum non attingit, & pulmonem ingreditur, integras, annulari figura constructas.

DE LARYNGE.

CAPVT CXII.

C Aput Asperæ arteriæ, præcipuum formandæ vocis instrumentum, larynx appellatur. Inferior eius pars ampla facta est, superior angusta, quod aërem ex pulmonibus efflatum, qui vocis materia est, ex amplo spacio colligi, corporiq; mediocriter du-

ter duro occurrere oportebat, ut vox moderata ederetur.

Summo igitur artificio ex tribus cartilaginibus laryngem natura composuit, quarum prima anteriori parte sita, omniumque maxima, quam foris etiam manu tangimus, Scutiformis dicitur, quod oblongi scuti similitudinem referat. Est autem anteriori parte gibba, posteriori caua. In viris, medium ipsius maiori nodo prominet, quam foeminis. Tota ferè quadranguli figuram obtinet, singuliq; anguli processibus augentur, quorum superiores ossi *voicedæ*, inferiores secundæ laryngis cartilagini per ligamentosa quædam membra annectuntur.

Porro secunda Laryngis cartilago proprium nomen non habet. Estq; media magnitudine inter primam, & tertiam. Inferiori sede integrum circulum efficit, atq; indè iam latior assurgens, circulum à prima cartilagine inchoatum absoluit.

Tertia cartilago *ἀρτυρωειδής* nominatur, quod rostro gutturnij, quo manus lauaturis aqua affunditur, non absimilis sit. Hæc et si membranis & ligamentis liberata duplex appareat, vna tamè cartilago semper est habitata. Suprema ipsius pars tenuis, mollis, & adipo-

adiposa, vomentibus ita coarctatur, ut nihil ex vomitu in Asperam arteriam illabi queat.

Rimam, quam huius cartilaginis tertię constrictione efficit, Græci *γλωττίδα*, Latini Lingulam appellant. Similitudinem enim habet cum illa transversa lingularum rimula, quibus tibię inflantur. Ut enim vel coarctatur vel dilatatur, ita vox acuta vel gravis redditur.

Est itaq; hæc tertię cartilaginis rima præcipuum organum, à quo tanta vocum ac tonorum varietas oritur. Vox porro à larynge edita, formatur postea à tota oris cavitate, palato, vuula, lingua, dentibus, labris, naribus, & fit loquela.

Επγλωττίς, dictæ modo *γλωττίδα* operculum est, eam ita tegens, ne quid inter edendum & bibendum in Asperam arteriam aberrare queat. Nascitur ex superiori parte cartilaginis Scutiformis, principio satis lato. In processu verò attenuatur, & formam consequitur triangularem. Substantia perinde est, ac suprema tertię cartilaginis pars, quam tegit, mollis, adiposa ac ligamentosa.

Omnes laryngis muscoli in hoc facti sunt, ut lingulā claudant & aperiant. Sunt autem

autem proprii laryngis muscoli, qui videlicet nulli alij parti quam laryngi adnascuntur, duodecim. Communes verò, hoc est, aliundè quàm ex larynge orti, octo. Duo enim ab osse ὑοειδέϊ: Item alij duo à pectoris osse in primam cartilaginem inferuntur, & lingulam referant. Item alij duo à posteriori sede Oesophagi lateribus primæ cartilaginis implantantur, eaq; comprimantes, primam cartilaginem secundæ adducunt, & lingulam coarctant. Postremi duo, à Vesalio primū animaduersi, teretes, ex media sede ossis ὑοειδῆς prodeunt, atq; in Πιγλωτίδῳ radicem inferuntur, eamq; sursum atq; antrorsum vellunt. Horum musculorum inflammatio propriè angina, Græcis συνάγχη dicitur.

DE FAUCIBUS I-

psarumq; glandulis, &

Gargareone.

CAPUT CXIII.

Totum internum oris spacium, inferiori maxilla, & primis colli vertebris circumscriptum, Latini fauces, Græci φα-

Ζ

ρύγγα

ἐν τῇ & ἰσχυρὰ ab angustia propriè appellarunt. Nulla enim corporis regio æque angusta, in qua tot tamque diuersa organa concurrunt. Larynx enim, & initiū stomachi, & os ὡσεὶς, & linguæ radix, cum numerosis musculis hac sede continentur. Prætereà nonnulli alij musculi linguam sursum & deorsum vellentes. Ad hæc nerui quàm plurimi à tertia, sexta, & septima cèrebri coniugatione. Item venæ jugulares, & arteriæ soporales, per hanc regionem sursum feruntur. Quibus omnibus accedit triplex glandularum genus, quarum situm, & vsum explicare nunc est oportunum.

Vnum itaq; glandularum genus vtrinque ad laryngis radicem situm, asperæ arteriæ meatum humectat, non fluido, sed viscido & pingui quodam humore. Perinde enim vt fistulæ oleo inungi solent, vt suauius sonent: Sic mediocriter humectata aspera arteria, vocem edit iucundiores: Raucam verò, si nimium humectata fuerit: Clangosam, si immodicè resiccata.

Ne verò respiratione assidua, dicendi ac vociferandi multo labore, ipsa & pulmones nimium exiccarentur, atq; ita vox deficeret, natura dictas modo glandulas parauit,

parauit, quæ perpetuam ipsis humiditatem eructarent. Ad eundem quoq; vsum inter laryngis cartilagines, & interiorum earum tunicam pinguedo quædã est reposita. Tunica quoq; ea parte pinguior facta est.

De secundo glandularum genere, pauca quædam diximus, cum de stomacho ageremus. Sunt autem duæ illæ insignes glandulæ, vtrinque in illo spacio locatæ, quod hiantibus nobis inter palati extremum & laryngem medium apparet. Has Latini tonsillas, & amygdalas vocant: Græci *παριόδμια*, quod in ipso Isthmo locatæ sint, vel quod Gargareoni, quæ veteres nonnulli, sed improprie, peculiari nomine *ιοδμῶν* appellauerunt, vtrinq; assistant.

Habent autem hæ similem vsum cum prioribus modò dictis glandulis. Assidua enim saliuæ eructatione subiectas partes, vt asperam arteriam, stomachum, tum etiam palatum, & vniuersum os humectant.

Tertium glandularum genus, sub aurium radicibus, atq; in vniuerso faucium spacio numerosum reperitur. Hæ præterquam quod vicinas oris partes sua humiditate imbuunt, etiam cauitates omnes implent, & vasorum diuaticationibus præpositæ,

efficiunt, vt commodius citra ruptionem diducantur. Quem vsum etiam præstant axillarum & inguinum glandulæ. Interdum lento humore imbutæ, durum ac schirrosum tumorem contrahunt, quem adfectum scrophas vel scropulas vocant.

Caruncula ab extremo palato in medias fauces propendens, varia nomina sortitur. Cum secundum naturam se habet, latiori principio in acutum desinens, Gargareon rectè appellatur. Cum fluxione affecta æqualiter longior sit, columnæ speciem referens, Columella dicitur. Cum inferiori partè tumidior facta, vuæ similis euadit, proprie Vuula nominatur.

Vsus eius est, vt vocem tanquam plectrum moderetur, & vt aërem temperet, ne nimis frigidus ad pulmonem deferatur. Prohibet etiam ne puluis, & similia leuia corpora vnà cum aëre inspirentur. Ea enim prius sibi applicat, quàm ad laryngem perueniant. Est etiam illa à Gargareone utilitas quædam, quod secundum ipsum sensim à palato pituita in os decumbat, nec vano impetu deorsum ruat.

Substantia Gargareonis carnea est, ac fungosa, neruorum non admodum participes, sed venulas quasdam assumit ex vasis in palati tunicam dispersis. Ideo

Ideo autem Gargareon, & dictæ modo glandulæ diligentius obseruandæ sunt, quod crebris fluxionibus ac tumoribus, & plerunq; per morbum Gallicum malignis vlceribus infestari soleant.

DE LINGVA.

CAPVT CXIIII.

Linguæ maximus vsus est in fingenda, ac moderanda voce, ac in saporibus dijudicandis, vt merito loquelæ & gustatus organum dicatur.

Gustatus autem nihil aliud est, quàm tactus quidam exactior, subtiliores illas qualitates, Dulce, Amarum, Austerum, Acce, &c. acutius discernens. Quare organum ipsius, lingua, rara & laxa substantia constat, vt humoribus, qui saporis vehiculum sunt, facilius imbuatur.

Nervos suscipit à tertia cerebri coniugatione, præterea venas & arterias à venis jugularibus interioribus, & Arterijs soporalibus. Tunica verò tegitur duplici. Interior, propria eius est, qualem omnes musculos habere diximus. Exterior, pars est tunicæ, totum os, palatum, stomachum, & Asperam arteriam integrentis.

Z 3

Radix

Radix seu basis linguæ, firmitatis causa, crassior ac magna facta est: Mucro tenuis, ut celerius moueretur. Radix fauces occupat, & sustentatur ab osse *ioerdēs*. Ipsum autem *ioerdēs*, nulli alteri ossi conterminum, ab octo musculis sustentatur, qui ex osse pectoris à summo Mēto, ac processibus styloformibus, & elatiori scapulæ costa prægnati, sibi inuicem opponuntur.

Cæterum motum ac musculorum linguæ differentias, cum eorum magna sit varietas & confusio, inuenire difficile est. Vesalius nouem Musculos enumerat ad radicem linguæ terminatos, omnes ipsius motus inter loquendum & mandendum gubernantes, atq; ex horum musculorum finibus variè commixtis & confusis, constitui vult linguæ corpus, quod ante sectionem apparet ab Epiglottide ad mucronem usq; protensum in longitudinem. Hoc verò cum dissecatur, videtur nihil aliud esse, quam duo oblonga musculosa corpora, medio ligamento admodum tenui distincta, quibus præter reliquorum musculorum naturam illud peculiare est, quod omnis generis fibras obtinent, sed ita commixtas, ut nulla sectione separari queant, quodq; ipsis fibris pinguedo quædam adnata est,

quæ

quæ etiam in pinguioribus, & ætate prouectioribus maior apparet.

His fibris lingua in obeundis motibus suis adiuuatur. Transuersis contrahitur, incrassaturq; & rursus egeritur ac extenditur. Rectis fibris in semicirculum ad palatum faucesq; conuoluitur. Obliquis ad latera agitur.

Tota lingua ori exactè congruit. Totam enim ipsius cavitatem implet, neq; vquam coarctatur, nisi cum præter naturam intumuit. Quando contabuit, & ore minor existit, vox ex ore tanquam è specu emittitur. Plura quæ de lingua, buccis, labris dicenda erant, in musculorum tractatione oportunius exponuntur.

DE MAGNÆ ARTERIÆ distributione, breuis admonitio.

CAPVT CXV.

HActenus ferè organa omnia, vitali facultati, respirationi, ac voci subseruientia enarrauimus, & quæ sit Thoracis, Cordis, Pulmonis, Tracheæ arteriæ, Fauicium ac Linguae constructio, exposuimus.

De magnæ Arteriæ distributione, quæ ex elatiori sede sinistri sinus cordis principium habere constat, ideò petulianter nihil diximus, quod eadem ferè sit arteriarum cum venis propagatio, eo excepto, quod tam frequenti ramorum diuisione in omnes corporis partes non perferantur. Neq; enim spiritum natura leuem ac tenuem per vasa sua ita vehi necesse erat, vt sanguinem, qui natura crassior ac tardior exiit. Et vt arteriæ venis præstantiores sunt, ita quoq; altius recondi oportebat, vt ab iniurijs tutiores essent.

Itaque quæ sub alis in brachia extenduntur venæ, paribus arterijs consociatæ sunt. Externæ verò jugulares venæ, & quæ ab illis producuntur in brachia, Cephalicæ, coniunctas arterias nullas habent. Similiter & magni venarum rami, qui in crura deuehuntur, pares quoq; habent arterias. At qui ab illis sub cutem deferuntur rami, arterijs planè destituti sunt. Hæc de arteriarum distributione dicta sufficiant.

Reliquum adhuc est, ad vitalium partium absolutionem, vt signa explicemus, quibus cordis temperamentum cognoscitur.

DE

DE NOTIS TEM- peramenti cordis.

CAPVT CXVI.

Dictum est suprâ aliquoties, interna-
rum partium temperamenta ex pro-
prijs functionibus inuestigari debere. Cum
autem Philosophorum ac Medicorum o-
mnium consensu, Cor non solum vitalis
caloris, qui per Arterias distribuitur, fon-
tem, sed affectuum quoq; sedem esse con-
stet, non solum ex Arteriarum pulsu, sed
etiam affectibus ipsis, de cordis tempera-
mento iudicium faciendum est. Vis enim
animæ rationalis, si nulla disciplina ac Phi-
losophia regatur, facile cordis motibus
succumbit. Motus autem cordis tempe-
rumentum sequuntur.

Calidi itaq; cordis propria sunt hæc :
Ira, audacia, ad agendum promptitudo. Si
immodicè caliditas aucta fuerit, existit fu-
riosa quædam temeritas. Caloris enim
proprium, sanguinem qui in corde existit,
ciere ac feruere facere.

Frigiditas verò efficit, vt sanguis in
corde quasi torpeat, vnde contraria omnia

Z s.

exi.

existunt: Timiditas, ad iram atq; actio-
nes omnes pigritia quædam, &c.

Porro signa hæc ab affectibus desum-
pta, confirmantur pulsum ac respiratio-
nis differentijs. Frequens enim ac velox
pulsus caliditatem comitatur: Hunc por-
rò magna respiratio. Ferè enim pulsui re-
spiratio respondet. Pili quoq; qui in
pectore nascuntur, tempera-
mentum cordis ar-
guunt.



DE FACVLTA- TE ANIMALI EIVS. que organis.

*QUOT SINT IN
vniuersum animæ species,
& quot rationalis animæ
partes.*

CAPVT CXVII.

Quomodo corpora nostra ex semine in vtero generentur, generata verò cibo ac potu nutriantur, atque ad justam magnitudinem perducantur: Item, quomodo hausto in pulmones aëre, eoque in spiritum mutato, vitalis calor in ipsis conseruetur, & quæ organa his actionibus omnibus obeundis subseruiant, supra quantum Medico satis, pertractauimus. Reliquum adhuc est, ad totius corporis humani & perfectæ sanitatis notitiam, ut eam corporis partem examinemus, quæ animalis facultatis sedes est, & sentiendi organa continet. Ut autem quid animalis facultatis nomine contineatur, melius intelligamus,

gamus, quot sint in vniuersum animæ, & quæ sit hominis propria, explicandum est.

Constat igitur ex Aristotelis definitione, Animam nihil aliud esse, quam propriam & substantialem viuentium corporum formam. Cum enim animæ essentia obscura sit, rectè ex proprijs functionibus definitur. Cumq; propria, ac peculiaris animæ actio sit vita ipsa, & tria positis imò viuentium rerum genera appareant: Vnum stirpium seu plantarum, quæ solius naturæ beneficio generantur, nutriuntur, & augentur: Alterum, ratione carentium, quæ præterea etiam sentiendi ac mouendi vi prædicta sunt: Tertium, hominum, qui supra prædictas facultates, ratione & intelligentia etiam excellunt: rectè tres quoq; animæ species constituuntur, quas iisdem quoq; nominibus appellare possumus, quæ actionibus ipsis tribui solent, vt vna sit vegetatiua, altera sentiens, tertia rationalis.

Quemadmodum autem plantarum, beluarum ac hominum naturæ diuersæ sunt, ac specie distinctæ, ita unicuique est simplex ac peculiaris animæ, acque in eodem subiecto minimè cum alijs confundi potest. Utq; impossibile est, hominem aut beluam aut plantam esse, ita toti naturæ repugnat, vt ho-

vt hominis rationalis anima sit vel sentiens, vel vegetatiua, quatenus hæc nomina specificarum formarum notæ sunt. Verum illud sæpè accidit, vt vnius simplicis animę partes seu facultates, iisdem appellationibus designentur. Ita hominem, qui propriè anima rationali constat, sentire etiam & vegetari dicimus.

Sed hic non tres diuersæ animæ species, sed vnius animæ tres partes, vel vna anima triplici facultate prædita, describitur. Includitur enim, vt Aristoteles inquit lib. 2. cap. 3. de anima, in rationali sensicū & vegetatiuum, perindè vt in Pentagono, quæ simplex figura est, Terragonum & Trigonum potentia continetur.

DE SENSITIVA anima facultate, & eius partibus.

CAPVT CXVIII.

Eius facultatis, quæ solis animalibus ob-
rigit, atq; indè Animalis dicitur, duo
summa sunt genera, Sentiens & Rationale,
quorum illud homini cum beluis commu-
ne est: hoc vero hominis solius proprium.

De Ap-

De Appetitiua & Locomotiua, item de principibus facultatibus mentis paulò post dicam, nunc sentientem animæ partem explicemus.

Porro sensus duplices sunt: **Exteriores**, & **Interiores**. Exteriores quinque: **Visus**, **Auditus**, **Gustatus**, **Odoratus**, **Tactus**. Interiores tres: **Sensus communis**, **Cogitativa vis**, & **Memoria**. De singulis agamus nunc separatim, & qualia sint ipsorum organa consideremus.

Cur tot & non plures vel pauciores sensuum species constituentur.

Facultatum differentia ab actionibus sumuntur. Apparet autem res externas non aliter quàm videndo, vel audiendo, odorando, gustando & tangendo sentiri, Earum verò species intrò receptas exactè cognosci: Deinde quæ confusa sunt, cogitando seu imaginando distingui ac discerni. Postremo easdem animæ quasi insculptas conseruari. Quæ actiones omnes, cum diuersæ sint, nec semper vnà consistent vel intereant. (Vna enim interdum læsa, reliquæ in-

quæ incolumes manent) cumq; organis etiam pleræq; differant: consentaneum certe est, vt facultates, quæ propriæ sunt effectrices ipsarum causæ, simili modo distinguantur.

QVÆ SINT SENSuum organa.

CAPVT CXIX.

Facultas omnis mouet organum, habetque se ad ipsum tanquam forma ad materiam.

Primum enim ac simplicissimum sensuum organum est Spiritus animalis. Generatur is ex spiritu vitali, sursum per arterias sublato. Hic enim dum in varijs tenuibusq; arteriarum flexibus, qui in cerebro reperiuntur, elaboratur, tandem in animalem spiritum conuertitur.

Alterum organorum genus, sunt corporis partes sensibus destinatae, Vt exteriorum quidem sensuum, Oculi, Nares, Lingua, Aures, Cutis cum suis nervis in se productis. Interiorum verò, ipsum cerebri corpus, quod temperamento ac compositione sua, ad dictas modò sensificas actiones sese ac-

fese accommodat. Idoneum certè ac prò-
 bum organum existimandum est, quod
 partibus suis aptè est conformatum, & in ijs
 spiritum obtinet sibi familiarem, & in spi-
 tu facultatem.

Etsi enim spirituum omnium vna ea-
 demq; est substantia, tamen pro facultatum,
 actionum ac organorum diuersitate, quo-
 dammodo etiam dispares esse, dubium non
 est. Alius enim est visorius Spiritus; qui
 in oculo existens visioni commodat, Alius
 auditionis, qui auditorium neruum occu-
 pans, auditionis instrumentum existit, &
 ita de cæteris.

QVIBVS REBVS externi sensus inter se differant.

C A P V T C X X.

IN externis sensibus pleriq; hæc organo-
 rum discrimina ponunt, vt, visus orga-
 num aqueum esse dicant, quod oculus va-
 rijs constet humoribus: Odoratus orga-
 num igneum, quod odores & exhalatio-
 nes, quæ in ipso percipiuntur, fumosæ &
 igneæ naturæ, sint: Auditus, ærium, quod
 æris

aëris appulsu verberetur : Tactus, omnium crassissimum ac terrenum. Cumq; gustatus tactus quidam sit, ipsius quoq; organum terrenum esse volunt, alicuius tamen etiam humiditatis particeps.

Sunt & aliæ sensuum differentiae. Quidam enim munere suo funguntur, tangendis proprijs obiectis suis, vt tactus & gustatus : Alij medij alicuius corporis interuentu, vt visus & auditus, per aërem quidem acutius, per aquam obtusius : odoratus per aërem solùm, quanquam etiam pisces per aquam odorari compertum est.

Porrò, visus ab auditu & odoratu etiam in hoc differt, quod in illo motus fiat subito, in his verò progressionem quadam. Continuo enim vt medius aër, aut aliud corpus perspicuum, adueniente lumine illustratur, res obiecta cernitur, tam à procul distantibus, quam à propinquis.

Cum autem propriè loquendo, sensus omnis passio quædam sit, quatenus enim sentit, ab externis qualitatibus patitur & immutatur, manifestum est, inter sensus ipsos & obiecta dissimilitudinem quandam esse debere. Quod si fortè tactus in ea obiecta inciderit, quæ omnibus qualitatibus sibi sunt similia, certum est tactum ibi nul-

lum fore. Verum id vt in tactu accideret potest, ita in alijs sensibus nequaquàm.

DE VISU.

CAPVT CXXI.

Propria visus obiecta sunt, Lux & color, separata omni materia. Communia verò obiecta, Magnitudines, Figuræ, Situs & alia nonnulla. Hæc enim etsi videntur, tamen cum ab alijs sensibus quoq; percipiuntur, non propriè ad oculorum sensum pertinent.

Colores autem qui videntur, sunt ij, qui extimam corporum superficiem occupant.

Causa sine qua non fit visio, est medium perspicuum seu *Ἀξφανεὺς*, vt aër vel aqua, alieno lumine illustrata.

Est autem lumen nihil aliud, quàm perfectio seu forma quædam corporis perspicui, & lucidi corporis præsentia: Propagatur autem à luce, vt radij à sole.

Lux est fons ipse, seu qualitas corporis lucidi, vt solis & stellarum.

Vermes, ligna putrida, & similia, quæ noctu nullo alieno lumine aërem illustrante splendentia conspiciuntur, ea non ratio-

ne co-

ne coloris, quo prædita sunt, sed proprio fulgore seu luce, quam in se habent, videntur.

Vt autem colores appareant, necesse est medium aërem luminosum esse. Tunc enim visibilis species à colore in aërē spargitur, ipsumq; afficit. Aër verò ad oculum vsq; protensus, sensum ipsum mouet, dum species per pupillam in Crystalloidem incurrit, atq; indè prouehente spiritu, per nervos opticos in cerebrum perfertur. Nullus autem in oculo color est, vt omnium colorum differentias perciperemus. Rerum autem, quæ vno contuitu videntur, partes, secundum rectam lineam videri docent Optici, atq; ita concurrentibus in pupillâ diuersis lineis, existere Pyramidem quandam, cuius basis in re visa, conus verò in oculo existit. Cumq; conus angulus eò minor euadat, quo lineæ ipsum constituentes longius protenduntur, fit, vt species etiam attenuentur, & res longius dissitæ exiliores appareant, ampliores verò quæ sunt in propinquo positæ.

DE AUDITU.

CAPVT CXXII.

Aa a

Audis

AVditus obiecta sunt soni, Oritur vērò sonus ex aëris fractione, qui continetur inter illa corpora, quæ colliduntur, neq; propriè est in re ipsa, quæ audiri dicitur, sed procedit ab ipsa, consistitq; propriè ac realiter in medio. Medium illud est aër vel aqua; sed per aquam obscurior, per aërem clarior sonus redditur.

Spargit autem se in aërem, afficitq; ipsum, perindè vt visibilis species, verum non subitò vniuersum, sed successione quadam proximum, vsq; dum ad eum peruentum sit; qui auditus organo circumfusus est. Is tunc à sono affectus, per flexuosa aurium foramina, dilatatae ex nervo membranæ occurrit, ipsamq; leniter pulsando, interno aëri spirituiq; communicatur, & fit auditio.

Dormientes non ita facile audiunt, quod auditorius spiritus intrò collectus, in organis præsto non sit.

Sonus qui obturata aure percipitur, non ab interno, sed externo aëre proficiscitur. Is enim dum in aure agitatur, & exitum non inuenit, sonum edit. Auris enim per se omnium sonorum expers esse debebat, vt omnium sonorum differentias perciperet.

Surdi-

Surditatis indicium est, sonum non percipere, vt cæcitatis ad fulgorem solis non conuiuere.

Causa, cur acuti soni magis audiantur quàm graues, est, quod ad immutandum medium, & speciē suam diffundendam sint aptiores. Eadem etiam causa est, cur alij colores alijs melius longiusq; cernantur..

DE O D O R A T V.

C A P V T C X X I I I.

OBiecta odoratus sunt odores. Odor autem vapor quidam est, à calore aëriam substantiam à terrestri resolvente, suscitatus. Cuius rei indicium est, quod odores igni, confricatione, vel alia calefaciente causa, excitari soleant. Apparet autem earundem rerum quoque substantiam minui. Quæ frigidis locis asseruantur, olent minus, minus etiam substantiæ amittunt.

Medium per quod odores diffunduntur, piscibus quidem est aqua, nobis verò aër. In hunc enim sparsus odor ipsiq; admixtus, respirando, partim per Tracheam arteriam in pulmones, partim per nares ad

odorandi organa, quæ infra cranium sunt, pertrahitur.

Animalia quæ non respirant, vt Apes & alia insecta, acutius odorantur, quod ipsorum organum nullo operculo sit vallatum, quodq; ipsis odores respirando non attrahantur, sed statim ipsorum sensum feriant.

DE GUSTATV & tactu.

CAPVT CXXIV.

Gustus obiecta sunt sapes : Tactus, tactiles qualitates.

Vt gustatus fiat, oportet sapes saliuq commisceri, atq; ita in linguam, gustatus organum, diffundi, à quo deinceps susceptæ species, in primarium ac sensum communem deferuntur. Si ita dura ac concreta fuerit saporum materia, vt diffundi ac liquari nequeat, aut lingua ita arida, & omnis saliuæ expers ac scabra, vt fusos liquores non admittat, gustatus nullus existit. Si saliu aliquo sapore prius imbuta fuerit, nō rectè externi sapes dijudicari poterunt.

Ad tactum verò opus est, vt tactiles
qua-

qualitates ad cutem aut carnem sensifico nervo præditam, proximè accedant. Neq; enim hic opus est, vt in tribus prædictis sensibus, medio aliquo externo, sed ipsius gustandi vel tangēdi corporis contrectatione.

Caro, cutis, aut membrana, quibus sensorius nervus tegitur, medium coniunctum dici potest, melioris sensationis causa adhibitum. Nam si gustatiles vel tactiles qualitates, in nervum carne nudatum incidere, sensum quidem acriorem, sed eundem deprauatum mouerent.

Tangendi facultatem in nervo non propriè consistere, sed à cerebro continenter defluere, arguunt nervorum interceptiones & obstructions, quæ inferioribus non superioribus partibus sensum adimunt: Item, quod Hippocrates scribit Aphoris. 2. Aphor. 6. Mentem ijs ægrotare, qui parte aliqua corporis dolentes, dolorem non sentiunt.

Nervus itaq; nihil aliud est, quàm tactus instrumentum, quo susceptæ species, vt in alijs sensorijs, ad cerebrum deferuntur, idq; sine materia, quemadmodum ceræ sigilli forma imprimitur, manente integro sigillo.

Gustatus organum est lingua, cuius

compositionem suprà exposuimus. Tactui proprium instrumentum dicatum non est. Quicunq; enim toto corpore sparsi sunt nerui, sensu aliquo præditi sunt. Neque existimandum est, vnā aliquam nerui portionem sensui, aliam motui præesse, sed vtraq; facultas in omnes nerui partes fusa est.

QVOMODO EX- ternis sensibus sit adhi- benda fides.

CAPVT CXXV.

DIxi initio, cum de veritate præceptorum ageremus, sensibilibus rerum non aliud esse *αἰσθησιον*, quàm sensum ipsum, & *φανόμενα* omnia, id est, sensibus apparentia, tam esse vera, quam communes mentis notitias. Cæterum vt sensuum integrum sit & incorruptum iudicium, hæc omninò sunt necessaria.

Primò, vt sensus de proprijs non de communibus obiectis iudicet. Facile enim errabit oculus, si corporum cœlestium magnitudines dimetiri, easq; inter se conferre volet. Magnitudines enim propria visus obiecta non sunt.

Secū-

Secundò oportet, vt de proprio suo obiecto separatim sensus iudicet, alijs qualitatibus exclusis. Sic enim in iudicanda humani corporis caliditate, humiditas vel siccitas spectanda non est, sed solus calor. Eadem enim caliditas, vt Galenus docet II. de temperamentis, aliam de se speciem præbet cum humiditate, aliam cum siccitate coniunctam.

Tertiò necesse est, proprium illud sensibile sensui esse proportionatum, hoc est, neq; paruum neq; magnum nimis. Maiora enim seu intensiora, quam sensus ferant, sensus corrumpunt seu obtundunt, vt lux solis, visum, immoderatus sonus, auditum. Parua nimis sensum subterfugiunt. Quare, oportet etiam sensibilia iusto interuallo abesse, ne nimis longa distantia species nimium extenuentur.

Quartò requiritur, vt organum sit benè dispositum, & alijs speciebus non prius adulteratum. Lingua amarore aliquo imbuta, de reliquis saporibus non benè iudicat. Et oculus vno aliquo colore diu spectando, alios non ita benè discernit.

Quintò oportet medium quoque apte dispositum esse. Vitrum rubrum medium, facit, vt translucentium rerum species simili

li colore esse videantur. Hæc omnia si obseruentur, de externis rebus iudicium sensibus benè committitur.

DE INTERIORI *bus sensibus.*

C A P U T C X X V I.

CV M autem impossibile sit, ut externi sensus de proprijs suis actionibus iudicent, & ut vnus sensus aliquis alterius sensus sensibilia percipiat, eaq; inter se comparer ac discernat: Rectè Physici vnum internum communem sensum statuunt, qui nulli externo sensui peculiariter est additus, sed omnium ex æquo species in se recipit, easq; ut se habent qualitates, vel pluribus subiectis, vel vni tribuit.

Aristoteles eleganter sensum communem circuli centro confert, ad quod omnes ex circumferentia ductæ lineæ protrahuntur. Est enim hic sensus communis ceu fons quidam, à quo spiritus omnes & facultates, ad exteriorum sensuum organa progrediuntur, & ad quem rursus omnes omnium sensuum species deferuntur.

Præterquàm verò quod sensus externi con-

ni communem mouent, isq; oblatas ac presentes rerum species cognoscit, & singulorum sensuum apprehensiones discernit, apparet & alias quasdam esse sentientis animæ functiones. Abstractæ enim species, semotis & separatis obiectis, adhuc conferuantur, existitq; rei cognitæ odium aut desiderium quoddam. Hæc deinceps mouendi facultatem irritant, vt sequamur vel fugiamus ea, quæ iucunda vel iniucunda videntur.

Accidit etiam interdum rerum species permisceri ac confundi, vt ea imaginemur, quæ nunquam sub sensum venerunt, chimeras, asinos volantes, &c.

Hæ functiones cum diuersæ sint, diuersas etiam facultates Phisici statuunt, iisque multa ac diuersa nomina imponunt, omnes tamen sub *Ἀφρονήτιον* tanquam sub genere rectè continentur.

Eam facultatem, quæ in abstractis diutius immoratur, alij imaginationem, alij cogitationem, alij meditationem vocant, Quatenus verò intentiones, vt vocant, ex ijs eliciuntur, & motiua facultas ad fugiendū vel sequendum excitatur, in beluis, quæ solo instinctu aguntur, æstimatoriam appellare solēt : In hominibus, qui collatione vel disursu vtuntur, cogitatoriam. Eam

Eam verò facultatem, quæ diuersas species monstrosè, & aliter quàm in sensus cadunt, connectit, phantasiàm seu fictricem vocant.

Postrema sentientis animæ facultas, quæ prædictas omnes species ac functiones amplectitur & continet, abeunte ac cessante omni rerum cogitatione, **MEMORIA** dicitur, cuius potissima causa est diligens ac frequens meditatio. Vnde etiam apparet, sedibus ac organis ab illa non distingui.

Omnes enim sentientis animæ facultates per totum cerebri corpus fusæ sunt, nec alio organo in memorando, quàm in imaginando & cogitando vtimur. Quod ipsum Galenus quoq; confirmat, lib. 2. de motu musculorum, dum vnâ & eandem partem cogitare & meminisse scribit. Quare læsa memoria, remedia non occipiti tantum, sed toti cerebro rectè etiam adhibentur.

Inter memoriàm & reminiscentiam hoc interest. Meminisse dicimur, cum post intermissam cogitationem, res prius cognitæ iterum reuocamus, & præterita, quasi præsentia sint, recolimus, cum temporum, locorū, aliarumq; circumstantiarum notatione. Reminiscimur verò, cum amissam

memo

memoriam instauramus, hoc est, cum res, quæ in obliuionem venerant, ex temporis, loci, vel alicuius rei circumstantia & obseruatione, connexione seu ratiocinatione quadam recognoscimus.

Reminisci, hominis proprium est munus, pertinetq; ad mentis actiones. Memoria, cûs sentientis animæ facultas est, tamen ad beluas etiam propriè non pertinet, quod beluæ nullam propriam habeant præteriti aut futuri temporis discretionem, sine qua memoria non subsistit. Bona aut mala, quæ sæpius senserunt, agnoscunt, sed ita quasi sint præsentia, sine obseruatione temporis præteriti. Cum Apes & formicæ alimenta in hyemem sibi reponunt, nulla id faciunt temporis prouidentia; sed solius naturæ inconsiderato instinctu. Hæc cum ita sint, nulla est causa, cur memoriam brutis animalibus attribuamus.

DE APPETITIONE, & ad locum progressionem.

CAPVT CXXVII.

Appetitiua potentia, & ad locum motiua, nullam nouam animæ speciem consti-

constituunt, sed ad sentientis animæ facultates referuntur.

Appetitus, triplex ferè enumerari solet. Naturalis, qui fit nullo sensu aut cognitione præcedente, qualem in plantis esse diximus, & singulis corporis partibus, familiare ac sibi conueniens alimentum, familiari & naturali quodam desiderio ad se trahentibus. Hic appetitus ad vegetatiuam animam pertinet.

Alter est animalis appetitus, de quo nunc agimus, quo videlicet animalia omnia sentiendi vi extimulantur, ad fruendum vel declinandum id, quod sensibus aliquo modo comprehenderunt.

Tertium genus est appetitus rationalis, qui videlicet cum ratione desiderat, & mentis consilio obtemperat. Quare etiam ad alteram rationalis Animæ partem pertinet, & differt ab animali appetitu, quod hic ab ijs rebus ferè incitari solet, quæ bonæ videntur, etiamsi nequaquam bonæ sint: Rationalis verò appetitus ea sola sectatur, quæ mens & ratio verè bona esse iudicat, quæliacunque sensuum iudicio esse videantur. Quare hic etiam hominis proprius, vt animalis reliquorum animantium.

Porro

Porro animales seu sensitiui appetitus duplices sunt. Quidam enim per contactum, ex voluptate aut dolore oriuntur. Alij sine vlllo contactu cognitionem seu cogitationem saltem sequuntur, dum obiecta, quæ cogitantibus nobis conuenientia videntur, prosequimur, aut non conuenientia fugimus. Spiritus enim in agnitione moti feriunt cor, ipsumq; excitant, ad amorem, iram, odium, misericordiam, inuidiam, lætitiā, tristiā, spem, metum. Qui motus cordis, vlrata appellatione adfectus dicuntur.

Valdè autem commodè ac significanter Galenus scribit, adfectus cordis *τοῦ λόγου καὶ συμμάχεα*. Cum enim hi motus moderati sunt, propriè cordis sunt *ἐνέργεια*. In ijs enim se habet cor actiuè, actiones ònes exacuens atq; extimulans, Vtq; nauis ventis destituta, difficulter ac tardè procedit, ita magna esset animorum nostrorum segnities, si nullis adfectibus excitarentur.

Cæterum cum omnium animalium appetitiones eò tendant, vt vel iucundo aliquò fruantur, vel iniucundum declinent, ad appetitiuam potentiam accedit tandem ea, quæ Locomotiuā seu progressiuā dicitur, à superioribus potentijs omnino distincta.

stinctæ, Illæ enim passionēs quædam sunt, hæc sub actionis genere continetur. Et quanquàm cognitio & appetitus, actionis ac progressiōis principia sint, potest tamen vtrumq; altero pereunte persistere.

Organa motiue potentiæ muscoli sunt, vt suprà monuimus in similaribus.

DE SOMNO ET *vigilia.*

CAPVT CXXVIII.

Somnus, & vigilia, ad sentientis quoq; Animæ partem pertinent. Cuicumque enim inest sensus, eidem etiam necessario inest somnus & vigilia.

Est autem vigilia nihil aliud, quàm sensuum incitatio & motio. Somnus contra eorundem cessatio. Estq; vigilia ceu actus quidam, Somnus verò eiusdem priuatio. Vnde apparet manifestè, contraria esse, & circa idem subiectum fieri.

Per vigilias, spiritus in sensoria immisus, valdè attenuatur ac dissipatur, atq; ita tandem agitationis vigor periret, nisi illum quies aliqua ac cessatio exciperet. Cùm igitur primum sentiendi organum, nempe

cerebrum, per vigilias defatigatur, impotensq; redditum est, cæteris sensorijs simul defessis, somnus obrepit. Estq; hæc veri & naturalis somni causa, qui ex copioso vapore, vel humore frigido, cerebrum occupante ac sensus irrigante, oritur. Qualis in remulentis ac lethargicis apparet, naturalis somni rationem non habet.

Insomniorum causa hæc est. Somno primum ac præcipuè adficitur sensus communis, ac simul cum eo sensus externi, phantastica facultate libera plerunq; manente. Hæc tum insomnia suscitatur: Earum etiam rerum, quas vigilantes vidimus, audiuius, cogitauimus, gessimus, seruata simulachra variè commiscet, & absurda plerunq; ex ijs fingit, quæ tamen quasi sic sensibus accepta sint, vera videntur, nimirum discernendi facultate sopita.

Cur autem alijs alia multumq; diuersa insomnia appareant, in causa est corporum & humorum varia dispositio, de quo vide lib. Hippocratis & Galeni de præsa-
gijs ex insomnijs.

Arctior ac profundior somnus, qualis pueris, ac plerisque à cibo potuque largiore accidere solet, cum non modo externos sensus, sed internas quoque facul-

B b

tates

tates consopiat, insomnijs locum non relinquit.

Qui ita leuiter dormiunt, vt gallorum cantus, & latratus canum, & alios strepitus exaudiant, hi nequaquam somniare iudicandi sunt, imo nec dormire, sed tantum imperfecto quodam somno uti.

DE MENTIS functionibus.

CAPVT CXXIX.

Mens, quæ hominis pars est propria ac præstantissima, qua alijs animantibus maximè antecellit, actiones habet præstantissimas. sed ad eas perficiendas, nullo vel interno, vel externo organo utitur.

Primæ eius actiones sunt notiones generales. Ex singularibus enim vniuersalia colligit, formas à materia separat, simplicia componit, atq; in ijs vetum à falso discernit. Ex propositionibus argumentatur, & ratiocinando longius progreditur. Ex probabilibus quidem opiniones format: Ex certis verò & firmis principijs, variam ac multiplicem scientiam colligit.

Quamdiu verò mens circa res vniuersales,

sales, necessarias ac immutabiles versatur, facultas eius **SAPIENTIA** dicitur, seu intelligentia contemplatiua. Cum autem ad ea se applicat, quæ mutabilia sunt, & aliter se habere possunt, intellectus practicus dicitur.

Huc pertinet illa facultas, quæ **PRUDENTIA** dicitur, quæ videlicet de rebus mutabilibus & opinione dubijs consilium captat ac deliberat, ac tandem optima quæque ad suam vel communem vtilitatem transfert.

Huic vicina est **ARS**, quæ non summum, sed certum aliquem finem in vita vtilem spectans, certa ratione & ordine omnia facit, quæ ad consequendum finem illum sunt accommodata.

Cum practica intelligentia officio suo functa est, certa quæque prudentia & arte inuenit, quid in quæque re agendum sit, tum tandem voluntatem vel appetitum mouet, quem supra Rationalem appellauimus. Hic enim solus rationi obsequens, animi bona constitatur, & animales appetitus, qui vel in corporis, vel fortunæ bona immodicè feruntur, regit & coercet. Cumque illi à sensibus incitentur, accedente cum Cordis tum Epatis irritamento, hic à mente, quid verum, quid

Bb 2

rectum,

rectum, honestum, vtile sit intelligente, sola mouetur. Intemperantiam omnem reprimat: Cauet saltem, ne recentes animi perturbationes diutius inhæreant, ac morbi fiant. Vt, ne vehementior vini appetitio in ebriositatem degeneret: Veneris desiderium, in perditam ac effrenam libidinem: Ira, in odium ac furorem: Diuitiarum appetitio, in auaritiam: Timor, in paurem atq; exanimationem: Dolor, in desperationem.

Memoria etiam in mente statuitur: Et si enim generum ac formarum nullæ sint species, quæ memoriæ excitent, sed nudæ tantum notiones: tamen cum illæ euenerunt, tunc rursus à singularibus ductæ species, atq; in cogitatiua animæ parte reſeruatae, mentem rursus incitant, vt similes rursus notiones indè eliciat, & intelligat prius se illa tenuisse.

De mente corpore soluta hæc est rectè Philosophantium sententia. Nullo eam ministerio sensuum indigere, vt indè suas notiones hauriat, sed id à simplici sua natura id obtinere, vt tum se, tum alia omnia intelligat, ac à seipsa intelligatur, nunquam defatigetur, tota æterna ac immortalis.

INTE-

INTERIORVM FACULTATUM EUM ESSE CONSENSUM,

ut superioribus læsis inferiores læ-
di necesse sit, at non
econtra.

CAPVT CXXX.

INteriores sensus principijs ac sedibus non distingui, & ubicunq; sensus communis consistit, ibidem quoq; phantasticam & memoratiuam animæ partem consistere, suprà ex Galeni sententia monuimus.

Porro ratiocinandi facultas à sensibus initium habet. Suntq; sensus in vniuerso cognoscendi ordine primi. Quo autem ordine in veram cognitionem, eodem etiam in errorem inducimur. Atq; hinc apparet, delirante ratiocinatione, interiores sensus quoq; delirare oportere: At sensibus delirantibus, integra sæpius est ratiocinatio. Id quod accidisse sibi Galenus testatur, Qui dum feбри ardenti laboraret, floccos ac festucas carperet, mente tamen adhuc constaret, agnouit ipse sensuum suorum delirium, ac amicos rogauit, vt mentis suæ rationem haberent. Sic dormientes, insomniorum nostrorum deliria vana esse

cognoscimus, nimirum rationis iudicio
constante.

Verum, ut delirante ratione, bene adhuc valeant sensus communis ac cogitatio, fieri non ita posse videtur. Ut enim rectum mentis iudicium, ita error à sensibus procedit, neq; labascere mens potest, nisi falsa quædam imaginum illusio prius eam obturbet. Phreneticus, qui vasa vitrea ex alto deturbabat, non constabat mente, sed eidem sensus quoq; corrupti erant: Cogitasse enim videtur, dura fuisse illa vasa, non eiusmodi ut frangi possent. Cum idem puerum de sublimi præcipitabat, non sola mente, sed cogitatione etiam delirasse videri potest.

Sæpissimè tamen accidit, ut cum delirio aliqua etiam recta cognitio coniuncta sit. Plerunq; enim delirantes res dubias, nec prius ita notas corruptè apprehendunt ac dijudicant, sed iidem nota ac familiaria probè agnoscunt. Sed nihilo minus constat adhuc illud: De quibuscunq; mens malè ratiocinatur, de iisdem interiores etiam sensus delirare.

DE

DE PARTIBVS, *quæ in Cranio continentur,*

*ac primum de crassa ac tenui mem-
brana cerebri.*

CAPVT CXXXI.

HActenus Animalis facultatis differen-
tias omnes enumerauimus : reliquum
nunc est, vt sensuum organa prius non ex-
plicata, & cerebrum ipsum, quod est omnis
facultatis animalis sedes & principium,
reliquasque partes, quæ Cranij cavitates
continentur, nunc exponamus, ad inter-
missum Anatomicum ordinem iterum re-
uersi.

Itaq; per mediam frontem ac tempo-
ra, ad posticam occipitis sedem, orbiculari
sectione ducta, capitisq; cute diuisa, cra-
nium eodem ductu tenui ferra diuiditur.
Adempto ita osse cum cute, carnosa mem-
brana ac Perieranio, in conspectum venie
Dura ac crassa membrana, sic dicta, quod
præ cæteris totius corporis membranis ad-
modum dura sit & crassa, vulgò duram
Matrem appellant.

Vsus eius est, vt cerebro aduersus Cra-
nij occursum sit propugnaculum.

Præte-

Bb 4

rcà, vi

reâ, vt omnes (duobus arteriarum ramis exceptis) Cranium ingredientes venas & arterias, cerebroque opportunam materiam deferentes, sinibus quibusdam excipiat, easq; in tenuem membranam, atq; ita deinceps in cerebrum deducat.

Vt autem peritonæum intestinis circumdatum, & membrana coltas succingens, ita hæc quoq; vnica & continua membrana est, sed pluribus foraminibus peruia. Septem enim cerebri nervis vtrinq; extra cranium egredientibus, & spinali medullæ viam præbet, ac simul ipsis singulis tunicam ex se producit. Ea parte, vbi processus mammillares, qui ad odoratus organa pertinent, conspiciuntur, multis etiam exiguis foraminibus est peruia, ad formâ ossis *ἡμισφαίου*. Vno prætereà satis manifesto foramine ad Infundibulum, vbi subiectam habet glandulam, cerebri pituitam excipientem, & ad huius foraminis latera, alijs duobus foraminibus patet, quibus duos maximos arteriarum ramos admittit.

Sinus, reliquas venas & arterias excipientes, in foraminum numero non habentur.

Externa crassæ membranæ superficies, propter vulnera capitis diligenter est consideran-

deranda. Attingit ea omni ex parte Cranium ossa, & ad ea sese accommodat, acutioribus eorum processibus ita adnascitur, quasi principium ex ipsis duceret. Sutura quoque adnascitur, at non ita valide. Per earum enim rimas tenues suas fibras ad capitis exteriora transmittit, quæ postea dilatatae ac commixtae membranam illam constituunt, quæ *μενιγγίον* dicta est, propterea quod cranium extrinsecus obducitur. Haec dura membrana suspensa manet, ne deorsum delabens cerebrum premat.

Vt verò commodius haec membrana suturis firmari posset, videtur natura illas tres capitis suturas ita digessisse, ut duae secundum transversum, una secundum longum duceretur. Difficulus autem in suturis membranae ab osse abscedunt. Quare in cauteriis admoventibus, & drepanismis, cauendae sunt suturae, ne una cum osse membranas pertundamus, non sine magno aegrorum periculo.

Eandem ob causam etiam observanda sunt huius membranae tubercula, quae circa verticem, ubi sagittalis sutura coronali coniungitur, frequenter conspiciuntur, & sinibus sibi in cranium propriè insculptis, validius adnascuntur.

Bb 5

Inter

Interior superficies crassæ membranæ levis, lubrica, ac fibrarum expers, & a quo quodam humore perfusa, interiori tenui membranæ non aliter annectitur, quàm vasorum ad ipsum peruenientium interuentu. Sic enim dilatatio cerebri non impeditur, & connexio satis est valida. Quatenus altius versus cerebri basim immergitur, cerebrum à cerebello, item dextram cerebri partem à sinistra dirimens, Galeno alijsque Anatomicis gemina seu duplicata videtur, Vesalius simplicem esse affirmat.

Tenuis membrana, quam piam matrem appellant, vnica etiam ac continua, proprium est cerebri ac cerebelli inuolucrum, substantiam ipsorum firmans ac continens. Præterea non aliter quàm in ventre Mesenterium, ac in vtero Chorion, vasa omnia, quæ ad cerebrum pertinent, suffulcit, Vnde nonnulli totam membranam *χώραν* appellauerunt.

Huius vsus gratia mollis etiam ac tenuis facta est, vt omnibus cerebri anfractibus commodius se insinuaret, & mediam naturam haberet, vt medium habet situm inter molle cerebrum & duram membranam.

DE

DE CEREBRO, ET *partibus eius.*

CAPVT CXXXII.

SVB dictis modò membranis continetur Scerebrum, in homine quidem longè maximum.

Substantiam habet peculiarem, qualis in nullo alio viscere reperitur, albam, mollem, venarum expertem. Nutritur autem ex vasis, quæ tenui membranæ suffulta ipsi applicantur. Ea etiam causa est, cur in tot plexus & sinus sit conuolutum, nimirum vt tenuis membrana intimis eius partibus facilius se insinuet, ac vniuersam ipsius substantiam nutriat.

Est autem cerebrum vnum continuum membrum: Verum vt manus in digitos, ita ipsum quoq; in plures diuersas partes est diuisum. Anterius quidem cerebrum secundum longitudinem in duas æquales partes est diuisum, quas separat crassæ membranæ processus, qui cum resectus est, falcis messoriae speciem refert. Posteriori sede adiungitur cerebellum, altero processu crassioris membranæ ab eo diremptum, & anteriori cerebro decuplo minus.

Cæte-

Cæterum cerebri separatio in elatiore tantum ipsius sede conspicitur : Circa basis medium continuum rursus cerebrum , nec vlla parte diuisum apparet.

Anterius cerebrum duas oblongas cauitatès habet , quas ventriculos nominamus. Hi in viuentibus ampliores sunt , quàm in mortuis apparent. Dilatantur enim à præsentì spiritu , qui in morientibus extinguitur. Ambo hi ventriculi ex posteriori cerebri regione in anteriorem feruntur , inferioribus lateribus iuncti , à superiori sede , tenui cerebri substantia , quam septum vocant , distincti. Nascitur autem septum superne ex ea cerebri substantia , quam propriè quod reliquis cerebri partibus durius existit , Callosum corpus nominant.

Cùm autem ventriculi ad mediam cerebri basim vsq; processerunt , ibi tunc in vnum communem sinum coeunt , multo quàm ipsi sunt minorem. Hunc tertium ventriculum appellant. Est autem nullo septo distinctus : Cumq; nulla succingente membrana , sed propria tantum firmitate ita consistat , vt in se non concidat , superiorem ipsius partem Fornicem appellarunt.

Ex tertio ventriculo duo deinceps
meatus

meatus producuntur, quorum vnus recta deorsum versus glandem porrigitur, quæ cerebri pituitam excipit, desinitq; in locum illum, quem peluim seu infusorium Anatomici nominant. Alter meatus posterior, & tertij ventriculi non minima pars, in posteriora procurrit, desinitq; in quartum ventriculum, qui cerebello, & spinalis medullæ initio communis est.

Partes cerebri, quæ huic meatui ad quartum ventriculum tendenti vtrinq; assistunt, quia instar Clunium nonnihil tument, atq; ita extant, vt se inuicem ferè contingant, γλῆνια, id est, nates appellarunt.

Sub initium huius meatus glandula quædam collocata est, alia ab ea, quæ pituitam excipit. Hæc vasis, quæ illac ductuntur, pro firmamento est, diciturq; Græcis κωνάριον, quod nucis pineæ similitudinem habeat.

Predictorum cerebri ventriculorum hic vsus est. In anteriores satis amplos crassa ac pituitosa excrementa confluunt, tenuioribus per futuras transpirantibus. In his autem ventriculis excrementa recepta, deinceps in infundibulum, atq; in subiectam ei glandulam deducuntur, vbi aliquandiu
dum

382 ANIMALIS SPIRITVS

dum hærent, tandem per manifesta foramina in palatum destillant, quanquam pars etiam aliqua per anteriora cerebri, & os cribriforme, naribus superpositum, expurgeretur.

Alius prætereâ vsus præstantior assignatur, quod spiritus in ventriculis magis magisque elaborantur, ac propriè animales fiant, quodque ex his tanquam ex communi quadam officina, in posteriores ventriculos, in omnia sensoria, & nervos omnes emanent.

Sunt qui credant, in duobus prioribus ventriculis eos propriè spiritus generari, qui sensuum sunt instrumenta: In medio verò eos, per quos ratiocinamur: In quarto eos, qui memoriæ authores sunt. Verum cum demonstratum sit, interiores facultates inter se connexas esse, ac propemodum à se inuicem dependere, eandemque partem, quæcunque ea sit, cogitare & meminisse, probanda est magis eorum sententia, qui interiores facultates sedibus in cerebro designatis non distinguunt.

In prioribus autem ventriculis spiritus potissimum generari, arguunt corpora in ipsis contenta. Ex arteria enim Carotide utrinque rami in ipsos deducuntur, tenui mem-

membrana suffulti, ijq; vt spiritus commodius elaboretur, varios ibi plexus efformant, quos à similitudine plexuum, qui in chorio habentur, *χωρονδεῖς* appellauerunt. Alterum prætereà plexum retiformem ab arterijs fieri, inter os basilare & duram cerebri membranam, Galenus asserit, Vesalius simpliciter negat.

Vt autem peculiaris cerebri substantia animalium spirituum effectrix, ex arterijs, & sursum inspirato aëre oblatam materiam facilius alteraret, atque in animalem spiritum commutaret, ventriculi & meatus cerebri nulla membrana suffulti sunt.

In quarto ventriculo nullus omninò similis plexus reperitur, sed meatui, qui inter corpora, Nates appellata, à tertio in quartum ventriculum deducitur, incumbit cerebelli processus quidam, quem Vermiformem appellant. Vermis enim modo crassari ac implicari putant, cum meatus spiritu ad cerebellum transmissio clauditur: Rursus verò gracilem fieri ac explicari, cum, vt spiritus ingrediatur, aperitur.

Supra quartum autem ventriculum, vena quædam satis ampla in dura cerebri membrana monstrari solet, quam Torcular ideo

384 ORGANVM ODORATIVS.

Iar ideo appellant, quod ex ea aliæ multæ minores venæ deducantur, ex quibus sanguis in vicinas partes dispensatur, tanquam ex torculari vinum.

DE ODORANDI organo.

CAPVT CXXXIII.

PRæter commemoratas modò partes, duo extant in anteriori cerebro tubercula, tenui membrana succincta, mammarum papillis similia, vnde etiam mammillares processus dicta sunt. Propendent autem nervosa quadam substantia in illos sinus, qui supra os Cribriforme in interno cranio conspiciuntur, medio septo diuisi.

Hos processus constat prima odorandi organa esse; possentq; in nervorum numero haberi, si extra cranium egrederentur. Præter ipsos autem ad commodam odorum perceptionem totus nasus factus est, & octauum capitis os naribus superpositum, ac multis foraminibus cribri instar pertusum.

Pituita in anteriori cerebro nimia abundans, plerunq; per dictos modo processus
in sub-

in subditas nares destillat, simulq; lentore suo meatus obstruens, odorandi sensum non mediocriter hebetat.

Quod autem ad Nasi compositionem attinet, ostendimus suprâ, superiorem narium partem, ex duobus oblongis quadratis ossiculis, & medio septo constare.

Extremum Nasi, quod maximè in facie prominet, quinque cartilaginibus est effectum: Duæ ex inferiori sede ossium nasi, inuicemq; coniunctæ, deorsum obliquè in anteriora feruntur, totamq; anteriorem nasi regionem, ab ossibus ipsis usq; ad apicem, constituunt.

Harum internæ regioni tertia cartilago adnascitur, quæ à narium septo antrorsum procedit, & quemadmodum septum eam partem, quæ suprâ palatum est, ita ipsa extremum nasi quod extat, in duas nares discriminat. Suntq; hæ tres commemoratæ cartilagines immobiles.

Reliquæ duæ orbiculares, utrinq; ampla narium foramina efformant. Quia vero inter respirandum introrsum extrorsumque, seu sursum & deorsum mouentur, Græcis *Μεμβράνα*, id est, alæ dictæ sunt.

Omnes hæ cartilagines molles sunt ac ligamentosæ, quare in morbo Gallico facile adficiuntur.

Cc

DE

DE AUDITVS

organo.

CAPVT CXXXIV.

Nervos, ossa, ac foramina, item meatus, Nauditus organum constituentia, supra explicuimus, vt tantum nunc considerata veniat cartilago auris. Ea nascitur ex circumferentia meatus auditorij, & cute connecta, & instar valli prominens, varieque conuoluta, corpus illud efformat, quod aurem seu auriculam propriè nominamus, Organum ad excipiendos continendosque sonos accommodatum.

Melius autem erat ex cartilagine ipsum quàm ex osse fieri, ne occurrentium corporum impetu facilè confringeretur.

Qua parte os temporis contingit, durior est cartilago, quò verò longius ab eo recedit, eò mollior efficitur.

Auris pinnula cum propendeat, neque erigi eam aut fulciri opus sit, nullam cartilaginis portionem admittit.

DE OCVLIS.

CAPVT CXXXV.

Gusta.

Constat organum linguam esse supra ostendimus, eiusque structuram tum persecuti sumus.

Tactui nullum proprium organum est dicatum, sed fusus is est per nervos in uniuersum corpus. Nullus enim in corpore nervus est, qui non aliquam facultatem suppeditet membris, discernendi tactiles qualitates. Quare ad perfectam organorum sensus, atq; adeo omnium humani corporis partium enumerationem vnum adhuc est, nimirum oculorum compositio.

Oculi, videndi organa, mirabilem compositionem obtinent.

Sphæricum eorum corpus ablatis musculis, quatuor constat tunicis, & tribus humoribus.

Præcipuâ eius pars visionis effectrix, est humor, quem à luciditate, quam cum Crystallo & glacie similem habet, Crystallinum seu glaciale appellauerunt. Hic ceu gemma quædam in centro oculi consistit, estq; præcipuâ visionis causa. Cum enim omnium colorum sit expers, à cuiusvis coloris specie facile alteratur. Exemptus ex oculo non diffluit, sed liquatæ ceræ modo rotundam formam seruat, corporibusq; impositus speculorum modo ea adauget.

Cc 2

In oculo

In oculo Sphæricam figuram possidet, non tamen exactam. Anteriori enim ac posteriori sede ad lentis similitudinem in planum nonnihil comprimitur, in medio verò latissimus existit; Vnde etiam lenticularis dictus est.

CrySTALLINI huius humoris nutriendi ac conseruandi causa; reliqui humores ac tunicae factae sunt.

Tota anterior ipsius sedes, tunica quadam exactè tenui ac pellucida, obducta est, cæparum tenuissimis tunicis persimili. Altera posterior ipsius pars; proximè ab eò humore comprehenditur; qui Vitreus dicitur.

Hic totam posteriorem oculi regionem vsq; ad CrySTALLINI medium occupat; estque CrySTALLINO tum copiosior tum mollior, consistentia liquato vitro, luciditate verò perspicuo ac refrigerato vitro similis.

Anteriorem oculi regionem implet tertius humor, quem aqueum vel Albugineum vocant. Est aquæ modo pellucidus, & suffusiones curantibus occurrit tenuis, nec nisi alieno termino continetur.

Continetur igitur CrySTALLINUS humor medius inter Albugineum & Vitreum. In ipsa autem circumferentia Albugineus & Vitreus

Vitreus media tunica separantur, ne inter se confundi & misceri possint. Producitur autem ea tunica ab vuea, & nigrorum ciliorum imaginem & similitudinem refert. Hæc de humoribus.

De Tunicis oculi.

Tunicæ sic se habent Nerus opticus tenui ac dura membrana contactus, cum ad posteriorem oculi sedem peruenit, in tunicam quandam dilatatur ac dissoluitur, quæ vniuerso vitreo humori vsq; ad oculi medium obducitur, à posteriori parte, non aliter ac in ouis pellicula albumi continet, si dimidiam oui partem spectemus. Hanc tunicam ideo Retiformem appellauerunt, quod minoris retis instar, quod vni baculo alligatur, tenuem mucronem & amplam basim obtineat, non quod retis modo implexa sit.

Altera tunica, quæ Retiformem proximè contingit, à tenui membrana oritur, atq; integri globi modo vniuersum oculum comprehendit, quanquàm exactè rotunda non est. Ad maiorem enim circulum, quem Iridem vocant, introrsum nonnihil comprimitur, ac planam superficiem pro conuexa suscipit. Vuea dicta est, à simili-

rudine folliculi vueæ, à quo cum pedunculus extractus est, manet foramen. Simile in hac tunica foramen est, quod pupillam vocant, quemadmodum supra totam tenuem cerebri membranam *χωροειδῆ* appellari diximus, quod plurimorum vasorum, quibus cerebrum nutritur, propagines recipiat. Ita hanc vueam tunicam, ab ea productam, nonnulli *χωροειδῆ*, seu secundinam appellauerunt, quòd vasa omnia à dura tunica, qua contegitur, excipiat, quæ nutrimentum oculo adferunt.

Pupillam, vueæ foramen, nonnulli minorem oculi circulum appellant, Maiorem autem circulum, eam vueæ partem, quæ orbiculatim pupillam ambit, & varijs coloribus tincta per corneam tunicam translucet. Quare eundem etiam Iridem appellauerunt, & oculos ipsos nigros, glaucos, cæruleos, pro colore, qui in Iride excellentior apparet.

Tertia tunica à dura cerebri membrana, vna cum tenui membrana, & neruo optico ad oculum deducta, producitur. Hæc omni ex parte toti oculo obnascitur, nusquā, vt vuea, vel compressa vel perforata. Annectitur autem vueæ vasorum interuentu, sed anteriori sede ad maioris circuli circum-

cum.

emferentiam, qua parte vuea introrfum compreffa, abfcedere ab ea incipit, valide ipfi adnafcitur. Quatenus verò tertia hæc tunica Iridi ac pupillæ oppofita eft, leuigati cornu modo eft pellucida. Corneam, *κεραπειδή* Anatomici nominant. Alijs locis, vbi pellucida non eft, neque apparens *εκαυροπικην* appellant.

Anterius autem oculi fpacium, quod inter Corneam & Vueam, item, inter Vueam & Cryftallinum humorem vacuum relinquitur, impletur humore Albugineo.

Quarta extremaq; tunica alba, à pericranio propagatur. Hæc præcedentis tunicæ anteriori parti tantum connafcitur, definitq; orbiculariter ad Iridem, vbi dicta modò tunica dura, cornea, ac pellucida fieri incipit. Vocatur Græcis *επιπεφυκώς*, id eft, adhærens feu adnata, vulgò coniunctiua, quod veluti ligamen quoddam oculum fua fede contineat, & cum vicinis partibus committat. Continua etiam eft cum ea membrana, quæ internam palpebrarum fuperficiem integit.

Tunica quæ in medio oculo repofita eft, & orbiculatim Cryftallino adnafcitur, vt ipfum fua fede contineat, & vitreum humorem ab albugineo feperet, ex proceffibus

sibus vuae tunicae producitur. Hanc nonnulli ἀραχνοειδῆ appellunt, quod cum araneorum telis similitudinem habeat. Solet etiam cum Cilijs comparari, quod in ea lineae quaedam ita sint dispositae, vt pili in extremis palpebris. Si quis hanc ab vuae separatam esse volet singularem, poterunt quinque in oculo numerari tunicae.

Tenuis illa, quae anteriori Crystallini parti obnascitur, in tunicarum numero haud habetur.

DE PALPEBRIS.

CAPVT CXXXVI.

Palpebrae oculorum tegumenta sunt. Componuntur autem ex cute, carnosa membrana, & pericranio.

Extremis ipsarum oris adnata est cartilago, quam Tarsum nominant. Qui ex ea nascuntur pili, Cilia nominantur.

Superior palpebra sola mobilis est. Vnus musculus eam sursum trahit, qui ex maiori oculi angulo enatus, atque in mediam palpebram, usque ad superciliorum sedem procurrens, cartilagini Tarso implantatur. Alter verò musculus ex inferiori palpebra ortus, & semicirculi modo in superiorem pro-

progressus palpebram, ac similiter Tarso infertus, eam deorsum trahit. Firmitas autem Tarfi facit, vt vna palpebræ parte tracta, altera sequatur. Ambo hi musculi lati sunt.

DE OCULORVM *musculis.*

CAPVT CXXXVII.

Septem sunt musculi oculum mouentes, qui omnes carnosus principijs, ex dura membrana neruum opticum tegente pronascuntur, Lata verò ac membranosa cauda, iuxta maiorem oculi circulum, in extimam oculi tunicam inferuntur. Dum omnes proprium situm seruant, Coni figuram seu Pyramidalem referunt, cuius mucro est ipsorum exortus, basis, eorundem insertio.

Duo, qui ad latera oculorum ducunt, rectum in lateribus situm habent.

Alij duo qui sursum ac deorsum oculum trahunt, similiter suprâ ac infrâ recto situ collocati sunt, & recta linea insertionem moliuntur.

Duo verò qui oculum circumducunt, prioribus quatuor exortu similes, sed minores,

nones, obliquo ductu, alter in superiorem, alter in humiliorem oculi sedem implantantur. Præterquam verò cuod oculum circumagant, etiam motū sursum ac deorsum iuuant. Perro dicti modò sex musculi multis fibris membranæ oculi orbitam succingenti connascuntur.

Septimus, carnosus & latus, sed reliquis breuior, totam posteriorem oculi sedē in orbem ambiens amplectitur. Tegit carne sua neruum opticum, fibris autem suis primorum quatuor muscutorum, quorum rectos motus esse diximus, iuuat & roborat.

QVIBVS NOTIS temperamentum cerebri sit explorandum.

CAPVT CXXXVIII.

Quomodo ex apta & inepta cranij magnitudine, de robusta vel imbecilli cerebri facultate, in quauis temperamenti specie iudicandum sit, suprà in ossium tractatione declarauimus. Nunc reliquas notas, quibus cerebri temperatura propriè inuestigatur, consideremus.

Sumuntur autem ex his quinque generibus.

Pri-

Primum, ab actionibus Animalibus.

Secundò, ab excrementis à capite manantibus.

Tertiò, à capillis.

Quartò, à vicinis capitis partibus.

Quintò, ab alteratione rerum extrinsecus aduenientium.

Ad animales actiones pertinent. Sensus, Motus, & Ingenium. Ad sensum referuntur somnus & vigilia. Ingenij partes sunt, Apprehensio, Iudicium & Memoria. Sed sensus & motus non solum cerebri, sed eorum quoq; organorum, quibus actiones suas obeunt, virtutem ac vitium ostendunt. Ingenij verò actiones, quæ & principes dicuntur, quod à solo principio profiscuntur, solius cerebri temperamentum indicant.

Excrementa, quæ ex cerebro per nares, palatum, aures, oculos, cranium rejiciuntur, signa sunt eius, quæ in cerebro perficitur naturalis concoctionis. Ex qua concoctione cognita, manifestum fit cerebri temperamentum.

De pilis, quomodo sint temperamenti notæ, in temperamentis & alibi satis dictum est, quæ huc accommodanda sunt.

Porrò, color, aliæq; manifestæ qualitates, quæ

tes, quæ in oculis & facie tota apparent, cū vicini cerebri temperamentum plerunque referant, & alias coniecturas non mediocriter confirmant, negligendæ non sunt.

Postremò, causæ externæ, vt aër, cibus, potus, & similia, quibus iuuari ac offendi videmus cerebrum, diligenter consideranda sunt. Generalis enim ac communis est regula. Omnem corporis partem à similibus suæ temperaturæ causis facilè offendi, iuuari autem modico contrariorum vsu. Exemplis hæc sunt illustriora.

Cum calidi sit, extenuare, spiritus mouere atq; excitare, concoctionemq; iuuare : Frigidi contra, oblatam substantiam increasare, spiritus sedare ac sopire, concoctioni incommodare : fit, vt quibus calida cerebri substantia est, ijs quoq; sit tenuior, spiritusq; mobiliore, & concoquendi vis potentior. Sequuntur porrò hæc, sensus ac motus, ingenijq; in discendo velocitas, cum opinionū mobilitate coniuncta. Quanquam non semper ex calore, & spirituum mobilitate, opinionum inconstantia nascitur, sed ex eo etiam sæpè, quod imperitia rerum, vel considerandi negligentia, quasuis opiniones facilè suscipimus, quas mox probabili magis oblata mutare cogimur.

Calidi

Calidi etiam cerebri, somni leues ac parum profundi. Calor enim spiritus excitat, & humidum, quo alioqui spiritus degrauantur ac vinciuntur, absumit. Excrementa pauca sunt. Calor enim probè coctionem perficiens, parum excrementi relinquit. Partes capitis, vt facies, calidior ac rubicundior est, venæ oculorum manifestiores. Postremò calidius cerebrū à calefaciente aëre, cibo, ac potu facile offenditur, ac rursus à mediocri frigidorū v̄su iuuatur.

Cum frigidi actiones calidis omninò sint contrariæ, facile ex ijs quæ modò diximus, frigidi cerebri notæ colligi possunt, Vt sensuum ac motuū, ingenijq; in discendo tarditas, opinionum stabilitas, somni longi ac profundi, excrementa cruda, facies pallida, obscuræ oculorum venæ. Huiusmodi autem sunt notæ, cum calidum aut frigidū temperamentū per se subsistit, siccitate aut humiditate mediocritatē seruantib.

At si calidum temperamentum etiam siccum fuerit, sensus erunt acriores & perspicaciores, quo videlicet spiritus puriores ac magis defecati in sensuum organa incurrunt: Morus quoq; perfectiores. Mouendi enim organa non solum spirituum puritate, sed ipsa etiam siccitate puriora fiunt.

Inge-

Ingenij vis maior in memorando quàm in discendo apparet. Siccior enim ac stabilior substantia, vt formas non ita facile suscipit, ita susceptas firmitus ac fidelius retinet.

Vigiliæ maiores hic sunt, quàm in vlllo alio temperamenti genere. Facultas enim à calore excitatur, & humore minimè degauatur. Excrementa capitis paucissima, aut nulla sunt. Excrementorum enim materia humor est, qui in calido & sicco temperamento paucissimus est. Partes capitis ac faciei siccae sunt ac graciles, & calorem referunt acrem ac iniucundum. Color enim in prima ætate rubicundus, procedente ætate nigrescit. Postremò, siccantia offendunt, humectantia iuuant.

Contrà verò si caliditati humiditas admixta fuerit, minor erit sensuum ac ingenij perspicacitas. Vt enim siccitas claros ac serenos, ita humiditas crassos ac fuliginosos spiritus efficit. Discendi autem hic maior quàm memorandi fidelitas, ac motuum omnium tarditas.

Vigilias, inquit Galenus, diu ferre non possunt. Dormientes plerumq; vnà vigiliant. Humor enim somnum conciliat. Calor contrà dum spiritus excitat, vigilias inducit. Somnia habent plena imaginationum, hoc est, pluribus, iisdemq; monstro-

sis ac distortis somnijs vexantur. Interni enim sensus facultas à calore excitatur, ab humore verò ita rursus obruitur, & caligine quadam adficitur, vt retentę species, non quemadmodum ab externis sensibus acceptę sunt, sed multum ab ijs variantes repręsententur. Excrementa quoq; copiosiora sunt sed mediocriter cocta. Humiditas enim copiosiore materiam suggerit, quàm vel à calore concoqui ac assimilari, vel discuti ac resolui queat. Partes capitis carnosę sunt, coloratę, ac blando quodam calore pręditę. Oculorum venę amplę. Calor enim crassa distendit, & humida ac mollis materia distentioni facilè cedit.

Promptissime autem calidum humidumq; temperamentum à similibus causis lædiur, & si modum paululum excesserit, fit morbosum. Austrinus cœli status huic temperamento perniciosus est, Aquilonaris salubris.

Huic oppositum est frigidum & siccum temperamentum, cuius notę sunt sensu ingenijsq; in iuuentute vigor & integritas, sed quę procedente ætate mox marcescunt. Qui enim tale temperamentum in toto corpore sortiti sunt, omnia senectutis incommoda citissimè sentiunt, &
vitam

vitam natura agunt brevissimam. Omnium enim minimè concoquunt; & pituitosi excrementi plurimum colligunt, quod cum in cerebro redundat, sensus hebetes ac obtusi sunt, motus invalidi ac tardi. Omnes denique capitis partes præproperam senectutem ostendunt. Cito canescunt ac caluescunt, cito decolorationem, maciem, ac rugas contrahunt. Somni non ita longi ac profundi, nisi magna excrementorum copia adsit. Oculorum venæ obscuræ sunt, admodumque exiguæ. A similibus externis causis, frigidis videlicet & siccis faciliè læduntur, atque in destillationes ac grauedines incidunt.

Frigidum vero ac humidum cerebri temperamentum arguunt sensus hebetes ac imbecilli, & si immodicè auctū fuerit, etiam depravati. Somnolentia maxima, excrementa plurima, grauedines ac destillationes frequētes, præsertim si repletio ac frigiditas externa accesserit.

Ex his compositis cerebri diserasijs benè consideratis, facile deprehendi possunt signa temperamenti sicci, item humidi simplicis; citra calidi ac frigidi excessum.

Oculi inter omnia sensoria, cerebro maximè sunt similes, eiusque naturam proximè imitantur. Quare præter venas, Galenus quoque motus eorum considerat, item manifestam frigiditatem, caliditatem, humiditatem, ac squa-
lorem, & à quibus causis promptius alterentur. Præterea magnitudinem ac colorem. Quæ omnia coniecturas de cerebri temperamento confirmant. Vide Galenum in

arte Medicinali.

F I N I S.



I N D E X

VOCVM ET RERVVM

PRÆCIPVARVM, IN HOC

libro Physiologico conten-

tarum.

A.

A bdominis muscoli. fac.	328
Actiones probæ. fac.	7
Actionum differentie & organa. fac.	8
Adipis temperamentum.	34. 55
Adipis collectio & usus.	100
Ær elementorum humidissimum.	21. 25. 26
Ær ignis ætheri sit alimentum.	27
Ær suscipit alterationes, varias induit qualita-	
tes.	27
Ær cur facile in ignem mutetur.	31
Ætatum in quibus nativum temperamentum mu-	
tatur, quinque species.	82
Ætatis vitiliginis species, cutem sædo colore infi-	
ciens.	215
Alterationem fieri per contactum.	19
Anatome.	8
Anima.	348
Animæ species & actio propria.	Ibidem
Animæ facultas sensitiva.	350
Appetitus hominis proprius.	366
Appetitus triplex.	Ibid.

B.

Aqua.

INDEX.

Aqua elementorum frigidissimum.	22
Aqua in generatione officium.	35
Ars.	571
Artis definitio.	5
Ars medica cur inventa.	2
Artium praecepta debere esse vera, <u>utilia</u> , & recte connexa.	Ibid.
Arteriarum usus & principium <u>114.</u> 115. Mo- tus. <u>116.</u> Distributio.	<u>344.</u>
Arteriae venosae ortus.	323
Asperae arteriae ortus. <u>323.</u> Substantia, tunica, & cur dicatur aspera.	333
Auditus organum.	<u>136</u>
Auditus objecta.	<u>356</u>
Auctio quid sit propria.	224
Auris cartilago unde nascatur.	386

B.

Bilis atrae triplex differentia.	210
Bilis vitellina.	209. 210
Bilis excrementiae utilitas.	<u>262</u>
Bilis naturalis, & quomodo <u>2</u> natura sua dege- neret.	<u>209</u>
Bilis in ventriculo unde generetur.	207
Bilem in ventriculo generatam esse praeter na- turam.	Ibid.

C.

Calcaneum ralo substerni.	188
Calcanei tendo fortissimus totius corporis.	Ibid.
Calca-	

INDEX.

Calcanei figura.	139
Caliditas humiditati non est contraria.	25
Caliditas aëris qualitas.	27
Calidum & frigidum variè dicitur.	49. 50
Calor natus.	85
Calvitij & canitie causa.	69
Caro propriè dicta.	87. 88. 101
Caro ex quibus constet, & unde generetur, & usq; usus.	101
Caro gingivarum & glandularum non propriè caro.	101
Carpi compositio.	168
Carpi ossium ordines.	169
Cartilagineum substantia & usus.	119
Cavitates corporis insigniores tres.	193
Causa alterantes quatenus sint temperamenti nota.	78. 79
Cerebrum mentis domicilium.	193
Cerebri membrana, earumq; usus.	375. 376
Cerebri substantia. 379. divisio. Ibid. ventriculi. 380. ventriculorum usus. 381. partes. 381	
Cerebri temperamentum, quibus notis sit explorandum. 395. 396. 397. 398. 399. 400.	
Cerebri pittura ubi colligatur.	139
Cerebelli processus vermisiformis dictus.	383
Chylus naturalis, & quomodo à natura sua degeneret.	207
Chylus quando in sanguinem mutetur.	197

INDEX.

Clavicula, 163. earumq; usus & substantia.	164
Composita omnia priora esse in resolutione.	9
Compositionis ratio in quibus consistat.	10
Compositarum partium sanitas.	10
Concoctio.	3
Concoctionum species.	196. 197. 198.
Ad conceptionem quæ concurrere debeant.	296
Constitutio artis medica per ἀνάλυσιν	7. 8. 9.
	10. 11. 12. 13. 14.
Contrariorum usus moderatus.	244
Concretionis sanguinis causa proxima.	204
Cor præcipuum vitalis facultatis instrumentum.	312
Cordis situs. 322. catio. 326. figura.	ibid.
Cordis duplex facultas. 325. fibræ.	326
Cordis cavitates, sinus, pulsus. 326. auriculæ.	328
Cordis capsula, ejus usus, figura, initium.	329
Cordis affectus.	367
Cordis temperamentum. 76. quomodo cognoscendum.	345
Corpora ex elementis constitui.	23. 24
Corpora aqua madefacta cur, humidiora appareant, quàm quæ in aere versantur.	26
Costæ osseæ vel cartilagineæ.	158
Costæ veræ & verborum.	159
Costarum quantitas non eadem.	159
Coxa partium nomina.	176
Coxa scapulis comparantur.	177
Coxa.	

I N D E X.

Coxarum usus & commoditates	Ibid.
Coxendicis sinus omnium maximus.	179
Cranij totius usus, figura & magnitudo.	125. 126
Cranij partes earumq; commissura.	127
Cranium cur potius sit compositum ex pluribus ossibus, quam ex uno continuo osse.	128. 129
Cranij foramina.	137. 138
Cubiti compositio.	166
Cutis temperamentum & substantia.	52. 95
Cutis color indicans temperamentum.	72
Cutis prima occurrit in opere Anatomico.	95
Cutis cur sensibilis facta sit.	Ibid.
Cutis raritatis duplex utilitas.	96
Cutis densa.	96. 97
Cutis omnium partium maxime imbecillis.	97

D.

Dentium usus & numerus.	145
Dentium commissura.	146
Dentes sentire.	117. 147
Diaphragma præcipuum respirationis organum.	317
Diaphragmatis usus, situs, forma.	317. nervi, & musculorum eius actio propria.
Digitorum numerus & usus.	171. 172
Digitorum figura.	173
Digitum cur inæquales.	172
Disponendorum præceptorum ratio.	6
Dura mater.	75
Dura matris usus, foramina.	376. superficies exterior. 377. interior.

I N D I E X. E.

Elementa.	5
Elementa debere esse corpora activis qualitatibus prædita.	20
Elementa esse omnium substantiarum extrema, & summè contraria.	47
Elementa partium similium oportere esse muta- bilis.	12
Elementa qualia sint, & quot.	18
Elementa quatuor.	16. 21. 22.
Elementorum præceptio ad quæ necessaria.	15
Elementorum mixtio.	28. 29. 30. 31.
Elementorum formæ an in mixtis maneant.	30.
Elementorum in generatione officium.	32. 33. 34. 35
Elementum quid sit.	23
Ex elementis omnia nasci.	23
Ex elementis corpora constitui.	24
De Elementis Epicuri sententia.	17
De Elemento uno Anaxogoræ opinio.	17
De Elementis disputatio cur instituta.	36
Elephantiasis.	216
Epatis temperamentum.	282. 283
Επιδέρμης seu cuticula.	95
Epigastrium.	231
Epigastrii compositio ejusq; usus.	Ibid.
Επιγλώττις.	336
Excrementa tria secundæ concoctionis.	197
Excrementa partium solidarum.	199
Excre-	

I N D E X.

<i>Excrementa specialia certarum partium.</i>	<i>ibid.</i>
<i>Excrementa naturalia.</i>	<i>205.</i>
<i>Excrementa non naturalia.</i>	<i>206</i>
<i>Excrementa in temperamentis esse. discernenda.</i>	<i>246</i>
<i>Excrementa duo à puro utiliq; succo in epatis sanguificatione redundantia,</i>	<i>260</i>
<i>Excrementorum quæ in epate generantur naturalia.</i>	<i>281</i>

F.

<i>Facultas alimentum attrahens.</i>	<i>219</i>
<i>Facultas alimentum distribuens.</i>	<i>218</i>
<i>Facultas alteratrix & retentrix.</i>	<i>220</i>
<i>Facultas auctrix & nutrix.</i>	<i>223. 226</i>
<i>Facultas expultrix.</i>	<i>219</i>
<i>Facultas generatrix. 225. vis ejus duplex.</i>	<i>226</i>
<i>Facultas nutritiva: suprema.</i>	<i>217</i>
<i>Facultatum nutritiuarum auxiliaria quatuor.</i>	<i>218</i>
<i>Facultatum nutritiuarum essentia.</i>	<i>221.</i>
<i>Fauces.</i>	<i>338</i>
<i>Femoris structura optima.</i>	<i>164.</i>
<i>Finis artis medicæ.</i>	<i>2.</i>
<i>Fibula, ejusq; figura, & processus.</i>	<i>187</i>
<i>Fœtus in utero auctio & nutritio.</i>	<i>226. 227</i>
<i>Fœtus formatio. 301. 302. motus. 303. situs. 304. quomodo per uteri os elabatur.</i>	<i>305.</i>
<i>Formæ salubrium temperamentorum.</i>	<i>13</i>
<i>Frigiditas aquæ propria.</i>	<i>25</i>

I N D E X.

G.

Gargarcon , eiusq; utilitas & substantia.	349
Genera organorum apparentium per se.	2
Generatio.	224
Generationis materia.	284
Generationis organa in genere.	ibid.
Generationis organa in mare.	285
Generationē fieri ex contrarijs & per contraria.	28
Glandulæ ad laryngis radicem sitæ.	338
Glandulæ sub aurium radicibus posita.	339
Glandulæ salivam suppeditantes.	238
Glandularum usus.	339
Gustus quid sit , 341. quomodo fiat , 358. ejus objecta. ibid. & instrumenta.	360

H.

Homo animal perfectissimum.	8
Humiditas cur superioribus qualitatibus annume- retur.	20
Humiditatem à caliditate non immutari.	25
Humidum substantificum.	85
Humidum alimentarium.	86
Humeri substantia.	164. 168.
Humor aqueus vel albugineus.	388
Humor Crystallinus siue glacialis,	387
Humores naturales.	201. 202. 203
Humorum naturalium generatio.	205
Humores non naturales.	207
Humores secundarij unde dicantur.	206
Humor	

I N D E X.

Humores secundarij probi vel vitiosi. 213

Humorum secundariorum non vitiatorum natura.

213. 214

Humor vitreus. 238

I.

Iecur. 157

Iecoris substantia propria ac prima sanguinis effectorix 257. *situs & forma.* 258

Iecur præcipuum organum nutritionis. 258

Iecur grandius in homine quam cæteris animalibus. *ibid.*

Iecoris tunica & nervi. 260

Ignis elementorum omnium calidissimum. 21. 25

Ignem absq; aëre non consistere. 22

Ignis propria qualitas, 25. 27

Ignis officium in generatione. 32. 33

Ignis secundæ qualitates, earumq; usus. 33. 34.

Impetigo similis vitiligini. 216

Imperfectè mixta quæ sint. 43

Inferiorum corporum elementa quatuor. 16

Insomnia. 369

Instrumentarias partes ex similaribus componi. 15

Intercostales musculi. 320

Internæ partium affectiones unde judicandæ. 3

Intestina gracilia & crassa. 241

Intestini coli situs. 252. *fibræ.* 253

Intestini ilei initium. 251

Intestinatorum tunica. 252. *nervi.* 253

D d s Intesti-

I N D E X.

Intestinorum officium & compositio.	248
Intestinum cæcum, κῶλον. 251.	rectum. 252
Intestinum duodenum, Græcis δωδεκάκτυλον	250.
Intestinum jejunum et εἰλεῖν.	ibid.
Inuolucra fœtum regentia.	250

K.

Καχεξία & καχεχυμία unde oriuntur.	215
	(216

L.

Lac in mammis unde generatur.	306
Lactis generandi instrumenta	307
Larynx.	334
Laryngis cartilagines & figura.	335.
Laryngis muscoli.	337
Leonis temperamentum.	49
Lepra similis ferè affectus cum scabie.	217
Lien.	263
Lienis actionum causa.	363
Lienis situs, forma, tunica.	264
Ligamentum.	109
Ligamentorum differentia.	110
Lingua loquelæ & gustatus organum.	341. 358
Lingua substantia, nerui, uenæ, arteriæ, tunica.	341
Lingua radix & basis. 342.	fibræ. 343
Lingua usus.	341
Lingula præcipuum organum à quo uocum ac tonorum varietas oritur.	336
Locomotoria potentia.	368

Main-

I N D E X.

M.

Mammæ lactis generandi instrumenta.	307
Mammarum venæ, venarumq; illarum origo seu radix triplex.	308
Mammarum substantia & situs.	309
Maxillæ superioris ossa. 141. foramina. 142. 143	
Inferioris os & partes.	144
Mediastinum ejusq; usus & origo.	332
Medicinam impellente necessitate esse inventam.	1
Medicum sua dogmata debere demonstrare 16. 17	
Medium per quod odores diffunduntur.	357
Melancholicus humor naturalis.	210
Membra principalia quatuor.	62
Membrorum nutritivorum usus.	195
Membrorum genitaliū temperamentum. 297. 298	
Membrana earumq; usus.	98
Membranarum variæ differentia.	98. 99
Membrana carnea, ejusq; usus.	99
Memoria.	364. 372
Mentis actiones	370
Mens soluta corpore.	372
Mesenterium ejusq; initium.	155
Mesenterij venæ unde oriuntur.	354
Metacarpium, ejusq; compositio ossa & muscoli. 170	
Methodus ἀναλυτικὴ, συνθετικὴ, & ὁριστικὴ in artibus.	6
Miscere quid propriè significet.	28. 29
Mixtionis natura.	29
	Mor-

INDEX

<i>Morbus</i>	12
<i>Morborum gradus.</i>	13
<i>Musculus.</i>	102
<i>Musculi motus duplex.</i>	103. 107
<i>Musculi compositio. 103. partes. 104. formæ.</i>	105
<i>unde denominentur.</i>	106
<i>Musculus brachium attollens.</i>	163
<i>Musculi ex superficiebus ossis Ilei producti.</i>	178
<i>Musculi thoracis.</i>	319
<i>Musculi intercostales, eorumq; usus.</i>	320
<i>Musculi abdominis.</i>	322
<i>Musculi laryngis.</i>	337
<i>Musculi linguæ motum gubernantes.</i>	342
<i>Musculi oculorum.</i>	393. 394

N.

<i>Narium cartilagine.</i>	385
<i>Nasæ compositio.</i>	ibid.
<i>Nasus cur factus sit.</i>	384
<i>Nervi substantiam & temperamentum suorum principiorum imitantur.</i>	113
<i>Nervi lumborum & ossis sacri.</i>	156
<i>Nervorum origo & substantia.</i>	210
<i>Nervorum usus & formæ.</i>	112. 113
<i>Nervorum paria triginta ex spina oriri.</i>	149
<i>Nervorum ex colli vertebra prodeuntium distributio.</i>	155
<i>Nervorum ex thoracis vertebra prodeuntium distributio.</i>	ibid.
<i>Ner-</i>	

I N D E X.

Nervus instrumentum tactus	359
Nutritio.	224
Nutritio quomodo cibo ac potu perficiatur.	125
Nutritionis organa, & quid in ijs spectandum.	228
219. eorumq; organorum differentia.	280
Nutritionis organum præcipuum jecur.	359
O.	
Obstetricum officia.	306
Oculi compositio.	387
Oculi tunicae.	389. 390. 391
Oculorum musculi.	393. 394
Odor.	357
Odoratus objecta. 357. organum.	384
Omentum.	234
Omenti principium, & utilitate.	235
Omenti situs.	236
Organa actionum. 8. judicandi.	2
Organorum apparentium per se genera.	2
Orificij ventriculi superioris nervi.	241
Orificia ventriculi eorumq; situs.	239
Orificia vasorum cordis.	326
Ossa auditus organum componentia.	136
Oss basilare, omnium cranij ossium crassissimum.	132
Ossium Бѣгналѣ commissurae.	127
Oss brachij ejusq; partes.	164
Oss хрхкуу.	154
Ossium commissurae, earumq; appellationes.	123. 124
Ossium commissura motum habentes & non.	124
Ossi.	

I N D E X.

Ossium cranij crassities & raritas.	129.	durities	
& mollities.		130.	131
Ossium cranij processus triplex.	133.	134	
Ossium differentiae quoad substantiam.		117	
Ossa digitorum.	173.	quid commune habeant cum	
reliquis ossibus quae articulantur.	173		
Ossium digitorum articulatio.		174.	
Oesophagus.		238	
Os femoris ejusq; articulatio.		182	
Ossis femoris partes, capita & sinus.		183	
Ossis Ilij cum sacro connexio.	177.	178	
Ossis pubis foramen.		181	
Ossis sacri connexio, processus, & superficies.	154		
Ossium partes, earumq; appellationes.		122	
Ossium sinus.		123	
Ossibus nullum esse sensum.		117	
Ossa internorum viscerum propugnaculum.		118	
Ossa pedis.		185	
Ossa temporalia omnium durissima.		132	
Ossa verticis omnium rarissima & mollissima.	130		
Os jugale vel parie.		133	
Os naviforme.		189	
Os odoratus organum componens.		135	
Os pectoris ejusq; usus.		160	
Os pubis ex coxarum extremis constitui.		120	
Os sacrum.	149.	154	
Os uideus, ejusq; figura & situs.		148	
		Pal-	

I N D E X.

P.

<i>Palpebra, earumq; substantia & cartilagine.</i>	392
<i>Papilla, earumq; substantia.</i>	307
<i>Papillas sensu esse præditas.</i>	ibid.
<i>Partes dissimilares & organicae.</i>	9
<i>Partes similes.</i>	ibid.
<i>Partes similes mutari.</i>	17
<i>Partium intetiorum natura qua ratione cognos-</i>	
<i>Partium similarium morbus.</i>	12 (atur. 3
<i>Partium similarium sanitas.</i>	11
<i>Partus.</i>	304. 305
<i>Patellæ ejusq; usus & substantia.</i>	185
<i>Pedum in quibus Metacarpio sit simile, in quibus</i>	
<i>dissimile.</i>	190
<i>Pedum digiti, manuum digitis similes.</i>	190
<i>Pericardium.</i>	329. 330
<i>Peritonæi substantia.</i>	232
<i>Peritonæi situs, connexus, figura, magnitudo, &</i>	
<i>utilitates.</i>	ibid.
<i>Perfectè mixta quæ sint.</i>	43
<i>Pia mater, ejusq; usus.</i>	378
<i>Pili capitis.</i>	69
<i>Pilorum differentiæ secundum ætates, sexus, regiones.</i>	68
<i>Pilorum generatio.</i>	64. 65
<i>Pilos non nasci ex cicatricibus.</i>	71
<i>Pilorum secundum colores differentiæ, earumq;</i>	
<i>causæ.</i>	67
<i>Pilorum temperamentum.</i>	54
	Pituit.

I N D E X

Pituita naturalis, & quomodo ea in sanguinem mutetur.	211
Pituitæ temperamentum.	53
Pituita vitrea & gypsea.	212
Pleura ejusq; usus & origo.	331
Pollicis situs & usus.	171
Pollicis articulatio.	175
Præceptorum quæ in arte medica traduntur finis.	
Præcepta artium principia. 5. 6	(2
Progressus in methodo Analytica..	6. 7
Prudentia.	371
Pulmo aëris promptuarium,	321
Pulmonem proprium motum non habere.	ibid.
Pulmonis substantia, situs, formæ, & tunicae.	322
Pulmonis vasa, vasorumq; initium.	323. & di-
ffusio.	324
Pulsus usus	314
Pupilla.	390
Q.	
Qualitates activæ. 20. primæ.	24. 25
Qualitates primæ cur non sint remissæ sed summæ	42
Qualitates primas esse tactiles.	52
Qualitates separatim extra corpora non subsistere.	(20
Qualitates summæ temperamentū producere. +7	
Qualitates tactiles quamam corporis parte sint ex- plorandæ.	52
	Radine

I N D E X.

R.

<i>Radius, ejusq; articulatio.</i>	167.	<i>& substantia.</i>	188
<i>Renes cur gemini facti sint.</i>			276
<i>Renum actio, situs substantia, tunica,</i>			276
<i>nerui, figura & venæ.</i>			277
<i>Respirationis causa efficiens & impellens.</i>			315
<i>Respirationi subservientia instrumenta.</i>			316

S.

<i>Sanguificationis, quæ sit in epate excrementa.</i>			260
<i>Sanguinis caliditas quomodo investigetur</i>			52
<i>Sanguinis degeneratio.</i>			208
<i>Sanguinis natura diversa.</i>			201
<i>Sanguinis naturalis & optimi notæ.</i>			200
<i>Sanguinis quæ in epate generatur natura.</i>			281
<i>Sanguinis simplex succus cur ex chylo generari non possit.</i>			201
<i>Sanguinis temperamentum.</i>			53
<i>Sanguis gignens colorem cutis.</i>			73
<i>Sanitas.</i>		7. 8.	91
<i>Sanitas compositarum partium.</i>			10
<i>Sanitas scopus in disputatione & actione medica.</i>			91
<i>Sanitas simplex morbo multiplici opponitur.</i>			7
<i>Sanitatis ac vitæ forma.</i>		37.	38
<i>Sanitatem aliam alia esse præstantiorem.</i>			12
<i>Sanitatis effectus sanitatem sequi.</i>			7
<i>Sanitatis latitudo.</i>		92.	93
<i>Sanitatis natura.</i>			91
<i>Sapientia.</i>			371

I N D E X.

Scabies similis affectus vitiligini.	216
Scapulae, earumq; figura.	161
Secundina.	293
Semen ultimi alimenti portio.	226
Semen quomodo ad generationem idoneum efficiat.	
Seminis temperamentum.	299 (tur ibid.
Sensus duplices.	350
Sensus communis.	362
Sensuum externorum discrimina.	352. 353
Sensuum externorum verum & incorruptum iudicium.	360. 361
Sensus interiores.	363. 364. 365
Sensus iudex rerum sensibilibus.	3
Sensuum actiones.	8
Sensuum interiorum consensus.	373. 374
Sensuum organa.	307
Siccitas cur superioribus qualitatibus annumere.	
Similaria non esse unius generis.	19 (tur. 20
Similares partes.	9
Similarium partium natura.	15. & usus. 94
Similarium partium sanitas.	11
Similarium partium triplex substantia.	87
Similari. quaedam regenerari, quaedam non regenerari.	88
Somnus ejusq; causa.	368. 369
Soni acuti cur magis audiantur quam graves.	357
Sonus unde oriatur.	356
Spina omnium ossium fundamentum.	141
Spina	

I N D E X.

<i>Spinae usus.</i>	149
<i>Spina ex quibus constet.</i>	148
<i>Spinarum articulatio.</i>	151
<i>Spiritus animales elaborari in ventriculis cerebri.</i>	
<i>Spiritus vitalis.</i>	312. 313. (382
<i>Sterilitatis causa quomodo cognoscatur.</i>	298
<i>Stirpes nutriri ex quatuor elementis.</i>	22
<i>Stomachus.</i>	237. 238
<i>Surditatis indicium.</i>	357

T.

<i>Tactus instrumentum, & quomodo fiat.</i>	359
<i>Tactus qualitates maximè corporeæ.</i>	19
<i>Tactus sensus maximè corporeus.</i>	ibid.
<i>Talus.</i>	188
<i>Tangendi facultatem à cerebro defluere.</i>	359
<i>Tarsus pedis, ossiumq; ejus articulatio.</i>	189
<i>Temperamentum quid sit.</i>	39. 40
<i>Temperamentum absolutè temperatum.</i>	43. 48
<i>Temperamentum æquale aut inæquale.</i>	62. ex
<i>colore cutis quomodo dignoscatur.</i>	72
<i>Temperamentum cur per singulas ætates mate-</i>	
<i>tur.</i>	42
<i>Temperamentum quatenus pars similis & in-</i>	
<i>strumentalis.</i>	37
<i>Temperamentum non esse quintam quandam</i>	
<i>qualitatem.</i>	ibid.
<i>Temperamentum leonis.</i>	49. hominis 56. 57
<i>Temperamentum universi corporis.</i>	56. 57

I N D E X

ab humoribus non esse æstimandum. 58. 59. cognosci ex signis seu ijs quæ temperamentum sequuntur.

[60

Temperamentum internarum partium ex proprijs functionibus judicandum. 75

Temperamentum cordis. 76

Temperamentum natiuum quomodo consuetudine seu victus ratione & ætate mutetur. 80. 81. 82

Temperamentum ratione victus acquisitum. 81

Temperamenta tactu discerni & diiudicari. 51

Temperamenti primum & præcipuum indicem esse cutem quæ est in interna manu. 52

Temperamenti in singulis partibus similaribus demonstratio. 53. 54. 55

Temperamenti æqualis signa. 62

Temperamenti notæ. 78. 79

Temperamentorum differentias exactè sciri non posse. 45

Temperamentorum differentie. 43

Temperamentorum dignoscendorum generalis ratio. 51. 52

Temperamentorum doctrina cur necessaria. 47

In temperamentorum essentia quid spectandum. 40

Temperamentorum excessum notantium varie significationes. 49

Temperamentorum utilitas. 89. 90

Temperamentorum simplicium & compositorum species. 44

Tempeo.

I N D E X.

Temperamentorum qualitates cur non considerande.	40
De temperamento judicandum esse ex conformatione partium.	76
De temperamento totius, non ex una aliqua particula, sed ex omnibus judicandum esse.	77
Temperamentum confici ex quatuor qualitatibus.	(44
Temperatum cum additione generis aut speciei quid sit. 48. simpliciter aut absolute.	ibid.
Temperati duplex significatio.	ibid.
Tendinum figura.	108
Tendines cur etiam dicantur chordæ.	ibid.
Terra elementorum siccissimum.	21. 25
Terræ in generatione officium.	35
Terre qualitates.	25. 27
Terre qualitates secundæ, æris & ignis qualitatibus contrariæ.	35
Testium substantia & forma.	285
Testium tunicæ.	287. 288
Thoracis composito & usus. 157. musculi.	319
Thorax cordis receptaculum.	323
Tibiæ compositio & comparatio cum ulna & brachio. 186. cum femore articulatio	ibid.
Tibiæ figura & processus.	187
Transmutationem fieri ex contrarijs & per contraria.	25

I N D E X.

V.

<i>Varij & vatij unde existant.</i>	185
<i>Vena αζυγοε.</i>	267
<i>Vena cava omnium venarum principium.</i>	265
<i>Vena cava ab epatis parte convexa explantatur</i>	(114
<i>Venæ jugularis exterior & interior.</i>	270. 271
<i>Vena humeraria.</i>	269
<i>Vena mediana.</i>	ibid.
<i>Vena portæ ejusq; processus.</i>	256
<i>Venæ arteriosæ ortus.</i>	323
<i>Venæ axillares & jugulares.</i>	268
<i>Venæ cavæ diductio.</i>	266. 267. 268
<i>Venæ cavæ series infra jecur.</i>	272. 273
<i>Venæ jecoris cur sint exiles.</i>	257
<i>Venarum usus, principium, vis & substantia.</i>	114.
	(115
<i>Venarum mesenterij initium.</i>	254
<i>à Ventre cur Anatome inchoari soleat.</i>	193
<i>Ventriculi temperamentum quomodo cognoscendum.</i>	242
<i>Ventriculus potissimū chylicationis organum.</i>	238
<i>Ventriculi situs, & figura.</i>	239. cavitas, tunica.
<i>240. venæ.</i>	241
<i>Ventris nomine quæ intelligantur.</i>	230
<i>Vera præcepta.</i>	2
<i>Vera præcepta debere etjam esse utilia.</i>	5
<i>Vertebrarum processus & foramina.</i>	149
	Verte-

I N D E X.

<i>Vertebrae colli.</i>	152.	<i>thoracis, lumborum.</i>	153
<i>Vertebrae duplices.</i>			150
<i>Vertebrae quomodo colligantur, earumq; commissurae.</i>			151
<i>Vesica urinaria, ejus situs, forma, tunica & cervix.</i>			279
<i>Vesiculae felleae substantia, forma, situs, & progressus.</i>			261
<i>Villi, eorumq; differentiae.</i>	221.	222	
<i>Vigilia.</i>			368
<i>Viscerum substantia πασιγγομα dicta.</i>			87
<i>Visus ejusq; objecta.</i>			354
<i>Vitalis facultas.</i>			311
<i>Vitiliginis species duae.</i>	215.	216	
<i>Vlva ejusq; substantia.</i>	167.	168	
<i>Vnguium natura usus & nutrimentum.</i>	175	176	
<i>Vnguium temperamentum.</i>			54
<i>Vreteres.</i>			278
<i>Vteri cervix vel collum.</i>			290
<i>Vteri situs & partes.</i>	288.	<i>fundus</i>	286. 0-
<i>rificium.</i>	290.	<i>vasa.</i>	291.
<i>temperamentum.</i>	297		

F I N I S.



Erra-




Errata Typographica.

Prior numerus faciem folij alter
lineam denorat.

Facie 8. linea 1. pro *constitutio*, lege *constitu-*
tio. Facie 11. lin. 3. & 4. pro *Cacalcem*, lege *ca-*
cem. fol. 18. lin. 5. *juvaretur*. f. 23. l. 8. Aliud a-
gumentum à natura corruptionis. f. 26. l. 20. &
21. *crassitiem* & *tenuitatem* ab ijs *ratione* &c. f.
43. l. 12. *certa*. f. 60. l. 26. *constantem*. f. 62.
1. *variant*. f. 62. l. 24. *humidiores*. f. 65. l. 23
pro *plexuosi*, *flexuosi*. f. 74. l. 20. & 21. *dispositio*
f. 103. l. 22. *continente*. f. 104. l. 23. *periculum*
f. 118. 23. *connexionum*. f. 129. l. 10. *distribui*
f. 151. l. 15. *appellari*. f. 160. l. 10. *costas*. f. 164.
l. 5. ἀκρωτιον. f. 187. l. 15. *fibulae* f. 222. l. 26
familiares. f. 255. l. 9. *nervi*. f. 268. l. 10. *cla-*
viculas. f. 270. l. 12. *axillaris*. f. 296. l. 11. *pro-*
movet. f. 314. in *titulo*. cap. 104. *emittantur*
hac verba. Et quæ instrumenta *respirationi* sub-
serviant. f. 332. l. 1. & 2. *quam intersepientem*
membranam. &c. f. 348. l. 25. *simplex ac pecula-*
ris anima, quæ in &c. f. 352. l. 4. & 5. in *spi-*
ritu, &c.

Reliqua æquus lector per se corriget.



11.
12.
13.
14.
15.
16.
17.
18.
19.
20.
21.
22.
23.
24.
25.
26.
27.
28.
29.
30.
31.
32.
33.
34.
35.
36.
37.
38.
39.
40.
41.
42.
43.
44.
45.
46.
47.
48.
49.
50.
51.
52.
53.
54.
55.
56.
57.
58.
59.
60.
61.
62.
63.
64.
65.
66.
67.
68.
69.
70.
71.
72.
73.
74.
75.
76.
77.
78.
79.
80.
81.
82.
83.
84.
85.
86.
87.
88.
89.
90.
91.
92.
93.
94.
95.
96.
97.
98.
99.
100.



